





Class PA6755

Book .A2

PRESENTED BY

1829a





Wiles I Donaldson

274  
3083

P. TERENTII AFRI  
C O M O E D I A E.

---

EDITIO STEREOTYPA.

Gift

H. L. Mencken.

JAN 18 1929

1 8 3 3 .

Neuestes Verzeichniß  
von Stereotypen - Ausgaben  
im Verlage  
von Karl Tauchnitz in Leipzig.

I. Griechische und lateinische Classiker.

- 1) Diese Classikerausgaben sind mit Sorgfalt gedruckt, durch Anwendung der Stereotypie sehr correct, und ungemein wohlfeil.
- 2) Vor jedem neuen Plattenabdrucke wird durch gelehrte Männer eine nochmalige Correctur besorgt, und die etwa noch aufgefundenen Fehler in den Platten sofort verbessert.
- 3) Nicht allein einzelne Buchstaben und Wörter, auch ganze Stellen können in den Platten geändert werden, so daß es möglich ist nöthigenfalls eine neue Recension irgend eines Autors in kurzer Zeit herzustellen.
- 4) Die Sammlung wird fortgesetzt, und soll die ganze alte classische Litteratur in sich vereinigen, auch späterhin mehrere classische Werke der Neuern aufnehmen.
- 5) Die bis jetzt erschienenen 185 Bände, die 74 vollständige Autoren enthalten, sind größtentheils nach den frühern Preisen um die Hälfte herabgesetzt.
- 6) Jeder Band der Sammlung wird auch einzeln verkauft.

Griechische Autoren.

*Aeschyli Tragoediae*, 6 gr.

*Anacreontis Carmina*, 3 gr.

*Anthologia Graeca*, III Voll.  
21 gr.

*Pollonii Rhodii Argonautica*, 4 gr.

*Cristophanis Comoediae*,  
III Voll. 18 gr.

*Euripidis Tragoediae*, IV Vol.  
18 gr.

*Hesiodi Carmina*, 2 gr.

*Homeri Ilias*, II Voll. 10 gr.

*Homeri Odyssea*, II Voll. 10 gr.

*Homeri Opera*, II Voll. 8vo  
(Preisausgabe.) 2 Thlr.

*Orphica, Procli, Musaei et  
Callimachi Carmina*, 5 gr.

*Pindari Carmina*, 6 gr.  
*Poetae Graeci Gnomici*, 4 gr.  
*Quinti Smyrnaei, Tryphiodori, Tzetzae et Coluthi Carmina de reb. Troianis*, 8 gr.  
*Sophoclis Tragoediae*, 10 gr.  
*Theocritus, Bion et Moschus*, 4 gr.

*Aeliani Varia Historia, Heraclides Ponticus et Nicol. Damascenus*, 6 gr.

*Aeschinis oratoris Opera*, 5 gr.

*Aesopicae Fabulae*, 4 gr.

*Antonini Commentarii*, 4 gr.

*Apollodori Atheniensis Bibliothecae libri III.* 6 gr.

*Appiani Romanae Historiae*, IV Voll. 1 Thlr.

1. *Aristotelis Physicae ascultationis libri VIII*, 6 gr.

2. *Arist. Metaphysica*, 9 gr.

3. *Arist. de Coelo libri IV, de Generationis et Corruptione libri II*, 5 gr.

4. *Arist. Meteorologica et de Mundo liber*, 5 gr.

5. *Arist. Historiae animalium libri X*, 9 gr.

6. *Arist. de animalium partibus, de anim. generatione, de anim. ingressu, de anim. motu, de spiritu*, 12 gr.

7. *Arist. de Anima, de Sensu et sensili, de Memoria, de Somno, de Somniis, de Lon-*

*gitudine et brevitate vitae, de Iuventute et senectute, de Vita et morte, de Respiratione*, 5 gr.

8. *Arist. Categoriae, de Interpretatione, Topica, Elenchi*, 9 gr.

(oder: *Organon P. I.*)

9. *Arist. Analytica priora et posteriora*, 7 gr.

(oder: *Organon P. II.*)

10. *Arist. Ethicorum Nicomacheorum libri X*, 6 gr.

11. *Arist. Politicorum libri VIII et Oeconomica*, 6 gr.

12. *Arist. Rhetoricae libri III*, 5 gr.

13. *Arist. de Poetica liber, et Rhetorica ad Alexandrum*, 4 gr.

14. *Arist. Problematu*, 9 gr.

15. *Arist. Magna Moralia, Ethica Eudemea, de virtutibus et vitiis*, 9 gr.

16. *Arist. Mechanica problemata, de lineis insecabilibus, de audibilibus, de coloribus, Physiognomica, ventorum situs, de plantis, de mirabilibus auditis, de Xenophane, Zenone et Gorgia, Fragmenta*, 10 gr.

*Arriani Expeditio Alex.* 7 gr.

*Dio Cassius*, IV Voll. 1 Thlr. 8 gr.

*Demosthenis Opera*, V Voll. 1 Thlr. 6 gr.



- Diodorus Siculus*, VI Voll. 2 Thlr.  
*Diogenis Laertii de vitis philosophorum libri X.* 18 gr.  
*Dionysius Halicarnassensis*, VI Voll. 1 Thlr. 18 gr.  
*Herodiani Hist. Rom.* 5 gr.  
*Herodotus*, III Voll. 18 gr.  
*Isaei Orationes*, 5 gr.  
*Isocratis Orationes et Epistolae*, II Voll. 14 gr.  
*Luciani Opera*, IV Voll. 1 Thlr. 8 gr.  
*Lysiae Orationes*, 6 gr.  
*Pausaniae Graeciae Descriptio*, III Voll. 21 gr.  
*Platonis Opera*, VIII Voll. 2 Thlr. 16 gr.  
*Plutarchi Vitae parallelae*, IX Voll. 2 Thlr. 6 gr.  
*Plutarchi Moralia*, VI Voll. 2 Thlr. 6 gr.  
*Polybii Historiae*, IV Voll. 3 Thlr.  
*Strabo*, III Voll. 1 Thlr. 3 gr.  
*Theophrasti Charact. Epicteti Manuale et Cebetis Tabula*, 2 gr.  
*Thucydides*, II Voll. 14 gr.  
*Xenophontis opera*, VI Voll. 1 Thlr.  
 Lateinische Autoren.  
*Catullus, Tibullus et Propertius*, 5 gr.  
*Horatius*, 5 gr.  
*Martialis*, 7 gr.  
*Ovidii Opera*, III Voll. 18 gr.  
*Palingenii Zodiacus vitae*, 12 gr.  
*Persius et Iuvenalis*, 3 gr.  
*Phaedrus cum Aviani et Faerni fabulis*, 3 gr.  
*Phaedri Fabulae*, 2 gr.  
*Plauti Comoediae*, II Voll. 18 gr.  
*Terentii Comoediae*, 6 gr.  
*Virgilius*, 8 gr.  


---

*Aurelius Victor*, 3 gr.  
*M. Tullii Ciceronis Opera omnia, uno volumine comprehensa*, 4to. 7 Thlr. 12 gr.  
*M. Tullii Ciceronis Opera*, X Voll. 6 Thlr. 16 gr.  
*M. Tullii Ciceronis Opera*, in 35 Abtheilungen in Sedez.  
*Cornelius Nepos*, 2 gr.  
*C. Cornelii Taciti Opera*, II Voll. 14 gr.  
*Curtius*, 8 gr.  
*Erasmi Colloquia*, II Voll. 14 gr.  
*Eutropius*, 2 gr.  
*Florus*, 2 gr.  
*Iulius Caesar*, 10 gr.  
*Iustinus*, 5 gr.  
*T. Livii Historiarum libri, uno volumine comprehensi*, 4to. 4 Thlr.  
*T. Livii Opera*, IV Voll. (in Octav.) 2 Thlr. 12 gr.

*T. Livii Opera*, VI Voll. (in Sedez.) 1 Thlr. 17 gr.

*C. Plinii Secundi Historiae Naturalis libri XXXVII*, V Voll. 2 Thlr. 22 gr.

*Plinii Epistolae*, 7 gr.

*Pomponii Melae de situ orbis*, 3 gr.

*Quintiliani Instit. oratoria*, II Voll. 12 gr.

*Sallustius*, 3 gr.

*L. Annaei Senecae Opera*, V Voll. 1 Thlr. 21 gr.

*Suetonius*, 6 gr.

*Valerius Maximus*, 10 gr.

*Velleius Paterculus*, 3 gr.


## II. Wohlfeile Wörterbücher.

Deutsch = griechisches Handwörterbuch, von M. A. A. E. Schmidt. 1 Thlr.

Griechisch = deutsches Handwörterbuch, von M. A. A. E. Schmidt. 1 Thlr.

*Lexicon Graeco-Latinum manuale, ex optimis libris concinnatum*. 1 Thlr. 8 gr.

*Lexicon Hebraicum et Chaldaicum in libros Veteris Testamenti, ordine etymologico compositum, in usum scholarum edidit M. E. F. Leopold*. 16 gr.

Neues vollst. Taschenwörterbuch der engl. u. deutschen Sprache, von F. A. Weber. Zweite verb. u. sehr vermehrte Ausgabe  mit Bezeichnung der Aussprache und Betonung nach Walker. 1 Thlr. 18 gr.

Neues vollständiges Taschenwörterbuch der französi-

schen u. deutschen Sprache, v. F. A. Weber. 1 Thlr. 12 gr.

Lateinisch = deutsches und deutsch-lateinisches Schulwörterbuch, bearbeitet nach den größern Werken von Forcellini, Scheller, Bauer und Kraft, mit einem Verzeichnisse neuer geographischer Namen. 1 Thlr. 12 gr.

Russisch = deutsches u. deutsch-russisches Wörterbuch, mit Zuziehung des russischen Wörterbuchs der Academie von Petersburg, ausgearbeitet von M. A. A. E. Schmidt. 2 Thlr. 8 gr.

Schul- und Reise = Taschenwörterbuch der englischen u. deutschen Sprache. 16 gr.

Schul- und Reise = Taschenwörterbuch der französ. u. deutschen Sprache. 16 gr.

Schul- und Reise = Taschenwörterbuch d. italienischen u. deutschen Sprache. 18 gr.

Ferner ist im Stereotypendruck erschienen:

תורה נביאים וכתובים. *Biblia Hebraica, secundum editiones Ios. Athiae, Ioan. Leusden, Ioan. Simonis aliorumque, inprimis Everardi van der Hooght, recensuit D. Aug. Hahn*. 3 Thl. 12 gr.

*Terentii Africani, Terentius*  
**P. TERENTII AFRI  
COMEDIAE**

EX

*M. Donaldson*

**RECENSIONE BENTLEII**

**ICTIBUS VERSUUM NOTATIS**

**DILIGENTISSIME EXPRESSAE.**

---

**NOVA**

**EDITIO STEREOTYPA.**

---

**LIPSIAE**

**SUMTIBUS ET TYPIS CAR. TAUCHNITII**

**1829.**

---

**Tabenpreis 6 Groschen.**



PA 6755

A2

1829a

1851.5.19.18  
1851.5.19.18

---

BENTLEII DE METRIS  
T E R E N T I A N I S

Σ X E Λ I A Σ M A.

---

Iambicus versus senorum pedum Latinis veteribus Senarius vocabatur, a Pedum et Ictuum numero. Horatius Art. Poet. 251.

*Syllaba longa brevi subiecta vocatur Iambus,  
Pes citus: unde etiam Trimetris accrescere iussit  
Nomen Iambeis, cum Senos redderet ictus  
Primus ad extremum similis sibi.*

Sex, inquit, habet ictus versus Senarius; et tamen Trimetrus sive Ternarius Graecis vocatur; quasi tres tantum Ictus redderet, ob pedis celeritatem, praesertim cum totus Iambis puris decurrit. Latini igitur per *μονοποδία*, singulos pedes, hos versus dividebant; Graeci per *διποδία*, seu geminatos. Inde qui Graecis est Tetrametrus, Varroni a pedum numero est Octonarius. Iuba rex apud Rufinum de Metris p. 2712. Quod autem binis pedibus, et non singulis, scandatur Iambicus; vetus institutum est. Et mox, Vnde apparet Heroicum singulis pedibus scandi etiam apud veteres solitum, Iambum autem binis. Marius Victorianus p. 2497. Per Monopodiam sola Dactylica scanduntur; per

*Dipodiam vero cetera.* Nescivit hic Bacchiacos et Cre-  
ticos, quos etiam Monopodia dimetitur. Diomedes p.  
503. *Feritur Senarius Iambicus combinatis pedibus ter.*  
Terentianus Maurus p. 2432.

*Iambus ipse sex enim locis manet,  
Et inde nomen inditum est Senario:  
Sed ter feritur, hanc Trimetrus dicitur;  
Scandendo binos quod pedes coniungimus.*

*Ictus, Percussio* dicitur; quia Tibicen, dum rythmum  
et tempus moderabatur, ter in Trimetro, quater in  
Tetrametro, solum pede feriebat: Ἄρσις autem sive  
*Elevatio* appellatur; quod in iisdem syllabis, quibus  
Tibicen pedem accommodabat, Actor vocem acuebat ac  
tollebat. In *Thesi* autem sunt ceterae syllabae, quae  
Ictu destitutae minus idcirco audiuntur. Hos ictus  
sive Ἄρσεις, magno discentium commodo, nos primi  
in hac Editione per Accentus acutos expressimus,  
tres in Trimetris, quattuor in Tetrametris:

*Poëta cum primum ánimum ad scribendum áppulit.*

*Id sibi negoti crédidit solúm dari.*

*Enimvéro, Dave, níl loci est segnítiae neque socór-  
diae.*

*Quantum întellexi módo senis senténtiam de núptiis.*

Etsi revera, quod Romani voluerunt, seni in quoque  
Trimetro sint Ictus: qui sic exprimi possint,

*Poëta cúm primum ánimum ad scribendum áppulit,*

*Id sibi negoti crédidit solúm dari.*

Verum quia in paribus locis, 2, 4, 6, minus plerumque  
elevantur et feriuntur, quam in imparibus, 1, 3, 5, id-  
circo eos more Graecorum hic placuit omittere. Ho-  
rum autem accentuum ductu (si vox in illis syllabis  
acuatur, et par temporis mensura, quae pedis Ditro-  
chaei vel Ἐπιτροχίου δευτέρου spatio semper finitur, in-  
ter singulos accentus servetur) versus universos eo-  
dem modo Lector efferet, quo olim ab Actore in Scaena

ad tibiam pronuntiabantur. Hoc quoque commodi in his Accentibus Lector inveniet; quod statim et ictu oculi Trochaicos ab Iambicis, qui in eadem scaena interdum locum habent, possit distinguere: si accentus scilicet in prima versus syllaba est, Trochaici sunt; sin minus, Iambici.

Omne versuum genus suam habet *Caesuram* sive *Incisionem*; qua verbum terminatur, et vox in decursu paulum interquiescit. Illa fere *Caesura* Romanis placuit; quae in priore tertii pedis syllaba fit: ut in *Heroico*:

*Arma virumque cano | Troiae qui primus ab oris  
Italiam fato | profugus Lavinaque venit  
Litora, multum ille et | terris iactatus et alto  
Vi superum, saevae | memorem Iunonis ob iram.*

Varro quidem apud Gellium XVIII, 15. scribit *obscasse se in versu Hexametro, quod omnimodo quintus semipes* (id est, prior pedis tertii syllaba) *verbum finiret*. Mirum, quod *Omnimodo* dixerit, cum Lucretius iam tum variaverit,

*Reddenda in-ratio | ne vocare, et semina rerum.*  
et Catullus,

*Omnia fanda nefan | da malo permissa furore.*  
Postea saepius Virgilius,

*Lyrnessi domus al | ta, solo Laurente sepulcrum.*  
Homerus autem olim saepissime,

*Ὀλλομένην ἢ μὴ | οἱ ἄχαιοὶς ἄλγε' ἔθηνεν.*

Non *Omnimodo* igitur dictum oportuit; sed *Plerumque*.

In *Sapphico* similiter Romani quinto fere semipede:

*Pindarum quisquis | studet aemulari,*

*Iule, ceratis | ope Daedalea*

*Nititur pennis | vitreo daturus*

*Nomina ponto.*

In *Alcaico*: *Doctrina sed vim | promovet insitam,  
Rectique cultus | pectora roborant.*

In Phalaecio: *Multis ille bonis | flebilis occidit:*  
*Nulli flebilior | quam tibi, Virgili.*

Sic et in Iambo Trimetro:

*Iam iam efficaci | do manus scientiae:*  
*Supplex et oro | regna per Proserpinae,*  
*Per et Dianae | non movenda numina,*  
*Per atque libros | carminum valentium*  
*Refixa caelo | devocare sidera.*

Hanc Caesurae sedem plerumque in Trimetris servant Poetae Comici; ut Noster;

*Ne cui sit vestrum | mirum, cur partés seni*  
*Poéta dederit | quae sunt adolescentium:*  
*Id primum dicam | deinde quod veni eloquar.*

et itidem Graeci:

*Οἱ γὰρ βλέποντες | τοῖς τυφλοῖς ἡγοῦμεθα,*  
*Οὐτός δ' ἀκολουθεῖ | κάμε προσβιάζεται.*

In Iambicis Trochaicisque Tetrametris Caesura plerumque fit post ditrochaicum secundum:

*Demissis humeris esse vincto | pectore ut gracilae*  
*sient.*  
*Video sentum squallidum aegrum | pannis annisque*  
*obsitum.*

Illud autem in primis notandum; cum Graeci Magistri per διποδίαν Trimetros Iambos scandere iuberent, semper eos intellexisse διποδίαν ἰαμβικήν; adeo ut sic divideretur ex eorum ratione versiculus:

*Ne cui sit ve | strum mirum, cur partés seni*  
*Poéta dede | rit quae sunt adolescentium:*  
*Id primum di | cam, deinde quod veni eloquar.*  
*Οἱ γὰρ βλέπον | τες τοῖς τυφλοῖς ἡγοῦμεθα,*  
*Οὐτός δ' ἀκολου | θεῖ κάμε προσβιάζεται.*

ubi vides primam Dipodiam in mediis verborum syllabis desinere, totamque Caesurae virtutem ac gratiam misere perire. Quare ego iam ab ipsa adolescentia in omnibus Iambicis praeter Tetrametrum catalecticum,



de quo postea dicam, aliam mihi scansionis rationem institui, per *διποδίαν* scilicet *τροχαϊκήν*, hoc modo,

*Po | éta dederit | quæ sunt adolescentium:*

primo semipede quasi subducto et absciso, versu autem in Dactylum vel Creticum exeunte. Siquidem ista *διποδία* ex Trochaëis duobus, vel uno et Spondeo sive Epitrito secundo constans, *Commodare*, *Commodavi*, et cum Caesurae indole convenit: et verum Iambei rythmum auribus insinuat; et Poetae, dum versus hos fabricatur, praecipue mentem occupat; et, quod maximum est, in omni fere Comico genere principatum obtinet; veramque causam, cur in una Comoedia tot versuum species adhibeantur, sola demonstrat.

Quintilianus Institut. Orat. X, 1. *In Comoedia maxime claudicamus, - licet Terentii scripta ad Scipionem Africanum referantur: quae tamen in hoc genere sunt elegantissima; et plus adhuc habitura gratiae, si intra versus Trimetros stetissent.* Mirificum sane magni Rhetoris iudicium! Optabat scilicet, ut Fabulae Terentianae, quae in primo cuiusque Actu et Scaena a Trimetris inchoantur, eodem metro ac ténore per omnes Actus Scaenasque decucurrissent. Crederes profecto hominem numquam Scaenam vidisse, numquam Comoedum partes suas agentem spectavisse. Quid voluit? quod nec Menander nec ullus Graecorum fecit, Terentius ut faceret? ut ira, metus, exultatio, dolor, gaudium; et quietae res et turbatae, eodem metro lente agerentur? ut Tibicen paribus tonis perpetuoque cantico spectantium aures vel delassaret vel offenderet? Tantum abest, ut eo pacto *plus gratiae habitura esset fabula*, ut quantumvis bene morata, quantumvis belle scripta, gratiam prorsus omnem perdidisset. Id primi Artis repertores pulchre videbant; delectabant ergo varietate ipsa, diversaque *ἡθῆ καὶ πάθῆ* diverso carmine repraesentabant. Ma-

rius Victorinus p. 2500; *Nam et Menander in Comœdiis frequenter a continuatis Iambicis versibus ad Trochaicos transit, et rursus ad Iambicos redit.* Non ita tamen agebant veteres, ut ab uno in aliud plane contrarium repente exilirent; ab Iambicis in Dactylicos; sed in propinquos Trochaicos, ipso transitu paene fallente. Quod ut clarius conspiciatur; omnem Terentianam copiam hic sistam, unoque et eodem pede Ditrochæo universam fere emetiar.

Illud tamen prius admonendum; ut a Trimetris suas Fabulas, rebus sedatioribus, nostrum inchoasse; ita semper Tetrametris finisse; quod fabulae Catastrophe, cum res turbulentæ paulatim et aegre consulescerent, hoc carminis genus postularet, magno spiritu effundendum. Præ omnibus tamen, Trochaici pleni firmum Actoris latus requirebant; qui numquam scilicet nisi in maximo affectuum tumore veniunt; effe-  
rendi, non ut quidam autumant, *tarde lenteque*, sed  
*Clamore summo, cum labore maximo.*

Vnde factum, ut cum alias in *διποδία* Spondei vel Anapaesti placuerint; in his Trochaici vel Dactyli studio quaerantur,

*Crédo equidem illum iam ádfuturum, ut illam a me  
eripiát; sine veniát:*

*A'tqui si illam digito attigerit, óculi illi illico  
éffodientur.*

qui versus, nisi toto pulmone exhausto, pronuntiari apte non possunt: in Trimetris vero clamosa hæc *πάθη* inarescerent prorsus et obmutescerent.

Ditrochæis igitur sic constituitur Iambus Trime-  
trus:

*Id | síbi negoti | crédidit so | lúm dari.*

*Vi | cómmodavi | cómmodavi | cómmoda.*

Iambicus Tetrametrus plenus:

*Dum | témpus ad eam | rém tulit sivi | ánimum ut  
exple | rét suum.*

*Vi cōmmodavi | cōmmodavi | cōmmodavi | cōmmoda,*  
Trochaicus Tetrametrus plenus sive ἀκατάληκτος,  
*A' deon' hominem esse | invenustum aut | infelicem |*  
*quēquam ut ego sum.*

*Cōmmodavi | cōmmodavi | cōmmodavi | cōmmodavi.*  
Trochaicus Tetrametrus syllabā deficiens, sive καταληκτικός,

*Quōt modis con | tēptus spretus? | facta, trans-*  
*acta | omnia hem.*

*Cōmmodavi | cōmmodavi | cōmmodavi | cōmmoda.*  
Pentametrus καταληκτικός; qui semel iterumve adnibetur,

*Sānus es? Domum | ire pergam: ibi | plūrimum est.*  
*Reo | cēnus hominem. | Sta ilico.*

*Cōmmodavi | cōmmodavi | cōmmodavi | cōmmodavi |*  
*cōmmoda.*

in his omnibus commodius est, meo iudicio, διποδία τροχαϊκήν Caesurae accommodatam et congruam, quam λαμβικήν ab ea deerrantem, in metiendo versu adsciscere.

Superest tamen unus Iambici generis, Tetrametrus καταληκτικός; in quo διποδία veterum Magistrorum λαμβική sine controversia tenenda est; ob ipsam, a qua in aliis discedit, Caesurae concinnitatem:

*Nam si remit | tent quippiam | Philúmenam | dolóres*  
*Ανδρές φιλοι | και δήμοται | και τού πονειν | εράσται.*  
*Δημόσθενης | Δημόσθενους | Παιάνιευς | εγρούψε.*

*Vi cōmmoda | vi, cōmmoda | vi, cōmmoda | vi, cōmmo.*

Sed et in his διποδία τροχαϊκήν tempus quidem et spatium exacte servat, in Incisionibus tamen peccat. Ceterum utram velit rationem Lector sequatur: Accentus in huius Editionis Textu ambabus aequè conveniunt: at in nupera quadam, universi huius generis, quorum ingens copia est, versus prava Caesurae distinctione iugulantur;

*Concurrunt laeti mi obviam cup | pediarii omnes,  
Cetarii, lanii, coqui, far | tores, piscatores,*

Cum sic Caesura ponenda esset,

*Concurrunt laeti mi obviam | cuppediarii omnes,  
Cetarii, lanii, coqui, | fartores, piscatores.*

Illud quoque in hoc genere observandum, pedem illum ante Caesuram *Mi obviam* et *I coqui* semper, ut hic, Creticum vel ei ἰσόζῳνον media brevi esse oportere: nullum hic apud Nostrum Licentiae locum esse; non magis quam in fine Senarii. Haec versuam horum indoles et sola gratia est: quam in hac Editione incolumem habent; in prioribus vero ante nos innumeris mendis strangulatam et sepultam.

Porro, super hos Iambicos Trochaicosque, etiam Creticis, Bacchiacis, Choriambicisque versibus, sed semel tantum singulis, utitur Terentius; eisque in Monodia duntaxat, numquam in Diverbio: hi, ringente licet invidia, nobis se apud nostrum debent.

Creticus: *Tánta ve | córdia in | náta cuiquam | út  
siet.*

Bacchiacus: *Cástitas | cástitas | cástitas | cástitas.  
Adhúc Ar | chylis quae ad | solént quae-  
que | opórtet.*

Choriambicus: *Honéstas | honéstas | honéstas | honéstas |  
O'bstipuit | péctore con | sistere nil |  
cónsili quit.*

*Cóntremui | cóntremui | cóntremui |  
cóntremisco.*

Hi tamen, more Graeco, novissimum sibi versum alterius generis adsumunt, ut pro Rythmi ratione cum strepitu ac canore finiantur.

De *Clausulis* sic Varro apud Rufinum p. 2707. *Clausulas primum appellatas dicunt, quod clauderent sententiam: ut apud Accium;*

An haec iam obliti sunt Phryges?

Nonnumquam ab his initium fit; ut apud Caecilium,

Di boni, quid hoc?

*apud Terentium,* Discrucior animi.

Huic ultimae adde aliam ex Nostro:

*Occidi.*

Ceterum de *Clausulis* hoc uno verbo dixisse sufficiat. *Si ab eis initium fit*; liberae sunt et nullius metri legibus adstrictae: *Si sententiam claudunt*, a praecedentibus legem accipiunt. Scilicet post Iambicos Tetrametros, vel Trochaicos Catalecticos, ab Iambo incipiunt; ut illa Accii,

*An haec iam obliti sunt Phryges?*

et illae Nostri,

*Praescisse me ante? nonne prius communicatum oportuit?*

*Miseram me, quod verbum audio?*

*Munus nostrum ornato verbis, quod poteris; et istum aemulum*

*Quod poteris ab ea pellito.*

Ita semper in ceteris: et ratio est, quod *διποδία τροχαϊκή* quasi uno versu continuetur,

*Communicatum oportuit: miseram me quod verbum audio?*

Vnde in Trochaico pleno, quo *διποδία* consummata est, a Trochaeo incipit.

*Pròin tu sollicitudinem istam falsam, quae te excruciat, mittas.*

*Quicum loquitur filius?*

*Et illud rus nulla alia causa tam male odi, nisi quia prope est:*

*Quòd si abesset longius,*

Hanc sibi legem fixerunt, sancientibus aure ac rythmo, primi artis inventores: sed in hac tamen ante nos Editiones peccant. Illud porro notandum; in Tetrametris solis apud Nostrum, numquam in Trimetris, Clausulis locum esse. Neque id omittendum, has et reliquas omnes apud Nostrum Clausulas in Cretico terminari,

*Audio, Pellito, Filius, Longius; una tantum excepta, Hec. V, 1, quae in Spondeum exit.*

*Aut né quid faciam plús, quod post me mínus fecisse sátius sit.*

*Adgrédíar. Bacchis, sálve.*

Id tamen iudicio, non casu, a Poëta factum: quippe post hanc solam ex omnibus Clausulam a Tetrametris plenis in Catalecticos Scaena transit, qui Spondeo finiuntur;

*Salvé, Lache. Edepol crédo te non nil mirari, Bácschis.*

De Licentia veterum Romanorum, Tragicorum Comicorumque, paulo inclementius loquitur Horatius, Arte Poet. 255. Iambicus, inquit, versus,

*Tardior ut paulo graviorque veniret ad aures,  
Spondeos stabiles in iura paterna recepit  
Commodus et patiens; non ut de sede secunda  
Cederet aut quarta socialiter. hic et in Acci  
Nobilibus trimetris apparet rarus et Enni.*

*In scaenam missus cum magno pondere versus  
Aut operae celeris nimium curaque carentis,  
Aut ignoratae premit artis crimine turpi.  
Non quivis videt inmodulata poemata iudex:  
Et data Romanis venia est indigna poetis.*

*Idcircone vager, scribamque licenter? ut omnes  
Visuros peccata putem mea, tutus et intra  
Spem veniae cautus? vitavi denique culpam,  
Non laudem merui. vos exemplaria Graeca  
Nocturna versate manú, versate diurna.*

*At vestri proavi Plautinos et numeros et  
Laudavere sales: nimium patienter utrumque,  
Ne dicam stulte mirati; si modo ego et vos  
Scimus inurbanum lepido seponere dicto,  
Legitimumque sonum digitis callemus et aure.*

Candide magis de iis iudicat, venustissimus in tenui materia scriptor, Terentianus Maurus, p. 2433.

*Culpatur autem versus in Tragoediis,  
 Et rarus intrat ex Iambis omnibus:  
 Vt ille contra, qui secundo et talibus  
 Spondeon aut quem comparem receperit.  
 Sed qui pedestres fabulas Socco premunt,  
 Vt quae loquuntur sumpta de vita putes,  
 Vitiant Iambon tractibus Spondaicis,  
 Et in secundo et ceteris aequae locis:  
 Fidemque fictis dum procurant fabulis,  
 In metra peccant, arte, non inscitia:  
 Ne sint sonora verba consuetudinis,  
 Paulumque rursus a solutis differant.  
 Magis illa Nostri: nam fere Graecis tenax  
 Cura est Iambi, vel Novellis comicis,  
 Vel qui Vetusta praecluent comoedia.*

Ceterum quod in utrisque vituperat Flaccus, et in Comicis excusat Maurus, hoc est: Quod in sedibus paribus, secunda et quarta (nempe uterque per dipodiam Iambicam dimetitur: in ratione nostra erunt prima et tertia, pedes scilicet ditrochaeorum priores) non volubiles pedes Iambum aut Tribrachyn, ex rythmi lege ac Graecorum exemplo; sed tardos Spondeos sive alios eis *ισοζώνους* intulerint. Totum hoc, uno exemplo, et sensu et memoria facile tenebis. Graeci ad hanc formam in Iambicis;

*Vi cōmmodavi | cōmmodavi, cōmmoda.*

Latini ad istam, non semper, sed quotiescumque vellent;

*Vi cōmmendavi | cōmmendavi | cōmmoda.*

Vides menda spondeum bis positum pro Iambo *moda*: postremam sedem violare numquam sunt ausi. Idem et in Trochaicis obtinet.

Graeci: *Commodavi | commodavi | commodavi | commoda.*

Latini: *Commendavi | commendavi | commendavi | commoda.*

In his pedibus, excepto ultimo, pro brevibus longae syllabae adsumuntur; quod tamen, opinor, celeri pronuntiatione iuvabat et occultabat Actor, ne ipse a Tibicine rythmum Graecum servante discreparet.

Quod ad Crimen autem hoc attinet; Tragicis quidem veteribus minor est excusatio, cur non ad artis regulas versus suos exegerint; cum toto stilo et colore a communi sermone discreti, nova verba ac sesquipedalia pro lubitu sinxerint. Fugiebant scilicet limae laborem; certi se in re ante inexperta et apud aures tum indoctas veniam impetraturos. Melius vero ac mitius de Comicis est sentiendum. Profecto Terentius noster, si quisquam alius, in artis leges arte peccavit; studio, non ignorantia; necessitate vel saltem commo-ditate inductus; et quaecumque illud delicti est, magnis virtutibus redempturus. Sermo enim ea de causa propius apud Nostrum ad consuetudinem accedit, quam apud Menandrum: oratio apud unum de medio sumpta deque vita honestiorum civium; versus minime cavi sed verbis sensibusque spissi: apud alterum, dum metro servire coactus est, stilus paulo elatior, et sententiae dilutiores. Adde huc, consonantes in Lingua Latina pro vocalium numero frequentiores esse, quam in Attica: adde omnia apud Latinos vocabula, monosyllabis duntaxat exceptis, esse Barytona; de qua re mox plura dicam; et facile pronunties, minoris esse operae atque artis, ad Menandri normam Graece scribere, quam Latine ad Terentii.

Enimvero par et aequum est, ut eandem veniam veteribus Latinis demus, quam hodiernis qui Anglice scribunt poëtis concedimus: quorum nemo est, cui non indulgemus, ut syllabis interdum longis contra indolem rythmi loco brevium utatur. Nam ut Latini omnia metrorum genera de Graecis acceperunt; ita Nostrates sua de Latinis. Quo magis est dolendum atque indignandum, iam a literis renatis pueros inge-



nuos ad Dactylica, quod genus patria lingua non recipit, ediscenda, ferula scuticaque cogi: Terentiana vero metra, quae domi tamen et in triviis inscientes ipsi cantitant, Magistrorum culpa penitus ignorare. Trochaicus Tetrametrus Catalecticus, ut Terentio, ita Nostratibus frequentissimus est:

*E' go ille agrestis, | saevus, tristis, | parcus, truculen |  
tus, tenax.*

*Háppy is the | COUNTRY life blest | with content good |  
heált an' ease.*

Qui Trochaicus, unius syllabae accessione, fiet Iambicus Tetrametrus plenus.

*Thrice háppy is | the COUNTRY life | blest with con-  
tent | good heáth an' ease.*

Quin et Iambicus ille *καταληκτικός*, Terentio multum et merito amatus, apud Nostros quoque in magna gratia est;

*Nam sí remit | tent quíppiam | Philúmenam | do-  
lóres.*

*He's décently | run through the lungs, | and there's  
an end | o' Búlly.*

Neque vero Bacchiacus Terentii Nostris intactus est:

*Adhuc Ar | chylis quae ad | solént quaeque | opórtet.  
All ióy to | great Caésar | long life, love | and pleá-  
sure.*

Creticum eius quoque lingua nostra facillime admittit;

*Tánta ve | córdia in | náta cui | quam út siet.*

*O' the sweet | COUNTRY life | blést with health | peáce  
an' ease.*

Denique et illud metrum, quod in Epicis et Heroicis iam diu apud Nostrates regnum obtinet, ab Iambico Veterum Senario profluxit; necessitate linguae nostrae, quae tota monosyllabis scatens caesuram Senarii raro admittit, Quinariarius factus:

*Though déep yet clear | ; though géntle, yet not  
dúll.*

Huic in fine sextum Iambum appone; et extemplo habebis Senarium Terentianum:

*Though deep, yet clear though | gentle, yet not dully slow.*

Rursus, si ab hoc Euripidis Senario, qui primus omnium in Oresta [imo in *Hecuba*] venit;

*Ηχώ νεκρῶν κευθμόνα και σκοτού πύλας,*

pedem novissimum auferas; Quinarium iam habebis, perfectissimum hodierni nostri Epici exemplar:

*Ηχώ νεκρῶν | κευθμόνα και σκοτού.*

*Though deep, yet clear; | though gentle, yet not dull.*

In Anglico tamen hoc notes velim, tres syllabas positione longas loco brevium poni. Eas tu postea, et quam *Denhamo* veniam concedis, Terentio neges.

*Perfectissimum* autem *exemplar* ideo appello; ut Poëtis nostratibus, ingenii sane venaëque felicibus, sed eruditionis interdum modicis, quid hodierni Epici, quo numeris omnibus absolutus fiat, rythmus geniusque sibi poscat, obiter ostendam: in versibus nempe singulis tres syllabas breves. Hoc sane confitendum est; Avorum tempore, scabros asperosque versus, magno longarum pondere onustos, plerumque exiisse: hodiernos autem poëtas longe eos teretiores tornationesque dare; sed Aure fortassis magistra, non Arte, quae tamen Ars principio iudicibus Auribus dedebatur. Habent itaque, quod in longo sane opere frustra expectandum, in Epigrammate vel Elegiola facile obtinendum, versus Epici *exemplar*; quo et numerus Brevium et sedes ostenduntur. Quamquam in nostris est et Varietati locus, ut in his:

*Though deep, yet clear; though gentle, yet not dull;  
Strong without rage, without overflowing full.*

Ictus in hoc posteriore, qui in secunda syllaba fieri solet, in prima fit; et venuste quidem; modo raro fiat, ac Brevis sequatur. Et nescio equidem, an in Terentio quoque, cum Trimetrum aliquoties inchoet ab *Hicine*,

*Hocine, Sicine, Libéra*, non in primam retrahendus sit accentus *Libéra* etc. etiam in Iambico; ob τὸ ἰσόχρονον scilicet et ἰσόῤῥυθμον; cum Rythmus, Hephæstione teste, sit Metro potentior. Tale illud Pláuti Rudent. II, 6, 29.

*Piscibus in alto credo praebeant pabulum.*

ubi *Piscibus* libentius efferrem, quam *Piscibus*.

Sed ut redeam, unde digressus sum. Vt a Graecis Comiciis desciverunt Latini pro brevibus syllabis tardas infulciendo: ita vitio prorsus contrario peccarunt, corripiendo scilicet eiusmodi syllabas, quae in Latino sermone erant longae. Huius autem Licentiae modum ac fines non cuiusvis est reperisse, cum ex interpretibus, hi qui laxissime et ultra terminos Licentiam hanc expandunt, monstra nonnumquam et portenta pro veris Lectionibus tuentur; alii contra qui nimis arctis eam finibus claudunt, syllabasque omnes ad Epicorum poëtarum normam exigunt, singulos fere versus miseris modis, addendo, mutilando, invertendo, contra Codicum fidem; iugulant et trucidant. Illud in universum animadvertas velim, nullas eos syllabas, quae natura et vocalis sono longae sunt, corripuisse; sed eas tantum quae per vocalem quidem breves erant, positione tamen et consonantium concursu factae sunt longae. Hae vero voces et numero paucae sunt, monosyllabae fere vel disyllabae, vel cum praepositionibus compositae; et ex ipsa sede situque commodo veniam merentur. Cum autem in ipso huius Editionis textu singula haec in versibus singulis per Accentuum intervallum sponte se ostendant; non opus est, ut singillatim hic enumerentur. Illud tantum monebo, quod ante me opinor nemo; In primo fere versuum pede, et parcius alias, Licentiam hanc exercuisse Nostrum: idque rectissimo iudicio; cum Actor, in fine prioris versus anima recepta, plenum rapidumque spiritum posset effundere.

<i>Sed id grátum fuisse —</i>	<i>Bonum ingénium narras.</i>
<i>Sine invidia laudem.</i>	<i>Sed hic Pámphilus quid.</i>
<i>Sine omni periclo.</i>	<i>Is hinc bellum fugiens.</i>
<i>Propter hóspitai.</i>	<i>Nempe Phórmionem.</i>
<i>Hic est ille non te</i>	<i>In hanc nóstram plateam.</i>
<i>Studet pár referre.</i>	<i>Supelléctile opus est.</i>
<i>Ob hanc inimicitias.</i>	<i>Sed eccá ipsa egreditur.</i>
<i>Ob decem mnas inquit.</i>	<i>Ego exclúdor ille.</i>
<i>Inde súmam uxori.</i>	<i>Négat quis! négo; ait, aio.</i>
<i>Soror dicta est cupio.</i>	<i>Enimvéro, Dave, nil loci</i>
<i>Símul consílium cum re</i>	<i>est</i>
<i>Color vérus, corpus.</i>	<i>Habent déspicatu.</i>
<i>Néque Antipho ália.</i>	<i>Dolet dictum imprudenti.</i>
<i>Adest óptime ipse.</i>	<i>Quid ignáve periculo.</i>
<i>Solent ésse id non fit</i>	<i>Sed estne ille noster.</i>
<i>Quid huic híc negotist.</i>	<i>Tamen víx humane.</i>
<i>Student fácere.</i>	<i>Tacet cúr non ludo.</i>
<i>Séd ostium cóncrepuít.</i>	<i>Iubet fráter? ubi is est.</i>
<i>Némini plúra acerba.</i>	<i>Omnia ómnes ubi rescí-</i>
<i>Sed hoc míhi molestum est.</i>	<i>scunt.</i>

Hoc, ut vides, Terentii iudicium erat; ut in primo fere pede versus, ubi paratior venia est, Licentia illa uteretur: idcirco excusator, quod non ipse eam primus intulerit; sed a Plauto, Caecilio, ceterisque tum in scaena regnantibus acceptam retinuerit. Licentia certe erat; et indigna forte, cui Romuli nepotes indulgerent. Nam qui hodie non Comicos veteres excusatum, sed defensum eunt: qui fontem rei causamque et originem deprendisse se gloriantur; popularem scilicet tunc temporis pronuntiandi morem: ut necesse fuerit Comicis, quae verba communi civium sermone sprete Consonantibus rapide efferebantur, ea verba in suis Fabulis, quae audiebantur scilicet, non legebantur, corripere: nae illi operoso conatu nihil dicunt, pollicentes magna nihil extricant. Quid enim? si usus tum civium communis,

*Quem penes arbitrium est et ius et norma loquendi*, syllabas de quibus agitur raptim pronuntiabat: iam non Comitorum vel licentia vel crimen est, qui mori obtemperantes ea corripiebant; sed Epicorum, qui usu improbante producebant. Mutantur tantum Rei; Crimen ipsum non eluitur: aut hi aut illi sunt culpae damnandi. Quibus autem culpa haereat, scitu facillimum est. Priorem in *Ille* et *Esse* constanter producebant Epici; Noster interdum corripit, saepius producit: quod si recte et ex usu corripit; tanto saepius, dum saepius producit, peccat. *Propter* apud Epicos semper priore longa est: Noster semel corripit, And. II, 6, 8.

*Propter hóspitaī huiusce consuetudinem.*

i hoc ex consuetudine vulgi; cur intra decimum verum, et ubique alias, producit?

*Nil própter hanc: sed est quod suscenset tibi.*

Eadem reliquorum ratio est: quibus venia quidem, praesertim hodie, lingua iamdudum emortua, facile conceditur: nisi culpam quis defendendo fecerit maiorem.

Ceterum *Abi, domi, redi, dari, roga, iube, tace, vide*, et siqua id genus alia quae ultimam brevem habent, vix est ut Licenter dicas, sed Legitime corripit; cum veteres Epici idem ius usurpaverint.

Similiter de Crasi censeas; qua duae vocales, quarum una brevis, in unam contrahuntur: ut *Diu, Deum, deorum, meum, tuum, suum, meorum etc. fuit, fuisse*; haec et siqua huiusmodi, iure quoties vellent contraherent Comici; quia idem Epicis ius erat. Durius quidem Nostratibus sonant *Huius, cuius, eius, novo, levi* in unam syllabam contracta: verum id eo evenit, quod nos hodie male pronuntiamus. Notum enim est eruditis, consonantes *I* et *U* apud Latinos eodem fuisse sono et potestate, quo hodie *Y* et *W*. Pronuncies igitur *Cuyus, novo, levi*, et mollior fiet Crasis. Ita noster *Twa, swa, grandyuscula, stellyonino*; plane ut

Virgilius *Stellyo, abyete* etc. Eadem ratione, cum *Iam* efferrent, ut nos hodie *Yam*; in duas syllabas pro lubitu dissolvebant, *Nunc iam*. Ceterum in hac Editione ubi *iam* disyllabon est, notatur diaeresis; et *Cuius, huius, eius*, ubi monosyllaba sunt, super *I* habent accentum; ubi disyllaba, super *U* et *E*, *Cuius, huius, eius*.

*Eii, reii, speii*, priore per Ectasin producta, non indigent venia, cum Lucretius aliique olim Epici idem fecerint. In hac Editione, cum producuntur, duplici *I* scribuntur.

Neque illud inter Licentias numeres, cum comici *S* finale in syllaba brevi, sequente tamen consonante, nonnumquam abiiciunt, ut *Tristi', famelicu'*: siquidem idem facit passim Lucretius. Ceterum quod nos quidam docent, et in syllaba longa hoc solere fieri, et sequente vocali, et totam etiam syllabam cum *S* saepe resecari, falluntur et fallunt. In *Consimilist*, a priore nihil, sed ab *Est* vocalis resecatur; ut in *Palamst, Necessumst. Multimodis* apud Nostrum non divisim effertur *Multi' modis*; sed vox una est ut *Omnimodis*: et Lucretius utraque utitur.

Quin et ubi Synaloephae vis cessat, et vel vocalis quaeprimam vel *M* finales non eliduntur, altera vocali eas excipiente; ne hoc quidem in Licentiis ponas: qualia ista et plura apud Nostrum. *Omnes qui amant, Mé et aetate, Né ubi acceperim, Quae erat mortua, Vna ire cum amica, Dúm id efficias, Quicum uno rem habebam.* Quippe et Epici, Lucretius, Virgilius, Horatius eodem modo in Hexametris: *Sed dúm abest quod avemus, Credimus an qui amant, Si mé amas inquit, Cocto núm adest honor idem.* In his autem aliisque similibus Triasunt observanda; Numquam hoc fieri nisi in verbo Monosyllabo; quod verbum si in vocalem exit, oportet Syllabam esse Longam; Ictum denique habere in prima syllaba Anapaesti. Harum vero conditionum igno-

rantia quot nuper peperit errores? dum et in polysyllabis verbis, et in syllabis brevibus, et in aliena sede, posse fieri hoc existimabant.

Atque hactenus de Licentia Terentiana, deque eius limitibus, modicis sane illis neque incommodis: qualem hodie in Poëtis nostratibus patriaque lingua patienter ferimus. Quin et ausim polliceri sponsorque fore, quemvis adolescentem, vulgaris modo Prosodiae et Syllabarum quantitatis callentem, lecta una alteraque Editionis huius Scaena, suo Marte ac sine Magistro totum hoc quod quaeritur percepturum. Quo magis mirum, quosdam cetera doctissimos, sed in his rebus paulo ὀψιμαθιστέρους, tam immodica verborum pompa se et operam suam efferre: quasi tantae molis esset Romanam nunc Licentiam, quantae olim erat Gentem condidisse. Neque tamen, si ipsi audiendi sunt, immerito glorientur: cum ex eorum sententia nihil non veteribus Comicis et licuerit et libuerit: ut tam vagae Licentiae limites ullos posuisse, perinde sit ac Sarmatas et Gelonos intra campos suos coercuisse. Nimirum hi non ipsos Poëtas, non artem et rythmi genium, sed Librarios sibi duces sumunt; et tot fere Licentiarum species sibi fingunt, quot in toto Plauto Terentioque vitiosae Lectiones nunc restant; unique Ioco, qui emendandus erat, ex altero aequo mendoso patrocinium quaerunt. Quid mirum igitur; si quo maior iis tam falsae Metricae notitia accrevit, eo in dies, ut quaeruntur, magis decreverit emendationum suarum numerus? Illud, si dubitas, exemplo sit; ubi Plauti auctoritate pedes Creticos in Trimetris adsciscunt. Locus elegantissimus est, Trinummo 1, 2 in *Urbanos* quos vocat *Scurras*,

*Qui omnia se simulant scire, nec quicquam sciunt:*  
*Quod quisque in animo habet aut habiturust, sciunt:*  
*Sciunt, quod in aurem rex reginae dixerit:*  
*Sciunt, quod Iuno fabulatast cum Iove:*

*Quae neque fu | tura neque | facta sunt | tamen illi  
sciunt.*

Duos illic Creticos agnoscunt et accipiunt, Dactylo-  
rum scilicet Vicarios: neque hoc contenti, *innumera*  
huiusmodi portenta Plauto suo assignant, *pauca* etiam  
Terentio. Nos *Pauca* illa iam eiuravimus; de Innu-  
meris olim fortasse curabitur. Interea, quid hic Plauti  
locus sibi postulet, videamus;

*Quae néque futura nec facta sunt, tamen illi sciunt.*  
Hic duae Longae corripiuntur; duo Cretici veniunt,  
quo ne Dactylis quidem, si aurem habemus, venire  
fas est. Hosne *numeros ut laudaverint* Pisonum  
proavi? quis Comoedus Actor, ne ipse quidem *Pellio*,  
vel pretio voluerit emere; vel blaterare haec ad tibiam  
in Scaena ausus fuerit? non suas potius sibi res Poe-  
tam talem habere iusserit? Si Licentiarum nostri de  
Emendatione desperarunt; humanius tamen erat, de  
mendo potius confiteri, quam Poëtam ipsum proscri-  
bere. Vide tamen, quam facilis ea ne quaerentibus  
quidem se offerat. Tolle illud *Facta*; et *Trimetrum*,  
quales hic ceteri sunt, rotundissimum habes:

*Quae néque futura, néque sunt, tamen illi sciunt.*  
Quin et hoc sensus ipse, non metrum solum, efflagitat:  
nam *Quae futura, et Quae sunt*, in eodem genere  
sunt opposita: non *Futura et Facta*. Si illud *Facta*  
*sunt* a Poëta esset; dixisset utique, *Quae neque fient*  
*neque facta sunt*; atque insuper de duobus peccatis  
unum lucratus esset.

Restat iam, ut de Arte Terentiana, quae tantopere  
olim celebrata est, pauca delibemus. Horatius Epist.  
II, I.

*Ambigitur quotiens uter utro sit prior, aufert  
Pacuvius docti famam senis, Accius alti:*

*Dicitur Afrani toga convenisse Menandro:*

*Plautus ad exemplum Siculi properare Epicharmi.*

*Vincere Caecilius gravitate, Terentius Arte.*



Vbi dubium est, artemne Metricam velit, an Comicam: Vtramque opinor: nam in utraque laude Noster, tam versuum concinnitatis, quam lucidae rerum dispositionis, primas tenebat.

Illud sane in Lingua Latina notabile, ne unum quidem verbum praeter Monosyllaba Tonum in ultima habuisse. *Déum* igitur, *Vírum*, *Méum*, *Túum* priore licet brevi pronuntiabant, numquam nisi in Versu *Deúm*, *Virúm*, *Meúm*, *Tuíum*. Quintilianus Instit. I, 5. *Est autem in omni voce utique acuta syllaba, nec ultima umquam: ideoque in disyllabis prior.* Priscian. p. 1287. *Acutus accentus apud Latinos duo loca habet, penultimum et antepenultimum: apud Graecos autem et ultimum. Et paulo post; Apud Latinos in ultima syllaba, nisi discretionis causa, poni non solet accentus.* Donatus p. 1740. *Tonus acutus, cum in Graecis dictionibus tria loca teneat, ultimum, penultimum et antepenultimum; tenet apud Latinos penultimum et antepenultimum; ultimum numquam.* Maximus Victorinus p. 1942; *Acutus, cum apud Graecos tria loca teneat, apud nos duobus tantum poni potest; aut in penultima ut Praelegístis, aut ea quae a fine est tertia ut Praelégimus: Olympiodorus in Aristotelis Meteora p. 27. Τίτε μὲν Γραικοὶ ἐκλήθησαν, νῦν δὲ Ἕλληνες. τοῦτο δὲ τὸ ὄνομα οἱ μὲν Ῥωμαῖοι παροξύνουσι, Γραικοὶ λέγοντες. ἡ δὲ κοινὴ διάλεκτος ὀξύνηι. Καθόλου δὲ οἱ Ῥωμαῖοι πᾶν ὄνομα παροξύνουσι διὰ τὸν κόμπον. ὁθεν Περρηγορέοντες ἐκλήθησαν ὑπὸ τῶν ποιητῶν. Hoc est, Qui olim Graecol dicti, nunc appellantur Ἕλληνες. Illius autem verbi penultimam Romani acuunt, dicentes Γραικοί; sed communis sermo acuit ultimam Γραικοί. Et universim Romani in quacumque voce penultimam vel antepenultimam acuunt, propter Fastum et Grandiloquentiam: unde a Poëtis dicuntur Περρηγορέοντες, feroces et superbi. Ceterum quod hic fastui tribuit, id dialecto Aeolicae, unde Lingua Latina partem maxi-*

mam profluxit, rectius imputatur. Aeolenses enim, ut notum est, *Βαθύτρονοι* erant; et *Θέος*, *Ἄρησ* pronuntiabant, cum alii *Θεός*, *Ἀρήσ*.

Iam vero id Latinis Comicis, qui Fabulas suas populo placere cuperent, magnopere cavendum erat; ne contra Linguae genium Ictus seu Accentus in quoque versu syllabas verborum ultimas occuparent. Id in omni metro, quoad licuit, observabatur; ut in his,

*Arma virúmque cáno, Tróiae qui primus ab óris  
Itáliam fáto prófugus Lavínaque vénit  
Lítora; multum ille et térris iactátus et álto  
Vi súperum, saévae mémorem Iunónis ob iram.*

Qui perite et modulate hos versus leget, sic eos, ut hic accentibus notantur, pronuntiabit; non, ut pueri in Scholis, ad singulorum pedum initia,

*Italiám fató profugús Lavínaque vénit,*

sed ad rythmum totius versus, ubi nulla vox, ut vides, accentum in ultima habet, praeter unicam illam *Virum*: idque recte ob sequens Encliticon *Que*: quod hic, semel dictum, in Terentio passim fieri animadvertes. Idem efficiunt me, te, se: *Miserám me, quod verbum audio?* quippe haec Latinis, ut etiam *Rem*, Enclitica sunt, ut Graecis *ME*; *ΣΕ*. Eadem est et interrogationis vis; sive cum *Ne* Enclitico, sive absque *Ne*. In hac igitur concinnitatis laude palmam omnibus praecepit Terentius; eamque ut consequi posset, ut et vetitos Ictus effugeret, et vocabula tamen significantiora semper sub Ictu poneret; non minore studio iudicioque verba disposuit, et a prosae orationis ordine decenter invertit, quam mirificus in hac materie artifex ipse Virgilius.

Priscianus De versibus comicis narrat, *Fuisse quosdam qui abnegarent ulla esse in Terentii Comoediis metra; vel ea, quasi arcana quaedam et ab omnibus doctis semota, sibi solis esse cognita confirmarent. Ibidem ait, Omnes quidem Comicos, crebris Synaloephis*

et *Episynaloephis et Collisionibus et Abiectionibus S literae, fuisse usos scandendo versus suos*; Terentium autem plus omnibus. Verum profecto hoc est; et causa unica, cur Magistelli isti vel negarent metra esse apud Nostrum, vel ut arcana quaedam venditarent. Quod vero hic queritur et criminatur magnus Grammaticus, non vitium est, sed virtus Terentii prima: qui Synaloephas illas data opera consecutus est; quo syllabae ultimae liquescerent coalescerentque cum sequentibus; eoque vetiti ac vitiosi in ultimis Ictus artificiose effugerentur. Hae vero Synaloephae, quae tenebras olim Magistris offuderunt, iam in hac Editione, Percussionum intervallis distincta, ne pueris quidem negotium facessent.

Totum autem hoc, quod de Ictu in ultimis syllabis cautum fuisse diximus, de secunda tantum Trimetri *διποδία* capiendum; nam in prima et tertia semper licuit; siquidem ista sine venia conclamatum actumque erat de Comoedia Tragoediaque Latina. Cum igitur hunc versum similesque apud nostrum videris,

*Malúm quod isti dí deaeque omnés duint:*

cave vitio id poëtae verteris; esti *Malúm* illud et *Omnés* si in communi quis sermone sic acuisset, deridiculo fuisset. Nimirum aures vel invitae patienter id ferebant, sine quo ne una quidem in Fabula Scaena poterat edolari. Quin et Graecos ipsos eadem tenuit necessitas, eadem passa est indulgentia. Cum Aristophanes dixit,

*Δουλόν γενεσθαι páραφρονουντος δέσποτου.*

Cum Euripides,

*Ηκώ νεκρων κευθμώνα και σκοτού πυλας,*

idem admiserunt in *Δουλόν* et *Ηκώ*, quod Noster in *Malúm* et *Omnés*: ipsi enim alibi priorem acuunt, *Δούλον* et *Ηκω*.

In secunda igitur Trimetri *διποδία* hoc de quo agimus non licebat. Gellius XVIII, 15. *In Senariis ver-*

*sibus animadverterunt Metrici duos primos pedes, item extremos duos, habere posse singulos integras partes orationis, medios haud umquam posse: sed constare eos semper ex verbis aut divisis aut mixtis atque confusis.* Quotus quisque hoc vel intelligat? nedum ut Senarios per singulos pedes scandendo tempus in hac observatione conterat? At in hac Editione vel aliud agentibus in oculos incurrit; simulque ratio, quam Metrici isti tacent, plane apparet. Hoc illi voluerunt; in his et similibus Senariis,

Venit Chremes *postridie ad me clamitans,*

*Mansuetique animi officia, quid multis moror.*

duos primos duosque postremos pedes singulis verbis claudi, et recte: at pedem tertium quartumve non posse recte. Cur hoc? quia tum necesse est, ut Ictus in ultimas syllabas cadant; quod, ut dixi, in prima ultimaque *διποδία* solet fieri; in media nec solet et vix umquam licet. Rarissime igitur, semel atque iterum, sed magno sententiae lucro, admisit hoc in Trimetris Terentius:

*Persuasit nox, amor, vinum, adolescentia.*

*Scelesti ovem lupi commisi. dispudet.*

Nam illud, *Nosse omnia haec salus est adolescentibus,* in hac Editione *Saluti* est. Notandum quoque in *Amor* et *Lupi* priorem brevem esse et ex Musicae rationibus ita oportere; ut apud Horatium,

*Iam iam efficaci do manus scientiae.*

*Ad pervicacis heu pedes Achillei.*

Et similiter in verbo trisyllabo duos Ictus recipiente, si id *διποδία* trochaicam inchoat, media erit ex arte brevis.

*Nisi pol filium multimodis expeto, ut redeat domum.* Ita recte hic editum, non *Expecto*; ut et alia plurima, quae ante nos vitiosa ferebantur, in omni versuum genere hic corriguntur.

**ANDRIA TERENTI.**



# FABVLAE INTERLOCVTORES.

*SIMO senex.*

*SOSIA libertus.*

*DAVVS servus.*

*MYSIS ancilla.*

*PAMPHILVS adulescens.*

*CHARINVS adulescens.*

*BYRRIA servus.*

*LESBIA obstetrix.*

*GLYCERIVM adulescentula.*

*CHREMES senex.*

*CRITO hospes.*

*DROMO lorarius.*

---

*Acta ludis Megalensib. M<sup>p</sup> Fulvio et M. Glabrione  
Aedilib. curulib. Egerunt L. Ambivius Turpio  
L. Atilius Praenestinus. Modos fecit Flaccus  
Claudi Tibiis Parib. Dextris et Sinistris. Et  
est tota Graeca. Edita M. Marcello Cn. Sul-  
picio Coss.*

---

---

## P R O L O G V S.

---

Poëta cum primum ánimum ad scribendum ád-  
pulit,

Id síbi negoti crédidit solúm dari,

Populo út placerent, quás fecisset fábulas.

Verum áliter eveníre multo intéllegit:

Nam in prólogis scribúndis operam abútitur, 5

Non qui árgumentum nárret, sed qui málevoli

Veterís poetæ máledictis respóndeat.

Nunc, quám rem vitio dént, quaeso ánimum ad-  
vórtite.

Menánder fecit Ándriam et Perínthiam.

Qui utrámvis recte nórit, ambas nóverit. 10

Non ita dissímili súnť argumento, ét tamen

Dissímili oratióne sunt factæ ác stilo.

Quæ cónvenere, in Ándriam ex Perínthia hic

Fatétur transtulísse, atque usum pró suis.

Id istí vituperant fáctum; atque in eo dísputant, 15

Contáminari nón decere fábulas.

Faciúntne intellegéndo, ut nihil intéllegant?

Qui cum húnć accusant; Naévium, Plautum, Én-  
nium

Accúsant: quos hic nóster auctorés habet:

Quorum aémulari exóptat neclegéntiam 20

Potiús, quam istorum obscúram diligéntiam.

Dehinc, út quiescant pórro, moneo, et désinant

Maledícere; malefácta ne noscánt sua.

Favéte, adeste aequo ánimo, et rem cognóscite,

- 25 Vt pérnoscatís, écquid spei sit réliquium:  
 Posthác quas faciet de íntegro comoédias,  
 Spectándae an exigéndae sint vobís prius.

## ACTVS I. SCENA I.

*SIMO senex, SOSIA libertus.*

*SI.* Vos ístaec intro auférte: abite. *Sósia*  
*Adésdum:* paucis té volo. *SO.* dictúm puta:  
 Nempe út curentur récte haec. *SI.* immo aliúd-  
*SO.* quid est,

Quod tibi mea ars effícere hoc possit ámplius?

- 5 *SI.* Nihil ístac opus est árte ad hanc rem, quám  
 paro;

Set iís, quas semper ín te intellexí sitas,  
 Fide ét taciturnitáte. *SO.* exspecto quíd velis.

*SI.* Ego pósquam te emi, a párvulo ut sempér  
 tibi

- Apút me iusta et clémens fuerit sérvitus,  
 10 *Scis.* féci ex servo ut ésses libertús mihi,  
 Proptérea quod servíbas liberáliter.

Quod hábui summum, prétium persolví tibi.

*SO.* In mémoria habeo. *SI.* haut múto. *SO.* fa-  
 ctum gaúdeo,

Si tibi quid feci aut fáció quod placeát, *Simo;*

- 15 Et id grátum fuisse advórsum te habeo grátiam.  
 Sed hoc míhi molestumst: nam ístaec commemo-  
 rátió

Quasi éxprobratio ést immemori bénefici.

Quin tu úno verbo díc, quid est quod mé velis.

*SI.* Ita fáciam. hoc primum in hác re praedicó  
 tibi:

- 20 Quas crédis esse has, nón sunt verae núptiae.

*SO.* Cur símulas igitur? *SI.* rem ómnem a princi-  
 pio aúdiés:



Eo pácto et gnati vítam et consiliúm meum  
 Cognósces: et quid fácere in hac re té velim.  
 Nam is póstquam excessit éx ephebis, Sósia, ac  
 Libéra vivendi fúit potestas, (nam ántea  
 Qui scíre posses, aút ingenium nóscere,  
 Dum eum aétas, metus, magíster cohibebánt?  
*SO.* ita est.)

25

*SI.* Quod plérique omnes fáciunt adulescéntuli,  
 Vt ánimam ad aliquod stúdiu adiangant, aút  
 equos

Alere, aút canes ad vénandum, aut ad filósophos: 30  
 Horum ille nihil egrégie praeter cétera  
 Studébat, et tamen ómnia haec mediócritér.

Gaudébam. *SO.* non iniúria: nam id ego árbitror  
 Adprime in víta esse útile, ut ne quid nimis.

*SI.* Sic víta erat: facile ómnes perferre ac pati: 35

Cum quíbus erat cumque úna, iis sese dédere:

Eórum studiis óbsequi: [advorsus nemini:  
 Numquam praeponens se illis] ita facíllume

Sine invídia laudem invénias, et amicós pares.

*SO.* Sapiénter vítam instítuit: namque hoc tém- 40  
 pore

Obséqium amicos, véritas odiúm parit.

*SI.* Intérea mulier quaédam abhinc triénnum

Ex Ándro commigrávit huc vicíniae,

Inópia et cognatórum neclegéntia

Coácta, egregia fóрма atque aetate íntegra. 45

*SO.* Ei, véreor ne quid Ándria adportét mali.

*SI.* Primum haéc pudice vítam parce ac dúrítér

Agébat, lana ac téla victum quaéritans:

Set póstquam amans accéssit, pretium póllicens,

VnúS et ítem alter; ita ut ingenium est ómniu 50

Hominu ab labore próclive ad lubídinem,

Accépit conditiónem, dein quaestum óccipit.

Qui tum íllam amabant, fóрте, ita ut fit, filium

Perdúxere illuc, sécum ut una essét, meum.

- 55 Egomét continuo mécum: Certe cáptus est:  
 Habet. óbservabam máne illorum sérvolos  
 Veniéntis aut abeúntis: rogitabam, Heús puer,  
 Dic sódes, quis heri Chrýsidem habuit? nam Án-  
 driae  
 Illi íd erat nomen. *SO.* téneo. *SI.* Phaedrum aut  
 Clíniam aut
- 60 Nicératum dicébant. nam hi tres túm simul  
 Amábant. Eho, quid Pámphilus? Quid? sýmbo-  
 lam  
 Dedit, cenavit. gaúdebam. item alió die  
 Quaerébam: comperiébam nihil ad Pámphilum  
 Quicquam ádtinere. enimvéro spectatúm satis
- 65 Putábam, et magnum exémplum continéntiae:  
 Nam qui cum ingeniis cónfliktatur eíusmodi,  
 Neque cómmovetur ánimus in ea ré tamen,  
 Scias pósse iam habere ípsam suae vitae modum.  
 Cum id míhi placebat: tum úno ore omnes  
 ómnia
- 70 Bona dícere, et laudáre fortunás meas,  
 Qui gnátum haberem táli ingenio praéditum.  
 Quid vérbis opus est? fáma hac impulsús Chremes,  
 Ultro ad me venit, únicam gnatám suam  
 Cum dóte summa filio uxorem út daret.
- 75 Placuí: despondi: hic núptiis dictúst dies.  
*SO.* Quid ígitur obstat, cúr non fiant? *SI.* aúdiēs.  
 Fere ín diebus paúcis, quibus haec ácta sunt,  
 Chrysís vicina haec móritur. *SO.* o factúm bene:  
 Beásti: ei metui a Chrýside. *SI.* ibi tum filius
- 80 Cum illís, qui amarant Chrýsidem, una aderát  
 frequens:  
 Curábat una fúnus: tristis ínterim,  
 Nonnúmquam conlacrumábat. placuit tum íd mihi.  
 Sic cógitabam: Hic párvae consuetúdinis  
 Causa húius mortem tám fert familiáriter:
- 85 Quid si ípse amasset? quíd mihi hic faciét patri?

Haec égo putabam esse ómnia humani íngeni  
 Mansuétique animi officia. quid multís moror?  
 Egomét quoque eius caúsa in funus pródeo,  
 Nihil súspicans etiám mali. *SO.* hem quid id ést?

*SI.* scies.

Effértur. imus. ínterea inter múlieres, 90  
 Quae ibi áderant, forte unam áspicio adulescéntu-  
 lam,

Formá bona. *SO.* fortásse. *SI.* et voltu, Sósia,  
 Adeó modesto, adeó venusto, ut níl supra.

Quae cúm míhi lamentári praeter céteras  
 Visa ést, et quia erat fórma praeter céteras 95  
 Honésta et liberáli, accedo ad pédisequas.

Quae sít, rogo. sorórem esse aiunt Chrýsidis.

Percússit ilico ánimum. atat hoc íllud est,

Haec íllae lacrumae, haec íllast misericórdia.

*SO.* Quam tímeo, quorsum evádas. *SI.* funus ín- 100  
 terim

Procédit. sequimur: ad sepulcrum vénimus:

In ígnem inpositast: flétur. ínterea haéc soror,

Quam díxi, ad flammam accéssit inprudéntius.

Satis cúm periclo. ibi tum éxanimatus Pámphilus

Bene díssimulatum amórem et celatum índicat: 105

Adcúrrit: mediam múliera compléctitur:

Mea Glýcerium, inquit, quíd agis? cur te is pér-  
 ditum?

Tum illa, út consuetum fáctile amorem cérneres,

Reiécit se in eum fléns quam familiáriter.

*SO.* Quid aís? *SI.* redeo inde irátus, atque aegré 110  
 ferens.

Nec sátis ad obiurgándum causae. díceret,

Quid féci? quid commérui aut peccaví, pater?

Quae sése in ígnem iniícere voluit, próhibui:

Servávi. honesta orátio est. *SO.* recté putas:

Nam si íllum obiurges, vítae qui auxiliúm tulit; 115

Quid fácias illi, déderit qui damnum aút malum?

*SI.* Venit Chremes postridie ad me, clamitans:  
Indignum facinus: comperisse, Pamphilum  
Pro uxore habere hanc peregrinam. ego illud se-  
dulo

120 Negare factum. ille instat factum. denique  
Ita tum discedo ab illo, ut qui se filiam  
Negat daturum. *SO.* non tu ibi gnatum? *SI.* ne  
haec quidem

Satis vehemens causa ad obiurgandum. *SO.* qui  
cedo?

*SI.* Tute ipse his rebus finem praescripti, pater  
125 Prope adest, cum alieno more vivendumst mihi:  
Sine nunc meo me vivere interea modo.

*SO.* Qui igitur relictus est obiurgandi locus?

*SI.* Si propter amorem uxorem nolet ducere,  
Ea primum ab illo animadvertenda iniuriast.

130 Et nunc id operam do, ut per falsas nuptias  
Vera obiurgandi causa sit, si deneget:  
Simul sceleratus Davos siquid consili  
Habet, ut consumat nunc, cum nihil obsint doli  
Quem ego credo manibus, pedibus, obnixè omnia  
135 Facturum: magis id adeo, mihi ut incommodet,  
Quam ut obsequatur gnato. *SO.* quapropter? *SI.*  
rogas?

Mala mens, malus animus. quem quidem ego si  
sensero.

Sed quid opust verbis? sin eveniat, quod volo,  
In Pamphilo ut nil sit morae; restat Chremes,

140 Qui mi exorandus est: et spero confore.  
Nunc tuumst officium, has bene ut adsimules nu-  
ptias:

Perterrificas Davom: observes filium,  
Quid agat, quid cum illo consili captet. *SO.* sat  
est:

Curabo: eamus nunc iam intro. *SI.* i praec, sequar.

## ACTVS I. SCENA II.

*SIMO senex. DAVVS servus.*

*SI.* Non dúbiumst, quin uxórem nolit filius:  
Ita Dávom modò timére sensi, ubi núptias  
Futúras esse audívit. set ipse exít foras.

*DA.* Mirábar hoc si síc abiret: ét eri semper lé-  
nitas

Verébar quorsum eváderet:

5

Qui pósquam audierat nõn datum iri filio uxorém  
suo,

Númquam cuiquam nóstrum verbum fécit, neque  
id aegré tulit.

*SI.* Át nunc faciet; néque, ut opinor, síne tuo  
magnó malo.

*DA.* Id vóluit, nos sic néc opinantis dúci falso  
gaúdio,

Sperántis, iam amotó metu, interea óscitantis óp- 10  
primi,

Vt ne ésset spatium cógitandi ad dísturbandas nú-  
ptias:

Astúte. *SI.* carnuféx, quae loquitur? *DA.* érus  
est, neque províderam.

*SI.* Dave. *DA.* hém, quid est? *SI.* ehodum ád  
me! *DA.* quid hic volt? *SI.* quíd  
ais? *DA.* qua de ré? *SI.* rogas?

Meum gnátum rumor ést amare. *DA.* id pópulus  
curat scílicet.

*SI.* Hocíne agis, an non? *DA.* égo vero istuc. *SI.* 15  
Sét nunc ea me exquirere,

Iníqui patris est. nám, quod antehac fécit, nihil  
ad me ádtinet.

Dum témpus ad eam rém tulit, sivi ánimum ut ex-  
plerét suum:

Nunc híc dies aliam vítam defert, álios mores pó-  
stulat.

Dehinc póstulo, sive aéquumst, te oro, Dáve, ut  
redeat iam ín viam.

20 *DA.* Hoc quíd sit? *SI.* omnes, quí amant, gravi-  
ter síbi dari uxorem ferunt.

*DA.* Ita áfunt. *SI.* tum siquís magistrum cépit ad  
eam rem ínprobum,  
Ipsum ánimum aegrotum ad déteriolem pártém  
plerumque ádplicat.

*DA.* Non hércle íntellegó. *SI.* non? hem! *DA.*  
non: Dávos sum, non Oédipus.

*SI.* Nempe érgo aperte vís quae restant mé loquí.  
*DA.* sané quídem.

25 *SI.* Si sénséro hodie quícquam in his te núptiis  
Falláciae conári, quo fiánt minus;  
Aut vélle in ea re osténdi, quam sis cállidus:  
Verbéribus caesum té in pístrinum, Dáve, dedam  
usque ad necem,  
Ea lége atque omine, út, si te inde exémerim, ego  
pro té molam.

30 Quid, hoc íntellextin? án nondum etiam ne hóc  
quídem? *DA.* immo cállide;  
Ita apérte ipsam rem módo locutus, níl circum  
itione úsus es.

*SI.* Vbi vís facilius pássus sim, quam in hác re,  
me delúdier.

*DA.* Bona vérba, quaeso. *SI.* inrídes: nil me  
fállis. edicó tibi,

Ne témere facias. néque tu haut dices tíbi non  
praedictúm. cave.

## ACTVS I. SCENA III.

*DAVVS servus.*

Enimvéro, Dave, níl locist segnítae neque socór-  
diae,

Quantum intellexi módo senis senténtiam de nú-  
ptiis:

Quae sí non astu próvidentur, me aút erum pes-  
súm dabunt.

Nec quíd agam certumst: Pámphilumne adiútem,  
an auscultém seni.

Si illúm relinquo, eius vítae timeo: sín opitulor, 5  
huius minas;

Cui vérba dare difficilest: primum iám de amore  
hoc cómperit:

Me infénsus servat, né quam faciam in núptiis  
falláciam.

Si sénserit, perii, aút quam lubitum fúcrit causam  
céperit.

Qua iúre qua me iniúria praecípitem in pistrinúm  
dabit.

Ad haéc mala hoc mi accédit etiam: haec Ándria, 10  
Si ista úxor sive amícast, gravida e Pámphilo est.

Audíreque eorum est óperae pretium audáciam:

Nam incéptiost améntium, haut amántium:

Quicquíd peperisset, decreverunt tóllere:

Et fíngunt quandam intér se nunc falláciam, 15

Civem Átticam esse hanc. Fúit olim hinc quidám  
senex,

Mercátor: navem is frégit aput Andrum ínsulam:

Is óbiit mortem. ibi tum hánc eiectam Chrýsidis

Patrém recepisse órbum, parvam. fábulae.

Mí quidem non fit vérisimile; at ípsis commentúm 20  
placet.

Set Mýsis ab ea egréditur. at ego hinc me ad forum,  
ut

Convéniam Pamphilúm, ne de hac re páter inpru-  
dentem ópprimat.

## ACTVS I. SCENA IV.

*MYSIS ancilla.*

Aúdio, Archylís, iamdudum: Lésbiam adduci iubes.

Sáne pol illa témulentast múlier et temerária,  
Néc satis digna, cui committas primo partu múli-  
erem;

Támen eam adduci? ínportunitátem spectate áni-  
culae:

5 Quía conpotrix éius est. Di, dáte facultatem  
óbsecro

Huíc pariundi, atque illi in aliis pótius peccandí  
locum.

Set quídnam Pamphilum éxanimatum vídeo? ve-  
reor quíd siet.

Oppériar, ut sciám numquidnam haec túrbae tri-  
stítia ádferat.

## ACTVS I. SCENA V.

*PAMPHILVS adolescens. MYSIS ancilla.*

*PA.* Hócinest factu humánum aut inceptu? hóci-  
nest officiúm patris?

*MY.* Quíd illud est? *PA.* pro deúm fidem, quíd  
est, si hóc non contuméliast?

Vxórem decrerát dare sese mi hódie: nonne opór-  
tuit

Praescísse me ante? nónne prius commúnicatum  
opórtuit?

5 *MY.* Miserám me, quod verbum aúdio?

*PA.* Quíd Chremes? qui dénegarat sé commissu-  
rúm mihi

Gnatám suam uxorem: ís mutauit, quía me inmu-  
tatúm videt.



Ita óbstinate dát operam, ut me a Glýcerio miserum ábstrahat:

Quod sí fit, pereó fúnditus.

Ádeon' hominem esse ínvenustum aut ínfelicem 10  
quémquam, ut ego sum?

Pró deum atque hominúm fidem!

Núllon' ego Chremétis pacto adfínitatem effúgere  
potero?

Quót modis contéptus, spretus? fácta, transacta  
ómnia. hem,

Répudiatus répetor: quamobrem? nísi si id est,  
quod súspicor:

Áliquíd monstri alúnt: ea quoniam némini obtrudí 15  
potest,

Ítur ad me. *MY.* orátio haec me míseram exanima-  
vít metu.

*PA.* Nam quíd ego dicam dé patre? ah

Tántam rem tam néclegenter ágere? praeteriéns  
modo

Mi áput forum, uxor tibi ducendast, Pámphile,  
hodie, inquít, para:

Ábi domum. id mi vísust dicere, ábi cito, et sus- 20  
pénde te.

Óbstipui: censén' me verbum pótuísse ullum pró-  
loqui? aut

Vllam causam, sáltem ineptam, fálсам, iniquam?  
ommútui.

Quód si ego scíssen id príus, quíd facerem, sí quis  
nunc me intérroget?

Áliquíd facerem, ut hóc ne facerem. sét nunc quíd  
primum éxsequar?

Tót me inpediunt cúrae, quae meum ánimum di- 25  
vorsaé trahunt;

Ámor, misericordia húius, nuptiárum sollicitátio,  
Tum pátris pudor, qui mé tam leni pássus animo  
est úsque adhuc,

Quae meó cumque animo lúbitumst, facere. eine  
 égo ut advorser? eí mihi,  
 Incértumst, quid agam. *MY.* mísera timeo, incér-  
 tum hoc quorsus áccidat.

30 Séd nunc peropust, aút hunc cum ipsa, aut de illa  
 me adversum hunc loqui.

Dum in dúbio est animus, paúlo momento húc vel  
 illuc inpéllitur.

*PA.* Quis hic lóquitur? *Mysis?* sálve. *MY.* o salve,  
 Pámphile. *PA.* quid agít? *MY.* rogas?

Labórat e dolóre; atque ex hoc mísera sollicita  
 ést, diem

Quia ólim in hunc sunt cónstitutae núptiae. tum  
 autem hóc timet,

35 Ne déseras se. *PA.* hem, egone ístuc conarí queam?  
 Egon' própter me illam decípi míserám sinam?

Quae mihi suum animum atque ómnem vitam cré-  
 didit?

Quam ego ánimo egregie cáram pro uxore hábu-  
 erim?

Bene ét pudíce eius dóctum atque eductúm sinam

40 Coáctum egestate íngenium inmutárier?

Non fáciam. *MY.* haut verear; sín te sit soló situm:  
 Set ut vím queas ferre. *PA.* adeóne me ignavóm  
 putas?

Adeóne porro ingrátum, inhumanúm, ferum?

Vt néque me consuetúdo, neque amor, néque pudor

45 Commóveat, neque commóneat, ut servém fidem?

*MY.* Vnum hóc scio, esse méritam, ut memor essés  
 sui.

*PA.* Memor éssém? o *Mysis Mýsis*, etiam nunc mihi  
 Scripta illa sunt in ánimo dicta *Chrýsidis*

De *Glycério*. iam férme moriens mé vocat:

50 Accéssi: vos semótae. nos soli: íncipit:  
 Mi Pámphile, huius fórmam atque aetatém vides:  
 Nec clám te est, quam illi utraéque res nunc útiles

Et ad pudicitiam ét ad rem tutandám sient.

Quod te égo per dextram hanc óro et per geniúm  
tuum,

Per tuám fidem, perque húius solitúdinem, 55

Te obtéstor, ne abs te hanc ségreges, neu déseras:

Si te in germani frátris dilexí loco,

Sive haéc te solum sémpér fecit máxumi,

Seu tíbi morigera fúit in rebus ómnibus.

Te istí virum do, amícum, tutorém, patrem. 60

Bona nóstra haectibi permítto, et tuae mandó fidei.

Hanc mi in manum dat: mórs continuo ipsam óccu-  
pat.

Accépi: acceptam sérvabo. *MY.* ita speró quidem.

*PA.* Set cúr tu abis ab illa? *MY.* óbstetricem ad-  
cérso. *PA.* propera, atque aúdin?

Verbum únúm cave de núptiis; ne ad mórbum hoc 65  
etiam. *MY.* téneo.

## ACTVS II. SCENA I.

*CHARINVS. BYRRIA. PAMPHILVS.*

*CH.* Quíd ais *Byrriá?* daturne illa *Pámphilo* hodie  
núptum? *BY.* sic est.

*CH.* Quí scis? *BY.* aput forúm modó e *Davo* au-  
dívi. *CH.* vae miseró mihi.

Vt ánimus in spe atque in timore usque ántehac ad-  
tentús fuit,

Ita póstquam adempta spés est, lassus cúra confe-  
ctús stupet.

*BY.* Quaéso edepol, *Charíne*, quando nón potest id 5  
fieri quod vis,

Íd velis quod póssit. *CH.* nil volo áliud nisi *Philú-*  
*menam.* *BY.* ah,

Quánto satiust te id dare operam, qui ístum amo-  
rem ex córde eiicias,

Quam íd loqui, quo mágis lubido frústra incenda-  
túr tua.

*CH.* Facile ómnes, cum valémus, recta cónsilia ae-  
grotís damus.

10 Tu si híc sis, aliter cénseas. *BY.* age age, út lu-  
bet. *CH.* set Pámphilum

Video. ómania experíri certumst prius quam pereo.  
*BY.* quíd hic agit?

*CH.* Ipsum hunc orabo: huic súpplicabo: amórem  
huic narrabó meum:

Credo ímpetrabo, ut áliquot saltem núptiis pro-  
dát dies:

Intérea fiet áliquid, spero. *BY.* id áliquid nihil est.  
*CH.* Býrria,

15 Quid tibi videtur? ádeon' ad eum? *BY.* quíd ni?  
nihil ut ímpetres,

Vt te árbitreter sibi paratum moéchum, si illam  
dúxerit?

*CH.* Ábin' hinc in malám rem cum suspícione isthác,  
scelus?

*PA.* Charínium video. sálve. *CH.* o salve. Pámphile,  
Ad te advenio, spém, salutem, cónsilium, auxilium  
éxpetens.

20 *PA.* Néque pol consilí locum habeo, néque ad auxi-  
lium cópíam.

Sét istuc quidnamst? *CH.* hódie uxorem dúcis?  
*PA.* aiunt. *CH.* Pámphile,

Si íd facis, hodié postremum mé vides. *PA.* quid  
íta? *CH.* eí mihi,

Véreor dicere: huic dic quaeso Býrria. *BY.* ego  
dicám. *PA.* quíd est?

*BY.* Spónsam hic tuam amat. *PA.* né iste haut me-  
cum séntit. ehodum díc mihi:

25 Númquidnam ampliús tibi cum illa fuít Charine?  
*CH.* ah, Pámphile,

Nil. *PA.* quam vellem. *CH.* nunc te per amicitiam  
et per amorem obsecro,

Principio ut ne ducas. *PA.* dabo equidem operam.

*CH.* set si id non potest,

Aut tibi nuptiae haec sunt cordi. *PA.* cordi? *CH.*  
saltem aliquot dies

Profer, dum proficiscor aliquo, ne videam. *PA.*  
audi nunc iam.

Ego Charine ne utiquam officium liberi esse ho- 30  
minis puto,

Cum is nil mereat, postulare id gratiae adponi sibi.

Nuptias effugere ego istas malo, quam tu adipiscier.

*CH.* Redduxti animum. *PA.* nunc si quid potes aut  
tute, aut hic Býrria,

Facite, fingite, invenite, efficite qui detur tibi:

Ego id agam, qui mihi ne detur. *CH.* sathabeo. *PA.* 35  
Davom optume

Video: cuius consilio fretus sum. *CH.* at tu hercle  
haut quicquam mihi;

Nisi ea, quae nil opus sunt sciri. fugin' hinc? *BY.*  
ego vero ac lubens.

## ACTVS II. SCENA II.

*DAVVS. CHARINVS. PAMPHILVS.*

*DA.* Di boni, boni quid porto? set ubi inveniam  
Pamphilum,

Vt metum quo in nunc est adimam, atque expleam  
animum gaudio?

*CH.* Laetus est nescio quid. *PA.* nihil est: nondum  
haec rescivit mala.

*DA.* Quem ego nunc credo, si iam audierit sibi pa-  
ratas nuptias —

*CH.* Audin' tu illum? *DA.* toto me oppido exanima- 5  
tum quaerere.

Sét ubi quaeram? quó nunc primum inténdam? *CH.*  
cessas ádloqui?

*DA.* Hábeo. *PA.* Dave: adés. resiste. *DA.* quis ho-  
most, qui me? o Pámphile,

Te ípsum quaero. eugé Charine: ambo ópportune.  
vós volo.

*PA.* Dáve, perii. *DA.* Quín tu hoc audi. *PA.* intérii.  
*DA.* quid timeás scio.

10 *CH.* Méa quidem hercle cérte in dubio vítast. *DA.*  
et quid tú, scio.

*PA.* Núptiae mi. *DA.* etsí scio? *PA.* hodie. *DA.* op-  
túndis, tametsi intéllego?

Íd paves, ne dúcas tu illam: tu aútem, ut ducas  
*CH.* rém tenes.

*PA.* Ístuc ipsum. *DA.* atque ístuc ipsum níl pericli  
est: mé vide.

*PA.* Óbsecro te, quám primum hoc me líbera mi-  
serúm metu. *DA.* hem,

15 Líbero; tibi uxórem non dat iám Chremes. *PA.*  
qui scís? *DA.* scies.

Túus pater me módoprehendit: aít tibi uxórém dari  
Hódie; item alia múlta, quae nunc nón est narrandi  
locus.

Cóntinuo ad te próperans percurró ád forum, ut  
dicám tibi haec.

Vbi te non invénio, escendo in quéndam ibi excel-  
súm locum.

20 Círcumspicio; núsquam es. ibi forte húius video  
Býrriam;

Rógo: negat vidísse. mihi moléstum. quid agam,  
cógito.

Rédeunti interea éx ipsa re mi íncidit suspício: hem,  
Paúlulum obsoni: ípsus tristis: de ínproviso nú-  
ptiae:

Nón cohaerent. *PA.* quórsumnam istuc? *DA.* égo  
me continuo ád Chremem.

Cum illo advenio: sólitudo ante óstium: iam id 25  
gaúdeo.

*CH.* Récte dicis. *PA.* pérge. *DA.* maneo: intérea  
introire néminem

Vídeo, exire néminem: matrónam nullam inaédi-  
bus,

Níl ornati, níl tumulti: accéssi: intro aspexí. *PA.*  
scio.

Mágnum signum. *DA.* núm videntur cónvenire  
haec núptiis?

*PA.* Nón, opinor, Dáve. *DA.* opinor, nárras? non 30  
recte áccipis.

Cérta res est. étiam puerum inde ábiens conspexí  
Chremi

Ólera et pisciculós minutos férre in cenam oboló  
seni.

*CH.* Líberatus sum hódie, Dave, túa opera. *DA.* ac  
nullús quidem.

*CH.* Quíd ita? Nempe huic prórsus illam nón dat.  
*DA.* Ridiculúm caput,

Quási necesse sít, si huic non dat, té illam uxorem 35  
dúcere:

Nísi vides, nisi sénis amicos óras, ambis. *CH.* béne  
mones.

Íbo: etsí hercle saépe iam me spés haec frustratást.  
Vale.

## ACTVS II. SCENA III.

*PAMPHILVS. DAVVS.*

*PA.* Quíd igitur sibi vólt pater? cur símulat? *DA.*  
ego dicám tibi.

Si íd suscenseát nunc, quia non dét tibi uxorém  
Chremes,

Ípsus sibi esse iniúrius videátur: neque id iniúria:  
Príus, quam tuum, ut sese hábeat, animum ad nú-  
ptias perspéxerit.

- 5 Sét si tu negáris ducere, ibi culpam in te tránsferet:  
 Tum illae turbae fíent. *PA.* quidvis pátiar. *DA.*  
 pater est, Pámphile.  
 Díficilest. tum haec sólast mulier. díctum ac fa-  
 ctum invénerit  
 Áliquam causam, quámobrem eam oppido eíciat.  
*PA.* eiciat? *DA.* ac cito.  
*PA.* Cédo igitur quid fáciam, Dave? *DA.* díe te du-  
 cturum. *PA.* hém. *DA.* quid est?
- 10 *PA.* Egon' dícam? *DA.* cur non? *PA.* núnquam  
 faciam. *DA.* né nega.  
*PA.* Suadére noli. *DA.* ex eá re quid fiát, vide.  
*PA.* Vt ab illa excludar, húc concludar. *DA.* nón  
 itast.
- Nempe hóc sic esse opínor: dicturúm patrem,  
 Ducás volo hodie uxórem: tu, ducam, ínquies:
- 15 Cedo quíd iurgabit técum? hic reddes ómnia,  
 Quae núnc sunt certa ei cónsilia, incerta út sient,  
 Sine omní periclo: nam hóc haut dubiumst', quín  
 Chremes
- Tibi nón det gnátam. néc tu ea causa mínueris  
 Haec quaé facis, ne is mútet suam senténtiam.
- 20 Patrí dic velle: ut, cúm velit, tibi iúre irasci nón  
 queat.
- Nam quód tu speres, própulsabo fácite. Vxorem  
 his móribus  
 Dabit némo, inveniet ínopem potius, quám te cor-  
 rumpí sinat.
- Set sí te aequo animo férre accipiet, néclegentem  
 féceris:
- Aliam ótiosus quaéret: interea áliquíd acciderít  
 boni.
- 25 *PA.* Itan crédis? *DA.* haut dubium íd quidemst. *PA.*  
 vide quó me inducas. *DA.* quín taces.  
*PA.* Dicám. puerum autem né resciscat mí esse ex  
 illa, caútio est:



ACTVS II. SCENA III. IV. V. 45

Nam póllicitus sum súscepturum. *DA.* o fácinus audax! *PA.* hánc fidem

Sibi me óbsecravít, quí se sciret nón desertum iri, út darem.

*DA.* Curábitur. set páter adest. cave, té esse tristem séntiat.

ACTVS II. SCENA IV.

*SIMO. DAVVS. PAMPHILVS.*

*SI.* Revíso quid agant, quídve captent cónsili.

*DA.* Hic núnc non dubitat, quín te ducturúm neges.

Venít medítatus álicunde ex soló loco:

Orátionem spérat invenísse se,

Qui dífferat te: próin tu fac aput te út sies. 5

*PA.* Modo ut póssim, Dave. *DA.* créde inquam hoc mihi, Pámphile,

Numquam hódie tecum cómmutaturúm patrem

Vnum ésse verbum, sí te dices dúcere.

ACTVS II. SCENA V.

*BYRRIA. SIMO. DAVVS. PAMPHILVS.*

*BY.* Erus mé relictis rébus iussit Pámphilum

Hodie óbservarem, quíd ageret de núptiis.

[Scirem. id propterea nunc hunc venientem sequor.]

Ipsum ádeo praesto vídeo cum Davo: hóc agam.

*SI.* Vtrúmque adesse vídeo. *DA.* hem, serva. *SI.* 5  
Pámphile!

*DA.* Quasi de ínproviso réspice ad eum. *PA.* ehém pater.

*DA.* Probe. *SI.* hódie uxorem dúcas, ut dixí, volo.

*BY.* Nunc nóstrae timeo párti quid hic respóndeat.

*PA.* Neque istíc, neque alibi tíbi erit usquam in mé mora. *BY.* hem.

*DA.* Ommútuít. *BY.* quid díxit? *SI.* facis ut té decet, 10

Cum istúc quod postulo ímpetro cum grátia.

*DA.* Sum vérus? *BY.* erus, quantum aúdic, uxore éxcidit.

*SI.* I núnc iam intro; ne ín mora cum opus sít, sies.

*PA.* Eó. *BY.* nullane in ré esse cuiquam hominí fidem?

15 Verum illud verbumst, vólgo quod dicí solet,

Omnís sibi esse béne mavelle, quam álteri.

Ego, cum illam vidi, vírginem formá bona

Meminí videre: quo aéquior sum Pámphilo,

Si sé illam in somnis, quam illum, amplecti máluit.

20 Renúntiabo, ut pro hóc malo mihi dét malum.

## ACTVS II. SCENA VI.

*DAVVS. SIMO.*

*DA.* Hic núnc me credit áliquam sibi falláciam

Portáre, et ea me hic réstitisse grátia.

*SI.* Quid, Dáve, narrat? *DA.* aéque quicquam núnc quidem.

*SI.* Nilne? hém. *DA.* nil prorsus. *SI.* átqui expectabám quidem.

5 *DA.* Praetér spem evenit: séntio hoc male habét virum.

*SI.* Potin' és mihi verum dícere? *DA.* ego? nil fáci- lius.

*SI.* Numillí molestae quíppiam haec sunt núptiae, Propter hóspositai huiúsce consuetúdinem?

*DA.* Nihil hércle: aut, si adeo, bídui est aut trídui

10 Haec sólicitudo: nósti? deinde désinet.

Etenim ípsus eam rem récta reputavít via.

*SI.* Laudó. *DA.* Dum licitum est éii, dumque aetás tulit,

Amávit: tum id clam: cávit, ne umquam infámiae

Ea rés sibi esset, út virum fortém decet:

15 Nunc úxore opus est: ánimum ad uxorem ádpulit

*SI.* Subtrístis visust ésse aliquantillúm mihi.

*D A.* Nil própter hanc: set ést, quod suscensét tibi.

*S I.* Quid námst? *D A.* puerilest. *S I.* quid id est? *D A.* nil. *S I.* quin díc quid est?

*D A.* Ait nímium parce fácere sumptum. *S I.* méne?  
*D A.* te.

*Vix, ínquit, drachmis ést obsonatúm decem: 20*

*Num filio vidétur uxorem dare?*

*Quem, ínquit, vocabo ad cénam meorum aequálium*

*Potíssimum nunc? ét, quod dicendum híc siet,*

*Tu quóque per parce nímium. non laudó. S I. tace.*

*D A.* Commóvi. *S I.* ego istaec récte ut fiant vídero. 25

*Quid hóc est reii? quid hic volt veteratór sibi?*

*Nam si híc malist quicquam, hem íllic est huic rei caput.*

## ACTVS III. SCENA I.

*MYSIS. SIMO. DAVVS. LESBIA. GLYCERIVM.*

*MY.* Ita pól quidem res est, út dixisti, Lésbia:

*Fidélem haut ferme múlieri inveniás virum.*

*S I.* Ab Ándriast ancílla haec. *D A.* quid narrás? *S I.* itast.

*MY.* Set hic Pámphilus. *S I.* quid dícit? *MY.* firmavít fidem. *S I.* hem.

*D A.* Vtinam aút hic surdus, aút haec muta fácta sit. 5

*MY.* Nam quód peperisset, iússit tolli. *S I.* o Iúppiter!

*Quid ego aúdio? actumst, síquidem haec vera praedicat.*

*LE.* Bonum ingénium narras ádulescentis. *MY.* óptimum.

*Set séquere me intro, ne ín mora illi síis. LE.* sequor.

*D A.* Quod rémedium nunc huic malo inveniám? *S I.* 10  
quid hoc?

*Adeóne est demens? éx peregrina? iám scio; ah*

*Vix tándem sensi stólidus. D A.* quid hic sensísse ait?

*SI.* Haec primum adfertur iam mihi ab hoc fallacia:  
Hanc simulant parere, quo Chremetem absterrant.

15 *GL.* Iuno Lucina fer opem, serva me, obsecro.

*SI.* Hui, tam cito? ridiculum: postquam ante ostium  
Me audivit stare, adproperat. non sat commode  
Divisa sunt temporibus tibi, Dave, haec. *DA.* mihi?

*SI.* Num inmemores discipuli? *DA.* ego quid nar-  
res nescio.

20 *SI.* Hicine me si inparatum in veris nuptiis  
Adortus esset, quos me ludos redderet?  
Nunc huius periculo fit, ego in portu navigo.

## ACTVS III. SCENA II.

*LESBIA* obstetrix. *SIMO.* *DAVVS.*

*LE.* Adhuc, Archylis, quae adsolent quaeque oportet  
Signa esse ad salutem, omnia huic esse video.

Nunc primum fac istaec lavet: post deinde,  
Quod iussi ei dari bibere, et quantum imperavi,

5 Date: mox ego huc revertor.

Per ecastor scitus puer est natus Pamphilo.

Deos quaeso, ut sis superstes, quandoquidem ipsest  
ingenio bono;

Cumque huic est veritus optumae adulescenti fa-  
cere iniuriam.

*SI.* Vel hoc quis non credat, qui te norit, abs te  
esse ortum? *DA.* quidnam id est?

10 *SI.* Non imperabat coram, quid opus facto esset  
puerperae:

Set postquam egressast, illis, quae sunt intus, cla-  
mat de via.

O Dave, itan' contemnor abs te? aut itane tandem  
idoneus

Tibi videor esse, quem tam aperte fallere incipias  
dolis?

Saltem áccurate: ut métui videar cérte, si rescíve-  
rim.

*DA.* Certe hércle nunc hic se ípsus fallit, haút ego. 15  
*SI.* edixí tibi,

Intérminatus súm, ne faceres: núm veritu's? quid  
rétulit?

Credón' tibi hoc nunc, péperisse hanc e Pámphilo?

*DA.* Teneó, quid erret: át quid agam habeo. *SI.* quíd  
taces?

*DA.* Quid crédas? quasi non tibi siet renúnciatum  
haec síc fore.

*SI.* Min' quícquam? *DA.* eho an tute íntellexti hoc 20  
ádsimulari? *SI.* ínrideor.

*DA.* Renúnciatumst: nám qui tibi isthaec íncidit  
suspíció?

*SI.* Qui? quía te noram. *DA.* quási tu dicas, fáctum  
id consilió meo.

*SI.* Certe énim scio. *DA.* non sátis pernosti me  
étiam, qualis sím, Simo.

*SI.* Ego nón te? *DA.* set, si quíd narrare occoépi,  
continuó dari

'Tibi vérba censes fálsó: itaque hércle níl iam mut- 25  
tire aúdeo.

*SI.* Hoc égo scio unum, néminem peperísse hic.  
*DA.* Intelléxti.

Set níhilo seciús mox puerum huc déferent ante  
óstium.

Id égo iam nunc tibi, ére, renuntió futurum, ut síc  
sciens.

Ne tu hóc posterius dícas Davi fáctum consilio aút  
dolis.

Prórsus a me opínionem hanc tuam ésse ego amo- 30  
tám volo.

*SI.* Vnde id scis? *DA.* audívi, et credo: múlta con-  
currúnt simul,

Quí coniecturam hánc nunc facio. iám primum  
haec se e Pámphilo

Grávidam dixit ésse: inventum est fálsum. nunc,  
postquám videt

Núptias domi ápparari, míssast ancilla ílico

35 Óbstericem accérsitum ad eam, et púerum ut ad-  
ferrét simul.

Hóc ni fit, tu púerum ut videas, níl moventur nú-  
ptiae.

*SI.* Quid áis? ubi intelléxeras

Íd consilium cápere, cur non díxisti extemplo Pám-  
philo?

*DA.* Quis igitur eum ab ílla abstraxit, nísi ego?  
nam omnes nós quidem

40 Scímus, hanc quam míseré amarit. núnc sibi ux-  
rem éxpedit.

Póstremo id da míhi negoti: tú tamen idem has  
núptias

Pérge facere ita, út facis: et id spéro adiuturós deos.

*SI.* Immo abi intro: ibi me ópperire, et quód para-  
to opus ést para.

Non ímpulit me, haec núnc omnimo ut créderem:

45 Atque háút scio, an quae díxit sint vera ómnia:

Set párví pendo: illúd mi multo máximumst,

Quod míhi pollicitust ípse gnatus. núnc Chremen

Convéniam: orabo gnáto uxorem: id si ímpetro,

Quando álias malim quam hódie has fieri núptias?

50 Nam gnátus quod pollicitust, haut dubiúmst mihi,

Si nólit, quin eum mérito possim cógere.

Atque ádeo in ipso témpore eccum ipsúm Chremen.

### ACTVS III. SCENA III.

*SIMO. CHREMES senex.*

*SI.* Iubeó Chremetem. *CH.* o, te ípsum quaerebam.

*SI.* ét ego te. *CH.* optato ádvenis.

Aliquót me adierunt, éx te auditum qui ásbant, ho-  
die filiam

Meam núbere tuo gnáto: id viso, tún an illi insá-  
niant.

*SI.* Auscúlta: paucis ét quid te ego velim ét quod  
tu quaerís scies.

*CH.* Auscúlto: loquere quíd velis. 5

*SI.* Per te égo deos oro, et nóstram amicitíam,  
Chreme,

Quae incépta a paryis cum aétate adcrevít simul,  
Perque únicam gnatám tuam, et gnatúm meum,  
Cuius tibi potestas súmma servandí datur,  
Ut me ádiuves in hác re: atque ita uti núptiae 10

Fueránt futurae, fíant. *CH.* ah ne me óbseca:

Quasi hóc te orando a me ímpetrare opórteat.

Alium ésse censes núnc me atque olim cúm dabam?

Si in rémst utrique ut fíant, accersí iube.

Set si éx ea re plús malist quam cómmodi 15

Vtríque, id oro te, in commune ut cónsulas,

Quasi illa tua sit, Pámphilique ego sím pater.

*SI.* Immo ita volo itaque póstulo ut fiát, Chreme:

Neque póstulem ábs te, ni ípsa res moneát. *CH.*  
quid est?

*SI.* Iraésunt inter Glýcerium et gnatum. *CH.* aúdio. 20

*SI.* Ita mágnae, ut sperem pósse avelli. *CH.* fábulae.

*SI.* Profécto sic est. *CH.* sic hercle, ut dicám tibi:

Amántium irae, amóris integrátio. *SI.* hem,

Id te óro, ut ante eámus. dum tempús datur,

Dumque eíus lubido occlúsast contuméliis, 25

Prius quam hárum scelera et lácrumae confictae  
dolís

Reddúcut animum aegrótum ad misericórdiam,

Vxórem demus. spéro consuetúdine et

Coniúgio liberáli devinctúm, Chreme,

Dein fácite ex illis sése emersurúm malis. 30

*CH.* Tibi ita hóc videtur: át ego non posse árbitror

Neque illum hánc perpetuo habére, neque me  
pérpeti.

*SI.* Qui sciás ergo istuc, nísi periculum féceris?

*CH.* At istúc periculum in filia fierí, grave est.

35 *SI.* Nempe íncommoditas dénique huc omnis redit,

Si evéniat, quod Di próhibeant, discéssio.

At sí corrigitur, quót commoditatés vide:

Principío amico filium restítueris;

Tibi génerum firmum, et filiae inveniás virum.

40 *CH.* Quid istíc? si ita istuc ánimum inducti esse  
útile,

Noló tibi ullum cómmodum interclúdi.

*SI.* Meritó te semper máximi fecí, Chreme.

*CH.* Set quíd ais? *SI.* quid? *CH.* qui sciás eos nunc  
díscordare intér se?

*SI.* Ipsús mihi Davos, qui íntumust eorúm consiliis,  
díxit:

45 Et ís mihi suadet, núptias quantúm queam ut ma-  
túrem.

Num cénse faceret, filium nisi scíret eadem haec  
vélle?

Tute ádeo iam eius verba aúdiés. heus, évocate  
huc Dávom.

Atque éccum: video ipsúm foras exíre.

## ACTVS III. SCENA IV.

*DAVVS. SIMO. CHREMES.*

*DA.* Ad te ibam. *SI.* quídnam est?

*DA.* Cur úxor non adcérsitur? iam advésperascit.

*SI.* aúdin'?

Ego dúdum non nil véritus sum abs te, Dáve, ne  
facérés idem,

Quod vólgu servorúm solet, dolís ut me delúderes.

5 Proptérea quod amat filius. *DA.* egon' istuc face-  
rem? *SI.* crédidi:



Idque ádeo metuens vós celavi, quód nunc dicam.

*DA.* quíd? *SI.* scies:

Nam própemodum hábeo iám fidem. *DA.* tandém cognosti quí siem?

*SI.* Non fúerant nuptiaé futurae. *DA.* quíd? non?

*SI.* set ea grátia

Simulávi, vos ut pértemptarem. *DA.* quíd ais? *SI.*

sic res ést. *DA.* vide,

Numquam ístuc ego quivi íntellegere. váh consilium cállidum. 13

*SI.* Hoc aúdi. ut hinc te introíre iussi, oppórtune hic fit mi óbviám. *DA.* hem,

Numnám periimus? *SI.* nárró huic, quae tu dúdum narrastí mihi.

*DA.* Quidnam aúdiam? *SI.* gnatam út det oro, víxque id exoro. *DA.* óccidi. *SI.* hem,

Quid díxisti? *DA.* optume ínquam factum. *SI.* núnc per hunc nullást mora.

*CH.* Domúm modo ibo: ut ápparetur, dícam: atque huc renúntio. 15

*SI.* Nunc te óro, Dave, quóniam solus mi éffecisti has núptias —

*DA.* Ego véro solus. *SI.* córrigere mi gnátum porro enítère.

*DA.* Faciam hércle seduló. *SI.* potes nunc, dum ánimus inritátus est.

*DA.* Quiéscas. *SI.* age igitúr, ubi nunc est ípsus? *DA.* mirum, ní domi ést.

*SI.* Ibo ad eum: atque eadem haec tíbi quae dixi, dícam itidem illi. *DA.* núllus sum. 20

Quid caúsae ést, quin hinc ín pistrinum récta proficiscár via?

Nihil ést preci loci relictum; iám perturbavi ómnia:

Erúm fefelli: in núptias coniéci erilem filium;

Feci hódie ut fierent, ínsperante hoc, átque invito Pámphilo. hem

25 Astútias: quod sí quiessem, níhil evenissét mali.  
 Set éccum video ipsum: óccidi.  
 Vtinám mihi esset áliquíd hic, quo mé nunc prae-  
 cipitém darem.

## ACTVS III. SCENA V.

*PAMPHILVS. DAVVS.*

*PA.* Vbi illic est? scelús, qui me hodie. périi. at-  
 que hoc confíteor iure

Mi óbtigisse; quándouidem tam inérs, tam nulli  
 cónsili sum:

Sérvon' fortunás meas me cómmisisse fútili?

Ego prétium ob stultitiám fero: sed inúltum id  
 numquam a me aúferet.

5 *DA.* Posthác incolumem sát scio fore me, núnc si  
 hoc devitó malum.

*PA.* Nam quíd ego nunc dicám patri? negábon' velle  
 mé, modo

Qui súm pollicitus dúcere? qua fidúcia id facere  
 aúdeam?

Nec, quíd me nunc faciám, scio. *DA.* nec quíd me,  
 atque id ago sédulo.

Dicam áliquíd me inventúrum, ut huic malo áli-  
 quam producám moram.

10 *PA.* Oh. *DA.* vísus sum. *PA.* ehodum bóne vir,  
 quid agis? víden' me consiliís tuis

Miserum ínpeditum esse? *DA.* át iam expédiam.  
*PA.* expédies? *DA.* certe Pámphile.

*PA.* Nempe út modo. *DA.* immo mélius spero. *PA.*  
 oh, tibi ego ut credam, fúrcifer?

Tu rem ínpeditam et pérditam restítuas? hem quo  
 frétus sim,

Qui me hódie ex tranquillíssima re cóniecisti in  
 núptias.

Ánnon dixi esse hoc futurum? *DA.* dixti. *PA.* quid 15  
merítú's? *DA.* crucem.

Sét sine paululum ad me redeam: iam áliquid  
dispiciam. *PA.* éi mihi,

Cúm non habeo spátium, ut de te súmam suppli-  
cium, út volo:

Námque hoc tempus, práecavere mihi me, haut te  
ulciscí, monet.

## ACTVS IV. SCENA I.

CHARINVS. PAMPHILVS. DAVVS.

*CH.* Hóccine crédibile, aút memorábile;

Tánta vecórdia innáta cuiquam út siet,

Vt malis gaúdeant, átque ex incómmodis

Álteriús sua ut cómparent cómmoda? ah

Ídne est verum? ímmo id est génus hominum pés- 5  
sumum, in

Dénegandó modo quis pudor paúlum adest:

Póst ubi témpus promíssa iam pérfici,

Túm coactí necessáριο se áperiunt:

Ét timent: ét tamen rés premit dénégare:

Íbi tum eorum ínpudentíssima orátio est, 10

Quís tu homo es? quis mihi es? cúr ego meám tibi?  
heus,

Próxumus súm egomet mi. áttamen ubí fides

Sí roges, níl pudent híc, ubi opust: íllic ubi

Níl opust, íbí verentur.

Sét quid agam? adeamne ad eum, et cum eo iniú- 15  
riam hanc expóstulem?

Íngeram mala múlta? atque aliquis dícat, Nil pro-  
móveris:

Níl? molestus certe ei fuero: atque ánimo morem  
géssero.

*PA.* Charíne, et me et te ímprúdens, nisi quid Dí  
respiciunt, pérdidi.

*CH.* Ítane imprudens? tándem inventast cáusa. sol-  
vistí fidem.

20 *PA.* Quíd ita tandem? *CH.* etiám me dictis dúcere  
istis póstulas?

*PA.* Quíd istuc est? *CH.* postquám me amare dixi,  
complacitást tibi.

Héu me miserum, quí tuum animum ex ánimo spe-  
ctaví meo.

*PA.* Fálsus es. *CH.* non sátis tibi esse hoc sólidum  
visumst gaúdium,

Nísi melactassés amantem, et fálssa spe produceres.  
25 Hábeas. *PA.* habeam? ah néscis quantis ín malis  
versér miser;

Quantásque hic suis consíliis mihi confécit sollici-  
túdines

Meus cárnufex. *CH.* quid istúc tam mirum, dé te  
si exemplúm capit?

*PA.* Haut ístuc dicas, sí cognoris vél me vel amo-  
rém meum.

*CH.* Scio: cúm patre altercásti dudum: et ís nunc  
propterea tibi

30 Suscénset: nec te quívit hodie cógere, illam ut dú-  
ceres.

*PA.* Immo étiam, quo tu mínus scís aerumnás meas,  
Haec núptiae non ádparabantúr mihi:

Nec póstulabat núnc quisquam uxorém dare.

*CH.* Scio: tú coactus tuá voluntate és. *PA.* mane:  
35 Nondum étiam scís. *CH.* scio équidem ducturum  
esse te.

*PA.* Cur me énicas? hoc aúdi. numquam déstitit  
Instáre, ut dicerém me ducturúm patri;  
Suadére, orare, usque ádeo donec pérpulis.

*CH.* Quis homo ístuc? *PA.* Davos. *CH.* Dávos?  
quamobrem? *PA.* néscio:

40 Nisi míhi deos fuisse irátos, qui auscultáverim.

*CH.* Factum ést hoc, Dave? *DA.* fáctum est. *CH.*  
hem, quid ais scelus?

At tibi Di dignum fáctis exitiúm duint.

Eho, dic mihi, si omnes hunc coniectum in núptias  
Inimici vellent; quídni hoc consiliúm darent?

*DA.* Decéptus sum, at non defétigatús. *CH.* scio. 45

*DA.* Hac nón successit, ália adgrediemúr via.

Nisi si íd putas, quia primo processít parum,  
Non iam ad salútem pósse converti hóc malum.

*PA.* Immo étiam: nam satis crédo, si advigiláveris,  
Ex únis geminas míhi conficies núptias. 50

*DA.* Ego, Pámphile, hoc tibi pró servitio débeo,

Conári manibus, pédibus, noctisque ét dies:

Capitís periculum adíre, dum prosím tibi:

Tuumst, sí quid praeter spem évenit, mi ignóscere.  
Parúm succedit quód ago: at facio sédulo. 55

Vel mélius tute réperi, me missúm face.

*PA.* Cupió: restitue quem á me accepistí locum.

*DA.* Faciam. *PA.* átiam hoc opus est. *DA.* sét con-  
crepuit hinc a Glycerio óstium.

*PA.* Nihil ad te. *DA.* quaero. *PA.* hem, núncne de- 60  
mum? *DA.* at iam hóc tibi inventúm  
dabo.

## ACTVŠ IV. SCENA II.

*MYSIS. PAMPHILVS. CHARINVS. DAVVS.*

*MY.* Iam, ubi úbi erit, inventúm tibi curábo, et me-  
cum addúctum

Tuum Pámphilum: modo tu, ánime mi, nolí te ma-  
ceráre.

*PA.* *MYSIS.* *MY.* quis est? ehem Pámphile, oppor-  
túne te mihi óffers.

Oráre iussit, sí se ames, era, iám ut ad sese vénias:  
Vidére ait te cúpere. *PA.* vah, perii: hóc malum 5  
integráscit.

Sicíne me atque illam operá tua nunc míseros sollicitári?

Nam idcirco adersor, núptias quod mi adparari sénsit.

*CH.* Quibus quídem quam facile pótuerat quiésci, si hic quiéssset.

*DA.* Age, si híc non insanít satis sua spónte, instiga. *MY.* atque édepol

10 *Ea res est: propterea que nunc misera in moerore est. PA. Mýsis,*

Per ómnis adiuró deos, numquam eám me deser-túrum;

Non, sí capiundos míhi sciam esse inimícos ómnis hómines.

Hanc mi éxpetivi, cóntigit: convéniunt mores: váleant,

Qui inté nos discidiúm volunt: hanc, nísí mors, mi adimet némo.

15 *MY.* Resipísco. *PA.* non Apóllinis magis vérum at- que hoc respónsum est.

Si póterit fieri, ut né pater per mé stetisse crédat, Quo mínus hae fierent núptiae, voló. set si id non póterit,

Id fáciam, in procliví quod est, per mé stetisse ut crédat.

Quis vídeor? *CH.* miser, aequé átque ego. *DA.* con-sílium quaero. *CH.* fórti's;

20 *Si quíd conere. DA.* hoc égo tibi profécto effectum réddam.

*PA.* Iam hoc ópus est. *DA.* quin iam habeo. *CH.* quid est? *DA.* huic, nón tibi habeo, ne érres.

*CH.* Sat habeo. *PA.* quid faciés? cedo. *DA.* dies mi híc ut satis sit véreor

Ad agéndum: ne vacuum ésse me nunc ad narran-dum crédas:

Proinde hinc vos amolímini: nam mi impedimento  
estis.

*PA.* Ego hanc visam. *DA.* quid tu? quo hinc te agis? 25

*CH.* verum vis dicam? *DA.* immo  
etiam

Narrationis incipit mi initium. *CH.* quid me fiet?

*DA.* Eho tu impudens, non satis habes, quod tibi  
diculam addo,

Quantum huic promoveo nuptias? *CH.* Dave, at  
tamen. *DA.* quid ergo?

*CH.* Vt ducam. *DA.* ridiculum. *CH.* huc face ad me  
venias, si quid poteris.

*DA.* Quid veniam? nil habeo. *CH.* at tamen siquid. 30

*DA.* age, veniam. *CH.* si quid;

Domi ero. *DA.* tu, Mysis, dum exeo, parumper op-  
perire hic.

*MY.* Quapropter? *DA.* ita factum est opus. *MY.* ma-  
tura. *DA.* iam inquam hic adero.

## ACTVS IV. SCENA III.

*MYSIS. DAVVS.*

*MY.* Nilne esse proprium cuiquam? Di vostram  
fidem:

Summum bonum esse erae deputabam hunc Pam-  
philum,

Amicum, tutorem, virum in quovis loco

Paratum: verum ex eo nunc misera quem capit

Laborem? facile hic plus mali est, quam illic boni. 5

Set Davos exit. mi homo, quid istuc obsecrost?

Quo portas puerum? *DA.* Mysis, nunc opus est tua

Mihi ad hanc rem exprompta malitia atque astutia.

*MY.* Quidnam incepturus? *DA.* accipe a me hunc  
ocius,

Atque ante nostram ianuam adpone. *MY.* obsecro, 10

Humine? *DA.* ex ara hinc sume verbenas tibi,

Atque eás substerne. *MY.* quámobrem tute id nón facis?

*DA.* Quia sí forte opus sit ad erum iurató mihi Non adposuisse, ut líquido possim. *MY.* intéllego:  
15 Nova núnc religio te istaec incessit cedo?

*DA.* Move óciuste, ut quíd agam porro, intéllegas. Pro Iúppiter. *MY.* quid est? *DA.* spónsae pater intérvénit.

Repúdió quod consílium primum inténderam.

*MY.* Nesció quid narres: *DA.* égo quoque hinc ab dextera

20 Veníre me adsimulábo: tu, ut subsérvias

Orátioni, utcúmque opust, verbís vide.

*MY.* Ego quíd agas nihil intéllego: set, sí quid est, Quod méa opera opus sit vóbis, ut tu plús vides, Manébo, ne quod vóstrum remorer cómodum.

## ACTVS IV. SCENA IV.

*CHREMES. MYSIS. DAVVS.*

*CH.* Revértor, postquam quae ópus fuere ad núptias Gnataé paravi, ut iúbeam accersi. sét quid hoc?

Puer hérclest. mulier, tu adposuisti hunc? *MY.* úbi illic est?

*CH.* Non míhi respondes? *MY.* núsquam est. vae miseraé mihi,

5 Relíquit me homo, atque ábiit. *DA.* Di vostrám fidem,

Quid túrbæ aput forumst? quíd illic hominum lítigant?

Tum annóna carast. quíd dicam aliud, néscio.

*MY.* Cur tu óbsecro híc me sólam? *DA.* hem! quae haec est fábula?

Eho Mýsis, puer híc únde est? quisve huc áttulit?

10 *MY.* Sátin sánu's, me qui id rógites? *DA.* quem igitúr rogem?



Qui hic néminem alium vídeam. *CH.* miror, únde sit.

*DA.* Dictúra es quod rogo? *MY.* aú. *DA.* concede ad dexteram.

*MY.* Delíras: non tute ípse? *DA.* verbum unúm mihi, Praetereaquam quod té rogo, faxís cave.

Quin dícis undest cláre. *MY.* a nobis. *DA.* áttate: 15

Mirúm vero, inpu dénter mulier sí facit

Meretríx. *CH.* ab Andria ést haec, quantum intéllego.

*DA.* Adeón videmur vóbis esse idónei,

In quíbus sic inludátis? *CH.* veni in témpore.

*DA.* Propera ádeo puerum tóllere hinc ab iánua: 20

Mané: cave quoquam ex ístoc excessís loco.

*MY.* Di te éradicent: íta me miseram térritas.

*DA.* Tibi dício ego, annon? *MY.* quíd vis? *DA.* at etiám rogas?

Cedo, cúium puerum hic ádposuisti? díc mihi.

*MY.* Tunéscis? *DA.* mitte id, quód scio: dic, quód 25 rogo.

*MY.* Vestrí. *DA.* cuius nostri? *MY.* Pámphili. *DA.* hem, quid? Pámphili?

*MY.* Eho, annón est? *CH.* recte ego némpe has fugi núptias.

*DA.* O fácinus animadvértendum. *MY.* quid clámitas?

*DA.* Quemne égo heri vidi ad vós adferri vésperi?

*MY.* O hómínem audacem. *DA.* vérum. vidi Cántharam 30

Suffárcinatam. *MY.* Dís pol habeo grátiam, Cum in páriuundo aliquot ádfuerunt líberae.

*DA.* Ne illa íllum haut novit, cúius causa haec íncipit.

Chremés, si adpositum púerum ante aedis víderit, Suam gnátam non dabít: tanto hercle mágis dabít. 35

*CH.* Non hercle faciet. *DA.* núnc adeo, ut tu síscíens,

Nisi púerum tollis, iám ego hunc in mediám viam  
Provólvam: teque ibídem pervolvam ín luto.

*MY.* Tu pól homo non es sóbrius. *DA.* fallácia

40 Alia áliam trudit. iám susurrari aúdio,

Civem Átticam esse hanc. *CH.* hém. *DA.* coactus  
légibus

Eam uxórem ducet. *MY.* eho, óbsecro, an non  
cívís est?

*CH.* Ioculárium in malum ínciens paene íncidi.

*DA.* Quis hic lóquitur? o Chremé, per tempus  
ádvénis.

45 Auscúlta. *CH.* audivi iam ómnia. *DA.* anne haec  
tu ómnia?

*CH.* Audívi, inquam, a princípío. *DA.* audistin,  
óbsecro? hem

Scelera, hánc iam oportet ín cruciatum hincábripi.

Hic est ille: non te crédas Davom lúdere.

*MY.* Me míseram: nil pól fálsi dixi, mí senex.

50 *CH.* Novi ómnem rem. est Simo íntus? *DA.* est.

*MY.* ne me áttigas

Sceléste, si pól Glýcerio non ómnia haec.

*DA.* Eho inépta, nescis quíd sit actum? *MY.* qui  
sciam?

*DA.* Hic sócer est. alio pácto haut poterat fieri,

Vt scíret haec, quae vólúimus. *MY.* praedíceres.

55 *DA.* Hilum ínteresse cénses, ex animo ómnia,

Vt fért natura, fácias, an de indústria?

## ACTVS IV. SCENA V.

*CRITO hospes. MYSIS. DAVVS.*

*CR.* In hác habitasse plátea dictumst Chrýsidem

Quae síbi inhoneste optávit parere hic dívítias,

Potiús quam honeste in pátria pauper víveret:

Eius mórte ea ad me lége redierúnt bona.

5 Set quós perconter vídeo. salvete. *MY.* óbsecro,

Quem vídeo? estne hic Critó sobrinus Chrýsidis?

Is ést. *CR.* o Mysis, sálve. *MY.* salvos síis Crito.

*CR.* Itan Chrýsis? hem. *MY.* nos pól quidem mise-  
ras pérdidit.

*CR.* Quid vós, quo pacto hic? sátine recte? *MY.*  
nósne? sic

Vt químus, aiunt; quándo, ut volumus, nón licet. 10

*CR.* Quid Glýcerium? iam hic suós parentes rép-  
perit?

*MY.* Vtinam. *CR.* án nondum etiam? haut aúspi-  
cato huc me ádtuli:

Nam pól, si id scissem, núnquam huc tetulissém  
pedem:

Sempér eïdicta est ésse haec atque habita ést soror:  
Quae illíus fuerunt, pössidet: nunc me hóspitem 15

Lités sequi, quam id míhi sit facile atque útile,  
Aliórum exempla cómmonent: simul árbitror,

Iam esse áliquem amicum et défensorem ei: nám  
fere

Grandiúscula iam proféctast illinc. clámitent,  
Me sýcophantam: heréditatem pérsequi, 20

Mendícum: tum ipsam déspoliare nón lubet.

*MY.* O óptume hospes, pól Crito antiquum óbtines.

*CR.* Duc me ád eam: quando huc véni, ut videam.  
*MY.* máxume.

*DA.* Sequar hós: nolo me in témpore hoc videát  
senex.

## ACTVS V. SCENA I.

CHREMES. SIMO.

*CH.* Sátis iam satis, Simó, spectata ergá te amici-  
tiást mea:

Sátis pericli incépi adire: orándi iam finém face.

Dúm studeo obsequí tibi, paene inlúsi vitam filíae.

*SI.* Immo enim nunc cum máxume abs te póstulo  
atque oró, Chreme,

5 *Vt beneficium v'rbis inítum dúdum, nunc re cómp-  
probes.*

*CH. Víde quam iniquus sís prae studio: d'úm id  
efficias quód cupis,*

*Néque modum benignitatis, néque quid me ores,  
cógitas:*

*Nám si cogité, remittas íám me onerare iniúriis.*

*SI. Quíbus? CH. at rogitas? pérpulisti me, hómíni  
ut adulescéntulo,*

10 *In alio occupáto amore, abhórrenti ab re uxória,  
Fíliam darem ín seditionem, átque in incertas nú-  
ptias,*

*Eíus labore atque eíus dolore gnáto ut medicarér  
tuo:*

*Ímpetrasti: incépi: dum res tétulit. nunc non fért:  
feras.*

*Íllam hinc civem esse aíunt: puer est nátus: nos  
missós face.*

15 *SI. Pér ego te deos óro, ut ne illis ánimum inducas  
crédere,*

*Quíbus id maxume útilest, illum ésse quam detér-  
rimum.*

*Núptiarum grátia haec sunt fácta atque incepta  
ómnia.*

*V'bi ea causa, quámobrem haec faciunt, érit adem-  
pta his, désinent.*

*CH. Érras: cum Davo égomet vidi ancíllam iur-  
gantém. SI. scio.*

20 *CH. Véro voltu; cum íbi me adesse néuter tum  
praesénserat.*

*SI. Crédo; et id futúrum Davos dúdum praedixít  
mihi:*

*Étnescio qui tíbi sum oblitus hódie, ut volui, dícere.*

## ACTVS V. SCENA II.

DAVVS. CHREMES. SIMO. DROMO.

DA. Ánimo nunc iam ótioso esse ímpero. CH. hem Davóm tibi.

SI. Vnde egreditur? DA. meó praesidio atque hóspitis. SI. quid illúd mali est?

DA. Égo còmodiorem hóminem, adventum, tèmpus, non vidí. SI. scelus,

Quémnam hic laudat? DA. ómnis res est iam ín vado. SI. cesso ádloqui?

DA. Érus est: quid agam? SI. o sálve bone vir. 5

DA. éhem Simo, o nostér Chreme,

Ómnia adparáta iam sunt íntus. SI. curastí probe.

DA. Vbi voles, adcérse. SI. bene sane: íd enimvero hinc núnc abest.

Étiam tu hoc respónde, quid ístic tibi negotist?

DA. míhin? SI. ita.

DA, Míhi? SI. tibi ergo. DA. módo ego introivi.

SI. quási ego quam dudúm rogem.

DA. Cúm tuo gnato una. SI. áne est íntus Pámphilus? cruciór miser. 10

Eho, non tu dixti, ésse inter eos ínimicitias, cárnufex?

DA. Súlt. SI. cur igitur híc est? CH. quid illum cénset? cum illa lítigat.

DA. Ímmo vero indignúm, Chreme, iam fácinus faxo ex me aúdiés.

Néscio qui senéx modo venit: éllum, confidéns, catus:

Cúm faciem videás, videtur ésse quantivís preti: 15

Trístis severitás inest in vóltu, atque in verbís fides.

SI. Quídam adportas? DA. níl equidem, nisi quód illum audivi dícere.

SI. Quíd ait tandem? DA. Glýcerium se scíre civem esse Átticam. SI. hem,

- Dromó, Dromo. *DR.* quid ést? *SI.* Dromo. *DA.* audi. *SI.* vérbum si addiderís. Dromo.
- 20 *DA.* Audi óbsecro. *DR.* quid vís? *SI.* sublimem hunc íntro rape, quantúm potes.
- DR.* Quem? *SI.* Dávom. *DA.* quamobrem? *SI.* quía lubet, rape ínquam. *DA.* quid fecí? *SI.* rape.
- DA.* Si quícquam invenies mé mentitum, occídito. *SI.* nihil aúdio.
- Égo iam te commótum reddam. *DA.* támen etsi hoc verum ést? *SI.* tamen.
- Cura ádservandum vínctum. atque audin? quádrupedem constríngito.
- 25 Age núnc iam: ego pol hódie, si vivó, tibi Osténdam, quid erum sít pericli fállere, Et illí patrem. *CH.* ah ne saévi tantopere. *SI.* ó Chireme,
- Pietátem gnati. nóne te miserét mei? Tantúm laborem cápere ob talem filium?
- 30 Age Pámphile: exi Pámphile: ecquid té pudet?

## ACTVS V. SCENA III.

PAMPHILVS. SIMO. CHREMES.

- PA.* Quis mé volt? perii, páter est: *SI.* quid aís, ómnium? *CH.* ah,
- Rem pótius ipsam díe, ac mitte mále loqui. *SI.* Quasi quícquam in hunciam grávius dici póssiet. Ain tándem, civis Glýceriumst? *PA.* ita praédicant.
- 5 *SI.* Ita praédicant? o ingéntem confidéntiam! Num cógitat quid dícat? num factí piget? Numnam eíus color pudóris signum usquam índicat?
- Adeo ínpotenti esse ánimo, ut praeter cívium Morem átque legem, et suí voluntatém patris,
- 10 Tamen hánc habere stúdeat cum summó probro?

*PA.* Me míserum. *SI.* hem, modone id démum senti, Pámphile?

Olim ístuc, olim, cum íta animum inductí tuum,

Quod cúperes, aliquo pácto efficiundúm tibi:

Eodém die istuc vérbum vere in te áccidit.

Set quíd ego me autem excrúcio? cur me máceró? 15

Cur meám senectutem huíus sollicito améntia?

An ut pro huíus peccatis égo supplicium súfferam?

Immo hábeat, valeat, vívat cum illa. *PA.* mí pater.

*SI.* Quid mí pater? quasi tu huíus indigeás patris.

Domus, úxor, liberi ínventi invitó patre. 20

Addúcti qui illam cívem hinc dicant: víceris.

*PA.* Patér, licetne paúca? *SI.* quid dicés mihi?

*CH.* Tamén, Símo, audi. *SI.* egon aúdiam? quid ego aúdiam,

Chreme? *CH.* át tamen dicát sine. *SI.* age dicát: sino.

*PA.* Égo me amare hanc fáteor. si id peccáre est, 25  
fateor íd quoque.

Tíbi, pater, me dédo. quidvis óneris inpone: ímpera.

Vís me uxorem dúcere? hanc vis míttre? ut poteró, féram.

Hóc modo te obsecro, út ne credas á me adlegatum hunc senem:

Síne me expurgem, atque íllum huc coram addúcam. *SI.* adducas? *PA.* síne, pater.

*CH.* Aéquum postulát: da veniam. *PA.* síne te hoc 30  
exorém. *SI.* sino.

Quídvis cupio, dúm ne ab hoc me fálli comperiár, Chreme.

*CH.* Pró peccato mágno paulum súpplici satis ést patri.

## ACTVS V. SCENA IV.

*CRITO. CHREMES. SIMO. PAMPHILVS.*

*CR.* Mítte orare. una hárum quaevis caúsa me ut  
faciám monet,  
Vél tu, vel quod vérum est, vel quod ípsi cupio  
Glýcerio.

*CH.* Ándrium ego Critónem video? is cérte est.

*CR.* salvos sís, Chreme.

*CH.* Quíd tu Athenas ínsolens? *CR.* evénit. set hí  
cinést Simo?

5 *CH.* Híc. *CR.* Simo, men quaéris? *SI.* eho, tu Glý-  
cerium hinc civem ésse ais?

*CR.* Tú negas? *SI.* itane húc paratus ádvenis? *CR.*  
qua ré? *SI.* rogas?

Túne inpune haec fácias? tune hic hómínes adule-  
scéntulos

Ínperitos rérum, eductos líbere, in fraudem ínlicis  
Sóllicitando, et póllicitando eorum ánimos lactas?

*CR.* sánun es?

10 *SI.* Ác meretriciós amores núptiis conglútinás?

*PA.* Périi: metuo, ut súbstat hospes. *CH.* sí, Simo,  
hunc norís satis,

Nón ita arbitrére: bonus est híc vir. *SI.* hic vir sí  
bonus?

Ítane adtemperáte evenit, hódie in ipsis núptiis

Vt veniret, ántehac numquam? est véro huic cre-  
dendúm, Chreme.

15 *PA.* Ní metuam patrem, hábeo pro illa re íllum  
quod moneám probe.

*SI.* Sýcophanta. *CR.* hem. *CH.* síc, Crito, est hic:  
mítte. *CR.* videat quí siet.

Sí mihi perget quae volt dicere, éa quae non volt  
áúdiet.

Égo istaec moveo aut cúro? non tu tuúm malum  
aequo animó feres?



Nam égo quae dico, véra an falsa audíerim, iam scirí potest.

Átticus quidam ólim navi frácta ad Andrum eiéctus 20  
est,

Ét istaec una párrva virgo. tum ille egens forte ád-  
plicat

Prímum ad Chrysidís patrem se. *SI.* fábulam ince-  
ptát. *CH.* sine.

*CR.* Ítane vero obtúrbat? *CH.* perge tu. *CR.* ís mihi  
cognatús fuit,

Qui eúm recepit. íbi ego audivi ex illo sese esse Át-  
ticum.

Ís íbi mortuus ést. *CH.* eius nomen? *CR.* nómen 25  
tam cito? *PA.* Phánia. *CH.* hem,

Perií. *CR.* verum hercle opínor fuisse Phániam:  
hoc certó scio,

Rhamnúsium sese aibat esse. *CH.* o Iúppiter. *CR.*  
eadem haéc, Chreme,

Multi álii in Andro audívere. *CH.* utinam id sít,  
quod spero. eho, díe mihi,

Quid eám tum? suamne esse aibat? *CR.* non. *CH.*  
cuíam ígitur? *CR.* fratris fíliam.

*CH.* Certé meast. *CR.* quid aís? *SI.* quid tu aís? 50  
*PA.* árrige auris, Pámphile.

*SI.* Qui crédis? *CH.* Phania íllic frater meús fuit.  
*SI.* noram ét scio.

*CH.* Is hinc, béllum fugiens méque in Asiam pére-  
quens, proficíscitur;

Tum illam híc relinquare véritus est. post illa nunc  
prímum aúdio

Quid illó sit factum. *PA.* víx sum aput me: ita áni-  
mus commotúst metu,

Spe, gáudio, mirándo hoc tanto tám repentinó bono. 35

*SI.* Ne istám multimodis cívem inventam gaúdeo.  
*PA.* credó, pater.

- CH.* At mi unus scrupulus étiam restat, qui me  
male habet. *PA.* dignus es  
Cum tuá religione, ódium. nodum in scírpo quae-  
ris. *CR.* quid istuc est?
- CH.* Nomén non convenít. *CR.* fuit hercle huic  
áliud parvae. *CH.* quód, Crito?
- 40 Numquid meministi? *CR.* id quaéro. *PA.* egon hu-  
ius mémoriam patiár meae  
Voluptáti obstare, cum égomet possim in hác re  
medicari mihi?
- Non pátiar. heus, Chremé, quod quaeris, Pásibula.  
*CH.* ipsást. *CR.* east.
- PA.* Ex ípsa miliés audivi. *SI.* omnis nos gaudere  
hóc, Chreme,  
Te crédo credere. *CH.* ita me Di ament, crédo.  
*PA.* quid restát, pater?
- 45 *SI.* Iam dúdum res reddúxit me ipsa in grátiam.  
*PA.* o lepidúm patrem.  
De uxóre, ita ut possédi, nil mutát Chremes. *CH.*  
causa óptumast:
- Nisi síquid pater ait áliud. *PA.* nempe id. *SI.* scíli-  
cet. *CH.* dos, Pámphile, est
- Decém talenta. *PA.* accípío. *CH.* propero ad fí-  
liam. eho mecúm, Crito:
- Nam illám me credo haut nósse. *SI.* cur non íllam  
huc transferrí iubes?
- 50 *PA.* Recte ádmones. Davo égo istuc dedam iám  
negoti. *SI.* nón potest.
- PA.* Qui? *SI.* quía habet aliud mágis ex sese et  
máius. *PA.* quidnam? *SI.* vínctus est.
- PA.* Patér, non recte vínctust. *SI.* at ita iússi. *PA.*  
iube solvi óbsecro.
- SI.* Age fíat. *PA.* at matúre. *SI.* eo intro. *PA.* o  
faústum et felicém diem.
-

## ACTVS V. SCENA V.

CHARINVS. PAMPHILVS.

*CH.* Provisó quid agat Pámphilus: atque eccum.

*PA.* áliquis forsán mé putet

Nón putare hoc vérum: at mihi nunc síc esse hoc  
verúm liquet.

Égo Deorum vítam eapropter sémpiternam esse  
árbitor,

Quód vduplates eórum propriae súnť: nam mi im-  
mortálitás

Pártast, si nulla aégritudo huic gaúdio intercésset. 5

Sét quem ego mihi potíssimum optem, cui nunc  
haec narrém, dari?

*CH.* Quíd ilud gaudi est? *PA.* Dávom video. né-  
most, quem mallem ómnium:

Nam hunc sciomea sólide solum gávisurum gaúdia.

## ACTVS V. SCENA VI.

DAVVS. PAMPHILVS. CHARINVS.

*DA.* Pámphilus ubinamst? *PA.* híc est, Dave. *DA.*  
quís homost? *PA.* ego sum Pámphilus:

Néscis quid mi obtigerit. *DA.* certe: sét quid mi  
obtigerit scio.

*PA.* Ét quidem ego. *DA.* more hóminum evenit, út  
quod sim ego nactús mali

Príus resciscerés tu, quam ego tibi quod evenit boni.

*PA.* Méa Glycerium suós parentes répperit. *DA.* 5  
factúm bene. *CH.* hem.

*PA.* Páter amicus súmmus nobis. *DA.* quis? *PA.*  
Chremes. *DA.* narrás probe.

*PA.* Néc mora ulla est, quín iam uxorem dúcam.

*CH.* num ille sómniat

Éa, quae vigilans vóluit? *PA.* tum de púero, Dave?

*DA.* ah désine:

Sólus es quem díligunt Di. *CH.* sálvos sum, si haec  
véra sunt.

10 Cónloquar. *PA.* quis homóst? *Charine,* in témpore  
ipso mi ádvenis.

*CH.* Béne factum. *PA.* audisti? *CH.* ómnia. age,  
me in tuís secundis réspice.

Túus est nunc *Chremés:* facturum quaé voles scio  
esse ómnia.

*PA.* Mémini: atque adeo lóngumstnos illun éxpe-  
ctare dum éxeat.

Séquere hac me. intus ápud *Glycerium* núnc est.  
tu, *Dave,* ábi domum:

15 Própere adcerse, hinc qui aúferant eam quíd stas?  
quid cessás? *DA.* eo.

Ne éxspectetis dum éxeant huc: íntus despondé  
bitur:

Íntus transigétur si quid ést quod restet. Plaúдите.



**EVNVCHVS TERENTI.**

---

# FABVLAE INTERLOCVTORES.

*PHAEDRIA adulescens.*

*PARMENO servus.*

*THAIS meretrix.*

*GNATHO parasitus*

*CHAEREA adulescens.*

*THRASO miles.*

*PYTHIAS ancilla.*

*CHREMES adulescens.*

*ANTIPHO adulescens.*

*DORIAS ancilla.*

*DORVS eunuchus.*

*SANGA coquus.*

*SOPHRONA nutrix.*

*LACHES senex.*

---

*Acta ludis Megalensib. L. Postumio Albino L. Cornelio Merula Aedilib. curulib. Egere L. Ambivius Turpio L. Atilius Praenestinus. Modos fecit Flaccus Claudi Tibiis duabus dextris. Graeca Menandru. Acta II. M. Valerio C. Fannio Coss.*

---

---

## P R O L O G V S.

---

Si quisquam est, qui placere se studeant bonis  
Quam plurimis, et minime multos laedere,  
In his poeta hic nomen profitetur suum.  
Tum si quis est, qui dictum in se inclementius  
Existimarit esse, sic existimet, 5  
Responsum, non dictum esse, quia laesit prior:  
Qui bene vertendo, et eandem scribendo male, ex  
Graecis bonis Latinas fecit non bonas:  
Item ut Menandri Phasma nunc nuper dedit:  
Atque in Thesauro scripsit, causam dicere 10  
Prius unde petitur, aurum quare sit suum,  
Quam illic qui petit, unde is sit thesaurus sibi:  
Aut unde in patrium monumentum pervenerit.  
Dehinc, ne frustretur ipse se, aut sic cogitet,  
Defunctus iam sum, nihil est quod dicat mihi: 15  
Is ne erret, moneo, et desinat lacessere.  
Habeo alia multa, nunc quae condonabitur;  
Quae proferentur post, si perget laedere;  
Ita ut facere instituit. quam nunc acturi sumus  
Menandri Eunuchum, postquam Aediles emerunt; 20  
Perfecit, sibi ut inspicundi esset copia.  
Magistratus cum ibi adessent, occipit agi.  
Exclamat, furem, non poetam, fabulam  
Dedisse, et nil dedisse verborum tamen:  
Colacem esse nempe, Plausti veterem fabulam: 25  
Parasiti personam inde ablatam et militis.

- Si id ést peccatum, péccatum imprudéntiast  
 Poétae: non quo fúrtum facere stúduerit.  
 Id ita ésse, vos iam iúdicare póteritis.
- 30 Coláx Menandri est: ín ea est parasítus Colax,  
 Et míles gloriósus: eas se hic nón negat  
 Persónas transtulísse in Eunuchúm suam  
 Ex Graéca: set eas fábulas factás prius  
 Latínas scisse sése, id vero pérnegat.
- 35 Quod sí personis ísdem uti aliis nón licet:  
 Qui mágis licet curréntis servcs scríbere,  
 Bonás matronas fácere, meretricés malas,  
 Parasítum edacem, glóriosum mílitem,  
 Puerúm supponi, fálli per servóm senem,
- 40 Amáre, odisse, súspicari? déniqúe  
 Nullum ést iam dictum, quód non dictum sít prius.  
 Quare aéquom est vos cognóscere atque ignóscere,  
 Quae véteres factítarunt, si faciúnt novi.  
 Date óperam, et cum siléntio animum atténdite,
- 45 Vt pérnoscatís, quíd sibi Eunuchús velit.

## ACTVS I. SCENA I.

*PHAEDRIA* adulescens. *PARMENO* servus.

- PH.* Quid ígitur faciam? nón eam, ne núnc quidem  
 Cum adcérsor ultro? an pótius ita me cómparem,  
 Non pérpeti meretricúm contumélias?  
 Exclúsit: revocat: rédeam? non, si me óbsecret.
- 5 *PA.* Siquidem hércle possis, níl prius neque fórtius:  
 Verúm si incipies, néque pertendes náviter,  
 Atque úbi patí non póteris, cum nemo éxpetet,  
 Infécta pace, ultro ad eam venies; índicans  
 Te amáre, et ferre nón posse: actumst. ílicet.
- 10 *Perísti.* eludet, úbi te victum sénserit.  
 Proin tú, dum est tempus, étiam atque etiam hoc  
 cógita,  
 Ere, Quae res in se néque consilium néque modum



Habet úllum, eam rem consílio regere nó n potes.  
 In amóre haec omnia ínsunt vitia: iniúriae,  
 Suspíciones, ínimicitiae, indútiae, 15  
 Bellúm, pax rursus: incérta haec si tu póstules  
 Ratióne certa fácere, nihilo plús agas,  
 Quam sí des operam, ut cúm ratióne insánias.  
 Et quód nunc tute técum iratus cógitas,  
 Egone íllam? quae illum? quae me? quae non? síne 20  
 modo,

Morí me malim: séntiet qui vír siem:  
 Haec vérba ea una mehércle falsa lácrimula,  
 Quam oculós terendo mísera vix ví exprésse-  
 Restínguet: et te ultro áccusabit: ét dabis  
 Ultro eí supplicium. *PH.* o indignum facinus: núnc 25  
 ego

Et illám scelestam esse, ét me miserum séntio  
 Et taedet: et amore árdeo: et prudéns sciens,  
 Vivús vidensque péreo: nec quíd agám scio.  
*PA.* Quid agás? nisi ut te rédimas captum quám  
 queas

Minimó: si nequeas paúlulo, at quantí queas: 30  
 Et né te adflictes. *PH.* ítane suades? *PA.* sí sapis.  
 Neque, praéterquam quas ípse amor moléstias  
 Habet, áddas: et illas, quas habet, recté feras.  
 Set eccá ípsa egreditur, nóstri fundi cálamitas:  
 Nam quód nos capere opórtet, haec intércipit. 35

## ACTVS I. SCENA II.

*THAIS meretrix. PHAEDRIA. PARMENO.*

*TH.* Miserám me, vereor ne íllud gravius Phaédria  
 Tulerít, neve aliorsum átque ego feci accéperit,  
 Quod heri íntromissus nó n est. *PH.* totus, Pármeno,  
 Tremo hórreoque, póstquam aspexi hanc. *PA.* bóno  
 animo es:

Accéde ad ignem hunc, íám calesces plús satis. 5

*TH.* Quis hic lóquitur? ehem, tun híc eras, mi  
Phaédria?

Quid hic stábas? cur non récta introibas? *PA.* cé-  
terum

De exclusióne vérbum nullum. *TH.* quíd taces?

*PH.* Sané, quia vero hae míhi patent sempér fores,  
10 Aut quíá sum aput te primus. *TH.* missa istaéc face.

*PH.* Quid míssa? o *Thais*, *Tháis*, utinam essét mihi  
Pars aéquia amoris técum, ac pariter fieret,  
Ut aut hoc tibi doléret itidem, ut míhi dolet;  
Aut égo istuc abs te fáctum nihili pénderem.

15 *TH.* Ne crúcia te obsecro, ánime mi, mi Phaédria.  
Non pól, quo quemquam plús amem aut plus díli-  
gam,

Eo féci: set ita erát res, faciundúm fuit.

*PA.* Credo, út fit, misera praé amore exclusti hunc  
foras.

*TH.* Sicíne agis, *Parmeno*? áge: set huc qua grátia  
20 Te accérsi iussi, auscúlta. *PH.* fiat. *TH.* díe mihi  
Hoc prímum, potin est híc tacere? *PA.* egone?  
óptume.

Verum heús tu, hac lege tibi meam adstringó fidem:  
Quae véra audivi, táceo et contineo óptume:

Sin fálsum audierim ac fíctum, continuó palamst:  
25 Plenús rimarum sum, hác atque illac pérpluo.  
Proin tú, taceri sí vis, vera dícito.

*TH.* Samiá mihi mater fúit: ea habitabát *Rhodi*.

*PA.* Potést taceri hoc. *TH.* íbi tum matri párvolam  
Puéllam dono quídam mercatór dedit,

50 Ex Áttica hinc abréptam. *PH.* civemne? *TH.* árbi-  
tror:

Certúm non scimus: mátris nomen ét patris

Dicébat ipsa: pátriam et signa cétera

Neque scíbat, neque per aétatem etiam pótis erat.

Mercatór hoc addébat: e praedónibus,

55 Vnde émerat, se audísse abreptam e *Súnio*.

Matér ubi accepit, coépit studiose ómnia  
 Docére, educere, íta uti si esset fília.  
 Sorórem plerique ésse credebánt meam.  
 Ego cum íllo, quicum tum úno rem habebam hóspite,  
 Abii húc: qui mihi relíquit haec, quae habeo, ómnia. 40  
*P. A.* Vtrúmque hoc falsumst: éffluet. *T. H.* qui istúc?

*P. A.* quia

Neque tu úno eras conténta, neque solús dedit:  
 Nam hic quóque bonam magnámque partem ad te  
 áttulit.

*T. H.* Itást; set sine me pérvenire quó volo.  
 Intérea miles, quí me amare occéperat, 45  
 In Cáriam est proféctus: te intereá loci  
 Cognóvi. tute scís postilla quam íntumum  
 Habeám te: et mea consília ut tibi credam ómnia.  
*P. H.* Neque hóc tacebit *Pármeno.* *P. A.* oh, dubiúmne  
 id est?

*T. H.* Hoc ágite, amabo. máter mea illic mórtuast 50  
 Nupér: eius frater áliquantum ad rem est ávidior.  
 Is, úbi esse hanc forma vídet honesta vírginem,  
 Et fídibus scire, prétium sperans ílico  
 Producit: vendit: fórte fortuna ádfuit  
 Hic méus amicus: émit eam donó mihi, 55  
 Inprúdens harum rérum ignarusque ómniúm.  
 Is vénit: postquam sénsit me tecúm quoque  
 Rem habére, fingit caúsas ne det sédulo:  
 Ait, sí fidem habeat se íri praepositúm tibi  
 Apút me; ac non id métuat, ne, ubi accéperim, 60  
 Sesé relinquam; vélle se illam míhi dare:

Verum íd vereri. sét ego quantum súspicor,  
 Ad vírginem animum adiécit. *P. H.* etiamne ámplius?

*T. H.* Níl: nám quaesivi. núnc ego eam, mi *Phaédria*,  
 Multaé sunt causae, quámobrem cupiam abdúcere: 65  
 Primúm quod soror est dícta: praeterea út suis  
 Restítuam ac reddam. sóla sum: habeo hic némi-  
 nem,

Neque nótum neque cognátum. quamobrem, Phaédria,

Cupio áliquos parere amícos benefició meo.

70 Id amábo adiuta mé, quo id fiat fácilius.

Sine illúm priores pártes hosce aliquót dies

Apút me habere. níl respondes? *PH.* péssuma,

Egon quícquam cum istis fáctis tibi respóndeam?

*PA.* Eu nóster, laudo: tándem perdoluít: vir es.

75 *PH.* At égo nescibam, quórsum tu ires: párvola

Hinc ést abrepta: edúxit mater pró sua:

Soror díctast: cupio abdúcere, ut reddám suis:

Nempe ómnia haec nunc vérba huc redeunt dénique,

Ego exclúdor: ille récipitur. qua grátia?

80 Nisi si íllum plus quam mé amas; et istam núnc times,

Quae advéctast, ne illum tálem præripiát tibi.

*TH.* Ego id tímeo? *PH.* quid te ergo áliud sollicitát? cedo.

Num sólus ille dóna dat? num tibi meam

Benígnitatem sénsisti interclúdiér?

85 Nonne, úbi mi dixti cúpere te ex Aethíopia

Ancíllulam, relíctis rebus ómnibus

Quaesívi? porro eunúchum dixti vélle te,

Quia sólae utuntur hís reginae: répperi.

Herí minas pro ambóbus vigintí dedi.

90 Tamén contemptus ábs te haec habui in mémoria:

Ob haéc facta abs te spérnor. *TH.* quid istic Phaédria?

Quamquam íllam cupio abdúcere, atque hac re árbitor

Id pósse fieri máxume: verúmtamen,

Potiús quam te inimicum hábeam, faciam utiússeris.

95 *PH.* Vtinam ístuc verbum ex ánimo ac vere díceres:

Potiús quam te inimicum hábeam: si istuc créderem

Sincére dici, quídvis possem pérpeti.

*PA.* Labáscit. victust, úno verbo, quám cito!

*TH.* Ego nón ex animo mísera dico? quám ioco  
Rem vóluiſti a me tándem, quin perféceris? 100

Ego ímpetrare néqueo hoc abs te, bíduum  
Saltem út concedas solum. *PH.* siquidem bíduum.  
Verúm ne fiant íſti vigintí dies.

*TH.* Profécto non plus bíduum aut. *PH.* aut? níl  
moror.

*TH.* Non fiet: hoc modo síne te exorem. *PH.* scílicet 105  
Faciúndumst quod vis. *TH.* mérito te amo, béne  
facis.

*PH.* Rus íbo: ibi hoc me mácerabo bíduum:  
Ita fácere certumst: mós gerundust *Tháidi.*

Tu, *Pármeno,* huc facilli ádducantur. *PA.* máxume.

*PH.* In hoc bíduum *Thaís* vale. *TH.* mi *Phaédria,* 110  
Et tú: numquid vis áliud? *PH.* egone quíd velim?

Cum mílite ísto praésens, absens út síes:

Noctés diesque mé ames: me desíderes:

Me sómnies: me expéctes: de me cógites:

Me spéres: me te obléctes: mecum tóta sis: 115

Meus fác sis postremo ánimus, quando ego súm tuus.

*TH.* Me míseram, forsan párvam hic habeat míhi  
fidem,

Atque ex aliárum ingéniis nunc me iúdicet.

Ego pól, quae míhi sum cónscia, hoc certó scio,

Neque mé finxisse fálsi quicquam, néque meo 120

Cordi ésse quemquam cáriorem hoc *Phaédria*

Et quícquid huius féci, causa vírginis

Fecí: nam me eius spéro fratrem própemodum

Iam répperisse, aduléscentem adeo nóbilem:

Et is se hódie venturum ad me constituít domum. 125

Concédam hinc intro, atque éxspectabo, dúm venit.

## ACTVS II. SCENA I.

PHAEDRIA. PARMENO.

*PH.* Fác, ita ut iussi, déducantur íſti. *PA.* faciam.

*PH.* at díligenter.

*PA.* Fiet. *PH.* at máture. *PA.* fiet. *PH.* sátime hoc  
mandatúmst tibi? *PA.* ah

Rogitáre, quasi difficile sit.

Vtinam tam aliquid ínvenire fáctile possis, Phaédria,  
5 Quam hóc peribit. *PH.* égo quoque una péreo,  
quod mi est cárius:

Ne ístuc tam iniquo pátiare animo. *PA.* mínime:  
quin factúm dabo,

Set núnquid aliud ímperas?

*PH.* Múnus nostrum ornáto verbis, quód poteris:  
et istum aémulum,

Quod póteris, ab ea péllito. *PA.* ah,

10 Mémini, tametsi núnus moneas. *PH.* égo rus ibo,  
atque íbi manebo.

*PA.* Cénseo. *PH.* set heús tu. *PA.* quid vis? *PH.*  
cénsen posse me óffirmare et

Pérpeti, ne rédeam interea? *PA.* téne? non hercle  
árbitror:

Nam aut iám revertere; aút mox noctu te ádiget  
horsum insómnia.

*PH.* Opus fáciam, ut defetiger usque, ingrátis ut  
dórmiam.

15 *PA.* Vigilábis lassus: hóc plus facies. *PH.* ah, nil  
dicas, Pármeno.

Eiíciunda hercle est haéc mollities ánimi: nimis  
me indúlgeo.

Tandém non ego illa cáream, si sit ópus, vel totum  
tríduum? *PA.* hui,

Vnivorsum tríduum? vide quíd agas. *PH.* stat sen-  
téntia.

*PA.* Dí boni, quid hoc mórbi est? adeon hómnes  
inmutárier

20 Éx amore, ut nón cognoscas eúndem esse? hoc  
nemó fuit

Mínus ineptus, mágis severus quisquam, nec magis  
cóntinens.

Sét quis hic est, qui huc pérgit? attat, híc quidem  
est parasitús Gnatho.

Mílitis: ducít secum una vírginem dono huíc:  
papae,

Fácie honesta. mírum, ni ego me túrpi-ter hodie  
híc dabo

Cúm meo decrepito hóc eunucho. haec súperat 25  
ipsam Tháidem.

## ACTVS II. SCENA II.

*GNATHO parasitus. PARMENO.*

GN. Di ímmortales, hómini homo quid praéstat?  
stulto intéllegens

Quíd interest? hoc ádeo ex hae re vénit in mentém  
mihi:

Cónveni hodie advéniens quendam mef loci hinc  
atque órdis

Hóminem haut impurum, ítidem patria qui ábligur-  
rierát bona:

Vídeo sentum, squálidum, aegrum, pánnis annis- 5  
que óbsitum.

Quíd istuc, inquam, ornáti est? quoniam miser,  
quod habui, pérdidi: en

Quó redactus sum! ómnes noti me átque amici dé-  
serunt.

Híc ego illum contépsi prae me; quíd homo, in-  
quam, ignavíssime?

Ítan parasti te, út spes nulla réliqúa in te sít tibi?

Símul consilium cúm re amisti? víden me ex eo- 10  
dem ortúm loco?

Quí color, qui nítor vestitus; quae habitudo est  
córporis?

Ómnia habeo, néque quicquam habeo: níl cum est,  
nil defít tamen.

Átego infelix néque ridiculus ésse neque plagás pati

Póssum. quid? tu his rébus credis fieri? tota er-  
rás via.

15 Ólim isti fuit géneri quondam quaéstus apud sae-  
clúm prius:

Hóc novum est aucúpium: ego adeo hanc primus  
inveniám.

Ést genus hominum, qui ésse primos se ómnium  
rerúm volunt,

Néc sunt; hos conséctor: hisce ego nón paro me  
ut rídeant,

Sét eis ultro adrídeo, et eorum íngenia admirór  
simul:

20 Quícquid dicunt, laúdo: id rursum sí negant, laudo  
íd quoque:

Négat quis? nego: aít? áio: postremo ímperavi ego-  
mét mihi

Ómnia adsentári. is quaestus núnc est multo ubér-  
rimus.

*P. A.* Scítum hercle hominem; hic hómines prorsum  
ex stúltis insanós facit.

*G. N.* Dum haec lóquimur, intereá loci ad macéllum  
ubi advenímus,

25 Concúrrunt laeti mi óbviám cuppédiarii ómnes:

Cetárii, lanií, coqui, fartóres, piscatóres,

Quibus ét re salva et pérđita profúeram et prosum  
saépe:

Salútant: ad cenám vocant: advéntum gratulán-  
tur.

Ille úbi miser famélicus videt me ésse tanto ho-  
nóre, et

30 Tam fáctile victum quaérere; ibi homo coépit me  
obsecráre,

Vt sibi liceret díscere id de mé: sectari iússi,

Si pótis est. tanquam filósophorum habént disci-  
puli ex ípsis

Vocábula, parasíti item ut Gnathónici vocéntur.



*PA.* Viden óstium et cibus quíd facit aliénus. *GN.*  
set ego céssó

Ad Tháidem hanc dedúcere, et rogáre ad cenam 35  
ut véniat?

Set Pármenonem ante óstium opperíri tristem vídeo  
Rivális servom: sálva res. nímirum híce homines  
frigent.

Nebulónem hunc certumst lúdere. *PA.* híce hoc  
múnere arbitrántur

Suam Tháidem esse. *GN.* plúrima salúte Parmenó-  
nem

Summúm suum impertít Gnatho. quíd ágitur? *PA.* 40  
statur. *GN.* vídeo.

Numquídnam híc quod nolís vides? *PA.* te. *GN.*  
crédo: at numquíd áliud?

*PA.* Quidúm? *GN.* quia tristi's. *PA.* níl quidem.  
*GN.* ne síis: set quíd vidétur

Hoc tibi mancupium? *PA.* nón malum hercle. *GN.*  
uro hómínem. *PA.* ut falsus ánimí es.

*GN.* Quam hoc múnus gratum Tháidi arbitráre  
esse? *PA.* hoc nunc dícis,

Eiectos hinc nos: ómnium rerum heús vicissitúdo 45  
est.

*GN.* Sex égo te totos, Pármeno, hos mensés quie-  
tum réddam;

Ne súrsum deorsum cúrsites; neve úsque ad lucem  
vígiles:

Ecquíd beo te? *PA.* mén? papae. *GN.* sícsóleo ami-  
cos. *PA.* laúdo.

*GN.* Detíneo te: fortásse tu proféctus alio fúeras.

*PA.* Nusquám. *GN.* tum tu igitur paúlulum da mi 50  
óperae: fac ut admítta

Ad íllam. *PA.* age modo nunc tibi patet foris haéc,  
quia istam dúcis.

*GN.* Numquem évocari hinc vís foras? *PA.* síne bí-  
duum hoc praetéreat:

- Qui míhi nunc uno dígitulo forem áperis fortunátus,  
 Ne tu ístanc faxo cálcibus saepe ínsultabis frústra.  
 55 *GN.* Etiámne tu hic stas, Pármeno? eho numnam  
     híc relictus cústos,  
 Nequís forte internúntius clam a mílite ad istam  
     cúrset?
- PA.* Facéte dictum: míra vero míliti quae pláceant  
 Set vídeo erilem filium minórem huc adveníre.  
 Mirór, quid ex Piraeo ábierit: nam ibi cústos pu-  
     blice ést nunc.
- 60 Non témere est: et properáns venit: nescío quid  
     circumspéctat.

## ACTVS II. SCENA III.

*CHAEREA* *adulescens.* *PARMENO.*

- CH.* Óccidi.  
 Neque vírgo est usquam: néque ego, qui illam o  
     cónspectu amisí meo.  
 Vbi quaéram, ubi investigem, quem percónter,  
     qua insistám via,  
 Incértus sum. una haec spés est; ubi ubi est, diú  
     celari nón potest.
- 5 O fáciem pulchram: déleo omnis dehínc ex animo  
     múlieres:  
 Taedét cotidiánarum harum fórmaram. *PA.* ecce  
     autem álterum,  
 Nescío quid de amóre loquitur: o ínfortunatúm se-  
     nem!
- Hic véro est, qui si occéperit,  
 Ludúm iocumque dícas fuisse illum álterum,  
 10 Praeut húius rabies quae dabit.
- CH.* Vt illúm di deae omnes sénium perdant, qui  
     hódie me remorátus sit;  
 Meque ádeo qui restíterim; tum autem qui illum  
     floci fécerim.

Sét eccum Parmenónem. salve. *PA.* quíd tu es tristis? quídve es alacris?

Vnde is? *CH.* egone? nescio hercle, neque unde eam, neque quórsum eam:

Ita prórsus oblitus súm mei.

15

*PA.* Qui quaéso? *CH.* amo. *PA.* hem. *CH.* nunc, Pármeno, te osténderis, qui vír sies.

Scis té mihi saepe póllicitum esse: Chaérea, aliquid ínveni

Modo quód ames: utilitátem in ea re fáciam ut cognoscás meam:

Cum in cèllulam ad te pátris penum omnem cóngerebam clánculum.

*PA.* Age inépte. *CH.* hoc hercle fáctumst. fac sis nunc promissa appáreant:

20

Sive ádeo digna rés est, ubi tu nérvos intendás tuos.

Haut símilis virgost vírginum nostrárum: quas matrés student

Demíssis humeris ésse, vincto péctore, ut gracilae sient.

Siqua ést habitior paúlo, pugilem esse aíunt: deducúnt cibum:

Tamenétsi bona natúra est, reddunt cúratura iúnceas;

25

Itaque érgo amantur. *PA.* quíd tua istaec? *CH.* nóva figura orís. *PA.* papae.

*CH.* Color vérus, corpus sólídum et succi plénium. *PA.* anni? *CH.* anni? sédecim.

[*PA.* Flos ipse. *CH.*] Hanc tú mihi vel vi, vél clam, vel precário

Fac trádas: mea nihil réfert, dum potiár modo.

*PA.* Quid, vírgo cuiast? *CH.* nescio hercle. *PA.* undést? *CH.* tantundem. *PA.* ubi hábitat?

30

*CH.* Ne id quídem. *PA.* ubi vidisti? *CH.* ín via. *PA.* qua rátióne illam amísti?

*CH.* Id équidem adveniens mécum stomachabár modo:

Neque quémquam ego hominem esse árbitror, cui mágis bonae

Felicitates ómnes aversaé sient.

35 Quid hóc est sceleris? périi. *PA.* quid factúmst? *CH.* rogas?

Patrís cognatum atque aéqualem Archidémidem Nostíne? *PA.* quidni? *CH.* is, dum hánc sequor, fit mi óbviam.

*PA.* Incómmode hercle. *CH.* immo énimvero infelíciter:

Nam incómmoda alia súnť dicenda, Pármeno.

40 Illúm liquet mi déierare, his ménsibus Sex séptem prorsus nón vidisse próxumis, Nisi núnc, cum minime véllem, minimeque ópus fuit.

Eho nónne hoc monstri símilest? quid ais? *PA.* máxume.

*CH.* Contínuo adcurrit ad me, quam longé quidem,

45 Incúrvus, tremulus, lábiis demissís, gemens: Heus heús, tibi dico, Chaérea, inquit. réstiti. Scin quíd ego te volébam? dic. cras ést mihi Iudícium. quid tum? ut díligenter núnťies Patri, ádvocatus máne mi esse ut méminerit.

50 Dum haec lóquitur, abiit hóra. rogo num quíd velit. Recte, inquit. abeo. cum húc respicio ad vírginem, Illa sése interea cómodum huc advórterat In hanc nóstram plateam. *PA.* mírum ni hanc di-

modo Huic quaé a nonost. *CH.* húc cum advenio,

55 *PA.* Comités secuti scílicet sunt vírginem.

*CH.* Verúm; parasitus cum áncilla. *PA.* ipsast: ílicet:

Desíne: iam conclamátumst. *CH.* alias rés agis.

*PA.* Istúc ago equidem. *CH.* nóstin quaeso díe mihi,  
aut

Vidístin? *PA.* vidi, nóvi: scio, quo abdúcta sit.

*CH.* Eho Pármeno mi, nóstin, et scis úbi siet? 60

*PA.* Húc deductast ád meretricem Tháidem: ei  
donó datast.

*CH.* Quís is est tam poténs, cum tanto múnere hoc?

*PA.* milés Thraso

Phaédriae rivális. *CH.* duras frátris partis praédicas.

*PA.* Immo enim si sciás quod donum dóno huic  
contra cómparet,

Mágis id dicas. *CH.* quódnam quaeso hercle? *PA.* 65

eúnuchum. *CH.* illumne óbsecro

Ínhonestum hominem, quém mercatus ést heri, se-  
nem múlierem?

*PA.* Ístunc ipsum. *CH.* homó quatietur cérte cum  
donó foras.

Sét ístam Thaidém non scívi nóbis vicinam. *PA.*  
haút díust.

*CH.* Périi, numquamne étiam me illam vídisse?  
ehodum díe mihi:

Éstne, ut fertur, fóрма? *PA.* sane. *CH.* at níhil ad 70  
nostram hanc. *PA.* ália res.

*CH.* Óbsecro hercle, Pármeno, fac ut pótiar. *PA.*  
faciam sédulo,

Dábo operam, adiutábo: numquid me áliud? *CH.*  
quo nunc ís? *PA.* domum,

Út mancipia haec, íta uti iussit fráter, ducam ad  
Tháidem.

*CR.* Ó fortunatum ístum eunuchum; quí quidem in  
hanc detúr domum!

*PA.* Quíd ita? *CH.* rogítas? súmma forma sémpet 75  
conservám domi

Vidébit, conloquétur: aderit úna in unis aédibus.

Cibúm nonnumquam cápíet cum ea: intérdum pro-  
pter dórmíet.

*PA.* Quid sí nunc tute fórtunatus sías? *CH.* qua re,  
Pármeno?

Respónde. *PA.* capias tu íllius vestem. *CH.* véstem?  
quid tum póstea?

80 *PA.* Pro illó te deducam. *CH.* aúdio. *PA.* te esse  
illum dicam. *CH.* intéllego.

*PA.* Tu illís fruare cómmodis, quibus illum dice-  
bás modo:

Cibum úna capias, ádsis, tangas, lúdas, propter  
dórmias:

Quandóquidem illarum néque te quisquam nóvit,  
neque scit quí sies.

Praetérea forma et aétate ipse es, fácite ut pro  
eunuchó probes.

85 *CH.* Díxiti pulchre: núnquam vidi mélius consi-  
liúm dari.

Age eámus intro núnc iam: orna me, ábduc, duc,  
quantúm potest.

*PA.* Quid agís? iocabar équidem. *CH.* garris. *PA.*  
périi, quid ego egí miser?

Quo trúdis? perculerís iam tu me. tibi equidem  
dicó, mane.

*CH.* Eámus. *PA.* pergín? *CH.* cértumst. *PA.* vide  
ne nímium calidum hoc sít modo.

90 *CH.* Non ést profecto: síne. *PA.* at ením istaec ín  
me cudetúr faba. *CH.* ah!

*PA.* Flagítium facimus. *CH.* án id flagítiumst, si ín  
domum meretríciam

Dedúcar, et illis crúcibus quae nos nóstramque  
adulescéntiam

Habent déspicatu, et quae nos semper ómnibus  
cruciánt modis,

Nunc réferam grátiam: átque eas ífidem fállam,  
ut ab illis fállimur?

95 An pótius par atque aéquum est, pater ut á me lu-  
datúr dolis?

Quod quí rescierint, cúlpent; illud mérito factum  
omnés putent.

*PA.* Quid istíc? si certumst fácere, facias: vérum  
ne post cónferas

Culpam ín me. *CH.* non faciám. *PA.* iubesne? *CH.*  
iúbeo, cogo, atque ímpero;

Numquám defugiam auctóritatem. *PA.* séquere: di  
vortánt bene.

## ACTVS III. SCENA I.

*THRASO miles. GNATHO. PARMENO.*

*TH.* Magnás vero agere grátias 'Thaís mihi?

*GN.* Ingéntis. *TH.* ain.tu, laétast? *GN.* non tam  
ipsó quidem

Donó, quam abs te datum ésse: id vero sério

Triúmphant. *PA.* huc províso ut ubi tempús siet,

Dedúcam. set eccum mílitem. *TH.* est istúc datum 5

Profécto, ut grata míhi sint quae facio ómnia.

*GN.* Advórti hercle ánimum. *TH.* vél rex semper  
máxumas

Mihi agébat quicquid féceram; aliis nón item.

*GN.* Labóre alieno mágno partam glóriam

Verbís saepe in se trásmovet, qui sál habet, 10

Quod in té est. *TH.* habes. *GN.* rex te érgo in ocu-  
lis. *TH.* scílicet.

*GN.* Gestáre. *TH.* verum: crédere omnem exérci-  
tum,

Consília. *GN.* mirum. *TH.* túm sicubi eum sátietas

Hominum, aút negoti síquando odium céperat,

Requiescere ubi volébat, quasi: nostín? *GN.* scio. 15

Quasi ubi íllam expueret míseriam ex animó. *TH.*  
tenes.

Tum mé convivam sólum abducebát sibi. *GN.* hui,

Regem élegantem nárras. *TH.* immo síc homost:

Perpaúcorum hominumst. *GN.* ímmo nullorum, ár-  
bitror,

- 20 Si t́ecum vivit. *TH.* ínvidere omnés mihi,  
 Mordére clanculum: égo non flocci péndere:  
 Illi ínvidere mísere: verum unús tamen  
 Impénse, elephantis quem Índicis praefécerat:  
 Is úbi molestus mágis est, Quaeso, inquám, Strato,  
 25 Eone és ferox, quia habés imperium in béluas?  
*GN.* Pulchré mehercle díctum et sapientér. papae,  
 Iuguláras hominem. quíd ille? *TH.* mutus ílico.  
*GN.* Quidni ésset? *PA.* divostrám fidem! hominem  
 pérditum  
 Miserúmque: et illum sácrilegum. *TH.* quid illúd,  
 Gnatho,
- 30 Quo pácto Rhodium tétigerim in convívio,  
 Numquám tibi dixi? *GN.* núnquam: sed narra ób-  
 secro.  
 Plus mílies iam audívi. *TH.* una in convívio  
 Erat híc, quem dico, Rhódus aduléscéntulus:  
 Forte hábui scortum: coépit ad id adlúdere,  
 35 Et me ínritare. quíd agis, homini inquam, ínpudens?  
 Lepus túte es, et pulméntum quaeris? *GN.* há ha hae.  
*TH.* Quid ést? *GN.* facete, lépide, laute, níl supra.  
 Tuum óbsecro ne hoc díctum erat? vetus crédidi.  
*TH.* Audíeras? *GN.* saepe: et fértur in primís. *TH.*  
 meumst.
- 40 Dolet díctum imprudenti áduléscenti, et líbero.  
*PA.* At té dí perdant. *GN.* quíd ille quaeso? *TH.*  
 pérditus.  
 Risu ómnes qui aderánt, émoriri: dénique  
 Metuébant omnes iám me. *GN.* non iniúria.  
*TH.* Set heús tu, purgon égo me de istac Tháidi,  
 45 Quod eám me amare súspicatast? *GN.* níl minus.  
 Immo aúge magis súspicionem. *TH.* cúr? *GN.* rogas?  
 Scin, síquando illa méntionem Phaédriae  
 Facit aút si laudat; te út male urat? *TH.* séntio.  
*GN.* Id út ne fiat, haéc res solast rémedio.
- 50 Vbi nóminabit Phaédriam, tu Pámphilam



Contínuo. siquando illa dicet, Phaédriam  
Intrómittamus cómissatum: Pámphilam  
Cantúm, tu, provocémus: si laudábit haec  
Illíus formam: tu húius contra. dénique  
Par tú pari reférto, quod eam mórdeat.

55

*TH.* Siquidém me amaret, tum ístuc prodessét,  
Gnatho.

*GN.* Quando illud quod tu dás, exspectat átque  
amat,

Iam dúdum te amat: iám dūdum illi fáciie fit  
Quod dóleat: metuit sémper, quem ipsa núnc capit  
Fructúm, ne quando irátus tu alio cónferas.

60

*TH.* Bene díxí: ac mihi ístuc nón in mentem vé-  
nerat.

*GN.* Ridículum: non enim cógítaras: céterum  
Idem hóc aut melius túte invenissés, Thraso.

## ACTVS III. SCENA II.

*THAIS. THRASO. PARMENO. GNATHO.*  
*PYTHIAS ancilla.*

*TH.* Audíre vocem vísa sum modo mílitis.

Atque éccum. salve, mí Thraso. *THR.* o Thaís mea,  
Meum suáviū, quid ágitur? ecquid nós amas

De fídicina ístac? *PA.* quám venuste! quód dedit  
Principíum adveniēns! *TH.* plúrimū meritó tuo.

5

*GN.* Eámus ergo ad cénam: quid stas? *PA.* hem ál-  
terum:

Abdómini hunc natum dícas. *THR.* ubi vis, nón  
moror.

*PA.* Adíbo, atque adsimulábo quasi nunc éxeam.

Itúran, Thaís, quópiam es? *TH.* ehem, Pármeno,

Bene fécísti: hodie itúra. *PA.* quo? *TH.* quid, hunc  
nón vides?

10

*PA.* Video, ét me taedet. úbi vis dona adsúnt tibi

A Phaédria. *THR.* quid stámus? cur non ímus hinc?

*PA.* Quaeso hércle ut liceat, páce quòd fiát tua,  
Dare huíc quae volumus, cónvenire et cónloqui.

15 *THR.* Perpúlchra credo dóna, aut nostris símilia.

*PA.* Res índicabit. heús iubete istós foras

Exíre, quos iussi, ócius. prócede tu huc.

Ex Aéthiopia est úsque haec. *THR.* hic sunt trés  
minae.

*GN. Vix. PA.* úbi tu es, Dore? accéde huc: hem eu-  
nuchúm tibi,

20 Quam líberali fácie? quam aetate íntegra?

*TH.* Ita mé di ament, honéstus est. *PA.* quid tu aís,  
Gnatho?

Numquíd habes quòd contémnas? quid tu autém,  
Thraso?

Tacént: satis laudánt. fác periculum in líteris,

Fac ín palæstra, in músicis: quae líberum

25 Scire aéquom est adulescéntem, sollertém dabo.

*THR.* Ego íllum eunuchum, si ópus siet, vel só-  
brius.

*PA.* Atque haéc qui misit, nón sibi soli póstulat

Te vívere. et sua caúsa excludi céteros;

Neque púgnas narrat, néque cicatricés suas

30 Osténtat; neque tibi óbstat, quòd quidám facit:

Verum úbi molestum nón erit, ubi tú voles,

Vbi témpus tibi erit, sát habet, tum si récipitur.

*THR.* Appáret servom hunc ésse dómni paúperis

Miseríque. *GN.* nam hercle némo posset, sát scio,

35 Qui habéret qui paráret alium, hunc pérpeti.

*PA.* Tace tú: quem ego infra esse ínfimos omnis  
puto

Hominés: nam qui huíc adséntari animum indú-  
xeris,

E flámma petere té cibum posse árbitror.

*THR.* Iamne ímus? *TH.* hos prius íntroducám, et  
quae volo

40 Simul ímperabo: póstea continuo éxeo.

*THR.* Ego hinc ábeo. tu istanc ópperire. *PA.* haut  
cónvenit

Vna íre cum amica ímperatorem ín via.

*THR.* Quid tibi ego multa dícam? domini símia es.

*GN.* Ha ha haé. *THR.* quid rides? *GN.* ístud quod  
dixtí modo:

Et illúd de Rhodio díctum in mentem cúm venit.— 45

Set *Tháis* exit. *THR.* ábi prae: cura ut sínt domi

*Paráta.* *GN.* fiat. *TH.* díligenter, *Pýthias,*

Fac cúres, si forte húc *Chremes* advénerit,

Vt óres, primum ut rédeat: si id non cómmodumst,

Vt máneat: si id non póterit, ad me addúcito. 50

*PY.* Ita fáciam: *TH.* quid? quid áliud volui dícere?

*Ehem* cúrate istam díligenter vírginem:

*Domi* ut sítis, facite. *THR.* eámus. *TH.* vos me sé-  
quimini.

## ACTVS III. SCENA III.

*CHREMES. PYTHIAS ancilla.*

*CH.* Profécto quanto mágis magisque cógito,

Nimírum dabit haec *Tháis* mihi magnúm malum:

Ita me áb ea astute vídeo labefactárier,

Iam túm cum primum iússit me ad se adcérsier.

Rogét quis, quid tibi cúm ea; ne norám quidem. 5

Vbi véni, causam, ut íbi manerem, répperit:

Ait rém divinam fécissee, et rem sériam

Velle ágere mecum. iám erat tum suspício,

Doló malo haec fieri ómnia. ipsa accúmbere

Mecúm; mihi sese dáre: sermonem quaérere. 10

Vbi fríget, huc evásit, quam pridém pater

Mi et máter mortui éssent. dico, iám diu.

Rus *Súnio* ecquod hábeam, et quam longe á mari.

Credo eí placere hoc, spérat se a me avéllere.

Postrémo, ecqua inde párva periíssét soror; 15

Ecquis cum ea una; ecquíd habuíssét cúm perit;

Ecquis eam posset nóscere. haec cur quaéritet?  
Nisi si illa forte, quae ólim periit párvola,  
Eam sése intendit ésse, ut est audácia.

- 20 Verum éa si vivit, ánnos natast sédecim:  
Non máior: Thais, quám ego sum, maiúsculast.  
Misit porro orare, út venirem, sério.  
Aut dícat quid volt, aut molesta né siet.  
Non hércle veniam tértio. heus heus, écquis hic?  
25 Ego súm Chremes. *PY.* o cápitulum lepidíssimum.  
*CH.* Dico égo mi insidias fieri? *PY.* Thais máxumo  
Te orábat opere, ut crás redires. *CH.* rús eo.  
*PY.* Fac amábo. *CH.* non possum, ínquam. *PY.* at  
tu aput nos híc mane,  
Dum rédeat ipsa. *CH.* níl minus. *PY.* cur mí Chre-  
mes?  
30 *CH.* Malám rem hincibis? *PY.* si ístuc ita certúmst  
tibi,  
Amábo, ut illuc tránseas ubi illást. *CH.* eo.  
*PY.* Abi, Dórias, cito hunc deduc ad mílitem.

## ACTVS III. SCENA IV.

*ANTIPHO* adolescens.

*AN.* Heri áliquot adulescéntuli cóimus in Piraéo,  
In hunc diem ut de sýmbolis essémus. Chaeream  
eí rei

Praefécimus: dati ánuli: locus, témpus constitú-  
tumst.

Praetériit tempus, quo ín loco dictúmst, parati ní-  
hil est.

- 5 Homo ípse nusquamst: néque scio quid dícam, aut  
quid coniéctem.

Nunc mi hóc negoti céteri dedére, ut illum quaéram.  
Idque ádeo visam, sí domist. set quisnam a Thaide  
éxit?

Is ést, an non est? ípsus est? quid hoc hóminis?  
quid hoc ornátist?

Quid illúd malist? nequeó satis mirári neque coní-  
cere.

Nisi quícquid est, procul hínc lubet prius quíd sit  
sciscitári.

## ACTVS III. SCENA V.

CHAEREA. ANTIPHO.

CH. Númquis hic est? némo est. numquis hínc me  
sequitur? némo homost.

Iámne rumpere hóc mihi licet? pró supreme Iúp-  
piter!

Nunc ést profecto, intérfici cum pérpeti me póssum;  
Ne hoc gaúdium contáminet vita aégritudine áliqua.  
Sed néminemne cúriosum intérvénire núnc mihi, 5  
Qui mé sequatur quóquo eam; rogitándo obtundat,  
énicet:

Quid géstiam, aut quid laétus sim, quo pérgam,  
unde emergam, úbi siem

Vestítum hunc nactus, quíd mihi quaeram, sánus  
sim anne insániam?

AN. Adíbo, atque ab eo grátiam hanc, quam vídeo  
velle, iníbo.

Chaérea, quid est quód sic gestis? quíd sibi hic ve- 10  
stítus quaerit?

Quíd est, quod laetus és? quid tibi vis? sátine sa-  
nu's? quíd me adspectas?

Quid díces? CH. o festús dies! o méus amicus! sálve:  
Nemo ómniumst, quem ego núnc magis vidére cu-  
perem, quám te.

AN. Narra ístuc quaeso quíd sit. CH. immo ego te  
óbsecro hercle ut aúdias.

Nostíne hanc, quam amat fráter? AN. novi; némpe, 15  
opinor, Tháidem.

- CH.* Istam ipsam. *AN.* sic commémneram. *CH.*  
hodie quaedam est ei donó data
- Virgo: eius quid ego tibi nunc faciem praedicem  
aut laudem, Antipho:
- Cum me ipse noris quam elegans formarum spe-  
ctator siem?
- In hac commotus sum. *AN.* ain tu? *CH.* primam dí-  
ces, scio, si videris.
- 20 Quid multa verba? amare coepi. forte fortuná domi  
Erat quidam eunuchus, quem mercatus frater fue-  
rat Tháidi:
- Neque is deductus étiam tum ad eam. súmmonuit  
me Pármeno
- Ibi sérvus, quod ego arrípuí. *AN.* quid id est? *CH.*  
tácitus citius aúdiés:
- Vt véstem cum illo mútem, et pro illo iúbeam me  
illoc dúcier.
- 25 *AN.* Pro eunúchon? *CH.* sic est. *AN.* quíd ut ex ea  
re tándem caperés cómmodi?
- CH.* Rogás? viderem, audírem, essem una quícum  
cupiebam, Antipho.
- Num párrva causa, aut prárrva ratiost? tráditus sum  
múlieri.
- Illa ílico ubi me accépit, laeta véro ad se abducít  
domum:
- Conméndat virginém. *AN.* cui? tibine? *CH.* míhi.  
*AN.* satis tutó tamen.
- 30 *CH.* Edícit ne vir quísquam ad eam adeat: ét mi  
ne abscedam, ímperat:
- In ínteriore párrte ut maneam sólus cum sola.  
ádnuo
- Terram íntuens modéste. *AN.* miser. *CH.* ego, ín-  
quit, ad cenam hínc eo:
- Abducít secum ancíllas: paucae, quae circum illam  
essént, manent
- Novíciae puéllae. continuo haéc adornant út lavet.

Adhórtor properent. dum ápparatur, vírgo in con- 35  
claví sedet

Suspéctans tabulam quándam pictam; ubi ínerat  
pictura haéc, Iovem

Quo pácto Danaae mísisse aiunt quóndam in gre-  
mium imbrem aúreum.

Egomét quoque id spectáre coepi: et quía consimi-  
lem lúserat

Iam olim ille ludum, inpéndio magis ánimus gau-  
debát mihi;

Deum sése in pretium cónvertisse, et pér alienas 40  
tégulas

Venísse clanculúm: per pluviam fúcum factum mú-  
lieri.

At quém deum? qui témpla caeli súmma sonitu  
cóncutit.

Ego homúncio hoc non fécerim? ego vero íllud fe-  
cerim ac lubens.

Dum haec mécum reputo, adcérsitur lavátum in-  
terea vírgo:

Iit, lávit, rediit; deínde eam in lectum íllae conlo- 45  
cárunt.

Sto exspéctans, si quid mi ímperent. venit úna,  
heus tu, inquit, Dóre,

Cape hóc flabellum, et véntulum huic sic fácito,  
dum lavámur:

Vbi nós laverimus, sí voles, laváto. accipio trístis.

*AN.* Tum equidem ístuc os tuum ínpudens vidére  
nimium véllem,

Qui essét status, flabéllulum tenére te asinum tán- 50  
tum.

*CH.* Vix élocutast hóc, foras simul ómnes proru-  
únt se;

Abeúnt lavatum, pérstrepunt; ita út fit, domini ubi  
ábsunt.

Intérea somnus vírginem obprimít. ego limis spécto

Sic pér flabellum clánculum: simul ália circumspécto

55 Satine éplorata sínt. video esse. péssulum ostio óbdo.

*AN.* Quid túm? *CH.* quid tum? quid, fátue? *AN.* fateor. *CH.* án ego occasiόνem

Mi osténtam, tantam, tám brevem, tam optátam, tam insperátam

Amíttrem? tum pól ego is essem véro, qui adsimulábar.

*AN.* Sane hércle ut dicis. sét interim de sýmbolis quid áctumst?

60 *CH.* Parátumst. *AN.* frugi es: úbi? domin'? *CH.* immo áput libertum Díscum.

*AN.* Perlóngest. *CH.* set tanto ócius properémus. *AN.* muta véstem.

*CH.* Vbi mútem? perii: nam éxulo domó nunc: me-tuo frátrem,

Ne-intús sit: porro autém patrem, ne rúre redierít iam.

*AN.* Eámus ad me, ibi próxumumst ubi mútes. *CH.* recte dícis.

65 Eámus: et de istác simul quo pácto porro póssim Potíri consiliúm volo capere úna tecum. *AN.* fiat.

## ACTVS IV. SCENA I.

*DORIAS ancilla.*

Íta me di ament, quántum ego illum vídi, non nil tímeo misera,

Né quam ille hodie insánus turbam fáciat, aut vim Tháidi.

Nám postquam iste advénerat aduléscens, frater vírginis,

Mílitem rogat út illum admitti iúbeat: ille contínuo irasci,



Néque negare audére: Thais pórro instare ut hó- 5  
minem invitet.

Íd faciebat rétinendi illius caúsa: quia illa quae cu-  
piebat

Dé sorore eius índicare, ad eám rem tempus nó-  
erat.

Ínvitatust. mánsit. ibi illa cum íllo sermonem óc-  
cipit.

Míles vero, síbi putans addúctum ante oculos aé-  
mulum,

Vóluit facere cóntra huic aegre: heus, ínquit, 10  
puer, i, Pámphilam

Ádcerse, ut deléctet hic nos. ílla exclamat, mínime  
gentium:

Ín convivium íllam? miles téndere inde ad iúrgium.

Ínterea aurum síbi clam mulier démit, dat mihi ut  
aúferam:

Hóc est signi: ubi prínum poterit, se íllinc subdu-  
cét scio.

## ACTVS IV. SCENA II.

## PHAEDRIA.

Dum rús eo, coepi égomet mecum intér vias,

Ita út fit, ubi quid ín animo est moléstiae,

Aliám rem ex alia cógitare, et ea ómnia

Peiórem in partem. quid opust verbis? dum haéc  
puto,

Praetérii inprudens víllam. longe iam ábieram, 5

Cum sénsi: redeo rúrsum, male me véro habens:

Vbi ad ípsam venio déverticulum, cónstiti:

Occépi mecum cógitare, Hem, bíduum hic

Manéndumst soli síne illa? quid tum póstea?

Nil ést. quid? nil? si nóntangendi cópia est, 10

Eho né videndi quídem erit? si illud nónt licet,

Saltem hóc licebit. cérte extrema línea

Amáre, haut nihil est. villam praetereó sciens.  
Sed quíd hoc, quod timida súbito egreditur Pýthias?

### ACTVS IV. SCENA III.

*PYTHIAS. DORIAS. PHAEDRIA.*

Vbi ego illum scelerósum misera atque ínpium in-  
veniam? aút ubi quaeram?

Hócine tam audax fácinus facere esse aúsum? pe-  
rii. *PH.* hoc quíd sit vereor.

*PY.* Quín etiam insupér scelus, postquam lúdifica-  
tust vírginem,

Vestem ómnem miserae díscidit, tum ipsám capillo  
cónscidit.

5 *PH.* Hem. *PY.* quí nunc si detúr mihi;

Vt ego únguibus facile illi in oculos ínvolem vené-  
fico?

*PH.* Néscio quid profécto absente nóbis turbatúmst  
domi.

Adíbo. quid istuc? quíd festinas? aút quem quaeris,  
Pýthias?

*PY.* Ehem Phaédria, ego quem quaéram? in' hinc  
quo dígnu's cum donís tuis

10 Tam lépidis. *PH.* quid istuc ést rei?

*PY.* Rógan? eunuchum quem dedisti nóbis, quas  
turbás dedit?

Vírginem, quam erae déderat dono míles, vitiavít.  
*PH.* quid ais?

*PY.* Périi. *PH.* temulénta es. *PY.* utinam síc sint,  
mihi qui mále volunt.

*DO.* Au óbsecro, mea Pýthias, quod ístuc nam  
monstrúm fuit?

15 *PH.* Insánis: qui istuc fácere eunuchus pótuit? *PY.*  
ego illum néscio: hoc

Quod fécit, res ipsa índicat:

Virgo ípsa lacrumat, néque cum rogites, quíd sit  
audet dícere.

Ille áútem bonus vir núsquam apparet. étiam hoc  
misera súpicor,

Aliquíd domo abeuntem ábstulisse. *PH.* néqueo  
mirarí satis,

Quo hinc ille abire ignávos possit lóngius: nisi sí 20  
domum

Forté ád nos rediit. *PY.* víse amabo, núm sit. *PH.*  
iam faxó scies.

*DO.* Perii, óbsecro tam infándum facinus, méa tu,  
ne audiví quidem.

*PY.* At pól ego amatorés audieram múlierum esse  
eos máxumos,

Set níl potesse: vérum miserae nón in mentem vé-  
nerat:

Nam illum áliquo conclusíssem, neque illi cómmi- 25  
sissem vírginem.

## ACTVS IV. SCENA IV.

*PHAEDRIA. DORVS. PYTHIAS. DORIAS.*

*PH.* Exí foras, sceléste: at etiam réstitas,

Fugítive? prodi, mále conciliate. *DO.* óbsecro. *PH.*  
oh,

Illúc vide, os ut síbi distorsit cárnufex.

Quid huc tíbi reditíost? véstis quid mutátíost?

Quid nárras? paulum sí cessassem, Pýthias,

Domi nón offendissem, íta iam adornarát fugam. 5

*PY.* Habén hóminem, amabo? *PH.* quídni habeam?  
*PY.* o factúm bene.

*DOR.* Istúc pol vero béne. *PY.* ubi est? *PH.* rogi-  
tas? nón vides?

*PY.* Videam, óbsecro, quem? *PH.* hunc scílicet.  
*PY.* quis híc ést homo?

*PH.* Qui ad vós deductus hódíest. *PY.* hunc oculís 10  
suis

Nostrárum numquam quísquam vidit, Phaédria.

*PH.* Non vídít? *PY.* an tu hunc crédidísti esse,  
óbsecro,

Ad nós deductum? *PH.* námque alium habuí némi-  
nem. *PY.* au,

Ne cómparandus híc quídem ad illumst. ílle erat

15 *Honéstá facie et liberali. PH.* ita vísus est

Dudúm, quia varia véste exornátus fuit:

Nunc eó videtur foédus, quia illam nón habet.

*PY.* Tace óbsecro: quasi véro paulum intérsiet.

Ad nós deductus hódie est adulescéntulus,

20 *Quem tú videre véro velles, Phaédria.*

Híc ést vietus, vétus veterenosús senex,

Colóre stellioníno. *PH.* hem, quae haec est fá-  
bula?

Eo rédiges me, ut, quid émerim egomet, nésciam?

Eho tu, émin ego te? *DOR.* emísti. *PY.* iube mi  
dénuo

25 *Respóndeat. PH.* roga. *PY.* vénísti hodie ad nós?  
negat.

At ille álter venit nátus annos sédecim:

Quem sécum adduxít Párméno. *PH.* agedum hoc  
mi éxpedi

Primum: ístam quam habes, únde habes vestém?  
taces?

Monstrum hóminis, non dictúru's? *DOR.* venit  
Chaérea.

30 *PH.* Meus fráterne? *DOR.* ita. *PH.* quando? *DOR.*  
hódie. *PH.* quam dudúm? *DOR.* modo.

*PH.* Quicúm? *DOR.* cum Párméno. *PH.* norasne  
eúm prius?

*DOR.* Non. *PH.* únde fratrem méum esse scibas?  
*DOR.* Párméno

Dicébat eum esse. is mi hánc dedit vestem. *PH.*  
óccidi.

*DOR.* Meam ipse índuit: post úna ambo abierúnt  
foras.

*PY.* Iám satis crédis sóbriam esse me, ét nil mentitám tibi? - 35

Iám satis certumst vírginem vitiátam esse? *PH.*  
age nunc, hélua,

Crédis huic quod dícat? *PY.* quid isti crédam? res ipsa índicat.

*PH.* Cóncede istuc paúlulum. audin? étiam nunc paulúm: sat est.

Díc dum hoc rursum, Chaérea tuam véstem detra- xít tibi?

*DOR.* Fáctum. *PH.* et eam est indútus? *DOR.* fa- 40  
ctum. *PH.* et pró te huc deductúst?  
*DOR.* ita.

*PH.* Iúppiter magne, ó scelestum atque aúdacem hominem. *PY.* vaé mihi:

Étiam nunc credés indignis nós esse inrisás modis?

*PH.* Mírur ní tu crédis quod iste dícat. quid agam néscio.

Heús negato rúrsus. possumne hódie ego ex te ex- scúlperé

Vérum? vidistíne fratrem Chaéream? *DOR.* non. 45  
*PH.* nón potest

Síne malo fatéri, video; séqueré hac: modo aít: módo negat.

Óra me. *DOR.* obsecró te vero, Phaédria. *PH.* i intro! *DOR.* eoí eĩ.

*PH.* Álio pacto honéste quomodo hínc abscedam néscio;

Áctumst siquidem. tú me hic etiam, nébulo, ludifi- cábere?

*PY.* Pármenonis tám scio esse hanc téchnam, quam 50  
me vívere.

*DO.* Síc est. *PY.* inveniám pol hodie, párem ubi re- feram grátiam.

Sét nunc quid faciéndum censes, Dórias? *DOR.* de istác rogas

Vírgine? *PY.* ita, utrum praedicemne an táceam?

*DOR.* tu pól, sí sapis,

Quód scis nescis, néque de eunucho, néque de vi-  
tio vírginis.

55 Hác re et te omni túrba evolves, ét illi gratum fé-  
ceris.

Íd modo dic, abísse Dorum. *PY.* ita fáciam. *DOR.*  
set videón Chremen?

Tháis iam aderit. *PY.* quíd ita? *DOR.* quia, cum  
inde ábeo, iam tum incéperat

Túrba inter eos. *PY.* aúfer aurum hoc: égo scibo  
ex hoc, quíd siet.

## ACTVS IV. SCENA V.

*CHREMES. PYTHIAS.*

*CH.* Attát data hércle vérba mihi sunt: vícit vinum  
quód bibi.

Ac dum áccubabam, quám videbar míhi esse pul-  
chre sóbrius!

Postquám surrexi, néque pes neque mens sátis  
suum oficiúm facit.

*PY.* Chremé. *CH.* quis est? ehem Pýthias: vah,  
quánto nunc formósior

5 Vidére mihi quam dúdum? *PY.* certe tú quidem  
pól multo hílarior.

*CH.* Verbum hércle hoc verum erít, Sine Cerere et  
Líbero frigét Venus.

Set Tháis multo me ántevenit? *PY.* ánne abiit iam  
a mílite?

*CH.* Iamdúdum: aetatem. lítes factae súnt inter  
eos máxumae.

*PY.* Nil díxit, tu ut sequerére sese? *CH.* níl, nisi  
abiens mí innuit.

10 *PY.* Eho, nónné id sat erat? *CH.* át nescibam id  
dícere illam, nísi quia

Corréxit miles, quód intellexi mínus: nam me extrusit foras.

Set eccam ipsam: miror úbi ego huic antevórterim.

## ACTVS IV. SCENA VI.

*THAIS. CHREMES. PYTHIAS.*

*TH.* Crédo equidem illum iam ádfuturum, ut illam a me eripiát; sine veniat.

Átqui si illam dígito attigerit, óculi illi ilico éffodientur.

Úsque adeo illius férre possum inéptiam et magnífica verba,

Vérba dum sint: vérum si ad rem cóferentur, vápulabit.

*CH.* Tháis, ego iam dúdum hic adsum. *TH.* o mí 5  
Chremes, te ipsum éxpeto.

Scín tu turbam hanc própter te esse fáctam? et adeo ad te ádtinere hanc

Ómnem rem? *CH.* ad me? quí quaeso istuc? *TH.* quía, dum tibi sorórem studeo

Réddere ac restituere, haec atque huíusmodi sum múlta passa.

*CH.* Úbi east? *TH.* domi aput me. *CH.* hém. *TH.* quid est?

Éducta ita uti téque illaque dígnumst. *CH.* quid 10  
aís? *TH.* íd quod res est.

Hanc tibi dono dó, neque repeto pró illa quicquam abs té preti.

*CH.* Et habétur et referétur, Thais, íta uti merita es, grátia.

*TH.* Át enim cave, ne prius, quam hanc a me accípias, amittás, Chreme:

Nam haéc east, quam miles a me ví nunc ereptúm venit.

Abi tú, cistellam, Pýthias, domo éffer cum monu- 15  
méntis.

- CH.* Viden tu illum, Thais? *PY.* ubi sitast? *TH.* in rísco. odiosa céssas?
- CH.* Mílitem secum ad te quantas cópias addúcere? *Attat.* *TH.* num formídulosus óbsecro es, mi homo?
- CH.* ápagesis.
- Égon formidulósus? nemost hóminum, qui vivát, minus.
- 20 *TH.* Átque ita opust. *CH.* ah, métno qualem tú me esse hominem exístumes.
- TH.* Ímmo hoc cogitáto: quicum rés tibi est, peregrínus est:
- Mínus potens quam tú, minus notus, mínus amicorum híc habens.
- CH.* Scío istuc. set tu quód cavere póssis, stultum admítterest.
- Málo ego nos prospícere, quam hunc ulcísci accepta iniúria.
- 25 Tú abi: atque obsera óstium intus, dúm ego hinc transcurro ad forum:
- Vólo ego adesse hic ádvocatos nóbis in turba hác.
- TH.* mane.
- CH.* Mélius est. *TH.* mane. *CH.* omítte, iam adero.
- TH.* níl opus est istís, Chreme.
- Hóc modo dic, sorórem esse illam tuam: ét te parvam vírginem
- Ámisisse: núnc cognosse. sígna ostende. *PY.* ad-súnt. *TH.* cape.
- 30 Sí vim faciet, ín ius ducito hóminem: intellectín?
- CH.* probe.
- TH.* Fác animo haec praesénti ut dicas. *CH.* fá-ciam. *TH.* attolle pállium.
- Périi, huic ipsi est ópus patrono, quem defensorém paro.
-



## ACTVS IV. SCENA VII.

THRASO. GNATHO. SANGA. CHREMES.  
THAIS.

THR. Hancíne ego ut contuméliam tam insígnem  
in me accipiám, Gnatho?

Morí me satiust. Símalio, Donáx, Syrisce, séqui-  
mini.

Primum aédis expugnábo. GN. recte. THR. vírgi-  
nem eripiám. GN. probe.

THR. Male múlcabo ipsam. GN. púlchre. THR. in  
medium huc ágmen cum vectí, Donax;

Tu, Símalio, in sinístrum cornu; tú, Syrisce, in dex- 5  
terum.

Cedo álios: ubi centúriost Sanga, et mánipulus fu-  
rum? SA. éccum adest.

THR. Quid ignáve? peniculón pugnare, quí istum  
huc portes, cógitas?

SA. Egone? ímperatorís virtutem nóveram, et vim  
mílitum:

Sine ságuine hoc non pósse fieri: qui ábsterge-  
rem vólnera?

THR. Vbi álii? SA. qui, malum, álii? solus Sánnio 10  
servát domi.

THR. Tu hosce ínstrue: ego ero póst principia:  
inde ómnibus signúm dabo.

GN. Illúc est sapere: ut hosce instruxit, ípsus sibi  
cavít loco.

THR. Idem hóc iam Pyrrhus fáctitavit. CH. víden  
tu, Thais, quam híc rem agit?

Nimírum consilium illud rectumst de óccludendis  
aédibus.

TH. Sané, qui tibi nunc vír videtur ésse, hic nebulo 15  
mágnus est:

Ne métuas. THR. quid vidétur? GN. fundam tíbi  
nunc nimis vellém dari,

Vt tu illos procul hinc éx occulto caéderes: face-  
rént fugam.

*THR.* Sét eccam Thaidem ípsam video. *GN.* quám  
mox inruimús? *THR.* mane;

Ómnia prius éxperiri, quam árma, sapientém de-  
cet.

20 Quí scis an, quae iúbeam, sine vi fáciat? *GN.* di vo-  
strám fidem,

Quánti est sapere? núnquam accedo, quín abs te  
abeam dóctior.

*THR.* Tháis, primum hoc míhi responde: cúm tibi  
do istam vírginem,

Díxtin hosce míhi dies soli dáre te? *TH.* quid tum  
póstea?

*THR.* Rógitas? quae mi ante óculos coram amáto-  
rem adduxtí tuum:

25 Quíd cum illoc agás? et cum eo clám te subduxít  
míhi.

*TH.* Lúbuit. *THR.* Pamphilám érgo huc redde,  
nísi si mavis éripi.

*CH.* Tibi illam reddat, aut tu eam tangas? óm-  
nium. *GN.* ah quid agís? tace.

*THR.* Quíd tu tibi vis? égo non tangam meám?  
*CH.* tuam autem, fúrcifer?

*GN.* Cáve sis: nescis cúi maledicas núnc viro. *CH.*  
non tu hínc abis?

30 Scín tu ut tibi res se hábeat? si quicquam hódie hic  
turbae coéperis,

Fáciam ut huius locí dieique meíque semper mé-  
mineris.

*GN.* Míseret tui me, qui húnctantum hominem fá-  
cias inimicúm tibi.

*CH.* Díminuam ego capút tuum hodie, nísi abis.  
*GN.* ain veró canis?

Sícine agís? *THR.* quis tú homo es? quid tibi vis?  
quid cum illa reí tibi est?

*CH.* Scíbis: principio éam esse dico liberam. *THR.* 35  
 hera. *CH.* civem Átticam. *THR.* hui.

*CH.* Meám sororem. *THR.* os dúrum. *CH.* miles,  
 núnc adeo edicó tibi,

Né vim facias úllam in illam. Tháis, ego eo ad Só-  
 phronam

Nútricem, ut eam addúcam, et signa osténdam haec.  
*THR.* tán me próhibeas,

Meám ne tangam? *CH.* próhibebo inquam. *GN.* au-  
 dín tu? hic furti se ádligat:

Sátis tibi est? *THR.* idem hoc tú ais, Thais? *TH.* 40  
 quaére qui respóndeat.

*THR.* Quíd nunc agimus? *GN.* quín redimus: iam  
 haéc tibi aderit súpplicans

Últro. *THR.* credín? *GN.* ímmo certe: nóvi inge-  
 nium múlierum:

Nólunt ubi velís: ubi nolis cúpiunt ultro. *THR.*  
 béne putas.

*GN.* Iám dimitto exércitum? *THR.* ubi vis. *GN.*  
 Sánga, ita ut fortís decet

Mílites, domí focique fác vicissim ut mémineris. 45

*SA.* Iámdudum ánimus ést in patinis. *GN.* frúgi es.  
*THR.* vos me hac séquimini.

## ACTVS V. SCENA I.

THAIS. PYTHIAS.

*TH.* Pergín, scelesta, mécum perplexé loqui?

Scio, néscio, abiit, áudivi, ego non ádfui.

Non tu ístuc mihi dictúra aperte es, quícquid est?

Virgó conscissa véste lacrumans ópticet;

Eunúchus abiit: quámobrem? quid factúmst? taces? 5

*PY.* Quid tibi ego dicam mísera? illum eunuchúm  
 negant

Fuisse. *TH.* quis fuit ígitur? *PY.* iste Chaérea.

*TH.* Qui Chaérea? *PY.* iste ephébus frater Phaé-  
 driae.

- TH.* Quid ais venefica? *PY.* atqui certo comperi.
- 10 *TH.* Quid is obsecro ad me, aut quamobrem adductust? *PY.* nescio:
- Nisi amasse credo Pamphilam. *TH.* hem, misera occidi,
- Infelix, si quidem tu istaec vera praedicas.
- Num id lacrimat virgo? *PY.* id opinor. *TH.* quid ais, sacrilega?
- Istucine interminata sum hinc abiens tibi?
- 15 *PY.* Quid facerem? ita ut tu iusti, soli creditast.
- TH.* Scelesta ovem lupó commisi. dispudet,  
Sic mihi data esse verba. quid illuc hominis est?
- PY.* Era mea tace, tace obsecro, salvae sumus:  
Habemus hominem ipsum. *TH.* ubi is est? *PY.* hem ad sinisteram.
- 20 Viden? *TH.* video. *PY.* comprehendí iube, quantum potest.
- TH.* Quid illó faciemus, stulta? *PY.* quid facias, rogas?
- Vide amabo, si non, cum aspicias, os impudens  
Videtur. *TH.* non. *PY.* tum quae eius confidentiast?

## ACTVS V. SCENA II.

CHAEREA. THAIS. PYTHIAS.

- CH.* Aput Antiphonem uterque, mater et pater,  
Quasi dedita opera, domi erant, ut nullo modo  
Introire possem, quin viderent me. interim  
Dum ante ostium sto, notus mihi quidam obviam
- 5 Venit. ubi vidi, ego me in pedes quantum queo  
In angiportum quoddam desertum; inde item  
In aliud, inde in aliud: ita miserimus  
Fui fugitando, ne quis me cognosceret.
- Set estne haec Thais, quam video? ipsast. haereo.
- 10 Quid faciam? quid mea autem? quid faciet mihi?
- TH.* Adeamus. bone vir Dore salve: dic mihi,

Aufúgistin? *CH.* era, fáctum. *TH.* satin id tibi placet?

*CH.* Non. *TH.* crédin te inpune hábiturum? *CH.*  
unam hanc nóxiam

Amítte: si aliam admísero unquam, occídito.

*TH.* Num meám saevitiam véritu's? *CH.* non. *TH.* 15  
non? quíd igitur?

*CH.* Hanc métui, ne me críminaretúr tibi.

*TH.* Quid féceras? *CH.* paulúm quid. *PY.* cho paulum ínpudens.

An paúlum hoc esse tibi videtur, vírginem

Vitiáre civem? *CH.* meám conservam crédidi.

*PY.* Conservam? vix me cóntineo quin ínvolem in 20  
Capíllum. monstrum; etiam últro derisum ádvenit.

*TH.* Abin hinc insana? *PY.* quíd ita? vero débeam

Credo ísti quicquam fúrcifero, si id fécerim:

Praesértim cum se sérvum fateatúr tuum?

*TH.* Missa haéc faciamus. nón te dignum, Chaérea, 25  
Fecísti: nam: si ego dígna hac contumélia

Sum máxume, at tu indígnus qui facerés tamen.

Neque édepol, quid nunc cónsili capiám, scio

De vírgine istac: íta conturbastí mihi

Ratiónes omnis, út eam ne possím suis, 30

Ita ut aéquum fuerat, ítaque ut studui, trádere

Vt sólídum parerem hoc mí beneficium, Chaérea.

*CH.* At núnc dehinc spero aetérnam inter nos grá-  
tiam

Fore, Tháis. saepe ex huíusmodi re quápiam et

Malo éx principio mágna familiáritas 35

Conflátast. quid si hoc quispiam voluít deus?

*TH.* Equidém pol in eam pártem accipioque ét volo.

*CH.* Immo íta quaeso. unum hoc scíto; contumélie

Non mé fecisse caúsa, set amorís. *TH.* scio.

Et pól propterea mágis nunc ignoscó tibi. 40

Non ádeo ínhumano égo sum ingenio, Chaérea,

Neque íta ínperita, ut quíd amor valeat, nésciam.

*CH.* Te quóque iam, Thais, íta me di bene amént,  
amo.

*PY.* Tum pól ab istoc tibi, éra, cavendum intéllego.

45 *CH.* Non aúsim. *PY.* nil tibi quícquam credo. *TH.*  
désinas.

*CH.* Nunc égo te in hac re mi óro ut adiutríx sies,  
Égo mé tuae comméndo et committó fidei:  
Te míhi patronam cápío, Thais: te óbsecro:  
Emóriar, si non hánc uxorem dúxero.

50 *TH.* Tamen sí pater quid. *CH.* áh volet, certó  
scio:

Civís modo haec sit. *TH.* paúlulum opperírier  
Si vís, iam frater ípse hic aderit vírginis;  
Nutrícem adcersitum iít, quae illam aluit párvolam:  
In cógnoscendo túte ipse aderis, Chaérea.

55 *CH.* Ego véro maneo. *TH.* vísne interea, dúm venit,  
Domi ópperiamur pótius, quam hic ante óstium?

*CH.* Immó percupio. *PY.* quám tu rem actura óbse-  
cro es?

*TH.* Nam quíd ita? *PY.* rogitas? húnctu in aedis  
cógitas

Recípere posthac? *TH.* cúr non? *PY.* crede hoc  
meaé fidei,

Dabit híc pugnam aliquam dénuo. *TH.* au, tace  
60 óbsecro.

*PY.* Parúm perspexe eius míhi videre audáciam.

*CH.* Non fáciam, Pythias. *PY.* nón pol credo, Chaé-  
rea,

Nisi sí commissum nón erit. *CH.* quin, Pýthias,  
Tu mé servato. *PY.* néque pol servandúm tibi

65 Quicquám dare ausim, néque te servare. ápage te.

*TH.* Adest óptume ípse fráter. *CH.* perii hercle:  
óbsecro

Abeámus intro, Tháis: nolo me ín via

Cum hac véste videat. *TH.* quámobrem tandem? an  
quía pudet?

*CH.* Id ípsum. *PY.* id ípsum? vírgo vero. *TH.* í  
praé, sequor.

Tu istíc mane, ut *Chremem* íntroducas, *Pýthias*. 70

## ACTVS V. SCENA III.

*PYTHIAS. CHREMES. SOPHRONA nutrix.*

*PY.* Quid, quíd venire in méntem nunc possít mihi?

Quidnám qui referam sácrilego illi grátiam,  
Qui hunc súpposivit nóbis? *CH.* move vero ócius  
Te, nútrix. *SO.* moveo. *CH.* vídeo, set nil prómoves.

*PY.* Iamne óstendisti sígna nutrici? *CH.* ómnia. 5

*PY.* Amábo, quid aít? cógnoscitne? *CH.* ac mémo-  
riter.

*PY.* Bene édepol narras: nam ílli faveo vírgini.

Íte íntro; iamdudum éra vos exspectát domi.

Virúm bonum eccum *Pármemonem* incédere

Videó: vide ut otíósus it, si díis placet. 10

Speró me habere, qui hunc excruciem meó modo.

Ibo íntro de cognítione ut certúm sciam:

Post éxeo, atque hunc pérterrebo sácrilegum.

## ACTVS V. SCENA IV.

*PARMENO. PYTHIAS.*

*PA.* Revíso, quidnam *Chaérea* hic rerúm gerat.

Quod si ástu rem tractávit, di vostrám fidem,

Quantam ét quam veram laúdem capiet *Pármeno*?

Nam ut míttam, quod eí amórem difficíllimum et

Caríssimum, a meretríce avara vírginem 5

Quo amábat, eum conféci sine moléstia,

Sine súmptu, sine dispéndio: tum hoc álterum,

Id vérost quod ego míhi puto palmárium

Me répperisse, quó modo adulescéntulus

Meretrícum ingenia et móres posset nóscere, 10

Matúre ut cum cognórit, perpetuo óderit.

Quae dùm foris sunt, níl videtur mún dius,  
Nec mágis compositum quícquam, nec magis éle-  
gans,

[Quae, cùm amatore cùm cenant, ligúrriunt.]

15 Harúm videre inlúviem, sordes, ínopiam;  
Quam inhonéstae solae sínt domi atque avidae  
cibi;

Quo pácto ex iure hestérno panem atrúm vorent;  
Nosse ómnia haec salúti est adulescéntulis.

*PY.* Ego pól te pro istis díctis et factís, scelus,

20 Vléciscar; ut ne inpúne nos inlúseris.

Pró deum fidem, fácinus foedum! o infélicem adu-  
lescéntulum!

Ó scelestum Pármenonem, qui ístum huc adduxít.  
*PA.* quid est?

*PY.* Míseret me: itaque ut né viderem, mísera huc  
effugí foras,

Quaé futura exémpla dicunt ín eum indigna. *PA.*  
o Iúppiter.

25 Quaé illaec turbast? númnam ego perii? adíbo.  
quid istuc, Pýthias?

Quíd ais? in quem exémpla fient? *PY.* rógitas, au-  
dacíssume?

Pérdidisti istúm quem adduxti pro eúnucho adule-  
scéntulum,

Dúm studes dare vérba nobis. *PA.* quíd ita? aut  
quid factúmst? cedo.

*PY.* Dícam: virginem ístam, Thaidi hódie quae  
donó datast,

30 Scís eam civem hinc ésse? et fratrem eii ésse ad-  
prime nóbilem?

*PA.* Néscio. *PY.* atqui síc inventast: éam iste viti-  
avit miser.

Ílle ubi rescívit factum fráter violentíssimus,

*PA.* Quídnam fecit? *PY.* cónligavit prímum eum  
miserís modis.



*PA.* Cónligavit? *PY.* ét quidem orante, út ne id faceret, Tháide.

*PA.* Quídaís? *PY.* nunc mináatur porro sése id quod moechís solet: 55

Quód ego numquam vídi fieri, néque velim. *PA.* qua audácia

Tántum facinus aúdet? *PY.* quid ita tántum? *PA.* an non hoc máximumst?

Quís homo umquam pro moécho vidit ín domo metretícia

Prénde quemquam? *PY.* néscio. *PA.* at ne hoc nésciatis, Pýthias;

Díco, edico vóbis, nostrum esse íllum erilem fílium. 40  
*PY.* hem,

Óbsecro an is est? *PA.* né quam in illum Tháís vim fierí sinat.

Átque adeo autem cúr non egomet íntro eo? *PY.* vide, Pármeno,

Quíd agas, ne neque ílli prosis, ét tu pereas: nam hóc putant,

Quícquid factumst, á te esse ortum. *PA.* quíd igitur faciám miser?

Quídve incipiám? ecce aútem video rúre redeuntém senem: 45

Dícam huic, an non dícam? dícam hercle: étsi mihi magnúm malum

Scío paratum: sét necesse est: húic ut subveniát. *PY.* sapís.

Ego abeo intro: tu ísti narra omne órdine, ut factúm siet.

## ACTVS V. SCENA V.

LACHES. PARMENO.

*LA.* Ex meó propinquo rúre hoc capio cómmodi: Neque agríneque urbis ódium me umquam pércipit. Vbi sáticas coepit fieri, commutó locum.

Set estne ille noster Pármeno? et certe ípsus est.

5 Quem praéstolare, Pármeno, hic ante óstium?

*PA.* Quis homóst? ehem, salvom te ádvenisse gaúdeo.

*LA.* Quem praéstolare? *PA.* périi: lingua haerét metu. *LA.* hem,

Quid est quód tu trepidas? sátine salve? díe mihi.

*PA.* Ere, prímum te arbitrári id quod res ést velim:

10 Quicquíd huius factumst, cúlpa non factúmst mea.

*LA.* Quid? *PA.* récte sane intérogasti. opórtuit Rem praénarrasse me. émit quendam Phaédria Eunúchum, quem dono huic daret. *LA.* cui? *PA.* Tháidi.

*LA.* Emít? perii hercle. quánti? *PA.* vigintí minis.

15 *LA.* Actúmst. *PA.* tum quandam fídicinam amat hinc Chaérea. *LA.* hem,

Quid? ámat? an iam scit ille quid meretríx siet?

An in ástu venit? áliud ex alió malum.

*PA.* Ere né mespectes: me ímpulsore haec nón facit.

*LA.* Omítte de te dícere. ego te, fúrcifer,

20 Si vívo. set istuc quicquíd est, prímum éxpedi.

*PA.* Is pro illo eunucho ad Tháidem huc dedúctus est.

*LA.* Pro eunúchon? *PA.* sic est. hunc pro moecho póstea

Comprehéndere intus, ét constrinxere. *LA.* óccidi.

*PA.* Audáciam meretrícum specta. *LA.* númqúid est

25 Aliúd mali damníve quod non díxeris

Relíquom? *PA.* tantum est. *LA.* céssó huc intrórumperé?

*PA.* Non dúbium est quám mi mágnum ex hac re sít malum:

Nisi quía necessum fúit hoc facere. id gaúdeo

Proptér me hisce aliquid ésse eventurúm mali:

30 Nam iámdiú aliquam cáusam quaerebát senex,

Quamobrem áliiquid aegre fáceret iis: nunc répperit.

## ACTVS V. SCENA VI.

PYTHIAS. PARMENO.

PY. Numquam édepol quicquam iámdiu quod má-  
gis vellem eveníre

Mi evénit, quam quod módo senex intro ád nos ve-  
nit érrans.

Mihi sólae ridiculó fuit, quae quíd timeret scíbam.

PA. Quid hoc aútemst? PY. nunc id pródeo, ut  
convéniam Parmenónem.

Set ubi óbsecro est? PA. me quaérit haec. PY. at- 5  
que éccum video: adíbo.

PA. Quid ést, inepta? quíd tibi est? quid rídes?  
pergin? PY. périi:

Deféssa iam sum mísera te ridéndo. PA. quid ita?  
PY. rógitas?

Numquám pol hominem stúltiorem vídi, nec vi-  
débo. ah,

Non póssum satis narráre quos praebúeris ludos  
íntus.

At étiam primó cállidum ac disértum credidi hó- 10  
minem.

Quid? ílicone crédere ea quae díxi, oportuít te?

An poénitebat flágití, te auctóre quod fecísset  
Aduléscens, ni miserum ínsuper etiám patri indi-  
cáres?

Nam quíd illi credis túm animi fuisse, ubi vestem  
vidít

Illam ésse eum indutúm pater? quid? iám scis te 15  
perísse?

PA. Hem quíd dixisti, péssuma? an mentíta es?  
etiam rídes?

Itan lépidum tibi visum ést, scelus, nos ínridere?  
PY. nímium.

PA. Siquidem ístuc inpune hábueris. PY. verúm.  
PA. reddam hercle. PY. crédo.

Set in diem istuc, Pármeno, est fortásse, quod mináre.

20 Tu iam pendebis, stúlte, qui adulescéntulum nobílitás

Flagítiis, et patri índicas: utérque exempla in te édent.

*P.A.* Nullús sum. *P.Y.* hic pro illo múnere tibi honós est habitus: ábeo.

*P.A.* Egomét meo indició miser, quasi sórex, hodie périi.

## ACTVS V. SCENA VII.

*GNATHO. THRASO.*

*GN.* Quid nunc? qua spe, aut quó consilio huc ímus? quid coeptás, Thraso?

*TH.* Égone? ut Thaidí me dedam, et fáciam quod iubeát. *GN.* quid ais?

*TH.* Quí minus quam Herculés servivit Ómphalae? *GN.* exemplúm placet.

Vtinam tibi commítigari vídeam sandalió caput.

5 Sét fores crepuérunt ab ea. *TH.* périi. quid hoc autémst mali?

Húnc ego numquam víderam etiam: quídnam hic properans prósilít?

## ACTVS V. SCENA VIII.

*CHAEREA. PARMENO. PHAEDRIA. GNATHO. THRASO.*

*CH.* Ó populares, écquis me hodie vívit fortunátior? Nemo hércle quisquam: nam in me plane dí potestátém suam

Omnem óstendere: cuí tam subito tót contigerint cómoda.

*P.A.* Quid hic laétus est? *CH.* o Pármeno mi, o meárum voluptatum ómnium

Invéntor, inceptór, perfector, scín me in quibus 5  
sim gaúdiis?

Scis Pámphilam meam invéntam civem? *P A.* au-  
dívi. *CH.* scis sponsám mihi?

*P A.* Bene, íta me di ament, fáctum. *GN.* audin tu,  
hic quíd ait? *CH.* tum autem Phaé-  
driae

Meo frátri gaudeo ésse amorem omnem ín tran-  
quillo: unást domus.

Tháis se patri cõmmendavit: ín clientelam ét fidem  
Nobís dedit se. *P A.* frátris igitur Tháis totast. *CH.* 10  
scílicet.

*P A.* Iam hoc áliud est, quod gaúdeamus: míles pel-  
letúr foras.

*CH.* Tu fráter ubi ubi est fác quam primum haec  
aúdiat. *P A.* visám domum.

*TH.* Numquíd, Gnatho, tu dúbitas quin ego núnc  
perpetuo périerim?

*GN.* Sine dúbio opinor. *CH.* quíd commemorem  
prímum, aut laudem máxume?

Illúmne qui mi dédit consilium ut fácerem; an me, 15  
qui id aúsus sum

Incípere; an fortunám conlaudem, quae guberna-  
trix fuit;

Quae tót res, tantas, tam ópportune in únun con-  
clusít diem;

An meí patris festívitatem et fáclitatem? o Iúp-  
piter

Serva óbsecro haec bona nóbis. *PH.* di vostrám  
fidem, incredíbilia

Pármeno modo quae narravit. sét ubi est frater? 20  
*CH.* praesto adest.

*PH.* Gaúdeo. *CH.* satis crédo. nihil est Tháide hac,  
fráter, tua

Dígnius quod amétur: ita nostrae ómni est fautrix  
fámiliae. *PH.* hui,

Mihi illam laudas? *TH.* périi, quanto mínus spei est, tanto mágis amo.

Óbsecro, Gnatho, ín te spes est. *GN.* quíd vis faciam? *TH.* pérfice hoc,

25 *Précibus,* pretio, ut haéream in parte áliqua tandem aput Tháidem.

*GN.* Díficile est. *TH.* si quíd conlibitumst, nóvite. hoc si efféceris,

Quóduis donum praémium a mé optáto, id optátum ferēs.

*GN.* Ítane? *TH.* sic erít. *GN.* si efficio hoc, póstulo ut tua míhi domus

Té praesente absénte pateat; ínvocato ut sít locus

30 *Sémper.* *TH.* do fidém futurum. *GN.* accíngar. *PH.* quem ego hic aúdio?

Ó Thraso. *TH.* salvéte. *PH.* tu fortásse quae facta híc sient

Néscis. *TH.* scio. *PH.* cur te érgo in his ego cónspicor regiónibus?

*TH.* Vóbis fretus. *PH.* scín quam fretus? míles, edicó tibi,

Sí te in platea offéndero hac post úmquam, quod dicás mihi:

35 *Álium* quaerebam, íter hac habui: périisti. *GN.* heia, haut síc decet.

*PH.* Díctumst. *GN.* non cognóscó vostrum tám superbum. *PH.* síc erit.

*GN.* Príus audite paúcis: quod cum díxero, si plácerit,

Fácitote. *PH.* audiámus. *GN.* tu concéde paulum istúc, Thraso.

Príncipio ego vos crédere ambos hóc mi vehementér volo,

40 Me húius quicquid fáciam, id facere máxume causá mea:

Vérum si idem vóbis prodest, vós non facere in-  
scítiaſt.

*PH.* Quíd id eſt? *GN.* militem égo rivalem réci-  
piundum cénſeo. *PH.* hem.

*CH.* Récipiundum? *GN.* cógita modo. tu hércle cum  
illa, Phaédria,

Vt libenter vívis (et enim béne libenter víctitas)  
Quód des paulumſt, ét neceſſe eſt múltum accipere 45  
Tháidem.

Vt tuo amori súppeditare póſſint ſine ſumptú tuo  
Ómnia haec; magis ópportunus, néc magis ex usú  
tuo

Némo eſt. principio ét habet quod det: ét dat nemo  
lárgius.

Fátuus eſt, inſúlsús, bardus, stértit noctes ét dies:  
Néque iſtum metuas né amet mulier: fácale pellas 50  
úbi velis.

*CH.* Quíd agimus? *GN.* praetérea hoc etiam, quód  
ego vel primúm puto,

Áccipit homo némo melius prórſum neque pro-  
líxius.

*CH.* Mírur ni illoc hómíne quoquo pácto opuſt.  
*PH.* idem ego árbítror.

*GN.* Récte facitis. únum etiam vos óro, ut me in  
voſtrúm gregem

Récipiatis: sátis diu iam hoc sáxum volvo. *PH.* ré- 55  
cipimus.

*CH.* Ác libenter. *GN.* át ego pro iſto, Phaédria, et  
tu, Chaérea,

Húnc comedendum et ébibendum vóbis propinó.  
*CH.* placet.

*PH.* Dígnus eſt. *GN.* Thraso, úbi vis accede. *TH.*  
óbſecro te quíd agimus?

*GN.* Quíd? iſti te ignorábant: poſtquam eis móres  
oſtendí tuos:

Ét conlaudaví ſecundum fácta et virtutéſ tuas, 60

Ímpetravi. *TH.* béne fecistis. grátiam habeo máxumam.

Númquam etiam fui úsquam, quin me omnes amarint plúrimum.

*GN.* Díxin ego in hoc ésse vobis Atticam elegantiam?

*PH.* Níl praeter promíssum est. ite hac. vós valete, et plaúдите.

---



HEAVTON TIMORVMENOS

T E R E N T I.

---

# FABVLAE INTERLOCVTORES.

*CHREMES senex.*  
*MENEDEMVS senex.*  
*CLITIPHO adulescens.*  
*CLINIA adulescens.*  
*SYRVS servus.*  
*DROMO servus.*  
*BACCHIS meretrix.*  
*ANTIPHILA virgo.*  
*SOSTRATA matrona.*  
*NVTRIX.*  
*PHRYGIA ancilla.*

---

*Graeca est Menandru. Acta ludis Megalensib. L.*  
*Cornelio Lentulo L. Valerio Flacco Aedilib.*  
*Curulib. Egit Ambivius Turpio. Modos fecit*  
*Flaccus Claudi. Acta primum tibiis imparibus.*  
*Deinde duabus dextris. Actast III. M. Iuventio*  
*Ti. Sempronio Coss.*

---

---

## P R O L O G V S.

---

**N**e cui sit vestrum mirum, cur partís seni  
Poéta dederit, quae sunt adulescéntium :  
Id primum dicam: deinde quod veni éloquar.  
Ex íntegra Graeca íntegram comoédiam  
Hodié sum acturus Heaúton timorúmenon: 5  
Simpléx quae ex arguménto facta est dúplici.  
Novam ésse ostendi, et quae esset: nunc qui scri-  
pserit,  
Et cúia Graeca sít, ni partem máxumam  
Existimarem scíre vostrum, id dícerem.  
Nunc, quámobrem has partis dídicerim, paucís dabo. 10  
Orátorem esse vóluit me, non prólogum:  
Vostrúm iudicium fécit: me actorém dedit:  
Si hic áctor tantum póterit a facúndia,  
Quantum ille potuit cógitare cómmode,  
Qui orátionem hanc scripsit, quam dictúrus sum. 15  
Nam quód rumores dístulerunt málevoli,  
Multás contaminásse Graecas, dúm facit  
Paucás Latinas: íd esse factum hic nón negat,  
Neque sé pigere, et deinde factum iri aúumat.  
Habét bonorum exéplum: quo exempló sibi 20  
Licére íd facere, quód illi fecerúnt, putat.  
Tam quód malevolus vétus poeta díctitat,  
Repénte ad studium se ápplicasse hunc músicum,  
Amícúm ingenio frétum, haut naturá sua:  
Arbítrium vestrum, véstra existumátio 25

- Valébit. quare omnis vos oratos volo,  
 Ne plus iniquum possit quam aequum oratio.  
 Facite aequi sitis: date crescendi copiam,  
 Novarum qui spectandi faciunt copiam;  
 30 Sine vitiiis: ne ille pro se dictum existimet,  
 Qui nuper fecit seruo currenti in via  
 Dixisse populum: cur insano seruiat?  
 De illius peccatis plura dicet, cum dabit  
 Alias novas; nisi finem maledictis facit.
- 35 Adeste aequo animo; date potestatem mihi  
 Statariam agere ut liceat per silentium;  
 Ne semper servos currens, iratus senex,  
 Edax parasitus, syncophanta autem impudens,  
 Avarus leno, adsidue agendi sint mihi
- 40 Clamore summo, cum labore maximo.  
 Mea causa causam hanc iustam esse animum in-  
 ducite,  
 Ut aliqua pars laboris minuatür mihi.  
 Nam nunc novas qui scribunt, nil parcunt seni:  
 Si quae laboriosa est, ad me curritur:  
 45 Si lenis est, ad alium defertur gregem.  
 In hac est pura oratio. experimini,  
 Si numquam avare pretium statui arti meae,  
 Et eum esse quaestum in animum induxi maximum,  
 Quam maxime servire vestris commodis:
- 50 Exemplum statuite in me, ut adulescentuli  
 Vobis placere studeant potius quam sibi.

## ACTVS I. SCENA I.

CHREMES. MENEDEMVS, senex.

- Quamquam haec inter nos nuper notitia admodumst  
 Inde adeo quod agrum in proximo hic mercatus es,  
 Nec rei fere sane amplius quicquam fuit:  
 Tamen vel virtus tua me, vel vicinitas,  
 5 Quod esse in aliqua parte amicitiae puto,

Facit út te audacter móneam et familiáriter;  
 Quod míhi videre praéter aetatém tuam  
 Facere, ét praeter quam rés te adhortatúr tua.  
 Nam pró deum atque hominúm fidem, quid vís tibi?  
 Quid quaéris? annos séxaginta nátus es, 10  
 Aut plús, ut coniiicio. ágrum in his regiónibus  
 Meliórem neque pretí maioris némo habet;  
 Servós non pluris: proínde quasi nemó siet,  
 Ita túte adtente illórum oflicia fúngere.  
 Numquám tam mane egrédior, neque tam vésperi 15  
 Domúm revortor, quín te in fundo cóspicer  
 Fodere, aút arare, aut áliquíd facere dénique.  
 Nullúm remittis témpus; neque te réspicis.  
 Haec nón voluptati tibi esse, satis certó scio.  
 At ením me quantum hic óperis fiat, poénitet. 20  
 Quod in ópere faciundo óperae consumís tuae,  
 Si súmas in illis éxercendis, plús agas.  
*ME.* Chremé, tantumne ab ré tuast otí tibi,  
 Aliéna ut cures; éa quae nihil ad te ádtinent?  
*CH.* Homó sum: humani níhil a me alienúm puto. 25  
 Vel mé monere hoc vél percontarí puta:  
 Rectúmst? ego ut faciam. nón est? te ut detérream.  
*ME.* Mihi síc est usus: tibi ut opus factóst, face.  
*CH.* An cuíquam est usus hómíni, se ut cruciét?  
     *ME.* mihi.  
*CH.* Si quíd laboris, nóllem: set quid istúc mali est? 30  
 Quaesó, quid de te tántum meruisti? *ME.* oíeï.  
*CH.* Ne lácruma: atque istuc, quícquid est, fac me  
     út sciam.  
 Ne rétice: ne verére: crede inquám mihi.  
 Aut cósolando aut cónsilio aut re iúvero.  
*ME.* Scire hóc vis? *CH.* hac quídem caúsa, qua dixí 35  
     tibi.  
*ME.* Dicétur. *CH.* at istos rástros intereá tamen  
 Adpóne, ne labóra. *ME.* mínimè. *CH.* quám rem  
     agis?

*ME.* Sine mé, vacivom témpus ne quod dém mihi Labóris. *CH.* non sinam, inquam. *ME.* ah, non aequóm facis.

40 *CH.* Hui, tám gravis hos quaéso? *ME.* sic meritúms meum.

*CH.* Nunc lóquere. *ME.* filium únicum adulescéntulum

Habeo. áh, quid dixi? habére me? immo habuí, Chreme:

Nunc hábeam necne incértumst. *CH.* quid ita istúc? *ME.* scies.

Est é Corinθο hic ádvena anus paupércula:

45 *Eius* filiam ille amáre coepit vírginem,  
Prope iam út pro uxore habéret: haec clam me ómnia.

Vbi rém rescivi; coépi non humánitus,  
Neque ut ánimum decuit aégrotum adulescéntuli,  
Tractáre, set vi et viá pervolgatá patrum:

50 Cotídie accusábam: hem tibine haec díutius  
Licére speras fácere me vivó patre,  
Amícam ut habeas própe iam in uxoris loco?  
Errás, si id credis, ét me ignoras, Clínia.  
Ego té meum esse díci tantispér volo,

55 Dum quód te dignumst, fácies: set si id nón facis,  
Ego, quód me in te sit fácere dignum, invénero.

Nulla ádeo ex re istuc fít, nisi nimio ex ótio.

Ego istúc aetatis, nón amori operám dabam,  
Set in Ásiam hinc abii própter pauperiem, átque ibi

60 Simúl rem et gloriam ármis belli répperi.

Postrémo adeo res rédiit, adulescéntulus  
Saepe éadem et graviter aúdiendo, víctus est:

Putávit me et aetáte et benevoléntia

Plus scíre et providére, quam se ipsúm sibi:

65 In Ásiam ad regem militatum abiit, Chreme.

*CH.* Quid aís? *ME.* clam me est proféctus: mensis trís abest.

*CH.* Ambo áccusandi: etsi illud inceptúm tamen

Animi ést pudentis sígnum et non instrénui.

*ME.* Vbi cómperi ex iis, qui fuere ei cónscii,

Domúm revortor maéstus, atque animó fere

Contúrbato, atque incérto prae aegritúdine.

79

Adsído: adcurrunt sérví: soccos détrahunt:

Inde álii festináre, lectos stérnere,

Cenam ápparare: pró se quisque sédulo

Faciébant, quo illam míhi lenirent míseriam.

75

Vbi vídeo, haec coepí cógitare: hem, tót mea

Solús solliciti sínt causa, ut me unum éxpleant?

Ancíllae tot me véstiant? sumptús domi

Tantós ego solus fáciam, qui gnatum únicum,

Quem páriter uti his décuit aut etiam ámplius,

80

Quod illa aétas magis ad haéc utenda idónea est,

Eum ego hínc eieci míserum iniustitiá mea?

Maló quidem me dígnum quovis députem,

Si id fáciam. nam usque dum ille vitam illám colet

Inopém, carens patria ób meas iniúrias,

85

Intérea usque illi dé me suppliciúm dabo,

Labórans, quaerens, párcens, illi sérvíens.

Ita fácio prorsus: níl relinquo in aédibus,

Nec vás, nec vestiméntum: conrasi ómnia.

Ancíllas, servos, nísi eos qui opere rústico

90

Faciúndo facile sumpsum exsercírét suum,

Omnís produxi ac véndidi. inscripsi ílico

Aedís mercede. quási talenta ad quíndecim

Coégi: agrum hunc mercátus sum: hic me exérceo.

Decrévi tantispér me minus iniúriae,

95

Chremé, meo gnato fácere, dum fiám miser:

Nec fás esse, ulla mé voluptate híc frui,

Nisi ubi ille huc salvos rédierit meus párticeps.

*CH.* Ingénio te esse in líberos lení puto,

Et illum óbsequentem, síquis recte aut cómmode 100

Tractáret. verum néque illum tu satis nóveras,

Nec te ille; hoc quod fit, úbi non vere vívitur.

Tu illúm numquam ostendísti quanti pénderes,  
 Nec tibi illest credere aúsus quae est aequóm patri.  
 105 Quod si ésset factum, haec núnquam evenissént  
 tibi.

*ME.* Ita rés est, fateor: péccatum a me máximumst.

*CH.* Menedéme, at porro récte spero, et illúm tibi  
 Salvom ádfuturum esse híc confido própédiem.

*ME.* Vtinam íta di faxint. *CH.* fácient. nunc si est  
 cómmodum,

110 *Dionýsia* hic sunt hódie: aput me síis volo.

*ME.* Non póssum. *CH.* cur non? quaéso tandem  
 aliquántulum

Tibi párce: idem absens fácere te hoc volt filius.

*ME.* Non cónvenit, qui illum ád laborem hinc pé-  
 pulerim,

Nunc me ípsum fugere. *CH.* sícine est senténtia?

115 *ME.* Sic. *CH.* béne vale. *ME.* et tu. *CH.* lácrumas  
 excussít mihi,

Miserétque me eius: sét ut diei témpus est,

Monére oportet me húncc vicinum Phániam,

Ad cénam ut veniat: íbo, visam sí domi est.

Nihil ópus fuit monitóre: iam dudúm domi

120 Praesto áput me esse aiunt; égomet convivás moror.

Ibo ádeo hinc intro. sét quid crepuerúnt fores

Hinc á me? quisnam egréditur? huc cóncessero.

## ACTVS I. SCENA II.

*CLITIPHO* adulescens. *CHREMES.*

Nihil adhuc est, quód vereare, Clínia: haut qua-  
 quam étiani cessant:

Étillam simul cum núnctio tibi ádfuturam hodiéscio.  
 Próin tu sollicitúdinem istam fálsam, quae te ex-  
 crúciat, mittas.

*CH.* Quícum loquitur filius?

5 *CL.* Páter adest, quem vólui: adibo. páter, oppor-  
 tune ádvenis.



*CH.* Quid id est? *CL.* hunc Menedémum nostin nóstrum vicinúm? *CH.* probe.

*CL.* Huic fílium scis ésse? *CH.* audivi esse; ín Asia.  
*CL.* non ést, pater:

Aput nós est. *CH.* quid ais? *CL.* ádvenientem, e návi egredientem, ílico

Abdúxi ad cenam: nám mihi cum eo iam índe usque a puéritia

Fuit sémper familiáritas. *CH.* voluptátem magnam 10  
núntias.

Quam véllem Menedemum ínvitatum, ut nóbiscum esset ámplius:

Vt hánc laetitiam nec opinanti prímus obiicerem eí domi.

Atque étiam nunc satis témpori est. *CL.* cève fáxis; non est ópus, pater.

*CH.* Quaprópter? *CL.* quia enim incértumst etiam, quíd se faciat. módo venit.

Timet ómnia, patris íram, et animum amícae se 15  
erga ut sít suae.

Eam míseré amat: proptér eam haec turba atque ábitio evenít. *CH.* scio.

*CL.* Nunc sérvolum ad eam in úrbem misit, ét ego nostrum uná Syrum.

*CH.* Quid nárrat? *CL.* quid ille? míserum se esse.  
*CH.* míserum? quem minus créderest?

Quid réliqüist, quin hábeat quae quídem in hómíne dicuntúr bona?

Paréntis, patriam incólumem, amicos, génus, co- 20  
gratos, diúitias:

Atque haéc perinde súnť ut illius ánimus, qui ea póssidet:

Qui utí scit, eí bona; ílli, qui non útitur recté, mala.

*CL.* Immo ílle fuit senex ímportunus sémper; et nunc níl magis

Vereór, quam ne quid in íllum iratus plús satis faxít, pater.

25 *CH.* Illéne? set repprimám me: nam in metu ésse hunc, illi est útile.

*CL.* Quid túte tecum? *CH.* dícam. ut ut erat, mánsu-  
sum tamen opórtuit.

Fortásse aliquantum iníquior erat praéter eius lubí-  
dinem:

Paterétur: nam quem férret, si paréntem non fer-  
rét suum?

Huncíne erat aequom ex íllius more, an íllum ex  
huius vívere?

30 Et quód illum insimulant dúrum, id non est. nám  
parentum iniúriae

Vníusmodi sunt férme; paulo qui ést homo tolerá-  
bilis.

Scortári crebro nólunt; nolunt crébro convivárier:  
Praebént exigue sumpsum: atque haec sunt támen  
ad virtutem ómnia.

Verum ánimus ubi semél se cupiditate devinxít  
mala,

55 Necesse est, Clitiphó, consilia cónsequi consímilia.  
hoc

Scitúmst, periculum ex áliis facere, tíbi quid ex usú  
siet.

*CL.* Ita crédo. *CH.* ego ibo hinc íntro, ut videam  
nóbis cenae quíd siet.

Tu, ut témpus est diéi, vide sis né quo hinc abeas  
lóngius.

## ACTVS II. SCENA I.

*CLITIPHO.*

Quam iníqui sunt patrés in ómnis ádulescentis iú-  
dices!

Qui aequom ésse censent nós iam a pueris ílico  
nascí senes;

Neque illárum adfines ésse rerum, quás fert adule-  
scéntia.

Ex suá libidiné moderantur, núnc quae est, non  
quae olím fuit.

Mihi si úmquam filiús erit, ne ille fácili me utetúr 5  
patre:

Nam et cógnoscendi et ígnoscendi dábitur peccatí  
locus:

Non út meus, qui míhi per alium osténdit suam  
senténtiam.

Perii: ís mi, ubi adbibít plus paulo, súa quae narrat  
fácinora?

Nunc aít: periculum ex áliis facito, tíbi quid ex usú  
siet.

Astútus: ne ille haut scít, quam mihi nunc súrdo 10  
narret fábulam.

Magis núnc me amicae dícta stimulant, Dá mihi,  
atque adfér mihi:

Cui quód respondeám nil habeo: néque me quis-  
quam est míserior.

Nam hic Clíniá, etsi is quóque suarum rérum sat  
agitát, tamen

Habét bene et pudíceeductam, ignáram artis mere-  
tríciae.

Meást petax, procáx, magnífica, súmptuosa, nóbilis. 15

Tum quód dem ei, rectest: nám nihil esse míhi re-  
ligiost dícere.

Hoc égo mali non prídem inveni: néque etiamdum  
scít pater.

## ACTVS II. SCENA II.

CLINIA. CLITIPHO.

Si míhi secundae rés de amore méo essent, iam du-  
dúm scio

Venisset: set vereór, ne mulier me ábsente hic cor-  
rúpta sit.

Concurrunt multa, opínionem hanc quaé mihi animo exaúgeant:

Occásio, locus, aétas, mater, cuius sub imperiost, mala:

5 Cui níl iam praeter prétium dulcest. *CLIT.* Clínia.  
*CLIN.* ei miseró mihi.

*CLIT.* Etiám caves, ne vídeat forte hic te á patre aliquis éxiens?

*CLIN.* Faciám: set nescio quíd profecto mi ánimus praesagít mali.

*CLIT.* Pergín istuc prius diiúdicare, quám scias quid reí siet?

*CLIN.* Si níl mali esset, iam híc adesset. *CLIT.* iam áderit. *CLIN.* quando istúc iam erit?

10 *CLIT.* Non cógitas hinc lóngule esse? et nósti mores múlierum:

Dum móliuntur, dúm conantur, ánnus est. *CLIN.* o Clítipho,

Timeó. *CLIT.* respira: eccúm Dromonem cúm Syro una: adsúnt tibi.

## ACTVS II. SCENA III.

*SYRVS, DROMO, servi. CLINIA. CLITIPHO.*

Aín tu? *DR.* sic est: vérum interea dúm sermōnes caédimus,

Íllae sunt relictae. *CLIT.* mulier tibi adest; audin, Clínia?

*CLIN.* Égo vero audió nunc demum et vívo et valeo, Clítipho.

*SY.* Mínime mirum: adeo ímpeditae súnť: ancillarúm gregem

5 Dúcunt secum. *CLIN.* périi, unde illi súnť ancillae? *CLIT.* mén rogas?

*SY.* Nón oportuít relictas: pórtant quid rerum? *CLIN.* eí mihi.

*SY.* Aúrum, vestem: et vésperascit, ét non novérunt viam.

Fáctum a nobis stúlte est. abi dum tú, Dromo, illis óbviám:

Própere: quid stas? *CLIN.* vaé misero mi, quánta de spe déciði.

*CLIT.* Quí istuc? quae res té sollicitat aútem? 10  
*CLIN.* rogitas quíd siet?

Víden tu? ancillas, aúrum, vestem, quá́m ego cum una ancíllula

Híc reliqui: unde ésse censes? *CLIT.* váh, nunc demum intéllego.

*SY.* Dí boni quid túrbaest? aedes nóstrae vix capiént, scio.

Quíd comedent? quid ébibent? quid séne erit nostro míserius?

Sét eccos video quós volebam. *CLIN.* o Iúppiter, 15  
ubínám ést fides?

Dum ego própter te errans pátria careo démens, tu intereá loci

Conlócupletasti, Antíphila, te, et me in hís deseruísti malis;

Proptér quam in summa infámia sum, et meó patri minus sum óbsequens.

Cuius núnc pudet me et míseret, qui harum móres cantabát mihi,

Monuísse frustra, néque eum potuisse úmquam ab 20  
hac me aspéllere.

Quod támen nunc faciam: túm, cum gratum mi ésse potuit, nólui.

Nemo ést miserior me. *SY.* híc de nostris vérbis errat vídelicet,

Quae hic súmus locuti. Clínia, aliter túm amorem, atque est, áccipis:

Nam et vítast eadem, et ánimus te erga idem ác fuit; Quantum éx ipsa re cóniecturam fécimus. 25

*CLIN.* Quid est óbsecro? nam míhi nunc nil rerum ómniumst

Quod málim, quam me hoc fálsó suspiciárier.

*SY.* Hoc primum, ut ne quid huíus rerum ignorés: anus,

Quae est dícta mater ésse ei antehac, nón fuit:

30 Ea óbiit mortem: ex ípsa in itere hoc, álterae  
Dum nárrat, forte audívi. *CLIT.* quaenamst áltera?

*SY.* Mane: hóc quod coepi, primum enarrem, Clí-  
tipho:

Post ístuc veniam. *CLIT.* própéra. *SY.* iam pri-  
mum ómnium,

Vbi véntum ad aedis ést, Dromo pultát fores:

35 Anus quaédam prodit: haéc ubi aperit óstium,  
Contínuo hic se intro cóniicit, ego cónsequor:  
Anus fóribus obdit péssulum, ad lanám redit.

Hic scíri potuit, aút nusquam alibi, Clínia,  
Quo stúdio vítam suám te absente exégerit;

40 Vbi de ímproviso est ínterventum múlieri:  
Nam ea túm res dedit existumandi cópiam  
Cotídianae vítae consuetúdinem;  
Quae, cuíusque ingenium ut sít, declarat máxume.  
Texéntem telam stúdiosè ipsam offéndimus;

45 Mediócritèr vestítam veste lúgubri,  
Eius ánuis causa opínor quae erat mórtua,  
Sine aúro: tum ornatam, íta uti quae ornantúr sibi,  
Nullá mala re íntéropolatam ínúllebri:  
Capíllus sparsus, prómissus, circúm caput

50 Reiectus neclegénter, pax. *CLIN.* Syre mi, óbsecro,  
Ne me ín laetitiam frústra coniciás. *SY.* anus  
Subtémèn nebat: praétereá una ancíllula  
Erat; éa texebat úna, pannis óbsita,  
Neclécta, ínmunda ín lúvie. *CLIT.* si haec sunt,  
Clínia,

55 Vera, íta uti credo, quis te est fortunátior?  
Scin hánc, quam dicit sórdidatam et sórdidam?

Magnum hóc quoque signumst, dóminam esse extra  
nóxiam;

Cum tám neçlegitur éius internúntia.

Nam dísciplina est iisdem, munerárier

Ancillas primum, ad dóminas qui adfectánt viam. 60

*CLIN.* Perge, óbsecro te, et cáve ne falsam grátiam

Studeás inire. quíd ait, ubi me nóminas?

*SY.* Vbi dícimur rediísse te, et rogáre uti

Veníret ad te, múlier telam désinit

Contínuo, et lacrumis ópplet os totúm sibi: 65

Vt fáçile scias desíderio id fierí tuo.

*CLIN.* Prae gaúdio, ita me dí ament, ubi sim né-  
scio:

Ita tímui. *CLIT.* at ego nil ésse scibam, Clínia.

Agedúm vicissim, Síre, dic quae illast áltera.

*SY.* Addúcimur tuam BÁCchidem. *CLIT.* hem, 70  
quid? BÁCchidem?

Ého sceleste. quó illam ducís? *SY.* quó ego illam?  
ad nos scílicet.

*CLIT.* Ad patremne? *SY.* ad eum ípsum. *CLIT.* o  
hominis ínpudentem audáciam. *SY.*  
heus tu,

Nón fit sine períclo facinus mágnum et commemo-  
rábile.

*CLIT.* Hóc vide: in mea víta tu tibi laúdem is  
quaesítum, scelus?

Vbi si paululúm modo quid te fúgerit, ego périe- 75  
rim.

Quíd illa facias? *SY.* át enim. *CLIT.* quid enim?  
*SY.* sí sinis, dicó. *CLIN.* sine.

*CLIT.* Síno. *SY.* ita res est haéc nunc, quasi cum.  
*CLIT.* quás, malum, ambagés mihi

Nárrare occipít? *CLIN.* Syre, verum hic dícit:  
mitte. ad rém redi.

*SY.* Énimvero reticére nequeo: múltimodis iniú-  
riu's,

80 Clítipho, neque férrí potis es. *CLIN.* áudiundum hercle ést, tace.

*SY.* Vís amare: vís potiri: vís quod des illi, éffici: Túum esse in potiundó periculum nón vis: haut stulté sapis:

Síquidem id saperest, velle te id quod nón potest contíngere.

Aút haec cum illis súnť habenda, aut illa cum his mitténda sunt.

85 Hárum duarum cónditionum núnc utram malís, vide: Étsi consilium hóc, quod cepi, réctum esse et túm scio.

Nam áput patrem tua amíca tecum síne metu ut sit, cópiast:

Túm quod illi argentum és pollicitus, eádem hac inveniám via:

Quód ut efficerem, orándo surdas iam aúris red-diderás mihi.

90 Quíd alid tibi vis? *CLIT.* síquidem hoc fiet. *SY.* síquidem, experiundó scies.

*CLIT.* Áge age, cedo istuc túm consilium: quíd id est? *SY.* adsimulábimus,

Túam amicam huius ésse. *CLIT.* pulchre: cédo quid hic faciét sua?

Án ea quoque dicétur huius, si úna haec dedecori ést parum?

*SY.* Ímmo ad tuam matrem déducetur. *CLIT.* quíd eo? *SY.* longumst, Clítipho,

95 Sí tibi narrem, quámobrem id faciam: véra causa est. *CLIT.* fábulae;

Níl satis firmi vídeo, quámobrem accíperé hunc mi expediát metum.

*SY.* Máne, habeo aliud, si íste est metus, quod ámbó confiteámini

Síne periclo esse. *CLIT.* huíusmodi obsecro áliquid reperi. *SY.* máxume:



Ibo óbviám huic; dicam, út revortatúr domum.

*CLIT.* hem,

Quid díxisti? *SY.* ademptum tibi iam faxo omném 100  
metum:

In aúrem utramvis ótiose ut dórmiás.

*CLIT.* Quid ágo nunc? *CLIN.* tune? quód boni —

*CLIT.* Syre, díe modo

Verum. *SY.* áge modo: hodie séro ac nequicquám  
voles.

*CLIN.* Di dánt, fruare, dúm licet: nam néscias —

*CLIT.* Syre ínquam. *SY.* perge pórro, tamen istúc 105  
ago.

*CLIN.* Eius sí potestas pósthac an numquám tibi.

*CLIT.* Verum hércle istuc est: Síre, Syre, inquam,  
heus heús, Syre.

*SY.* Concáluit: quid vis? *CLIT.* rédi, redi. *SY.* ad-  
sum, díe quid est?

Iam hoc quóque negabis tibi placere. *CLIT.* immó,  
Syre;

Et mé et meum amorem et fámam permittó tibi. 110

Tu es ínlex: nequid áccusandus sís, vide.

*SY.* Ridículum est te istuc me ádmonere, Clítipho:

Quasi ístic mea res mínor agatur, quám tua.

Hic síquid nobis fórte adversi evénerit,

Tibi erúnt parata vérba: huic homini vérbera. 115

Quaprópter haec res ne útiquam neglectu ést mihi:

Set istúnc exora, ut suam ésse adsimulet. *CLIN.*  
scílicet

Factúrum me esse: in eúm res rediit iám locum,

Vt sí necessum. *CLIT.* mérito te amo, Clínia.

*CLIN.* Verum ílla ne quid tíubet. *SY.* perdoctást 120  
probe.

*CLIT.* At hóc demiror, quí tam facile pótuéris

Persuádere illi, quae solet quos spérnere.

*SY.* In témpore ad eam véni, quod rerum ómniumst  
Primúm: nam miserum quéndam offendi ibi mílitem

- 125 Eius nóctem orantem: haec árte tractabát virum,  
 Vt íllius animum cúpidum inopia incénderet:  
 Eadémque ut esset áput te hoc quam gratíssimum  
 Set heús tu, vide sis, néquid inprudéns ruas.  
 Patrém novisti, ad hás res quam sit pérspicax:
- 130 Ego te aútem novi, quam ésse soleas ínpotens:  
 Invérsa verba, evérsas cervicés tuas,  
 Gemitús, screatus, tússis, risus ábstine.  
*CLIT.* Laudábis. *SY.* vide sis. *CLIT.* tútemet mi-  
 rábere.  
*SY.* Set quám cito sunt cónsecutae múlieres?
- 135 *CLIT.* Vbi súnť? cur retines? *SY.* iám nunc haec  
 non ést tua.  
*CLIT.* Scio, áput patrem: at nunc ínterim. *SY.* ni-  
 hiló magis.  
*CLIT.* Sine. *SY.* nón sinam inquam. *CLIT.* quaéso  
 paulispér. *SY.* veto.  
*CLIT.* Saltém salutare. *SY.* ábeassí sapiás. *CLIT.* eo.  
 Quid istíc? *SY.* manebit. *CLIT.* o hómínem feli-  
 cem. *SY.* ámbula.

## ACTVS II. SCENA IV.

*BACCHIS. ANTIPHILA. CLINIA. SYRVS.*

*BA.* Édèpol te, mea Antíphila, laudo et fórtunatam  
 iú dico,

Íd cum studuisti, ísti formae ut móres consimilés  
 forent.

Mínimeque, ita me dí ament, miror sí te sibi quis-  
 que éxpetit.

Nám mihi quale ingénium haberes, fúit indicio  
 orátio.

5 Éť cum egomet nunc mécum in animo vítam tuam  
 consídero,

Ómniumque adeó vostrarum, vólguis quae ab se sé-  
 gregant;

Ét vos esse istíusmodi, et nos nón esse, haut mirá-  
bilest:

Nam expedit bonís esse vobis; nós, quibuscum est  
res, nón sinunt:

Quíppe forma inpúlsi nostra nós amatorés colunt:  
Haéc ubi inmutáta est, illi súum animum alio cón- 10  
ferunt;

Nisi prospectum intérea a nobis ést, desertae vívi-  
mus.

Vóbis cum uno sémel ubi aetatem ágere decretúmst  
viro;

Cuíus mos maxumést consimilis vóstrum, hi se ad  
vos ádplicant.

Hóc beneficio utrúque ab utrisque véro devincímuni;  
Vt numquam ulla amóri vestro incidere possit cála- 15  
mitas.

*AN.* Nescio alias: mé quidem semper scío fecisse  
sédulo,

Vt ex illius cómmo meum cómpararem cómmo-  
dum. *CL.* ah.

Ergó, mea Antiphila, tú nunc sola réducem me in  
patriám facis:

Nam dum ábs te absum, omnes míhi labores fuére,  
quos cepí, leves,

Praetérquam tui caréndum quod erat. *SY.* crédo. 20  
*CL.* Syre, vix súffero.

Hocíne me miserum nón licere meó modo inge-  
niúm frui?

*SY.* Immo, út patrem tuum vídi, partes díu etiam  
durás dabit.

*BA.* Quisnam híc adulescens ést, qui intuitur nós?  
*AN.* ah, retine me, óbsecro.

*BA.* Amábo quid tibi ést? *AN.* disperii, périi misera.  
*BA.* quíd stupes,

Antíphila? *AN.* videon Clíniam, an non? *BA.* quém 25  
vides? *CL.* salve ánime mi.

*AN.* O mi éxpectate Clínia, salve. *CL.* út vales?

*AN.* Salvum ádvenisse gaúdeo. *CL.* teneóne te, Antíphila, maxume ánimo exoptatám meo?

*SY.* Ite íntro: nam vos iámdudum exspectát senex.

## ACTVS III. SCENA I.

*CHREMES. MENEDEMVS.*

*CH.* Lucíscit hoc iam. céssó pultare óstium  
Vicíni? primum ex me út sciat sibi filium  
Rediísse: etsi adulescéntem hoc nolle intéllego.  
Verúm, cum videam míserum hunc tam excrucí-  
árier

5 Eius ábitu, celem tam ínsperatum gaúdium,  
Cum illí pericli níhil ex indició siet?  
Haut fáciam: nam quod pótero adiutabó senem.  
Item ut filium meum amíco atque aequalí suo  
Video ínservire, et sócium esse in negótiis;

10 Nos quóque senes est aéquum senibus óbsequi.  
*ME.* Aut égo profecto ingénio egregio ad míseriam  
Natús sum; aut illud fálsumst, quod volgo aúdio  
Dicí, diem adimere aégritudinem hóminibus:  
Nam míhi quidem cotidie augescít magis

15 De filio aegritúdo; et quanto díutius  
Abést, magis cupio tánto, et magis desídero.  
*CH.* Setipsúm foras egréssum video; ibo, ádloquar.  
Menedéme, salve: núnctium adportó tibi,  
Cuius máxume te fieri participém cupis.

20 *ME.* Num quídnam de gnató meo audistí, Chreme?

*CH.* Valet átque vivit. *ME.* úbinamst quaeso? *CH.*  
aput me híc domi.

*ME.* Meus gnátus? *CH.* sic est. *ME.* vénit? *CH.*  
certe. *ME.* Clínia

Meus vénit? *CH.* dixi. *ME.* eámus, duc me ad eum,  
óbsecro.

*CH.* Non vólt te scire sé redisse etiam: ét tuum

Conspéctum fugitat: própter peccatum hóc timet, 25  
Ne túa duritia antiq̄ua illa etiam adaúcta sit.

*ME.* Non tu eí dixisti, ut ésses? *CH.* non. *ME.*  
quamobrém, Chreme?

*CH.* Quia péssume istuc ín te atque in illum cón-  
sulis,

Si té tam leni et vícto esse animo osténderis.

*ME.* Non póssum: satis iam, sátis pater durús fui. 30

*CH.* ah,

Veheméns utramque in pártem, Menedeme, és ni-  
mis,

Aut lárgitate nímia aut parsimónia.

In eándem fraudem ex hác re atque ex illa íncides.

Primum ólim potius quám paterere filium  
Commétare ad muliérculam, quae paúlulo 35

Tum erát contenta, cuique erant grata ómnia;

Protérruisti hinc. éa coacta ingrátis

Postilla coepit víctum volgo quaérere.

Nunc cúm sine magno intérrimento nón potest

Habéri, quidvis dáre cupis. nam, ut tú scias, 40

Quam ea núnc instructa púlchre ad perniciém siet;

Primúm iam ancillas sécum adduxit plús decem,

Onerátas veste atque aúro: satrapa sí siet

Amátor, numquam súfferre eius sumptús queat:

Nedúm tu possis. *ME.* éstre ea intus? *CH.* sí rogás? 45

Sensí: nam unam eii cénam atque eius cómitibus

Dedí: quod si iterum míhi sit danda, actúm siet.

Nam, ut ália omittam, pýtisando módo mihi

Quid víni absumpsit? Síc hoc, dicens; Ásperum

Pater hóc est; aliud lénius sodés vide: 50

Relévi dolia ómnia, omnis sérias:

Omnís sollicitos hábuit: atque haec úna nox.

Quid té futurum cénses, quem adsidue éxedent?

Sic mé di amabunt, út me tuarum míseritumst,

Menedeme, fortunárum. *ME.* faciat quód lubet: 55

Sumát, consumat, pérdat, decretúmst pati,

Dum illúm modo habeam mécum. *CH.* si certúmst  
tibi

Sic fácere, illud permágni referre árbitror,  
Ut né scientem séntiat te id síbi dare.

60 *ME.* Quid fáciam? *CH.* quidvis pótius quam quod  
cógitas:

Per álium quemvis út des: falli té sinas  
Technís per servolum: étsi subsensi id quoque  
Illós ibi esse, id ágere inter se clánculum.

Syrus cum illo vestro cónsussurrant, cónferunt  
65 Consília ad adulescéntes: et tibi pérdere  
Taléntum hoc pacto sátius est, quam illó minam.  
Non núnc pecunia ágitur, set illud quó modo  
Minimó periclo id démus adulescéntulo.  
Nam sí semel tuum ánimúm ille intelléxerit,

70 Prius próditurum té tuam vitam, ét prius  
Pecúniám omnem, quam ábs te amittas fílium: hui,  
Quantam éii fenestram ad néquitiam pateféceris?  
Tibi áutem porro ut nón sit suave vívere:  
Nam déteriores ómnes sumus licéntia.

75 [Quodcumque inciderit in mentem, volet: neque id  
Putabit pravom an rectum sit, quod petet.]  
Tu rém perire, et ípsam non poterís pati.  
Dare dénegarís: íbit ad illud ílico,  
Quo máxime aput te sé valere séntiet,

80 Abitúrum se abs te esse ílico minitábitur.  
*ME.* Vidére verum, atque íta uti res est, dícere.  
*CH.* Somnum hércle ego hac nocte óculis non vidi  
meis,

Dum id quaéro, tibi qui fílium restítuerem.

*ME.* Cedo dextram: porro te óro idem ut faciás,  
Chreme.

85 *CH.* Parátus sum. *ME.* scin, quíd nunc facere té  
volo?

*CH.* Dic. *ME.* quód sensisti illós me incipere fállere,  
Id út maturent fácere: cupio illí dare,

Quod vólt; cupio ipsum iám videre. *CH.* operám dabo.

Paulum hóc negoti mi óbstat: Simus ét Crito  
Vicini nostri hic ámbigunt de fínibus: 90

Me cépere arbitrum: íbo ac dicam ut díxeram  
Operám daturum me, hódie non posse iís dare.  
Contínuo hic adsum. *ME.* ita quaéso. di vostrám  
fidém!

Ita cómparatam esse hóminum naturam ómnium,  
Aliéna ut melius vídeant et diúdicent, 95  
Quam súa? an eo fit, quía re in nostra aut gaúdio  
Sumus praépediti nímio aut aegritúdi- ne?

Hic míhi nunc quanto plús sapit, quam egomet míhi?  
*CH.* Dissólvi me, otíósus operam ut tibi darem.  
Syrus éstprehendendus átque adhortandús míhi. 100  
A mé nescio quis éxit: concede hinc domum,  
Ne nós inter nos cónsentire séntiant.

## ACTVS III. SCENA II.

SYRVS. CHREMES.

*SY.* Hac illac circumcúrsa: inveniendum és tamen,  
Argéntum; intendenda ín senem est fallácia.

*CH.* Num mé fefellit hósce id struere? vídelicet

Ille Clíniã sérvos tardiúsculust,  
Idcírcó huic nostro tráditast província. 5

*SY.* Quis hic lóquitur? perii. númnam haec audivít?

*CH.* Syre. *SY.* hem.

*CH.* Quid tu ístic? *SY.* recte. equidém te demirór,  
Chreme,

Tam máne, qui heri tántum biberis. *CH.* níl nimis.

*SY.* Nil, nárras? visa vérost, quod dicí solet,

Aquilaé senectus. *CH.* heíá. *SY.* mulier cómmoda et 10

Facéta haec meretrix. *CH.* sáne idem visa ést míhi.

*SY.* Et quidem hércle forma lúculenta. *CH.* síc satis

*SY.* Ita nóñ ut olim, sét uti nunc, sané bona:

Miniméque miror, Clínia hanc si déperit:

15 *Set* habét patrem quendam ávidum, miserum, atque  
áridum,

Vicínium hunc: nostin? át quasi is non diúitiis

Abúndet, gnatus eíus profugit inopia.

Scis ésse factum ut díco? *CH.* quid ego ní sciam?

Hominém pistrino dígnum. *SY.* quem? *CH.* istunc  
sérvolum

20 *Dico* ádulescentis. *SY.* Síre, tibi timuí male.

*CH.* Qui pássus est id fieri. *SY.* quid facerét? *CH.*  
rogas?

Aliquíd reperiret, fíngeret fallácias,

Vnde ésset adulescénti, amicae quód daret,

Atque hunc difícillem invítum servarét senem.

25 *SY.* Garrís. *CH.* haec facta ab illo oportebát, *Syre.*

*SY.* Eho quaéso laudas, quí eros fallunt? *CH.* in  
loco

Ego véro laudo. *SY.* récte sane. *CH.* quíppe qui

Magnárum saepe id rémedium aegritúdinum est:

Huic iám mansisset únicus gnatús domi.

30 *SY.* Iocón an serio ille haec dicat néscio;

Nisi míhi quidem additánimum, quo lubeát magis.

*CH.* Et núnc quid exspectát, *Syre?* an dum hinc  
dénuo

Abigát, cum tolerare illius sumptus nón queat?

Nonne ad senem aliquam fábricam fingit? *SY.* stó-  
lidus est.

35 *CH.* At te ádiutare opórtet adulescéntuli

Causá. *SY.* facile equidem fácere possum, sí iubes:

Etením quo pacto id fieri soleat, cálleo.

*CH.* Tanto hércle melior. *SY.* nón est mentirí  
meum.

*CH.* Fac érgo. *SY.* at heus tu, fácitodum eadem  
haec mémineris,

40 Siquíd huius simile fórte aliquando evénerit,

Vt súnť humana, túus ut faciat filius.



*CH.* Non úsus veniet, spéro. *SY.* spero hercle égo quoque:

Neque eó nunc dico, quó quicquam illum sénserim: Set sí quid, nequid; quaé sit eius aetás, vides:

Ei ne égo te, sí usus véniat, magnificé, Chreme, 45  
Tractáre possim. *CH.* de ístoc, cum usus vénerit, Vidébimus quod ópus sit: nunc istúc age.

*SY.* Numquám commodius úmquam erum audiví loqui,

Nec cúm malefacere créderem mi inpúnus Licére. quisnam a nóbis egreditúr foras? 50

## ACTVS III. SCENA III.

*CHREMES. CLITIPHO. SYRVS.*

*CH.* Quíd istuc quaeso? quí istic mos est, Clítiphø? itane síeri oportet?

*CL.* Quíd ego feci? *CH.* vídin ego te módo manum in sinum huíc meretrici

Ínserere? *SY.* acta haec rés est. perii. *CL.* méne? *CH.* hisce oculis, né nega.

Facis ádeo indigne iniúriam illi, quí non abstineás manum:

Nam istaéc quidem contumélia est: 5

Hóminem amicam récipere ad te, atque éius amicam súbigitare.

Vél heri in vino quám immodestus fuísti? *SY.* factum. *CH.* quám molestus!

Vt equidem, ita me dí ament, metui, quíd futurum dénique esset!

Nóvi ego amantis: ánimum advertunt gráviter, quae non cénseas.

*CL.* Át fides mi aput hunc est, nil me istíus facturúm, pater. 10

*CH.* Ésto: at certe ut hinc concedas áliquo ab ore eorum áliquantisper.

Múlta fert libído: ea prohibet fácere tua praesén-  
tia.

Dé me ego facio cóniecturam. némost meorum  
amícorum hodie,

Apút quem expromere ómnia mea occúlta, Clitípho,  
aúdeam.

15 Aput álium prohibet dígnitas; aput álium ipsius  
factí pudet;

Ne inéptus, ne protérvos videar: quóú illum facere  
crédito.

Set nóstrum est intellégere; atque utcumque, úbi-  
cumque opus est, óbsequi.

SY. Quíd istic narrat? CL. périi. SY. Clitípho, haéc  
ego praecipió tibi?

Hóminis frugi et témpéran'tis fúnctu's officiúm.  
CL. tace sodes.

20 SY. Récte sane. CH. Síre, pudet me. SY. crédo:  
neque id iniúria: quin

Míhi molestumst. CL. pérgin? SY. hercle vérum  
dico, quód videtur.

CL. Nónne accedam ad illos? CH. eho quaeso úna  
accedundí via est?

SY. Áctumst: hic prius se índicarit quám ego ar-  
gentum effécero.

Chremé, vin tu homini stúlto mi auscultáre? CH.  
quíd faciám? SY. iube hunc

25 Abíre hinc aliquo. CL. quó ego hinc abeam? SY.  
quó lubet: da illís locum:

Abi deámbulatum. CL. deámbulatum, quó? SY.  
vah, quasi desít locus.

Abi sáne istac, istórsum, quovis. CH. récte dicit,  
cénseo.

CL. Di te éradicent, qui ístinc me extrudás, Síre.

SY. At tú tibi istas pósthac comprimitó manus.

30 Cénsen vero? quíd illum porro crédis facturúm,  
Chreme?

Nísi eum, quantum tibi opis di dant, sérvas, casti-  
gás, mones.

*CH.* Égo istuc curabo. *SY.* átqui nunc, ere, híc tibi  
adservándus est.

*CH.* Fíet. *SY.* si sapiás: nam mihi iam mínus mi-  
nusque obtémperat.

*CH.* Quid tu? ecquid de illó, quod dudum técum  
egi, egistí, Syre?

Aút est tibi, quod pláceat, an nondum étiam? *SY.* 35  
de fallácia

Dícis? est: invéni nuper quándam. *CH.* frugi es.  
cédo quid est?

*SY.* Dícam: verum, ut áliud ex alio incidit. *CH.*  
quidnám, Syre?

*SY.* Péssuma haec est méretrix. *CH.* ita vidétur.  
*SY.* immo sí scias,

Váh, vide quod incéptet facinus. Fuít quaedam  
anus Corínthia

Híc; huic drachumarum argenti haec mille dede- 40  
rat mútuum.

*CH.* Quid tum? *SY.* ea mortuást: reliquit filiam  
adulescéntulam.

Éa relicta huic árraboni est pro illo argento. *CH.*  
intéllego.

*SY.* Hanc secum huc addúxit, eam quae est núnc  
aput uxorém tuam.

*CH.* Quid tum? *SY.* Cliniam órat, sibi ut id núnc  
det: illa illí tamen

Póst datum iri mille numum praes sit. *CH.* et praes 45  
sít quidem? *SY.* hui,

Dúbium id est? ego síc putavi. *CH.* quid núnc fa-  
cere cógitas?

*SY.* Égone? ad Menedemum íbo: dicam hanc ésse  
captam ex Cária,

Dítem et nobilém: si redimat, mágnum esse in ea  
ré lucrum.

*CH.* Érras. *SY.* quid ita? *CH.* pró Menedemo núnc tibi ego respódeo.

50 *Nón* emo. *SY.* quid áis? optata lóquere. *CH.* atqui non ést opus.

*SY.* Nón est opus? *CH.* non hércle vere. *SY.* qui istuc, miror. *CH.* iám scies.

*SY.* Máne, mane, quid est, quód tam a nobis grávi-ter crepuerúnt fores?

## ACTVS IV. SCENA I.

*SOSTRATA. CHREMES. NVTRIX. SYRV S.*

*SO.* Nisi me ánimus fallit, híc profecto est ánulus, quem ego súspicor:

Is, quícum exposita est gnáta. *CH.* quid volt síbi, Syre, haec orátio?

*SO.* Quid est? ísne tibi vidétur? *NV.* dixi equidem, úbi mi ostendisti, ílico,

Eum ésse. *SO.* et satis ut cóntemplata módo sis, mea nutríc. *NV.* satis.

5 *SO.* Abi núnc iám intro; atque illa si iam láverit, mihi núntia.

Hic égo virum interea ópperibor. *SY.* té volt: videas quíd velit:

Nesció quid tristis ést: non temerest: métuo quid sit. *CH.* quíd siet?

Ne ista hércle magno iám conatu mágnas nugas díxerit.

*SO.* Ehem mí vir. *CH.* ehem mea úxor. *SO.* te ipsum quaéro. *CH.* loquere quíd velis.

10 *SO.* Prímum hoc te oro, né quid credas me ádversum edictúm tuum

Fácere esse ausam. *CH.* vín me istuc tibi, etsi íncredibilest, crédere?

Crédo. *SY.* nescio quíd peccati pórtat haec purgátio.

*S O.* Méministin me grávidam, et mihi te máxumo opere edícere,

*Sí* puellam párerem, nolle tólli? *CH.* scio quid féceris.

*Sústulisti.* *S Y.* síc est factum: mínor ergo erus damno aúctus est. 15

*S O.* Mínime: set erat híc Corinthia ánus haut impura: eí dedi

Éxponendam. *CH.* o Iúppiter, tantam ésse in animo inscítiam?

*S O.* Périi. quid ego féci? *CH.* at rogitas? *S O.* sí peccavi, mí Chreme,

Ínsciens feci. *CH.* íd quidem ego, si tú neges, certó scio,

Te ínscientem atque ímprudentem dícere ac facere ómnia; 20

Tót peccata in hác re ostendis. nám iam primum, sí meum

Ímperium exsequí voluisses, ínteremptam opóruit:

Nón simulare mórtē verbis, reípsa spem vitæ dare.

Átid omitto: mísericordia, ánimus maternús: sino. Quám bene vero abs té prospectum est! quíd voluisti? cógita: 25

Némpe illi anui pródita abs te fília est planíssume, Pér te vel uti quaéstum faceret, vél uti venirét palam.

Crédo, id cogitásti: Quidvis sátis est, dum vivát modo.

Quíd cum illisce agás, qui neque ius néque bonum atque aequóm sciunt?

Mélius, peius, prósit, obsit, níl vident, nisi quód lubet? 30

*S O.* Mí Chreme, peccávi, fateor: víncor. nunc hoc te óbsecro;

Quánto tu me es ánnis gravior, tánto es ignoscén  
tior:

Út meae stultitiæ iustitia túa sit aliquid praésidi.

*CH.* Scilicet equidem ístuc factum ignóscam: ve-  
rum, Sóstrata,

35 Mále docet te méa facilitas múlta. set istuc quíc-  
quid est,

Quá hoc oceptumst caúsa, eloquere. *SO.* ut stúltae  
et miserae omnes sumus

Réligiosae; cum éxponendam dó illi, de digito  
ánulum

Détraho: et eum díco ut una cúm puella expóneret;  
Sí moreretur, ne éxpers partis ésset de nostris  
bonis.

40 *CH.* Ístuc recte: cónservasti té atque illam. *SO.* hic  
is est ánulus.

*CH.* Úndè habes? *SO.* quam BÁCCHIS secum addúxit  
adulescéntulam: *SY.* hem.

*CH.* Quíd ea narrat? *SO.* éa, lavatum dum ít, ser-  
vandum míhi dedit.

Ánimum non advórti primum: sét postquam aspexi,  
flico

Cógnovi, ad te exílui. *CH.* quid nunc súspicare aut  
ínvenis

45 De illa? *SO.* nesció; nisi ex ipsa quaéras, unde  
hunc hábuerit,

Sí potis est reperíri. *SY.* interii: plús spei video  
quám volo.

Nóstra est, si ita est. *CH.* vívitne illa, cú tu dede-  
ras? *SO.* nescio.

*CH.* Quín renuntiávit olim? *SO.* fécissem id quod  
iússeram.

*CH.* Nómen mulierí cedo quod sit, út quaeratur.  
*SO.* Phíltère.

50 *SY.* Ípsa est. mirum ní illa salva est, ét ego perii.

*CH.* Sóstrata,

Séquere me intro hac. *SO.* út praeter spem evénit.  
quam timuí male,

Né nunc animo ita ésses duro, ut ólim in tollendó,  
Chreme.

*CH.* Nón licet hominem ésse saepe ita út volt, si res  
nón sinit.

Núnc ita tempus fért, mi ut cupiam filiam; olim  
níl minus.

## ACTVS IV. SCENA II.

*SYRVS.*

Nisi me ánimus fallit, haút permultum a me áberit  
infortúnium:

Ita hác re in angustum óppido nunc meaé coguntur  
cópiae:

Nisi áliqua video, ne ésse amicam hanc gnáti re-  
sciscát senex.

Nam quód de argento spérem aut posse póstulem  
me fállere,

Nihil ést: triumpho, sí licet me látere tecto ab- 5  
scédere.

Cruciór bolum mihi tántum ereptum tám desubito  
e faúcibus.

Quid agam? aút quid comminíscar? ratio de ínte-  
gro ineundást mihi.

Nil tám difficilest, quín quaerendo invéstigari pós-  
siet.

Quid, si hóc nunc sic incípam? nihil est. quí, si sic?  
tantúndem ago.

At sic opinor. nón potest. immo óptume. euge ha- 10  
beo óptumam.

Retrahám hércle opinor ad me idem illud fúgiti-  
vum argentúm tamen.

## ACTVS IV. SCENA III.

CLINIA. SYRVS.

Nullá mihi res posthác potestiam intérvénire tánta,  
Quae mi aégritudinem ádferat: tanta haéc laetitia  
obórta est.

Dedó patri me núnciam, ut frugálior sim quám volt.

SY. Nil mé fefellit: cógnita est, quantum aúdio  
huius vérba.

5 Istúc tibi ex senténtia tua óbtigisse laétor.

CL. O mí Syre, audisti óbsecro? SY. quidní? qui  
usque una adfúerim.

CL. Cuiquam aéque audisti cómmode quicquam  
évenisse? SY. núlli.

CL. Atque íta me di ament, út ego nunc non tám  
meapte caúsa

Laétor quam illius: quam égo scio esse honóre  
quovis dígnam.

10 SY. Ita crédo: set nunc, Clínia, age, da té mihi vi-  
císsim:

Nam amíci quoque res, ést videndum, in túto ut  
conlocétur:

Nequíd de amica núnc senex. CL. o Iúppiter. SY.  
quíesce.

CL. Antíphila mea nubét mihi. SY. sicíne mi inter-  
loquére?

CL. Quid fáciám? Syre mi, gaúdeo: fer mé. SY.  
fero hercle véro.

15 CL. Deórum vitam aptí sumus. SY. frustra óperam  
opinor súmo.

CL. Loquere: aúdio. SY. at iam hoc nón ages. CL.  
agám. SY. videndum est, ínquam,

Amíci quoque res, Clínia, tui in túto ut conlocétur.  
Nam sí nunc a nobís abis, et BÁCchidem hic relín-  
quis;

Nostér resciscet ílico esse amícam hanc Clitiphónis:



Si abdúxeris; celábitur, itidem út celata adhúc est. 20

*CL.* At enim ístoc nihil est mágis, Syre, meis núp-  
tíis advórsum:

Nam quo óre appellabó patrem? tenés, quid di-  
cam? *SY.* quídni?

*CL.* Quid dícam? quam causam ádferam? *SY.* quin  
nólo mentiáre:

Apérte, ita ut res sése habet, narráre — *CL.* quid  
áis? *SY.* iúbeo:

Illám te amare, et vélle uxgrem: hanc ésse Cliti- 25  
phónis.

*CL.* Bonam átque iustam rem óppido imperás, et  
factu fáciem.

Et scílicet iam me hóc voles patrem éxorare, ut  
célet

Senem vóstrum. *SY.* immo ut rectá via rem nárret  
ordine ómnem. *CL.* hem.

Satin sánus es, aut sóbrius? tu quídem illum plane  
pródis:

Nam quí ille poterit esse in tuto, díe mihi. 30

*SY.* Huíc equidem consílio palmam do: híc me ma-  
gnífice écfero,

Quí vim tantam in me ét potestatem hábeam tantae  
astútiae,

Véra dicendo út eos ambos fállam; ut cum narrét  
senex

Vóster nostro, esse ístam amicam gnáti, non credát  
tamen.

*CL.* Át enim spem ístoc pácto rursum núptiarum 35  
omnem éripis.

Nám dum amicam hanc méam esse credet, nón  
committet filiam.

Tú fors quid me fíat parvi péndis, dum illi cón-  
sulas.

*SY.* Quíd, malum, me aetátem censes vélle id adsi-  
mulárier?

Únus est diés dum argentum erípio: pax: nihil ámplius.

40 *CL.* Tántum sat habes? quíd tum quaeso, si hóc pater rescíverit?

*SY.* Quíd si redeo ad illos qui aiunt, quíd si nunc caelúm ruat?

*CL.* Métuo, quid agam. *SY.* métuis? quasi non éa potestas sí tua,

Quó velis in témpore ut te exsólvas, rem faciás palam.

*CL.* Áge, age, traducátur Bacchis. *SY.* óptume, ipsa exít foras.

## ACTVS IV. SCENA IV.

*BACCHIS. CLINIA. SYRVS. DROMO. PHRYGIA, ancilla.*

*BA.* Satis pól proterve mé Syri promíssa huc induxérunt,

Decém minas quas míhi dare est pollicítus. quod si is núnc me

Decéperit, saepe óbsecrans me, ut véniam, frustra véniet:

Aut cúm venturam díxero et constítuero, cum is cérto

5 Renúntiabit, Clítipho cum in spé pendeat ánimi; Decípíam, ac non veníam. Syrus mihi térgo poenas péndet.

*CL.* Satis scíte promittít tibi. *SY.* atqui tu hánc iocari crédis?

Faciét nisi caveo. *BA.* dórmiunt. ego pól istos com-movébo.

Mea Phrýgia, audistin, módo iste homo quam víl-lam demonstrávit

10 Charíni? *PH.* audivi. *BA.* próxumam esse huic fúndo ad dextram? *PH.* mémini.

*B A.* Currículo percurrere: áput eum milés Dionysia ágitat.

*SY.* Quid haec coéptat? *B A.* dic me hic óppido esse invítam atque adservári:

Verum áliquo pacto vérba me his datúram esse et ventúram.

*SY.* Perii hércle. Bacchis, máne, mane. quo míttis istanc quaéso?

Iube máneat. *B A.* i. *SY.* quin ést paratum argéntum. *B A.* quin ego máneo. 15

*SY.* Atquí iam dabitur. *B A.* út lubet. num ego ínsto? *SY.* at scin quid sódes?

*B A.* Quid? *SY.* tránseundum núnc tibi ad Menedémum est, et tua pómpa.

Eo tráducenda est. *B A.* quám rem agis, scelus? *SY.* égon? argentum cúdo,

Quod tíbi dem. *B A.* dignam mé putas, quam inlúdas? *SY.* non est témere.

*B A.* Etiámne tecum hic rés mihi est? *SY.* minimé: tuum tibi réddo. 20

*B A.* Eátur. *SY.* sequere hac: heús, Dromo. *DR.* quis mé volt? *SY.* Syrus. *DR.* quid ést rei?

*SY.* Ancíllas omnis BÁCchidis tradúce huc ad vos própere.

*DR.* Quamobrém? *SY.* ne quaeras: écferant, quae sécum huc attulérunt.

Sperábit sumptum síbi senex levátum esse harunc ábitu:

Ne ille háút scít, hoc paulúm lucrí quantum eí damni appórtet. 25

Tu néscis, id quod scís, Dromo, si sápies. *DR.* mutum díces.

## ACTVS IV. SCENA V.

CHREMES. SYRVS.

Ita mé di amabunt, út nunc Menedemí vicem  
 Miserét me: tantum dévenisse ad eúm mali.  
 Illáncine mulierem álere cum illa fámilia?  
 Etsí scio, hosce aliquót dies non séntiet:

5 [Ita magno desiderio fuit ei filius.]

Vérum úbi videbit tántos sibi sumptús domi  
 Cotídiano fieri, nec fierí modum,  
 Optábit rúrsum ut ábeat ab se filius.

Syrum óptume eccum. *SY.* céssó hunc adorirí?  
*CH.* Syre. *SY.* hem.

10 *CH.* Quid ést? *SY.* te mi ipsum iámdudum exoptó  
 dari.

*CH.* Vidére egisse iám nescio quíd cúm sene.

*SY.* De illó quod dudum? díctum ac factum réddidi.

*CH.* Bonán fide? *SY.* bona. *CH.* hércle non possúm  
 pati,

Quin tibi caput demúlceam: accede húc, Syre:

15 *Faciám boni tibi áliquíd pro ista re, ác lubens.*

*SY.* At sí scias quam scíte in mentem vénerit.

*CH.* Vah, glóriare evénisse ex senténtia?

*SY.* Non hércle vero, vérum dico. *CH.* díc quid ést?

*SY.* Tui Clítiphonis ésse amicam hanc BÁCchidem

20 *Menedémo dixit Clínia; et ea grátia*

*Se eam tráduxisse, né tu id persentísceres.*

*CH.* Probé. *SY.* dic sodes. *CH.* nímium, inquam.

*SY.* immo síc satis.

Set pórro auscultá; quíd super falláciae ést.

Se deínde dicit tuám vidisse filiam:

25 *Eius síbi complacitam fórmam, postquam aspéxerit:*

*Hanc cúpere uxorem. CH. módone quae inventa  
 ést? SY. eam:*

Et quídem iubebit pósci. *CH.* quamobrem istúc,  
 Syre?

- Nam prórsus nihil intéllego. *SY.* vah, tárdus es.  
*CH.* Fortásse. *SY.* argentum dábitur eii ad núptias,  
 Aurum átque vestem quí, tenesne? *CH.* cómparet? 30  
*SY.* Id ípsum. *CH.* at ego illi néque do neque de-  
 spóndeo.  
*SY.* Nam quámobrem? *CH.* quamobrem? mé rogas?  
 homini? *SY.* út lubet.  
 Non égo dicebam sério, ut illam illí dares:  
 Verum út simulares. *CH.* nón meumst simulátio:  
 Ita tu ístaec tua miscéto, ne me admisceas. 35  
 Ego, cui daturus nón sum, ut ei despóndeam?  
*SY.* Credébam. *CH.* minime. *SY.* scíte poterat fieri:  
 Et ego hóc, quia dudum tú tantopere iússeras,  
 Eo coépi. *CH.* credo. *SY.* céterum equidem istúc,  
 Chreme,  
 Aequí bonique fácio. *CH.* atqui cum máxume 40  
 Volo té dare operam ut fiat, verum aliá via.  
*SY.* Fiát: quaeratur áliud, sed illud quód tibi  
 Dixí de argento, quód ista debet BÁCchidi,  
 Id núnc reddendumst illi: neque tu scílicet  
 Eo núnc confugies, quíd mea? num míhi datumst? 45  
 Num iússi? num illa oppígnerare fíliam  
 Meám me invito pótuit? vere illúd, Chreme,  
 Dicúnt, ius summum saépe summa est málitia.  
*CH.* Haut fáciam. *SY.* immo aliis sí licet, tibi nón  
 licet.  
 Omnés te in lauta esse ét bene aucta ré putant. 50  
*CH.* Quin égomet iam ad eam déferam. *SY.* immo  
 fílium  
 Iube pótius. *CH.* quamobrem? *SY.* quía enim in  
 hunc suspíciost  
 Transláta amoris. *CH.* quíd tum? *SY.* quia vidébitur  
 Magis vérisimile id ésse, cum hic illí dabit:  
 Et símul conficiam fácilius ego, quód volo. 55  
 Ipse ádeo adest: abi: éffer argentum. *CH.* éffero.

## ACTVS IV. SCENA VI.

CLITIPHO. SYRVS.

*CL.* Nulla ést tam facilis rés, quin difficilis siet,  
 Quam invítus facias. vél me haec deambulatio,  
 Quam nón laboriôsa, ad languorém dedit.

Nec quícquam magis nunc métuo, quam ne dénũo  
 5 Miser áliquo extrudarhinc, ne accedam ad BÁCchi-  
 dem.

Vt té quidem omnes dí deae quantúmst, Syre,  
 Cum tuó isto invento cúmque incepto pérduint  
 Huiúsmodi mihi res sémper comminiscere,  
 Vbi me éxcarnufices. *SY.* íbin hinc quo dignus es?  
 10 Quam paéne tua me pérdidit protérvitas!

*CL.* Vellem hércle factum, ita méritu's. *SY.* meri-  
 tus? quómo do?

Ne me ístuc prius ex te aúdivisse gaúdeo,  
 Quam argéntum haberes, quód daturus iám fui.

*CL.* Quid ígitur tibi vis dícam? adisti míhi manum:  
 15 Amícam adduxti, quám non liceat tángere.

*SY.* Iam nón sum iratus. sét scin ubi nunc sít tibi  
 Tua BÁCchis? *CL.* aput nos. *SY.* nón. *CL.* ubi ergo?  
*SY.* aput Clíniam.

*CL.* Perií. *SY.* bono animo es: iam árgentum ad  
 eam déferes,

Quod eĩ és pollicitus. *CL.* gárris. unde? *SY.* a tuó  
 patre.

20 *CL.* Ludís fortasse me. *SY.* ípsa re experíbere.

*CL.* Ne ego fórtunatus hómo sum. deamo-té, Syre.

*SY.* Set páter egreditur. cáve quícquam admirátus  
 sis,

Qua caúsa id fiat: óbsecundato ín loco:

Quod ímperabit fácito: loquitor paúcula.

## ACTVS IV. SCENA VII.

*CHREMES. CLITIPHO. SYRVS.**CH.* Vbi Clítipho nunc? *SY.* éccum me, inque. *CL.* éccum híc tibi.*CH.* Quid rei esset dixti huic? *SY.* díxi pleraque ómnia.*CH.* Cape hóc argentum, ac défer. *SY.* i. quid stás, lapis?Quin áccipis? *CL.* cedo sáne. *SY.* sequere hac me ócius:Tu hic nós, dum eximus, ínterea opperíbere: 5  
Nam níhil est, illic quód moremur díutius.*CH.* Minás quidem iam decem habet a me filia,  
Quas pró alimentis ésse nunc ducó datas;Hasce órnaméntis cónsequentur álterae;  
Porro haéc talenta dótis adposcét duo. 10

Quam múlta, iusta iniústa, fiunt móribus?

Mihi núnc, relictis rébus, inveniúndus est

Aliquís, labore invénta mea cui dém bona.

## ACTVS IV. SCENA VIII.

*MENEDEMVS. CHREMES.**ME.* Multo ómnium me núnc fortunatíssimum

Factúm puto esse, gnáte; cum te intéllego

Resipísse. *CH.* ut errat. *ME.* té ipsum quaerebám,  
Chreme:

Servá, quod in te est, filium et me et fámiliam.

*CH.* Cedo quíd vis faciam? *ME.* invénisti hodie 5  
fíliam.*CH.* Quid tum? *ME.* hánc uxorem sibi dari volt  
Clínia.*CH.* Quaesó quid hominis és? *ME.* quid? *CH.* iamne  
oblítus es,

Intér nos quid sit díctum de fallácia,

Vt eá via abs te argéntum auferretúr? *ME.* scio.

10 *CH.* Ea rés nunc agitur ípsa. *ME.* quid narrás,  
Chreme?

Immo haéc quidem quae apút me est, Clitiphónis est  
Amíca. *CH.* ita aiunt: ét tu credis ómnia:

Et illam áiunt velle uxórem, ut cum despónderim,  
Des, qui aúrum ac vestem atque ália quae opus  
sunt cómparet.

15 *ME.* Id ést profecto: id amícae dabitur. *CH.* scílicet  
Datum íri. *ME.* ah, frustra sum ígitur gavisús miser.

Quidvís tamen iam málo, quam hunc amíttere.

Quid núnc renuntiem ábs te responsúm, Chreme?  
Ne séntiat me sénsisse, atque aegré ferat.

20 *CH.* Aegré? nimium illi, Ménedeme, indulgés. *ME.*  
sine:

Incéptumst: perfice hóc mi perpetuó, Chreme.

*CH.* Dic cónvenisse, egísse te de núptiis.

*ME.* Dicám. quid deinde? *CH.* mé facturum esse  
ómnia,

Generúm placere; póstre mo etiam, sí voles,

25 Despónsam quoque esse dícito. *ME.* em, istuc vó-  
lueram.

*CH.* Tanto ócius te ut póscat, et tu id quód cupis,  
Quam ocíssime ut des. *ME.* cúpio. *CH.* ne tu pró-  
pediem,

Vt istám rem video, istíus obsaturábere.

Set haéc ut ut sunt, caútím et paulatím dabis,

30 Si sápies. *ME.* faciam. *CH.* abi íntro: vide, quid  
póstulet.

Ego dómi ero, siquid mé voles. *ME.* sané volo:

Nam té scientem fáciám, quicquid égero.

## ACTVS V. SCENA I.

*M E N E D E M V S. C H R E M E S.*

*ME.* Égo me non tam astútum neque ita pèrspica-  
cem esse id scio.



Sét hic adiutor méus et monitor ét praemonstratór  
Chremes

Hóc mihi praestat: ín me quidvis hárum rerum  
cónvenit,

Quaé sunt dictae in stúltum, caudex, stípes, asinus,  
plúmbeus:

Ín illum nil potést: exsuperat eíus stultitia haec 5  
ómnia.

*CH.* Óhe, iam desíne deos uxor grátulando obtún-  
dere,

Túam esse inventam gnátam: nisi illos éx tuo in-  
genio iúdicas,

Út nil credas intellegere, nísi idem dictumst cén-  
ties.

Sét interim quid illíc iamdudum gnátus cessat cúm  
Syro?

*ME.* Quós ais homines céssare? *CH.* ehem, per tém- 10  
pus, Menedeme, ádvenis?

Díc mihi, Cliniaé quae dixi núntiastin? *ME.* ómnia.

*CH.* Quíd aít? *ME.* gaudere ádeo ocepit; quási  
qui cupiunt núptias.

*CH.* Há ha hae. *ME.* quid risísti? *CH.* servi vénere  
in mentém Syri

Cálliditates. *ME.* itane? *CH.* voltus quóque homi-  
num fingít scelus.

*ME.* Gnátus quod se adsímulat laetum, id dícis? 15  
*CH.* id. *ME.* idem istúc mihi

Vénit in mentém. *CH.* veterator. *ME.* mágis, si ma-  
gis norís, putes

Íta rem esse. *CH.* ain tu? *ME.* quín tu auscultas. *CH.*  
mánedum, hoc prius scire éxpeto,

Quíd perdideris. nam úbi desponsam núntiasti  
fílio;

Cóntinuo iniecísse verba tibi Dromonem scilicet,  
Spónsaë aurum, véstem, ancillas, ópus esse: argen- 20  
tum út dares.

*ME.* Nón. *CH.* qui non? *ME.* non ínquam. *CH.* neque ipse gnátus? *ME.* nil prorsúm, Chreme.

Mágis unum etiam instáre, ut hodie cónficerentur núptiae.

*CH.* Míra narras. quíd Syrus meus? ne ís quidem quicquám? *ME.* nihil.

*CH.* Quámobrem, nescio. *ME.* équidem miror, qui ália tam plané scias.

25 *S*étille tuum quoque Syrus idem míre finxit filium, Vt ne paululúm quidem subolat ésse amicam hanc Clíniae.

*CH.* Quíd ais? *ME.* mitto iam ósculari atque ámplexari: id níl puto.

*CH.* Quíd est quod ampliús simuletur? *ME.* váh. *CH.* quid est? *ME.* audí modo:

30 *E*st mihi ultimís conclave in aédibus quoddám retro, Húc est intro látus lectus: véstimentis strátus est.

*CH.* Quíd postquam hoc est fáctum? *ME.* dictum fáctum huc abiit Clítipho.

*CH.* Sólus? *ME.* solus. *CH.* tíneo. *ME.* Bacchis cónsecutast ílico.

*CH.* Sóla? *ME.* sola. *CH.* périi. *ME.* ubi abiere íntro, operuere óstium. *CH.* hem,

Clínia haec fierí videbat? *ME.* quídni? mecum uná simul.

35 *CH.* Fili ést amica BÁCchis; Menedeme: óccidi.

*ME.* Quamobrém? *CH.* decem diérum vix mi est fámilia.

*ME.* Quid? istúc times quod ille óperam amico dát suo?

*CH.* Immó quod amicae. *ME.* sí dat. *CH.* an dubium íd tibi est?

40 *Q*uemquámne tam animo cómi esse et lení putas, Qui sé vidente amicam patiatúr suam?

*ME.* Quidní? quo verba fácius dentúr mihi.

- CH.* Derides? merito. ut mihi nunc ego suscéneo.  
 Quot res dedere, ubi possem persentiscere,  
 Nisi si essem lapis? quae vidi? vae miseró mihi.  
 At né illud haut inúltum, si vivó, ferent: 45  
 Nam iam. *ME.* non tu te cóhibes? non te respicis?  
 Non tibi ego exempli sátis sum? *CH.* prae iracúndia,  
 Menedéme, non sum apút me. *ME.* tene istúc loqui?  
 Nonne íd flagitiumst, te áliis consiliúm dare,  
 Foris sápere, tibi non pósse te auxiliárier? 50  
*CH.* Quid fáciam? *ME.* id quod tu mé fecisse aibás  
 parum:  
 Fac té esse patrem ut séntiat: fac ut aúdeat  
 Tibi crédere omnia, ábs te petere et póscere:  
 Ne quam áliam quaerat cópiam, ac te déserat.  
*CH.* Immo ábeat potius málo quovis géntium, 55  
 Quam hicpér flagitium ad ínopiam redigát patrem:  
 Nam si íllius pergo súppeditare súmptibus,  
 Menedéme, mihi illic vére ad rastros res redit.  
*ME.* Quod incómmodi tibi in hác re accipies, nísi  
 caves?  
 Diffícilem ostendes té esse, et ignoscés tamen 60  
 Post: ét id ingratum. *CH.* ah néscis, quam doleam.  
*ME.* út lubet.  
 Quid hoc quód volo, ut illa núbat nostro? nísi quid  
 est  
 Quod mávis. *CH.* immo et géner et adfinés placent.  
*ME.* Quid dótis dicam té dixisse filiae?  
 Quid ópticuisti? *CH.* dótis? *ME.* ita dico. *CH.* áh. 65  
*ME.* Chreme,  
 Ne quíd vereare, sí minus: nil nos dós movet.  
*CH.* Dúo talenta pró re nostra ego ésse decreví  
 satis:  
 Sét ita dictu est ópus, si me vis sálvom esse et rem  
 et filium,  
 Mé mea omniá bona doti díxisse illi. *ME.* quám  
 rem agis?

- 70 *CH.* Íd mirari té simulato, et íllum hóc rogitató  
simul,  
Quámobrem id faciam. *ME.* quín ego vero, quám-  
obrem id facias, néscio.  
*CH.* Égone? ut eius ánimum, qui nunc lúxuria et  
lascívia  
Díffluit, retúndam, redigam ut quó se vortat, né-  
sciat.  
*ME.* Quíd agis? *CH.* mitte ac síne me in hac re gé-  
rere mihi morém. *ME.* sino:  
75 Ítane vis? *CH.* ita. *ME.* fiát. *CH.* ac iam, uxórem  
ut accersát, paret.  
Híc ita, ut liberós est aequom, díctis confutábitur  
Sét Syrum. *ME.* quid eum? *CH.* égo, si vivo, eum  
ádeo exornatúm dabo,  
Ádeo pexum, usque út dum vivat, méminerit sem-  
pér mei;  
Quí sibi me pro dérídículo ac délectamentó putat.  
80 Nón, ita me di amént, auderet fácere haec viduae  
múlieri,  
Quae ín me fecit. —

## ACTVS V. SCENA II.

*CLITIPHO. MENEDEMVS. CHREMES. SYRVS.*

- CL.* — Ítane tandem quaéso est, Menedeme, út pater  
Tam ín brevi spacio ómnem de me eiécerit animúm  
patris?  
Quódnam ob facinus? quíd ego tantum scéleris  
admisí miser?  
Vólgo faciunt. *ME.* scío tibi esse hoc gráuius multo  
ac dúrius  
5 Cuí fit: verum ego háut minus aegre pátiór. id qui,  
néscio  
Néc rationem cápío, nisi quod tibi bene ex animó  
volo.

*CL.* Híc patrem astare aibas? *ME.* eccum. *CH.* quíd me incusas, Clítipho?

Quícquid ego huius féci, tibi prospéxi et stultitiæ tuæ.

Vbi te vidi animo ésse omisso, et suávia in praeséntia

Quaé essent, prima habére, neque consúlere in longitúdinem: 10

Cépi rationem, út neque egeres, néque ut haec posses pérdere.

Vbi cui decuit primo, tibi non lícuit per te míhi dare;

Ábii ad proxumós, tibi qui erant: eís commisi et crédidi.

Ibi tuæ stultitiæ semper érit praesidium, Clítipho, Víctus, vestitús, quo in tectum té receptes. *CL.* eí mihi. 15

*CH.* Sátius est, quam te ípso herede haec póssidere Báčchidem.

*SY.* Dísperii. sceléstus quantas túrbas concivi insciens?

*CL.* Émori cupió. *CH.* prius quaeso dísce, quid sit vívere.

Vbi scies, si dísplicebit víta, tum istoc útitor.

*SY.* Ére, licetne? *CH.* lóquere. *SY.* at tuto. *CH.* lóquere. *SY.* quæ istaéc právitas, 20

Quaéve amentia ést, quod peccavi égo, id obesse huic? *CH.* ílicet.

Né te admisce: némo accusat, Síyre, te; nectu arám tibi,

Néc precatorém pararis. *SY.* quíd agís? *CH.* nil suscénseo,

Néc tibi, nec tibi: nec vos est aéquom, quod fació mihi.

*SY.* Abiít? rogasse véllem. *CL.* quid, Syre? *SY.* únde mi peterém cibum: 25

Ita nós abalienávit. tibi iam esse ád sororem intél-  
lego.

*CL.* Adeón rem rediisse, út periculum etiam á fame  
mihi sít, Syre?

*SY.* Modo líceat vivere, ést spes. *CL.* quae? *SY.* nos  
ésuriturós satis.

*CL.* Inrídes in re tánta, neque me quícquam con-  
silio ádiuvas?

50 *SY.* Immo ét ibi nunc sum, et úsque id egi dúdum,  
dum loquitúr pater.

Et quántum ego intellégere possum. *CL.* quíd? *SY.*  
non aberit lóngius.

*CL.* Quid id érgo? *SY.* sic est, nón esse horum te  
árbitror. *CL.* qui istúc, Syre?

Satin sánus es? *SY.* ego dícam, quod mi in mén-  
tem est: tu diiúdicá.

Dum istís fuisti sólus, dum nulla ália delectátio,  
35 Quae própior esset, te índulgebant; tibi dabant:  
nunc fília

Postquam ést inventa, invénta vero est caúsa qua  
te expéllerent.

*CL.* Est vérisimile. *SY.* an tu ób peccatum hoc tám  
esse illum iratúm putas?

*CL.* Non árbitror. *SY.* nunc áliud specta: mátres  
omnes fíliis

In péccato adiutríces, auxilio ín paterna iniúria  
40 Solent ésse: id non fit. *CL.* vérum dicis: quid érgo  
nunc faciám, Syre?

*SY.* Suspícionem istánc ex illis quaére: rem profér  
palam: aut,

Si nón est verum, ad mísericordiam ámbos addu-  
cés cito;

Aut scíbis cuius sis. *CL.* récte suades: fáciam. *SY.*  
sat recte hóc mihi

In méntem venit: námque adulescens quam ín mi-  
nima spe sítus erit,

Tám difficillumé patris pacem in léges conficiét 45  
suas.

Etiam haút scio, anne uxórem ducat: ác Syro nil  
grátiae.

Quid hoc aútem? senex exít foras: ego fúgio. ad-  
huc quod fáctumst

Mirór, non iusse me ábripi hinc: nunc ad Menede-  
mum hunc pérgam.

Eum míhi precatorém paro: seni nóstro nil fidei  
hábeo.

## ACTVS V. SCENA III.

## SOSTRATA. CHREMES.

*SO.* Profécto nisi cavés tu homo, aliquid gnáto con-  
ficiés mali:

Idque ádeo miror, quómodo

Tam inéptum quicquam tíbi venire in méntem, mi  
vir, pótuerit.

*CH.* Oh, pérgin mulier ésse? nullamne égo rem um-  
quam in vitá mea

Vólui, quin tu in eá re mi advorsátrix fueris, Só- 5  
strata?

At síiam rogitem, quíd est quod peccem; aut quám-  
obrem id facias; néscias

In quá re nunc tam cónfidenter réstas stulta. *SO.*  
ego néscio?

*CH.* Immó scis potius. quám quidem redit ad ínte-  
grum eadem orátio. *SO.* oh,

Iníquos es, qui mé tacere dé re tanta póstules.

*CH.* Non póstulo: iam lóquere: nihilo mínus ego 10  
hoc faciám tamen.

*SO.* Fácies? *CH.* verum. *SO.* nón vides quantúm  
mali ex ea re éxcites?

Súbditum se súspicatur. *CH.* aín tu? *SO.* certe síc  
erit.

*CH.* Cónfitere. *SO.* au óbsecro, istuc nóstris inimi-  
cís siet.

Égon confitear meúm non esse ílilium, qui síť meus?  
15 *CH.* Quid? métuis ne non, cúm velis, convíncas  
esse illúm tuum?

*SO.* Quod filia est invénta? *CH.* non: set quó ma-  
gis credundúm siet,

Quod ést consimilis móribus,

Convíncas facile ex té esse natum: nám tui similis  
ést probe:

Nam illi nil viti ést relictum, quín id itidem síť tibi.  
20 Túm praeterea tálem, nisi tu, núlla pareret fí-  
lium.

Sét ipse egreditur, quám severus: rém cum videas,  
cénseas.

## ACTVS V. SCENA IV.

*CLITIPHO. SOSTRATA. CHREMES.*

*CL.* Si úmquam ullum fuit témpus, mater, cum égo  
voluptatí tibi

Fúerim, dictus filius tuus tuá voluntate, óbsecro,  
Eíus ut meminerís, atque inopis núnc te miserés-  
cát mei;

Quód peto et voló, parentis meós ut commonstrés  
míhi.

5 *SO.* Óbsecro, mi gnate, ne istuc ín animum indu-  
cás tuum,

Álienum esse té. *CL.* sum. *SO.* miseram me, hócine  
quaesisti óbsecro?

Íta míhi atque huic síť superstes, ut éx me atque  
ex hoc nátus es:

Ét cave posthac, sí me amas, umquam ístuc ver-  
bum ex te aúdiam.

*CH.* Át ego, si me métuis, mores cáve in te esse  
istos séntiam.



*CL.* Quós? *CH.* si scire vís, ego dicam: gérró, 10  
iners, fraus, hélluo,

Gáneo, damnósus: crede, et nóstrum te esse crédito.

*CL.* Nón sunt haec paréntis dicta. *CH.* nón, si ex  
capite síis meo

Nátus, item ut aiúnt Minervam esse éx Iove, eã  
causá magis

Pátiar, Clitiphó, flagitiis tuís me infamem fíeri.

*SO.* Dí istaec prohibeánt. *CH.* deos nescio: égo 15  
quod potero, sédulo.

Quaéris id quod habés, parentis: quód abest, non  
quaerís, patri

Quó modo obsequáre: et serves quód labore invé-  
nerit.

Tén mi per fallácias addúcere ante oculós? pudet  
Dícere hac praesénte verbum túrpe: at te id nulló  
modo

Fácere puduit. *CL.* éheu, quam ego nunc tótus dis- 20  
pliceó mihi,

Quám pudet: neque quód principium incípíam ad  
placandúm, scio.

## ACTVS V. SCENA V.

*MENEDEMVS. CHREMES. CLITIPHO.  
SOSTRATA.*

*ME.* Énimvero Chremés nimis graviter crúciat  
adulescéntulum,

Nímisque inhumane. éx eo ergo ut pácem conciliem.  
óptume

Ípsos video. *CH.* ehém, Menedeme, cúr non accersí  
iubes

Fíliam, et quod dótis dixi, fírmis? *SO.* mi vir, te  
óbsecro

Né facias. *CL.* pater, óbsecro mi ignóscas. *ME.* da 5  
veniám, Chreme:

Síne te exorent. *CH.* méa bona ut dem Báčchidi  
donó sciens?

Nón faciam. *ME.* at nos nón sinemus. *CL.* sí me vi-  
vom vís, pater,

Ígnosce. *SO.* age, Chremés mi. *ME.* age quaeso, né  
tam offirma té, Chreme.

*CH.* Quíd istic? video nón licere, ut coéperam, hoc  
perténdere.

10 *ME.* Fácis, ut te decét. *CH.* ea lege hoc ádeo fa-  
ciam: si íd facit

Quód ego hunc aequom cénseo. *CL.* pater, ómnia  
faciam: ímpera.

*CH.* Vxorem ut ducás. *CL.* pater. *CH.* nihil aúdio.  
*ME.* ad me récipio;

Fáciet. *CH.* nil etiam aúdio ipsum. *CL.* périi. *SO.*  
an dubitas, Clítipho?

*CH.* Ímmo utrum volt. *ME.* fáciet omnia. *SO.* haéc  
dum incipias, grávia sunt:

15. Dúmque ignores: úbi cognoris, fácilia. *CL.* faciám,  
pater.

*SO.* Gnáte mi, ego pol tibi dabo illam lépidam,  
quam tu fáciie ames,

Fíliam Phanócratae nostri. *CL.* rúfamne illam vír-  
ginem,

Caésiam, sparso óre, adunco náso? non possúm,  
pater.

*CH.* Heía, ut elegáns est: credas ánimum ibi esse.  
*SO.* aliám dabo.

20 *CL.* Ímmo, quandoquidém ducenda est, égomet ha-  
beo própemodum

Quám volo. *SO.* nunc laúdo, gnate. *CL.* Archónidi  
huius fíliam.

*SO.* Pérplacet. *CL.* pater, hóc nunc restat. *CH.*  
quíd? *CL.* Syro ignoscás volo,

Quaé mea causa fécit. *CH.* fiat. Vós valeté, et  
plaúдите.

**ADELPHI TERENTI.**



## FABVLAE INTERLOCVTORES.

*MICIO senex.*

*DEMEA senex.*

*SANNIO leno.*

*AESCHINVS adulescens.*

*PARMENO servus.*

*SYRVS servus.*

*CTESIPHO adulescens.*

*SOSTRATA matrona.*

*CANTHARA nutrix.*

*GETA servus.*

*HEGIO senex.*

*DROMO servus.*

---

*Acta ludis funebrib. Aemili Paulli, quos fecere Q.  
Fabius Maximus P. Cornelius Africanus. Egere  
L. Atilius Praenestinus Minutius Prothimus.  
Modos fecit Flaccus Claudi tibiis Sarranis.  
Facta e Graeca Menandru L. Anicio M. Corne-  
lio Coss.*

---

---

## P R O L O G V S.

---

**P**ostquám poeta sénsit scripturám suam  
Ab iníquis observári, et adversários  
Rapere ín peiorem pártém, quam acturí sumus:  
Indício de se ipse érit: vos eritis iúdíces,  
Laudín an vitio dúci factum id opórteat. 5  
Synápothnescontes Díphili comoédiast;  
Eam Cónmorientes Plaútus fecit fábulam.  
In Graéca adulescens ést, qui lenoni éripit  
Meretrícem in prima fábulá: eum Plautús locum  
Relíquit integrum. eum híc locum sumpsít sibi 10  
In Adélphos, verbum dé verbo expressum éxtulit.  
Eam nós acturi súmus novam: pernóscite  
Furtúmne factum exístumetis, án locum  
Reprehénsus, qui praetéritis neclegéntiast.  
Nam quód isti dicunt málevoli, homines nóbilis 15  
Eum ádiutare, adsídueque una scríbere,  
Quod illí maledictum véhemens esse exístumant,  
Eam laúdem hic ducit máxumam; cum illís placet,  
Qui vóbis univérsis et populó placent:  
Quorum ópera in bello, in ótio, in negótio, 20  
Suo quísque tempore úsust sine supérbia.  
Dehinc ne éxspectetis árgumentum fábulæ:  
Senés qui primi vénient, hi partim áperient:  
In agéndo partim osténdent. facite, aequánimitas  
Poétae ad scribendum aúgeat indústriam. 25

## ACTVS I. SCENA I.

## MICIO.

- Storáx. non rediit hác nocte a cena Aéschinus:  
 Neque sérvolorum quisquam, qui advorsum íerant  
 Profécto hoc vere dicunt: si absis úspiam,  
 Aut úbi si cesses; évenire ea sátius est,  
 5 Quae in te úxor dicit ét quae in animo cógitat  
 Iráta, quam illa quae parentes própítii.  
 Vxór, si cesses, aut te amare cógitat,  
 Aut téte amari, aut pótare atque animo óbsequi,  
 Et tibi bene esse sóli, sibi cum sít male.
- 10 Ego quía non rediit filius, quae cógito?  
 Quibus núnc sollicitor rébus? ne aut ille álserit,  
 Aut úspiam cecíderit, aut praefrégerit  
 Aliquíd. vah, quemquamne hómínem in animo in-  
 stítuere, aut  
 Paráre, quod sit cárius, quam ipse ést sibi?
- 15 Atque ex me hic natus nón est, set ex fratre. ís adeo  
 Dissímilis studio est. iam ín de ab adulescéntia,  
 Ego hanc clementem vítam urbanam, atque ótium  
 Secútus sum: et quod fórtunatum istí putant,  
 Vxórem numquam habui. ille, contra haec ómnia,  
 20 Ruri ágere vitam: sémper parce ac dúriter  
 Se habére: uxorem dúxit: nati filii  
 Duo: ín de ego hunc maiórem adoptaví mihi:  
 Edúxi a parvolo, hábui, amavi pró meo;  
 In eó me oblecto: sólum id est carúm mihi.
- 25 Ille út item contra me hábeat, facio sédulo:  
 Do, praetermitto: nón necesse habeo ómnia  
 Pro meó iure agere: póstre mo alii clánculum  
 Patrés quae faciunt, quae fert adulescéntia,  
 Ea né me celet, cónsuefecí filium.
- 30 Nam quí mentiri aut fállere, ita uti fít, patrem  
 Audébit, tanto mágis audebit céteros.  
 Pudóre et liberálitate líberos

Retinere satius esse credo quam metu.  
 Haec fratri mecum non conveniunt, neque placent.  
 Venit ad me saepe clamans, Quid agis, Micio? 35  
 Cur perdis adulescentem nobis? cur amat?  
 Cur potat? cur tu his rebus sumptum suggeris?  
 Vestitu nimio indulges: nimium ineptus es  
 Nimium ipse est durus praeter aequumque et  
 bonum;  
 Et errat longe, mea quidem sententia, 40  
 Qui imperium credat gravius esse aut stabilius,  
 Vi quod fit, quam illud quod amicitia adiungitur.  
 Mea sic est ratio, et sic animum induco meum:  
 Malo coactus qui suum officium facit,  
 Dum id rescitum iri credit, tantisper cavet: 45  
 Si sperat fore clam, rursus ad ingenium redit.  
 Ille quem beneficio adiungas, ex animo facit:  
 Studet par referre; praesens absensque idem erit.  
 Hoc patrium est, potius consuefacere filium  
 Sua sponte recte facere, quam alieno metu: 50  
 Hoc pater ac dominus interest: hoc qui nequit,  
 Fateatur nescire imperare liberis.  
 Set estne hic ipse, de quo agebam? et certe is est.  
 Nescio quid tristem video: credo iam, ut solet,  
 Iurgabit. salvom te advenire, Demea, 55  
 Gaudemus. —

## ACTVS I. SCENA II.

DEMEA. MICIO.

DE. — Ehem, opportune: te ipsum quaerito.

MI. Quid tristis es? DE. rogas me, ubi nobis Aeschinus

Si est, quid tristis ego sim? MI. dixi hoc fore?

Quid fecit? DE. quid ille fecerit? quem neque pudet

Quicquam: nec metuit quemquam: neque legem 5  
 putat

Tenere se ullam. nam illa, quae antehac facta sunt,  
 Omitto: modo quid designavit? *MI.* quidnam id est?

*DE.* Foras effregit, atque in aedis irruit

Alienas: ipsum dominum atque omnem familiam

10 Mulcavit usque ad mortem: eripuit mulierem

Quam amabat. clamant omnes indignissime

Factum esse: hoc adveniēti quot mihi, Micio,

Dixere? in orest omni populo. denique,

Si conferendum exemplum est, non fratrem videt

15 Rei operam dare, ruri esse parcum ac sobrium?

Nullum huius factum simile. haec cum illi, Micio,

Dico, tibi dico. tu illum corrumpi sinis.

*MI.* Homine imperito numquam quicquam iniu-  
 tiust,

Qui, nisi quod ipse fecit, nil rectum putat.

20 *DE.* Quorsum istuc? *MI.* quia tu, Démea, haec  
 male iudicas.

Non est flagitium, mihi crede, adulescentulum

Scortari, neque potare: non est: neque fores

Effringere. haec si neque ego, neque tu fecimus,

Non sunt egestas facere nos. tu nunc tibi

25 Id laudi duces, quod tum fecisti inopia?

Iniuriumst: nam si esset unde id fieret,

Faceremus. et illum tu tuum, si esset homo,

Sineres nunc facere, dum per aetatem licet;

Potius quam, ubi te expectatum eiecisset foras,

30 Alieniore aetate post faceret tamen.

*DE.* Pro Iuppiter, tu homo adigis me ad insaniam.

Non est flagitium, facere haec adulescentulum?

*MI.* ah,

Auscita, ne me optundas de hac re saepius.

Tuum filium dedisti adoptandum mihi:

35 Is meus est factus: si quid peccat, Démea,

Mihi peccat: ego illi maxumam partem feram.

Obsonat, potat, olet unguenta; de meo:

Amat; dabitur a me argentum, dum erit commodum.



- Vbi nón erit, fortásse excludetúr foras.  
 Forés effregit, réstituentur: díscidit 40  
 Vestém, resarciétur. est, dis grátia,  
 Et únde haec fiant, ét adhuc non molésta sunt.  
 Postrémo aut desine, aút cedo quemvis árbitrum:  
 Te plúra in hac re péccare ostendam. *DE.* eí mihi,  
 Pater ésse disce ab íllis, qui verí sient. 45  
*MI.* Natúra tu illi páter es, consiliís ego.  
*DE.* Tun cónsulis quicquam? *MI.* áh, si pergis,  
 ábiero.  
*DE.* Sicíne agis? *MI.* an ego tótiens de eadem re  
 aúdiam?  
*DE.* Curae ést mihi. *MI.* et mihi cúrae est. verum,  
 Démea,  
 Curémus aequam utérque partem; tu álterum, 50  
 Ego item álterum. nam cúrare ambos, própemodum  
 Repóscere illum est quem dedisti. *DE.* ah, Mício.  
*MI.* Mihi síc videtur. *DE.* quíd istic? si istuc tíbi  
 placet,  
 Profúndat, perdat, péreat, nihil ad me áttínet.  
 Iam sí verbum ullum pósthac. *MI.* rursum, Démea, 55  
 Iráscere? *DE.* an non crédis? repeton quem dedi?  
 Aegrést: alienus nón sum: si obsto: em, désino.  
 Vnúm vis curem, cúro. et est dis grátia,  
 Cum ita út volo est; isté tuus ipse séntiet  
 Postérius: nolo in íllum gravius dícere. 60  
*MI.* Nec níl, neque omnia haéc sunt, quae dicít:  
 tamen  
 Non níl molesta haec sínt mihi: set osténdere,  
 Me agré pati illi nólui: nam itást homo:  
 Cum pláco, advorsor sédulo et detérreo;  
 Tamen víx humane pátitur: verum sí aúgeam, 65  
 Aut étiam adiutor sím eius iracúndiae,  
 Insániam profécto cum illo. etsi Aéschinus  
 Non núllam in hac re nóbis facit iniúriam.  
 Quam hic nón amavit méretricem? aut cui nón dedit

- 70 Aliquid? postremo, nuper (credo iam omnium Taedebat) dixit velle uxorem ducere.  
 Sperabam iam defervisse adulescentiam:  
 Gaudēbam. ecce autem de integro: nisi quicquid est  
 Volo scire; atque hominem convenire, si aput for-  
 rum est.

## ACTVS II. SCENA I.

*SANNIO leno. AESCHINVS. PARMENO.*

*SA.* Obsecro populares ferte misero atque innocenti auxilium:

Subvenite inopi. *AE.* otiose, nunciam ilico hic consiste:

Quid respectas? nil periclist: numquam, dum ego adero, hic te tanget.

*SA.* Ego istam invitis omnibus.

5 *AE.* Quamquam est scelestus, non committet hodie unquam, iterum ut vapulet.

*SA.* Aeschine, audi, ne te ignarum fuisse dicas meorum morum,

Leno ego sum. *AE.* scio. *SA.* at ita, ut usquam fuit fide quisquam optima.

Tu quod te posterius purges, hanc iniuriam mihi nolle

Factam esse, huius non faciam. crede hoc, ego meum ius persequar:

10 Neque tu verbis solves unquam, quod mi re malefeceris.

Novi ego vestra haec, Nolle factum, iusiurandum dabitur, te esse in-

dignum iniuria hac; indignis cum egomet sim acceptis modis.

*AE.* Abi prae strenue; ac forem aperi. *SA.* ceterum hoc nihil facis.

*AE.* Intro nunc iam. *SA.* at enim non sinam. *AE.* accede illuc, Parmeno:

Nímium istoc abísti: hic propter hunc adsiste: em, 15  
síc volo.

Cáve nunc iam oculos á meis oculis quóquam demo-  
veás tuos:

Ne móra sit, si innuerím, quin pugnus cóntinuo in  
mala haéreat.

*S A.* Istúc volo ergo ipsum éxperi. *A E.* em, sérvá.  
*P A.* omítte múlierem.

*S A.* O fácinus miserandúm! *A E.* geminabit nísi ca-  
ves. *S A.* hei míseriam!

*A E.* Non ínnueram: verum ín istam partem pótius 20  
peccató tamen.

I nunc iam. *S A.* quid hoc rei est? regnumne, Aé-  
schine, hic tu pössides?

*A E.* Si pössiderem, ornátus esses éx tuis virtúti-  
bus.

*S A.* Quid tíbi rei mecumst? *A E.* níl. *S A.* quid? no-  
stin quí sim? *A E.* non desidéro.

*S A.* Tetigín tui quicquam? *A E.* si áttigisses, férres  
infortúnium.

*S A.* Qui tíbi meam magis lícet habere, pró qua ego 25  
argentúm dedi?

Respónde. *A E.* ante aedis nón fecisse erit mélius  
hic convícium:

Nam sí molestus pérgis esse, iam íntro abripiere:  
átque ibi

Vsque ad necem opperiére Ioris. *S A.* Ióris liber?  
*A E.* síc erit.

*S A.* O hómínem impurum: hicíne libertatem áiunt  
aequam esse ómnibus?

*A E.* Si sátis iam debacchátus, leno, es; aúdi si vis 30  
nunc iam.

*S A.* Egon débacchatus sum aútem, an tu in me? *A E.*  
mítte ista, atque ad rém redi.

*S A.* Quam rém? quo redeam? *A E.* iám neme vis dí-  
cere id quod ad te áttinet?

*S A.* Cupio, aequi modo aliquid. *A E.* vah, leno iniqua me non vult loqui.

*S A.* Lenó sum, fateor, pernicios commúnis adulescéntium,

35 Periúrus, pestis: támen tibi a me nállast orta iniúria.

*A E.* Nam hercle étiam hoc restat. *S A.* illuc quaeso rédi, quo coepisti, Aéschine.

*A E.* Minís viginti tu illam emisti, quae res tibi voratát male.

Argénti tantum dábitur. *S A.* quid si ego tibi illam nolo véndere?

Cogés me? *A E.* minime. *S A.* námque id metui. *A E.* néque vendundam cénseo,

40 Quae líberast: nám ego líberali illam ádsero causá manu.

Nunc víde utrum vis; argéntum accipere, an causam meditarí tuam.

Delíbera hoc, dum ego rédeo, leno. *S A.* pró supreme Iúppiter.

Mínime miror, qui ínsanire occípiunt ex iniúria.

Dómo me eripuit, vérberavit: me invito abduxít meam:

45 Hómini misero plús quingentos cólaphos infregít mihi.

Ób malefacta haec tántidem emptam, póstulat sibi tradier.

Vérum enim quando béne promeruit, fiat: suum íus póstulat.

Áge, iam cupio, módo si argentum réddat. set ego hoc háriolor.

Vbi me dixeró dare tanti, téstis faciet flico,

50 Véndidisse mé, de argento sómnum. mox: crás redi.

Íd quoque possum férre, modo si réddat; quamquam iniúriumst.

Vérum cogito íd quod res est: quándo eum quae-  
 stum occéperis,  
 Áccipiunda et mússitanda iniúria adulescéntiumst.  
 Sét nemo dabit: frústra has egomet mécum ratio-  
 nés puto.

## ACTVS II. SCENA II.

SYRVS. SANNIO.

*SY.* Tace, égomet conveniam ípsum: cupide accí-  
 piat iam faxo: átque etiam  
 Bene dícat secum esse áctum. quid istuc, Sánniost,  
 quod te aúdio

Nescío quid concertásse cum ero? *SA.* núnquam  
 vidi iníquiis

Certátionem cómparatam, quam hódie quae inter  
 nós fuit:

Ego vápulando, ille vérberando, usque ámbo de- 5  
 fessí sumus.

*SY.* Tua cúlpa. *SA.* quid facerem? *SY.* ádulescenti  
 mórem gestum opórtuit.

*SA.* Qui pótui melius, qui hódie ei usque os praé-  
 bui? *SY.* age, scis quíd loquar?

Pecúniam in locó neglegere, máximum interdúmst  
 lucrum. hui;

Metuísti, si nunc dé tuo iure cóncessisses paúlu-  
 lum; atque

Aduléscenti esses mórigeratus, hómimum homo 10  
 stultíssime,

Ne nón tibi istuc faéneraret. *SA.* égo spem pretio  
 nón emo.

*SY.* Numquám rem facies: ábi, non scis inéscare  
 homines, Sánnio.

*SA.* Credo ístuc melius ésse: verum ego núnquam  
 adeo astutús fui,

Quín quícquid possem, mállem auferre pótius in  
 praeséntia.

- 15 *SY.* Age nóvi tuum animum: quási iam usquam tibi  
sint vigintí minae,  
Dum huic óbsequare. praéτέρα autem te áiunt pro-  
ficiscí Cyprum. *SA.* hem.  
*SY.* Coemísse hinc quae illuc véheres multa; ná-  
vem conductam: hóc scio,  
Animús tibi pendet. úbi illinc spero rédieris tamèn,  
hóc ages.  
*SA.* Nusquám pedem: perii hércle: hac illi spe hóc  
incepterúnt. *SY.* timet:
- 20 Iniéci scrupulum hómimi. *SA.* o scelera. illúd vide,  
Vt in ípso articulo opprésit. emptae múlieres  
Complúres, et item hinc ália quae portó Cyprum.  
Nisi eo ád mercatum vénio, damnum est máximum.  
Nunc si hóc omittam, ac túm agam ubi illinc rédiero;
- 25 Nihil ést; refrixerít res; nunc demúm venis?  
Cur pássus? ubi eras? út sit satius pérdere,  
Quam aut híc manere tándiu, aut tum pérsequi.  
*SY.* Iamne énumerasti id, quód ad te rediturúm  
putes?  
*SA.* Hocine íllo dignumst? hócine inceptare Aéschi-  
num?
- 30 Per opprèssionem ut hanc mi eripere póstulet?  
*SY.* Labáscit. unum hoc hábeo: vide si sátis placet;  
Potiús quam venias in periculum, Sánnio,  
Servésne an perdas tótum, dividuúm face.  
Minás decem conrádet alicunde. *SA.* eí mihi,
- 35 Etiám de sorte núnc venio in dubiúm miser?  
Pudét nihil? omnes déntes labefecít mihi:  
Praetérea colaphis túber est totúm caput:  
Etiám ínsuper defrúdet? nusquam abeo. *SY.* út lubet:  
Numquíd vis, quin abeam? *SA.* ímmo hércle hoc  
quaesó, Syre,
- 40 Vt ut haéc sunt acta, pótius quam litís sequar,  
Meum míhi reddatur, sáltem quanti emptást, Syre.  
Scio nó n te esse usum antehác amicitíá mea:

Memorém me dices ésse et gratum. *SY.* sédulo  
 Faciám, set Ctesiphónem video: laétus est  
 De amíca. *SA.* quid quod te óro? *SY.* paulispér 45  
 mane.

## ACTVS II. SCENA III.

*CTESIPHO. SYRVS.*

*CT.* Abs quívis homine, cum ést opus, beneficium  
 accipere gaúdeas:  
 Verum énimuero id demúm iuvat, si quem aéquomst  
 facere, is béne facit.  
 O fráter frater, quíd ego te nunc laúdem? satis  
 certó scio;  
 Numquam íta magnífice quícquam dicam, id virtus  
 quin superét tua.  
 Itaque únám hanc rem me habére praeter álias 5  
 praecipuam árbitor,  
 Fratrem hómíni nemíni ésse primarum ártium ma-  
 gis príncipem.  
*SY.* O Ctésípho. *CT.* o Syre, Aéschinus ubi est? *SY.*  
 éllum, te exspectát domi. *CT.* hem.  
*SY.* Quid est? *CT.* quíd sit? illius ópera, Syre, nunc  
 vívo: festivóm caput,  
 Quine ómnia sibi póst putavit ésse prae meo cóm-  
 modo:  
 Maledícta, famam, méum amorem, et peccátum in 10  
 sese tránstulit.  
 Nil súpra pote. nam quíd foris crepuit? *SY.* máne  
 mane. ipse exít foras.

## ACTVS II. SCENA IV.

*AESCHINVS. SANNIO. CTESIPHO. SYRVS.*

*AE.* Vbi est ille sacrilegús? *SA.* me quaerit. núm  
 quidnam effert? óccidi:  
 Nil vídeo. *AE.* ehem, oportúne: te ipsum quaéro:  
 quid fit, Ctésípho?

In túto est omnis rés; omítte véro tristitiém tuam.  
*CT.* Ego illam hércle véro omítto, qui quidem te

hábeam fratrem: o mi Aéschine,  
 5 O mí germane: ah véreor coram in ós te laudare  
 ámplius,

Ne id, ádsentandi mágis quam quo habeam grátum,  
 facere exístumes.

*AE.* Age inépte, quasi nunc nón norimus nós inter  
 nos, Ctésípho.

Hoc míhi dolet, nos paéne sero scísse, et in eum  
 rém locum

Redísse, ut si omnes cúperent, tibi nil póssent au-  
 xiliárier.

10 *CT.* Pudébat. *AE.* ah, stultítias istaec, nón pudor:  
 tam ob párvolam

Rem paéne e patria? túrpe dictu. deós quaeso ut  
 istaec próhibeant.

*CT.* Peccávi. *AE.* quid aít tándem nobis Sánnio?  
*SY.* iam mítis est.

*AE.* Ego ád forum ibo, ut hunc absolvam: tu íntro  
 ad illam, Ctésípho.

*SA.* Syre, ísta. *SY.* eamus: námque hic properat  
 ín Cyprum. *SA.* ne tám quidem:

15 Quamvís etiam maneo ótiosus híc. *SY.* reddetur,  
 né time.

*SA.* At ut ómne reddat. *SY.* ómne reddet: táce  
 modo, ac sequere hác. *SA.* sequor.

*CT.* Heus, heús. Syre. *SY.* ehem, quid est? *CT.* ób-  
 seero hercle te, hómínem istum in-  
 puríssimum

Quam prímum absolvítote; ne si mágis inritatús  
 siet,

Aliqua ád patrem hoc permánet; atque ego túm  
 perpetuo périerim.

20 *SY.* Non fíet, bono animo és: tu cum illa te íntus  
 oblecta ínterim:



Et léctulos iube stérni nobis, ét parari cétera.

Ego iám transacta ré convortam mé domum cum  
obsónio.

*CT.* Ita quaéso: quando hoc béne successit, hílare  
hunc sumamús diem.

## ACTVS III. SCENA I.

*SOSTRATA. CANTHARA.*

*SO.* Óbsecro, mea nútrix? quid nunc fiet? *CA.* quid  
fiát rogas?

Recte édepol spero. *SO.* módo dolores, méa tu, oc-  
cipiunt prímulum.

*CA.* Iam núnc times, quasi núsquam adfueris, núm-  
quam tute pépereris.

*SO.* Miserám me, neminem hábeo, solae súmus:  
Geta autem hic nón adest:

Nec ést quem ad obstetrícem mittam, nec qui adcer- 5  
sat Aéschinum.

*CA.* Pol ís quidem iam hic áderit: nam numquam  
únunq intermittít diem,

Quin sémperveniát. *SO.* sólus mearum est míseria-  
rum rémedium.

*CA.* É re natae mélius fieri haut pótuit quam factum  
ést, era,

Quándo vitium oblátum est: quod ad illum áttinet  
potíssimum,

Tálem, tali ingénio atque animo, nátum ex tanta 10  
fámilia.

*SO.* Íta pol est ut dícis; salvos nóbis, deos quaeso,  
út siet.

## ACTVS III. SCENA II.

*GETA. SOSTRATA. CANTHARA.*

*GE.* Nunc illud est, quod si ómnia omnes súa con-  
silia cónferant,

Atque huic malo salutem quaerant, auxilio nihil adferant,

Quod mihi que eraeque filiaeque erili est. vae miseró mihi,

Tot res repente circumvallant, unde emergi non potest,

5 Vis, egestas, iniustitia, solitudo, infamia.

Hocine saeculum? o scelera, o genera sacrilega, o hominem inpium.

*SO.* Me miseram, quidnamst, quod sic video timidum et properantem Getam?

*GE.* Quem neque fides neque iusiurandum neque illum misericordia

Repressit, neque reflexit, neque quod partus instabat prope:

10 Cui miserae indigne per vim vitium obtulerat. *SO.* non intellego

Satis, quae loquatur. *CA.* propius obsecro accedamus, Sóstrata. *GE.* ah,

Me miserum, vix sum compos animi, ita ardeo iracundia.

Nihil est quod malim, quam illam totam familiam dari mi obviam,

Vt ego iram hanc in eos evomam omnem, dum aegritudo est haec recens:

15 Satis mi id habeam supplici: [dum illos ulciscar modo.]

Seni animam primum extinguerem ipsi, qui illud produxit scelus:

Tum autem Syrum impulsorem, vah, quibus illum lacerarem modis?

Sublimum medium arripere, et capite primum in terram staturerem,

Vt cerebro dispergat viam:

20 Adulescenti ipsi eriperem oculos: posthaec praecipitem darem.

Céteros ruerem, ágerem, raperem, fúnderem, et  
prostérnerem.

Set césso eram hoc malo ínpertiri própere? *SO.* re-  
vocemús. *Geta. GE.* hem,

Quísquis es, sine me. *SO.* égo sum Sostrata. *GE.*  
úbinam es? te ipsam quaérito:

Te éxpeto: oppido ópportune te óbtulisti mi óbviam,

Éra. *SO.* quid est? quid trépidas? *GE.* ei mi. *SO.* 25  
quíd festinas, mí Geta?

Ánimum recipe. *GE.* prórsus. *SO.* quíd istuc prór-  
sus ergost? *GE.* périimus:

Áctumst. *SO.* loquere ergo, óbsecro te, quíd sit.  
*GE.* iam. *SO.* quid iám, Geta?

*GE.* Aéschínus. *SO.* quid is érgo? *GE.* alienus ést  
ab nostra fámilia. *SO.* hem,

Périi. quare? *GE.* amáre ocepit áliam. *SO.* vae mi-  
seraé mihi.

*GE.* Néque id occulte fért, ab lenone ípsus eripuit 30  
palam.

*SO.* Sátin hoc certumst? *GE.* cértum: hisce oculis  
égomet vidi, Sóstrata. *SO.* ah,

Me míseram, quid iam crédas? aut cui crédas? no-  
strumne Aéschínus?

Nostram ómnium vitam, ín quo nostra spés opes-  
que omnés sitae?

Qui sé sine hac iurábat unum núnquam victurúm  
diem?

Qui se ín sui gremió positurum púerum dicebát pa- 35  
tris?

Ita óbsecraturum, út licerethánc se uxorem dúcere?

*GE.* Era, lácrumas mitte: ac pótius, quod ad hanc  
rem ópus est porro, cónsule,

Patiámur an narrémus cuiquam. *CA.* aú au, mi homo  
sánun es?

An próferendum hoc tibi videtur úsquam? *GE.* mi  
quidem nón placet.

- 40 Iam primum illum alieno animo a nobis esse, res ipsa indicat.  
 Nunc si hoc palam proférimus, ille infitias ibit, sát scio:  
 Tua fama et gnatae vita in dubium veniet. tum si máxime  
 Fateatur; cum amet aliam, non est útile huic, illi dari.  
 Quapropter quoque pacto tacitost opus. *SO.* ah, minime gentium:
- 45 Non faciam. *GE.* quid ais? *SO.* proferam. *CA.* hem, mea Sóstrata, vide quam rem agas.  
*SO.* Peióre res locó non potis est esse, quam in quo nunc sitast.  
 Primum indotata est: tum praeterea, quae secunda ei dós erat,  
 Perit: pro virginé dari nuptum non potest. hoc reliquum est,  
 Si infitias ibit, téstis mecum est ánulus, quem ipse amiserat.
- 50 Postrémo quando ego mihi sum conscia, á me culpam esse hánc procul,  
 Neque prétium neque rem ullam intercesse aut illa aut me indignám, Geta;  
 Expérior. *GE.* quid istic? cédo, ut melius dicas.  
*SO.* tu quantum potes  
 Abi, atque Hégioni cónnato huius rem énarrato omnem ordine:  
 Nam is nostro Simuló fuit summus, ét nos coluit máxime.
- 55 *GE.* Nam hercle alius nemo respicit nos. *SO.* pro-pere tu, mea Cánthara,  
 Curre: obstetricem accérse: ut cum opus sit, ne in mora nobis siet.
-

## ACTVS III. SCENA III.

DEMEA. SYRVS.

*DE.* Dispérii: Ctesiphónem audivi filium  
 Vna ádfuisse in ráptione cum Aéschino.  
 Id mísero restat míhi mali, si illúm potest,  
 Qui alicuí rei est, etiam eum ád nequitiam addúcere.  
 Vbi ego íllum quaeram? crédo abductum in gáneum 5  
 Aliquó: persuasit ille inpurus, sát scio.  
 Seteccúm Syrum ire vídeo: hinc scibo iam, úbi siet.  
 Atque hércle hic de grege illo est: si me sénserit  
 Eum quaéritare, núnquam dicet cárnufex.  
 Non óstendam id me vélle. *SY.* omnem rem módo 10  
     seni,  
 Quo pácto haberet, énarramus órdine.  
 Nil quícquam vidi laétius. *DE.* pro lúppiter,  
 Hominís stultitiam. *SY.* cónlaudavit filium:  
 Mihi, qui íd dedissem cónsilium, egit grátias.  
*DE.* Disrúmpor. *SY.* argentum ádnumeravit ílico: 15  
 Dedit praeterea in súmptum, dimidiúm minae:  
 Id dítributum sáne est ex senténtia. *DE.* hem,  
 Huic mándes, siquid récte curatúm velis.  
*SY.* Ehem, Démea, hautaspéxeram te: quíd agitur?  
*DE.* Quid agátur? vostram néqueo mirarí satis 20  
 Ratiónem. *SY.* est hércle inépta, ne dicám dolo,  
     atque  
 Absúrda. piscis céteros purgá, Dromo:  
 Congrum ístum maxumum ín aqua sinito lúdere  
 Paulísper: ubi ego vénero, exossábitur:  
 Prius nólo. *DE.* haecine flagítia? *SY.* mi quidem 25  
     nón placent:  
 Et clámo saepe. sálsamenta haec, Stéphanio,  
 Fac mácerentur púlchre. *DE.* di vostrám fidem,  
 Vtrúm studione id síbi habet, an laudí putat  
 Fore, sí perdiderit gnátum? vae miseró mihi,  
 Vidére videor íám diem illum, cum hinc egens 30

Profúgiet aliquo militatum. *SY.* o Démea,  
Istúc est sapere, nón quod ante pedés modost  
Vidére, set etiam illa quae futúra sunt  
Prospícere. *DE.* quid? istaec iám penes vos psáltria  
est?

35 *SY.* Ellam íntus. *DE.* eho, an est dómi habiturus?  
*SY.* crédo: ut est

Deméntia. *DE.* haecine fieri? *SY.* inepta lénitas  
Patris, ét facilitas práva. *DE.* fratris mé quídem  
Pudét pigetque. *SY.* nímium inter vos, Démea, ac  
Non quía ades praesens díco hoc, pernimum ín-  
terest.

40 Tu, quántus quantus, níl nisi sapiéntia es:  
Ille, sómniúm. sinerés vero illum tú tuum  
Facere haéc? *DE.* sinerem illum? aut nón sex totis  
ménsibus

Prius ólfecissem, quam ille quicquam coéperet?

*SY.* Vigilántiam tuám tun mihi? *DE.* sic sít modo,

45 Vt núnc est, quaeso. *SY.* ut quisque suum voltésse,  
itast.

*DE.* Quid eúm? vidistin hódie? *SY.* tuumne filium?  
Abigam hunc rus. iamdudum áliquid ruri agere ár-  
bitror.

*DE.* Satin scís ibi esse? *SY.* oh, quem égomet pro-  
duxi. *DE.* óptumest.

Metuí ne haereret híc. *SY.* atque iratum ádmodum.

50 *DE.* Quid aútem? *SY.* adortus iúrgio est fratrem  
áput forum

De psáltria hac. *DE.* ain véro? *SY.* vah, nil réticuit.  
Nam ut númerabatur fórté argentum; intérvénit  
Homo de ínproviso: coépit clamare, o Aéschine,  
Haecine flagitia fácere te? haec te admíttere

55 Indígna genere nóstró? *DE.* oh, lacrumo gaúdio.  
*SY.* Non tu hóc argentum pérdis, set vitám tuam.

*DE.* Salvós sit; spero erit símilis maiorúm suum.  
*SY.* hui.

*DE.* Syre, praéceptorumst plénus istorum ille, *S.Y.*  
phy.

Domì hábuit unde dísceret. *DE.* fit séduló:

Nil praétermitto: cónsuefacio: dénique, 60

Inspícere, tanquam in spéculum, in vitas ómnium

Iubeo: átque ex aliis súmerè exemplúm sibi.

Hoc fácito. *S.Y.* recte sáne. *DE.* hoc fugito. *S.Y.* cál-  
lide.

*DE.* Hoc laúdi est. *S.Y.* istaec rés est. *DE.* hoc vitió  
datur.

*S.Y.* Probíssume. *DE.* porro aútem. *S.Y.* non hercle 65  
ótiumst

Nunc mi aúscultandi. píscis ex senténtia.

Nactús sum: hi mihi ne córrumpantur, caútiost:

Nam id nóbis tam flagítiumst, quam illa, o Démea,

Non fácere vóbis, módo quae dixi: et quód queo

Consérvis ad eundem ístunc praecipió modúm: 70

Hoc sálsumst, hocadústumst, hoclautúmst parum:

Illúd recte: iterum síc memento: sédulo

Moneó, quae possum pró mea sapiéntia:

Postrémo, tamquam in spéculum, in patinas, Dé-  
mea,

Inspícere iubeo, et móneo quid facto úsus sit. 75

Inépta haec esse, nós quae facimus, séntio:

Verúm quid facias? út homost, ita morém geras.

Numquíd vis? *DE.* mentem vóbis meliorem dari.

*S.Y.* Tu rús hinc íbis. *DE.* récta. *S.Y.* nam quid tu  
híc agas,

Vbi, síquid bene praecipias, nemo obtémperet? 80

*DE.* Ego véró hinc ábeo, quándo is, quamobrem  
huc véneram,

Rus ábiit: illum cúro: unum illúd ad me ádtinet,

Quando íta volt frater: de ístoc ipse viderit.

Set quis illic est, quem vídeo procul? estne Hégio

Tribúlis noster? sí satis cerno, is hercle: vah, 85

Homo, amícus nobis iam ín de a puero: dí boni,

Ne illiúsmodi iam mágna nobis cívium  
 Paenúriast, antíqua virtute ác fide.  
 Haut cíto mali quid órtum ex hoc sit públice.  
 90 Quam gaúdeo: ubi etiam húius generis réliquias  
 Restáre video, vívere etiam núnc lubet.  
 Oppérior hominem hic, út salutem et cónloquar

## ACTVS III. SCENA IV.

*HEGIO. GETA. DEMA. PAMPHILA.*

*HE.* Pro di ínmortales, fácinus indignúm, Geta:  
 Quid nárras? *GE.* sic est fáctum. *HE.* ex illan fa-  
 milia

Tam inlíberale fáciaus esse ortum? o Aéschine,  
 Pol haut paternum istúc dedisti. *DE.* vídelicet  
 5 De psáltria hoc audívit: id illi núnc dolet  
 Aliéno. pater is níhili pendit: eí mihi,  
 Vtinam híc prope adesset álicubi: atque audíret  
 haec.

*HE.* Nisi fácient quae illos aéquomst, haut sic au-  
 ferent.

*GE.* In té spes omnis, Hégio, nobís sita est:  
 10 Te sólum habemus, tú es patronus, tú pater;  
 Illé tibi moriens nós commendavít senex:  
 Si déseris tu, périimus. *HE.* cave díxeris:  
 Neque fáciam, neque me sátis pie posse árbitror.  
*DE.* Adíbo. salvere Hégionem plúrimum  
 15 Iubeo. *HE.* óh, te quaerebam ípsum: salve, Démea.  
*DE.* Quid aútem? *HE.* maior filius tuus Aéschínus,  
 Quem frátri adoptandúm dedisti, néque boni  
 Neque líberalis fúnctus officium ést viri.

*DE.* Quid istúc est? *HE.* nostrum amícum noras  
 Símulum, atque  
 20 Aequálem? *DE.* quidni? *HE.* filiam eius vírginem  
 Vitiávit. *DE.* hem. *HE.* mane. nóndum audisti,  
 Démea,



Quod ést gravissimum. *DE.* án quid est etiam ámplius?

*HE.* Vero ámplius: nám hoc quídem ferundum aliquó modost:

Persuásit nox, amór, vinum, adulescéntia :

*Humánumst.* ubi scit fáctum, ad matrem vírginis 25

Venit ípsus ultro, lácrumans, orans, óbsecrans,

Fidém dans, iurans sé illam ducturúm domum.

*Ignótumst;* tacítumst; créditumst, vírgo éx eo

Compréssu grauida fácta est; mensis décimus est:

Ille bónus vir nobis psáltriam, si dís placet, 50

Parávit, quicum vívat: illam déserit.

*DE.* Pro cértón tu istaec dícis? *HE.* mater vírginis

In médiost; ipsa vírgo; res ipsa: híc Geta

Praetérea, ut captus sérvolorum est, nón malus

Neque inérs: alit illas; sólus omnem fámiliam 35

Susténtat. hunc abdúce, vinci, quaére rem.

*GE.* Immo hércle extorque, nísi ita factumst, Démea;

Postrémo non negábit; coram ipsúm cedo.

*DE.* Pudét: nec, quid agam, néque quid huic respóndeam

Sció. *PA.* miseram me, dífferor dolóribus. 40

Iunó Lucina fér opem: serva me óbsecro. *HE.* hem,

Numnam ílla quaeso párturit? *GE.* certe, Hégio.

*HE.* hem;

Illaeéc fidem nunc vóstram inplorat, Démea;

Quod vós vis cogit, íd voluntate ímpetret.

Haec prínum ut fiant, deós quaeso, ut vobís decet. 45

Sin áliter animus véster est; ego, Démea,

Summá vi defendam hás atque illum mórtuum.

Cognátus mi erat: úna a pueris párvolis

Sumus éducti: una sémper militiae ét domi

Fuimús: paupertatem úna pertulimús gravem. 50

Quaprópter nitar, fáciam, experiar, dénique

Animám relinquam pótius quam illas déseram.

Quid mihi respondes? *DE.* frátrem conveniam,  
Hégio:

Is, quód mihi de hac re déderit consilium, id sequar.  
55 *HE.* Set, Démea, hoc tu fáctó cum animo cógites,  
Quam vós facillume ágitis, quam estis máxume  
Poténtes, dites, fórtunati, nóbiles,  
Tam máxume vos aéquo animo aequa nóscere  
Opórtet, si vos vóltis perhiberí probos.

60 *DE.* Redíto: fient, fieri quae aequomst, ómnia.  
*HE.* Decét te facere. Géta, duc me intro ad Só-  
stratam.

*DE.* Non me índicente haec fiunt; utinam hic sit  
modó

Defúntum; verum nínia illaec licéntia  
Profécto evadet ín aliquod magnúm malum.

65 Ibo, ac requiram frátrem, ut in eum haec évomam.

### ACTVS III. SCENA V.

*HEGIO.*

Bono ánimo fác sis, Sóstrata; et istam, quód potes,  
Fac cónsolere. ego Mícionem, si ápud forumst,  
Convéniam; atque, ut res géstast, narrabo órdine:  
Si ita ést, facturús út sit officiúm suum,  
5 Faciát: sin aliter de hác re est eius senténtia,  
Respóndeat mi: ut, quíd agam, quam primúm sciam

### ACTVS IV. SCENA I.

*CTESIPHO. SYRVS.*

*CT.* Áin patrem hinc abísse rus? *SY.* iam dúdum.

*CT.* dic sedés. *SY.* apud villamst.

Núnc cum maxume óperis aliquid fácere credo.

*CT.* utinám quidem,

Quod cúm salute eius fiat, ita se défetigarít velim,  
Ut trídúo hoc perpétuo prorsum e lécto nequeat  
súrgere.

- SY.* Ita fiat, et istoc sí quid potis est, réctius. *CT.* 5  
ita: nam hunc diem
- Nimis misere cupio, ut coépi, perpetuum in laetitia degere.
- Ei illud rus nulla alia causa tam male odi, nisi quia propest:
- Quód si abesset longius,  
Prius nox oppressisset illic, quam huc reverti posset iterum,
- Nunc ubi me illic non videbit, iam huc recurret, sát 10  
scio:
- Rogabit me, ubi fuerim: quem ego hodie toto non vidí die:
- Quid dicam? *SY.* nilne in mentem est? *CT.* nusquam quicquam. *SY.* tanto nequior.
- Cliens, amicus, hospes, nemo st vobis? *CT.* sunt. quid postea?
- SY.* Hisce ópera ut data sit. *CT.* quae non data sit? non potest fieri. *SY.* potest.
- CT.* Intérdiu: sed si hic pernocto, causae quid dicám, Syre? 15
- SY.* Vah, quam vellem etiam noctu amicis óperam mos esset dari.
- Quin tu otiosus es: ego illius sensum pulchre calleo. Cum fervit maxumé, tam placidum, quam óvis est, reddo. *CT.* quó modo?
- SY.* Laudárier te audít libenter: fácio te apud illum Deum:
- Virtútes narro. *CT.* measne? *SY.* tuas: homini ílico 20 lacrumaé cadunt,
- Quasi púero, gaudio. ém tibi autem. *CT.* quídnam est? *SY.* lupus in fábula.
- CT.* Patérne? *SY.* is ipsus. *CT.* Síre, quid agimus? *SY.* fúge modo intro, ego vídero.
- CT.* Si quíd rogabit, nusquam tu me: audístin? *SY.* potin ut désinas?

## ACTVS IV. SCENA II.

*DE MEA. CTESIPHO. SYRVS.*

*DE.* Ne égo homo infelix. primum fratrem nūquam invenio géntium:

Praeterea autem, dum illum quaero, a villa mercenarium

Vidi: is filium negat esse ruri: nec quid agam scio.

*CT. Syre. SY.* quid est? *CT.* men quaerit? *SY.* verum. *CT.* perii. *SY.* quin tu bono animo es.

5 *DE.* Quíd hoc, malum, infelicitatis? néqueo satis decernere:

Nisi me credo huic esse natum rei, ferendis miseriis.

Primum sentio mala nostra: primum rescisco omnia:

Primum porro obnuntio: aegre solus, si quid fit, fero.

*SY.* Rideo hunc: se primum ait scire: is solus nescit omnia.

10 *DE.* Nunc redeo: si forte frater redierit visó. *CT.* Syre,

Obsecro, vide ne ille huc prorsus se intruat. *SY.* etiam taces?

Ego cavebo. *CT.* numquam hercle hodie ego istuc committam tibi:

Nam me in cellulam aliquam cum illa concludam: id tutissimumst.

*SY.* Áge, tamen ego hunc amovebo. *DE.* sét eccum sceleratum Syrum.

15 *SY.* Nón hercle hic quidem perdurare quisquam, si sic fit, potest.

Scire equidem voló, quot mihi sint domini: quae haec est miseria?

*DE.* Quíd ille gannit? quíd volt? quid ais, bone vir? est frater domi?

*SY.* Quíd, malum, mihi bone vir narras? equidem perii. *DE.* quíd tibi est?

*SY.* Rógitas? Ctesipho me pugnīs míserum, et  
istam psáltriam

Úsque occidit. *DE.* ém, quid narras? *SY.* ém, vide 20  
ut discidit labrum.

*DE.* Quámobrem? *SY.* me impulsóre hanc emptam  
esse áit. *DE.* non tu eum rus hinc  
modo

Próduxe aibas? *SY.* fáctum: verum vénit post insá-  
niens:

Níl pepercit. nón puduisse vérberare hominém  
senem?

Quém ego puerum módo tantillum in mánibus ge-  
staví meis?

*DE.* Laúdo: o Ctesiphó, patrissas: ábi, virum te iú- 25  
dico.

*SY.* Laúdas? ne ille cóntinebit pósthac, si sapiét,  
manus.

*DE.* Fórtiter. *SY.* perquám, quia miseram múlie-  
rem et me sérvolum,

Quí referire nón audebam, vícit: hui, perfórtiter.

*DE.* Nón potuit meliús. idem quod ego sénsit te  
esse huic reí caput.

Sét estne frater íntus? *SY.* non est. *DE.* úbi illum 30  
quaeram, cógito.

*SY.* Scío ubi sit, verum hódienumquam mónstrabo.  
*DE.* hem, quid áis? *SY.* ita.

*DE.* Díminuetur tibi quidem iam cérebrum. *SY.* at  
nomen néscio

Íllius hominis, sét locum novi úbi sit. *DE.* dic ergó  
locum.

*SY.* Nóstin porticum ápuđ macellum hac deórsum?  
*DE.* quidni nóverim?

*SY.* Praéterito hac récta platea súrsus: ubi eo vé- 35  
neris,

Clívos deorsum vórsum est; hac te praécipitato:  
póstea

Est ad hanc manum sacellum: ibi angiportum propter est

Illic ubi etiam caprificus magna est. *DE.* novi. *SY.* hac pergito.

*DE.* Id quidem angiportum non est pervium: *SY.* verum hercle. vah,

40 Censen hominem me esse? erravi: in porticum rursum redi:

Sane hac multo propius ibis, et minor est erratio.

Scin Cratini huius ditis aedes? *DE.* scio. *SY.* ubi eas praeterieris,

Ad sinistram hac recta platea; ubi ad Dianae veneris,

Ita ad dextram: prius quam ad portam venias, aput ipsam lacum

45 Est pistrilla, et exaduorsum fabrica: ibi est. *DE.* quid ibi facit?

*SY.* Lectulos in sole ilignis pedibus faciendos dedit.

*DE.* Vbi potetis vos: bene sane. set cesso ad eum pergere?

*SY.* Isane: ego te exercebo hodie, ut dignus es, silicernium.

Aeschinus odiosus cessat; prandium corrumpitur:

50 Ctésipho autem in amore est totus. ego iam prospiciam mihi:

Nam iam adibo, atque unum quicquid, quod quidem erit bellissimum,

Carpam: et cyathos sorbilans paulatim hunc producam diem.

## ACTVS IV. SCENA III.

*MICIO. HEGIO.*

*MI.* Ego in hac re nil reperio, quamobrem lauder tantopere, Hégio.

Meum officium facio: quod peccatum a nobis ortumst, corrigo.

Nisi sí me in illo crédidisti esse hóminum numero,  
qui ita putant;

Sibi fieri iniuriam últro, si quam fécere ipsi expó-  
stules,

Et últro accusant: id quia non est á me factum, 5  
agis grátias?

*HE.* Ah, mínime: numquam te áliter atque es, in  
animum induxí meum.

Set quaéso ut una mécum ad matrem vírginis eas,  
Micio,

Atque istae eadem, quae mihi dixti, túte dicas mú-  
lieri;

Suspicionem hanc própter fratrem esse: eius esse  
illam psáltriam.

*MI.* Si ita aequom censes, aut si ita opus est fácto, 10  
eamus. *HE.* béne facis:

Nam et illi iam animum rélleuaris, quae dolore ac  
miseria:

Tabéscit: et tuo officio fueris fúnetus. set si alitér  
putas,

Egomét narrabo quae mihi dixti. *MI.* immo égo  
quoque ibo. *HE.* béne facis:

Omnés, quibus res sunt mínus secundae, mágis  
sunt nescio quó modo

Suspiciosi: ad cóntumeliam ómnia accipiúnt magis: 15  
Proptér suam inpoténtiam se sémper credunt lú-  
dier.

Quaprópter te ipsum púrgare ipsis córam, placabí-  
lius est.

*MI.* Et récte et verum dícis. *HE.* sequere me érgo  
hac intro. *MI.* máxume.

## ACTVS IV. SCENA IV.

## AESCHINVS.

Discrúciór animi:

Hócine ex inprovisó mali mi óbiici

Tantum; ut neque quid de me faciam, nec quid  
agam certum siet?

Membra metu debilia sunt: animus praeter timore

5 Obstipuit: pectore consistere nil consilii quit.

Vah, quomodo me ex hac expediam turba, nescio:  
tanta nunc

Suspicio de me incidit:

Necque ea immerito: Socrata credit, mihi me psal-  
triam hanc emisse: id

Anus mi indicium fecit.

10 Nam ut hinc forte ea ad obstetricem erat missa,  
ubi eam vidi ilico

Accedo; rogo, Pamphila quid agat; iamne partus  
adsiet,

Eone obstetricem accersat. illa exclamat, Abi, abi,  
iam, Aeschine,

Satis diu dedisti verba: sat adhuc tua nos frustra-  
tast fides.

Hem, quid istuc obsecro, inquamst? Valeas, habebas  
illam quae placet.

15 Sensi ilico id illas suspicari: set me reprehendi ta-  
men,

Ne quid de fratre garrulae illi dicerem, ac fieret  
palam.

Nunc quid faciam? dicam fratris esse hanc? quod  
minimest opus

Usquam efferri: ac mitto: fieri potis est ut ne qua  
exeat:

Ipsam id metuo ut credant: tot concurrunt verisi-  
milia:

20 Egomet rapui: ipse egomet solui argentum: ad me  
abducta est domum.

Haec adeo mea culpa fateor fieri. non me hanc  
rem patri,

Vt ut erat gesta, indicasse? exorasset ut eam du-  
cerem.



Céssatum usque adhúc est: nunc porro, Aéschine,  
expergíscere:

Núnc hoc primumst: ád illas ibo, ut púrgem me.  
accedam ád fores:

Périi. horresco sémper, ubi pultáre hasce occipió 25  
miser.

Heús, heus: Aeschinús ego sum. aperite áliquis  
actutum óstium.

Pródit nescio quis: concedam huc —

## ACTVS IV. SCENA V.

## MICIO. AESCHINVS.

*MI.* — Íta uti dixi, Sóstrata,

Fácito: ego Aeschinúm conveniam; ut, quómo-  
do acta haec súnť, sciat.

Sét quis ostium hóc pultavit? *AE.* páter hercle est,  
perii. *MI.* Aéschine.

*AE.* Quid huic híc negotist? *MI.* túne has pepu-  
listí fores?

Tacet. cúr non ludo hunc áliquantisper? mélius est, 5  
Quandóquidem hoc numquam mi ípse voluit cré-  
dere.

Nil míhi respondes? *AE.* nón equidem istas, quód  
sciam.

*MI.* Ita: nám mirabar quíd hic negoti essét tibi.

Erúbuit: salva rés est. *AE.* dic sodés, pater,

Tibi véro quid istic reí fuit? *MI.* nil míhi quídem. 10

Amícus quídam me é foro abduxít modo

Huc ádvocatum síbi. *AE.* quid? *MI.* ego dicám tibi:

Habitánt hic quaedam múlieres; paupérculae,

Vt ópíner has non nósse te: et certó scio:

Neque ením diu huc commigráruť. *AE.* quid tum 15  
póstea?

*MI.* Virgo ést cum matre. *AE.* péрге. *MI.* haec  
virgo orbást patre:

Hic meus amicus illi genere est proximus:

Huic léges cogunt núbere hanc. *AE.* peris. *MI.* quid est?

*AE.* Nil: récte: perge. *MI.* is vénit ut secum ávehat:  
20 Nam habitát Miletí. *AE.* hem, vírginem ut secum ávehat?

*MI.* Sic ést. *AE.* Miletum usque óbsecro? *MI.* ita, *AE.* animó malest.

Quid ipsaé? quid aiunt? *MI.* quid illas censes? níhil enim.

Comménta mater ést, esse ex alió viro

Nescío quo puerum nátum: neque eum nóminat:  
25 Priórem esse illum, nón oportere huic dari.

*AE.* Eho. nónne haec iusta tibi videntur póstea?

*MI.* Non. *AE.* óbsecro non? an íllam hinc abducét, pater?

*MI.* Quid illám ni abducát? *AE.* fáctum a vobis dúriter,

Inmisericorditérque, atque etiam, si ést pater  
30 Dicéndum magis apérte, inliberáliter.

*MI.* Quamobrém? *AE.* rogas me? quid illi tandem créditis

Fore ánimi misero, quí cum ea consueví prior?

Qui infélix haut scio an íllam misere núnc amat,  
Cum hanc síbi videbit praésens praesentem éripi,

35 Abdúci ab oculis? fácinus indignúm, pater.

*MI.* Quarátione istuc? quís despondit? quís dedit?

Cui, quándo nupsit? aúctor his rebús quis est?

Cur dúxit alienam? *AE.* án sedere opórtuit

Domi vírginem tam grándem, dum cognátus hinc

40 Illínc veniret éxspectantem? haec, mí pater,

Te dícere aequóm fúit, et id deféndere.

*MI.* Ridículum: advorsusne íllum causam dícerem,

Cui véneram advocátus? set quid ista, Aéschine,

Nostra? aút quid nobis cum íllis? abeamús. quid est?

- Quid lacrimas? *AE.* pater, obsecro, ausculta. *MI.* 45  
 Aéschine, audivi ómnia,  
 Ét scio: nam té amo: quo magis, quae agis, curae  
 súnť mihi.  
*AE.* Íta velim me prómerentem amés, dum vivas,  
 mí pater,  
 Vť me hoc delictum ádmisisse in me, íd mihi vehe-  
 mentér dolet:  
 Ét me tui pudét. *MI.* credo hercle: nam íngenium  
 noví tuum  
 Líberale: sét vereor ne indíligens nímíúm sies. 50  
 In qua civitáte tandem te árbitrare vívere?  
 Vírginem vitiásti, quam te nón ius fuerat tángere.  
 lám peccatum prímum id magnum, mágnum at hu-  
 manúm tamen.  
 Fécere alii saepe item boni. at póstquam id evenít,  
 cedo  
 Númquid circumpéxti? aut numquid túte pro- 55  
 spextí tibi,  
 Quid fieret? qua fieret? si te mi ípsum púduit dí-  
 cere,  
 Quá resciscerem? haec dum dubitas, ménses abie-  
 rúnt decem.  
 Pródidisti et te, ét illam miseram, et gnátum, quod  
 quidem in té fuit.  
 Quid credebas? dórmienti haec tibi confecturós  
 deos?  
 Ét illam sine tua ópera in cubiculum íri deductúm 60  
 domum?  
 Nólím ceterárum rerum té socordem eodém modo.  
 Bóno animo es, ducés uxorem. *AE.* hem. *MI.* bóno  
 animo es inquám. *AE.* pater,  
 Óbsecro num lúdis tu nunc me? *MI.* égo te? quam-  
 obrem? *AE.* néscio:  
 Nísi tam misere hoc ésse cupio vérum, eo vereór  
 magis.

65 *MI.* Ábi domum, ac deos cónprecare, ut úxorem accersás: abi.

*AE.* Quid, iam uxorem? *MI.* iám. *AE.* iam? *MI.* iam quantum potest. *AE.* dimé, pater, Ómnes oderínt, ni magis te, quam óculos nunc ego amó meos.

*MI.* Quid? quam illam? *AE.* aequé. *MI.* pérbenigne. *AE.* quíd? ille ubi est Milésius?

*MI.* Ábiit, periit, návem ascendit; sét cur cessas? *AE.* ábi pater:

70 Tú deos potius cónprecare: nám tibi eos certó scio, Quó vir melior múlto es quam ego, obtémperatúrós magis.

*MI.* Égo eo intro: ut, quae opus súnť, parentur; tú fac ut dixi, sí sapis.

*AE.* Quid hoc ést negoti? hoc ést patrem esse, aut hóc est filium ésse?

Si fráter aut sodális esset, quí magis morem géreret?

75 Hic nón amandus? hícine non gestándus in sinu ést? hem;

Itaque ádeo magnam mi íniicit sua cómmoditate cúram:

Ne inprúdens faciam fórte quod nolít, sciens cavébo. Set céssó ire intro, né morae meis núptiis egomét sim?

## ACTVS IV. SCENA VI.

*DEMEA.*

Deféssus sum ambulándo: ut, Syre, te cúm tua Monstrátione mágnus perdat Iúppiter.

Perréptavi usque omne óppidum; ad portam, ádlacum:

Quo nón? nec fabrica illi úlla erat: nec frátre[m] homo

5 Vidísse se aibat quísquam. nunc veró domi

Certum óbsidere est úsque, donec rédierit.

## ACTVS IV. SCENA VII.

MÍCIO. DEMA.

*MI.* Ibo, illis dicam nullo esse in nobis moram.*DE.* Set eccum ipsum: te iamdudum quaero, o Micio.*MI.* Quidnam? *DE.* fero alia flagitia ad te ingentia Boni illius adulescentis. *MI.* ecce autem. *DE.* nova, Capitalia. *MI.* ohe, iam. *DE.* ah nescis qui vir sit. 5*MI.* scio.*DE.* O stulte, tu de psaltria me somnias Agere: hoc peccatum in virginem est civem. *MI.* scio.*DE.* Oho, scis et patere? *MI.* quidni patiar? *DE.* dic mihi,Non clamas? non insanis? *MI.* non. malim quidem.*DE.* Puer natust. *MI.* di bene vortant. *DE.* virgo 10 nihil habet.*MI.* Audivi. *DE.* et ducenda indotatast. *MI.* scilicet.*DE.* Quid nunc futurumst? *MI.* id enim quod res ipsa fert:Illinc huc transferetur virgo. *DE.* o Iuppiter, Istocine pacto oportet? *MI.* quid faciam amplius?*DE.* Quid facias? si non ipsa re tibi istuc dolet, 15Simulare certe est hominis. *MI.* quin iam virginem

Despondi: res composita est: fiunt nuptiae;

Dempsi metum omnem: haec magis sunt hominis.

*DE.* ceterum,Placet tibi factum, Micio? *MI.* non, si queam

Mutare. nunc cum non queo, animo aequo fero. 20

Ita vitast hominum, quasi si ludas tesseres.

Si illud, quod maxime opus est iactu, non cadit,

Illud quod cecidit forte, id arte ut corrigas.

*DE.* Corrector. nempe tua arte viginti minae

Pro psaltria periere: quae quantum potest, 25

Aliquo abiicienda est: si non pretio, gratiis.

*MI.* Neque ést, neque illam sáne studeo véndere.

*DE.* Quid illa ígitur facias? *MI.* dómi erit. *DE.*  
pro divóm fidem,

Meretríx et mater fámilias una ín domo?

30 *MI.* Cur nón? *DE.* sanumne crédis te esse? *MI.*  
equidem árbitror.

*DE.* Ita mé di ament, ut vídeo tuam ego inéptiam;  
Factúrum credo, ut hábeas quicum cántites.

*MI.* Cur nón? *DE.* et nova nupta éadem haec dis-  
cet. *MI.* scílicet.

*DE.* Tu intér eas restim dúctans saltabís. *MI.* probe.

35 Et túte nobiscum úna, si opus sit. *DE.* eí mihi.

Nonte haéc pudent? *MI.* iam véro omitte, o Démea,  
Tuam ístanc iracúndiam: atque ita utí decet  
Hilarum ác lubentem fác te gnati in núptiis.

Ego hós conveniam: pósthuc redeo. *DE.* o Iúppiter,

40 Hancíne vitam? hoscine móres? hanc deméntiam?

Vxór sine dote véniet: intus psáltria est:

Domus súmptuosa: aduléscens luxu pérditus

Senéx delirans. ípsa si cupiát Salus,

Serváre prorsus nón potest hanc fámiliam.

## A C T V S V. S C E N A I.

*SYRVS. DEMEA.*

*SY.* Edepól, Syrisce, té curasti mólliter,

Lautéque munus áministrastí tuum:

Abi. sét postquam intus sum ómnium rerúm satur,  
Prodeámbulare huc líbitum est. *DE.* illuc síis vide;

5 Exémplum disciplínae. *SY.* ecce autem híc adest

Senex nóster. quid fit? quíd tu es tristis? *DE.* óh  
scelus.

*SY.* Ohe. iám: tu verba fúndis hic sapiéntia?

*DE.* Tu sí meus esses. *SY.* díis quidem esses, Démea;

Ac tuám rem constabilíesses. *DE.* exemplo ómnibus

10 Curárem ut esses. *SY.* quámobrem? quid fecí? *DE.*  
rogas?

In ipsa turba, atque in peccato máximo,  
 Quod vix sedatum satis est, potasti, scelus,  
 Quasi re bene gesta. *SY.* sane, nollem huc exitum.

## ACTVS V. SCENA II.

*DROMO. SYRVS. DEMEA.*

*DR.* Heus, Syre, rogat te Ctésipho ut redeas. *SY.* abi.

*DE.* Quid Ctésiphonem hic narrat? *SY.* nil. *DE.*  
 eho, carnufex,

Est Ctésipho intus? *SY.* non est. *DE.* cur hic nominat?

*SY.* Est alius quidam, parasitaster paululus:  
 Nostin? *DE.* iam scibo. *SY.* quid agis? quo abis? 5  
*DE.* mitte me.

*SY.* Noli inquam. *DE.* non manum abstines, mastigia?

An tibi iam mavis cerebrum dispergam hic? *SY.* abit.

Edepol commissatorem haut sane commodum,

Praesertim Ctésiphoni. quid ego nunc agam?

Nisi dum haec silescent turbae, interea in angulum 10

Aliquo abeam, atque edormiscam hoc villi. sic agam.

## ACTVS V. SCENA III.

*MICIO. DEMEA.*

*MI.* Parata a nobis sunt, ita ut dixi, Sóstrata,

Vbi vis. quisnam a me pepulit tam graviter fores?

*DE.* Ei mihi quid faciam? quid agam? quid clamem? aut querar?

O caelum, o terra, o maria Neptuni. *MI.* em tibi,

Rescivit omnem rem. id nunc clamat scilicet: 5

Paratae lites: succurrendumst. *DE.* eccum adest

Communis corruptela nostrum liberum.

*MI.* Tandem reprime iracundiam, atque ad te redi.

*DE.* Repressi, redii, mitto maledicta omnia:

- 10 Rem ipsám putemus. díctum inter nos hóc fuit,  
 Ex te adéo est ortum, né tu curarés meum,  
 Neve égo tuum? respónde. *MI.* factumst, nón nego.  
*DE.* Cur núnc aput te pótat? cur recipís meum?  
 Cur émis amicam, Mício? num quí minus
- 15 Mihi idém ius aequumst ésse, quod mecúmst tibi?  
 Quando égo tuum non cūrō, ne curá meum.  
*MI.* Non aéquom dicís. *DE.* nón? *MI.* nam vetus  
 verbum hóc quidemst,  
 Commúnia esse amícorum inter se ómnia.  
*DE.* Facéte: nunc demum ístaec nata orátioست.
- 20 *MI.* Auscúta paucis, nísi molestumst, Démea.  
 Príncípío, si id te mórdet, sumptum filii  
 Quem fáciunt, quaeso hoc fácito tecum cógites:  
 Tu illós duo olim pró re tollebás tua,  
 Quod sátis putabas túa bona ambobús fore;
- 25 Et ræe tum uxorem crédidisti scílicet  
 Ductúrum: eandem illam rátionem antiquam óbtine  
 Consérva, quaere, párcé; fac quamplúrimum  
 Illís relinquo, glóriamque istánc tibi:  
 Mea, quæ praeter spem evénere, utantúr sine:
- 30 De súmma nil decédet: quod hinc accésserit,  
 Id dé lucro putáto esse omne. haec sí voles  
 In ánimo vere cógitare, Démea,  
 Et mi ét tibi et illis démpseris moléstiam.  
*DE.* Mittó rem: consuetúdinem ipsorúm. *MI.* mane:
- 35 Scio: ístuc ibam. múlta in homine, Démea,  
 Signa ínsunt, quibus ex cóniectura fácale fit:  
 Duo cúm idem faciunt, saépe ut possis dícere,  
 Hoc lícet inpune fácere huíc, illi nón licet:  
 Non quó dissimilis rés sit, set quo is quí facit.
- 40 Quæ ego in illis esse vídeo, ut confidám fore  
 Ita ut vólumus. vídeo eos sápere, intellegere, ín loco  
 Veréri, inter se amáre: scire est líberum  
 Ingénium atque animum. quó vis illos tú die  
 Redúcas. at enim métuas, ne ab re sínt tamen



Omíssiore paúlo. o noster Démea, 45  
 Ad ómnia alia aetáte sapimus réctius:  
 Solum únun hoc vitium senéctus adfert hóminibus,  
 Adténtiores súmus ad rem omnes, quám sat est:  
 Quod illós sat aetas ácuet. *DE.* ne nimiúm modo  
 Bonaé tuae istae nós rationes, Mício, 50  
 Et túus iste animus aéquos subvortát. *MI.* tace,  
 Non fiet. mitte iam ístaec: da te hodié mihi:  
 Expórge frontem. *DE.* scílicet ita témpus fert,  
 Faciúndumst: ceterúm rus cras cum filio  
 Cum prímo luci. *MI.* immó de nocte cénseo: 55  
 Hodié modo hilarum té face. *DE.* et istam psáltriam  
 Vnà illuc mecum hinc ábstraham. *MI.* pugnáveris.  
 Eo pácto prorsum illi álligaris filium.  
 Modo fácito ut illam sérvés. *DE.* ego istuc vídero  
 atque  
 Illí favillae pléna, fumi ac póllinis, 60  
 Coquéndó sit faxo ét molendo: praéter haec  
 Merídie ipso fáciam ut stipulam cólligat;  
 Tam excóctam reddam atque átram, quam car-  
 bóst. *MI.* places.  
 Nunc míhi videre sápere. atque equídem filium,  
 Tum etiám si nolít, cógam ut cum illa uná cubet. 65  
*DE.* Derídes? fortunátus, qui isto animó sies:  
 Ego séntio. *MI.* ah, pergísne? *DE.* iam iam désino.  
*MI.* I ergo íntro; et cui rei est, eí rei hunc suma-  
 mús diem.

## ACTVS V. SCENA IV.

DEMEA.

Númquam ita quisquam béne subducta rátióne ad  
 vitám fuat,  
 Quín res, aetas, úsus semper áliquíd apportét novi,  
 Áliquíd moneat; út illa quae te scíre credas, né-  
 scias;

Ét quae tibi putáris prima, in éxperiundo ut répu-  
dies:

5 Quód nunc mi evenít: nam ego vitam dúram, quam  
vixi úsque adhuc,

Própe decurso spátio omitto. id quámobrem? re  
ipsa répperi,

Fácilitate níhil esse homini mélius neque clemén-  
tia.

Íd esse verum, ex me átque ex fratre cuívis facilest  
nóscere.

Ílle suam semper égit vitam in ótio, in convíviis:

10 Clémens, placidus, núllo laedere ós, adridere óm-  
nibus:

Síbi vixit: síbi súmptum fecit: ómnes benedicúnt,  
amant.

Égo ille agrestis, saévos, tristis, párcus, truculen-  
tús, tenax

Dúxi uxorem: quam íbi miseriam vídi? nati filii,  
Ália cura: heia autem, dum studeo íllis ut quam-  
plúrimum

15 Fácerem, contrivi ín quaerundo vítam atque aeta-  
tém meam:

Núnc exacta aetáte hoc fructi pró labore ab eís fero,  
Ódium: ille alter síne labore pátria potitur cóm-  
moda:

Íllum amant: me fúgitant: illi crédunt consilia  
ómnia:

Íllum diligúnt: aput illum súnť ambo, ego desértus  
sum:

20 Íllum ut vivat óptant, meam autem mórtem ex-  
spectant scílicet.

Íta eos meo labóre eductos máxumo, hic fecít suos  
Paúlo sumptu: míseriam omnem ego cápío; hic  
potitur gaúdia.

Áge nunc iam, experiámur porro cóntra, ecquid  
ego póssiem

Blánte dicere aút benigne fácere, quando huc pró-  
 vocat.  
 Égo quoque a meis me amari et mágni pendi pó- 25  
 stulo.  
 Si id fit cando atque óbsequendo, nón posteriorés  
 feram.  
 Déerit: id mea mínime refert, quí sum natu máxu-  
 mus.

## ACTVS V. SCENA V.

SYRVS. DEMEA.

*SY.* Heus, Démea, rogat fráter ne abeas lóngius.  
*DE.* Quis homo? ó Syre noster, sálve: quid fit?  
 quíd agitur?  
*SY.* Recte. *DE.* óptumest. iam núnc haec tria pri-  
 mum addidi  
 Praetér naturam, o noster, quid fit? quíd agitur?  
 Servum haút inliberálem praebes te: ét tibi 5  
 Lubéns bene faxim. *SY.* grátiam habeo. *DE.* atquí,  
 Syre,  
 Hoc vérumst, et ipsa re éxperiere própédiam.

## ACTVS V. SCENA VI.

GETA. DEMEA.

*GE.* Era, ego húc ad hos províso, quam mox vírgi-  
 nem  
 Accérsant. set eccum Démeam. salvós sies.  
*DE.* O, quí vocare? *GE.* Géta. *DE.* Geta, hominem  
 máxumi  
 Pretí te esse hodie iúdicavi animó meo:  
 Nam is míhi profecto est sérvos spectatús satis, 5  
 Cui dóminus curaest: íta uti tibi sensí, Geta,  
 Et tibi ob eam rem, síquid usus vénerit,  
 Lubéns bene faxim. méditor esse adfábilis:

Et béne procedit. *GE.* bónus es cum haec exístu-  
mas.

10 *DE.* Paulátim plebem prímulum fació mean.

## ACTVS V. SCENA VII.

*AESCHINVS. DEMEA. SYRVS. GETA.*

*AE.* Occídunt me quidem, dúm nimis sanctas nú-  
ptias

Student fácere; in apparádo consumunt diem.

*DE.* Quid ágitur, Aeschine? *AE.* ehém, pater mi,  
tu híc eras?

*DE.* Tuus hércle vero et ánimo et naturá pater;

5 Qui té amat plus quam hosce óculos. set cur nón  
domum

Vxórem accersis? *AE.* cúpio: verum hoc míhi mo-  
raest:

Tibícina, et hymenaéum qui cantént. *DE.* eho,

Vin tu huíc seni auscultáre? *AE.* quid? *DE.* missa  
haéc face,

Hymenaéum, turbas, lámpadas, tibícinas:

10 Atque hánc in horto máceriam iube díruí

Quantúm potest: hac tránsfer: unam fác domum:

Tradúce et matrem et fámiliam omnem ad nós.

*AE.* placet,

Patér lepidissime. *DE.* eúge, iam lepidús vocor.

Fratri aedes fient púrviae: turbám domum

15 Addúcet, sumptum admíttet: multa: quíd mea?

Ego lépidus in eo grátiam. iube núnc iam

Dinúmeret ille Bábylo vigintí minas.

Syre, céssas ire ac fácere? *SY.* quid ego? *DE.* dírué.

Tu illás abi et tradúce. *GE.* di tibi, Démea,

20 Benefácient, cum te vídeo nostrae fámiliae

Tam ex ánimo factum vélle. *DE.* dignos árbitror.

Quid tú ais? *AE.* sic opínor. *DE.* multo réctiust,

Quam illám puerperam hác nunc duci pér viam

Aegrótam. *AE.* nil enim vídi melius, mí pater.

*DE.* Sic sóleo. sed eccum Mício egreditúr foras. 25

## ACTVS V. SCENA VIII

*MICIO. DEMA. AESCHINVS.*

*MI.* Iubet fráter? ubi is est? túniubes hoc, Démea?

*DE.* Ego véro iubeo, et hác re et aliis ómnibus  
Quam máxume unam fácere nos hanc fámiliam,  
Colere, ádiuvare, adiúngere. *AE.* ita quaesó, pater.

*MI.* Haut áliter censeo. *DE.* ímmo hercle ita nobís 5  
deceat:

Primum huíus uxori est máter. *MI.* est. quid póstea?

*DE.* Proba ét modesta. *MI.* ita áiunt. *DE.* natu  
grándior.

*MI.* Scio. *DE.* párrere iam diu haéc per annos nón  
potest:

Nec qui eám respiciat, quisquam est: sola est. *MI.*  
quam híc rem agit?

*DE.* Hanc te aéquum est ducere: ét te operam ut 10  
fiát dare.

*MI.* Me dúcere autem? *DE.* té. *MI.* me? *DE.* te in-  
quam. *MI.* inéptis. *DE.* si tusís homo,

Hic fáciat. *AE.* mi patér. *MI.* quid tu autem huic,  
ásine, auscultas? *DE.* níhil agis:

Fieri áliter non potést. *MI.* deliras. *AE.* síne te exo-  
rem, mí pater.

*MI.* Insánis? aufer. *DE.* áge, da veniam filio. *MI.*  
satin sánus es?

Ego nóvus maritus ánno demum quínto et sexagé- 15  
simo

Fiam, átque anum decrepítam ducam? idne éstis  
auctorés mihi?

*AE.* Fac: prómisi ego illis. *MI.* prómisti autem? dé  
te largitór, puer.

*DE.* Age, quíd si quid te máius oret? *MI.* quási si  
hoc non sit máximum.

*DE.* Da véniam. *AE.* ne graváre. *DE.* fac, promítte.  
*MI.* non omíttitis?

20 *AE.* Non, nísi te exorem. *MI.* vís est haec quidem.  
*DE.* áge prolixè, Mício.

*MI.* Etsi hóc mihi pravum, inéptum, absurdum, at-  
 que álienum a vitá mea

Vidétur: si vos tántopere istuc vóltis, fiat. *AE.*  
 béne facis.

*DE.* Meritó tuo te amo. vérum. *MI.* quid? *DE.* ego  
 dícam, hoc cum fit quód volo.

*MI.* Quid nunc? quid restat? *DE.* Hégio hic est hís  
 cognatus próxumus:

25 Adfínis nobis; paúper: bene nos áliquíd facere illí  
 decet.

*MI.* Quid fácere? *DE.* agelli est híc sub urbe paú-  
 lum quod locitás foras:

Huic démus qui fruátur. *MI.* paulum id aútem est?  
*DE.* sí multúmst, tamen

Faciúndum est: pro patre huíc est; bonus est; nó-  
 ster est; recté datur.

Postrémo nunc meum illud verbum fácio, quod tu,  
 Mício,

30 Bene ét sapienter díxti dudum, Vítium commune  
 ómnium est,

Quod nímium ad rem in senécta attenti súmus.  
 hanc maculam nós decet

Effúgere: dictum est vére, et re ipsa fíeri oportet,  
 Mício.

*MI.* Quíd istic? dabitur quídem, quando hic volt.  
*AE.* mí pater. *DE.* nunc tú mihi,

Mício, es germánus pariter ánimo ac corpore. *MI.*  
 gaúdeo.

35. *DE.* Suó sibi gladio hunc fúgulo. —

---

## ACTVS V. SCENA IX.

SYRVS. DEMEA. MICIO. AESCHINVS.

SY. — Factum est quód iussisti, Démea.

DE. Frúgi homo es. ego édepol hodie meá quidem  
senténtiaIúdico Syrum fieri esse aequum líberum. MI. istunc  
líberum?Quódnam ob factum? DE. múlta. SY. o noster Dé-  
mea, edepol vír bonu's:Égo istos vobis úsque a pueris cúravi ambos sé- 5  
dulo;Dócui, monui, béne praecepi sémpér, quae potui  
ómnia.DE. Rés apparet. ét quidem porro haec, óbsonare  
cúm fide,

Scórtum adducere, ápparare dé die convívium:

Nón mediocris hóminis haec sunt ófficia. SY. o lepi-  
dúm caput.DE. Póstremo, hodie in psáltria ista emúnda hic 10  
adiutór fuit,

Híc curavit: pródesse aequumst: álii meliories erunt:

Dénique hic vult fieri. MI. vin tu hoc fieri? AE. cu-  
pio. MI. sí quidemTú vis, Syre, eho accéde huc ad me: líber esto. SY.  
béne facis:Ómnibus gratiam hábeo: et seorsum tíbi praeterea,  
Démea.DE. Gaúdeo. AE. et ego. SY. crédo: utinam hoc 15  
perpétuum fiat gaúdium,Phrýgiam ut uxorem meam una mécum videam lí-  
beram.DE. Óptumam quidem múlierem. SY. et quidem  
tuó nepoti huius filioHódie prima mámmam dedit haec. DE. hércle  
vero sério,

- Síquidem prima dédit; haut dubiumst quín emitti  
 aequúm siet.
- 20 *MI.* Ób eam rem? *DE.* ob eam: póstreño a me ar-  
 géntum, quanti est, súmito.
- SY.* Dí tibi, Demea, ómnia omnes sémper optata  
 ófferant.
- MI.* Síyre, processisti hódie pulchre. *DE.* síquidem  
 porro, Mício,  
 Tú tuum officium fácies; atque huic áliquid pau-  
 lum praé manu  
 Déderis, unde utátur. reddet tibi cito. *MI.* istoc  
 vílius.
- 25 *AE.* Frúgi homo est. *SY.* reddam hércle, da modo.  
*AE.* áge, pater. *MI.* post cónsulam.
- DE.* Fáciet. *SY.* o vir óptume. *AE.* o patér mi festi-  
 víssime.
- MI.* Quíd istuc? quae res tám repente móres muta-  
 vít tuos?  
 Quód prolubium? quae ístaec subita est lárgitas?  
*DE.* dicám tibi:  
 Vt id ostenderém, quod te isti fácilem et festivúm  
 putant,
- 30 Íd non fieri ex véra vita, néque adeo ex aequo ét  
 bono;  
 Sét adsentando atque índulgento et lárgiendo,  
 Mício.  
 Núnc adeo si ob eám rem vobis méa vita invisa,  
 Aéschine, est;  
 Quía non iusta iniústa prorsus ómnia omnino ób-  
 sequor;  
 Míssa facio: effúndite, emite, fácite quod vobis  
 lubet.
- 35 Séd si id vultis pótius, quae vos própter adules-  
 céntiam  
 Mínus videtis, mágis inpense cúpitis, consulitís  
 parum,



Haéc reprehendere ét corrigere quem, óbsecun-  
dare ín loco:

Écce me, qui id fáciám vobis. *AE.* tíbi, pater, per-  
míttimus:

Plús scis quid opus fácto est. set de frátre quid  
fiét? *DE.* sino.

Hábeat: in istac fínem faciat. *MI.* ístuc recte. Plaú- 4c  
dite.

---



**HECYRA TERENTI.**



# FABVLAE INTERLOCVTORES.

*PHILOTIS* meretrix.

*SYRA* anus.

*PARMENO* servus.

*LACHES* senex.

*SOSTRATA* matrona.

*PHIDIPPVS* senex.

*PAMPHILVS* adulescens.

*MYRRHINA* matrona.

*SOSIA* servus.

*BACCHIS* meretrix.

---

*Acta ludis Megalensib. Sex. Iul. Caesare Cn. Cornelio Dolabella Aedil. Curulib. Non est Peracta. Modos fecit Flaccus Claudi. Tibiis parib. Tota graeca Menandru facta est. Acta primo sine Prologo. Data secundo Cn. Octavio T. Manlio Coss. Relata est L. Aemilio Paulo ludis funerabilib. Non est placita. Tertio Relata est Q. Fulvio L. Marcio Aedilib. Curulib. Egit L. Ambivius Turpio. Placuit.*

---

## PROLOGVS.

---

**H**ecyra ést huic nomen fabulæ: haec cùm data est  
Nova, eí novum intervénit vitium et cálamitas,  
Vt néque spectari néque cognosci pótuerit:  
Ita pópulus studio stúpidus in funámbulo  
Animum óccuparat. nunc haec plane est pró nova 5  
Et ís qui scripsit hánc, ob eam rem nóluit  
Iterúm referre, ut íterum posset véndere.  
Aliás cognostis éius: quaeso hanc nóscite.

## ALTER PROLOGVS.

Orátor ad vos vénio ornatu prólogi:  
Sinite éxorator sim: eódem ut iure utí senem  
Liceát, quo iure sum úsus adulescéntior;  
Novás qui exactas féci ut inveteráscerent;  
Ne cùm poeta scríptura evanésceret. 5  
In hís, quas primum Caécili didicí novas,  
Partím sum earum exáctus: partim víx steti.  
Quia scíbam dubiam fórtunam esse scaénicam,  
Spe incérta, certam míhi laborem sústuli.  
Easdem ágere coepi, ut áb eodem alias díscerem 10  
Novás, studiose: ne íllum ab studio abdúcerem.  
Perféci ut spectaréntur. ubi sunt cógnitæ,  
Placitaé sunt. ita poétam restitui ín locum,  
Prope íám remotum iniúria adversárium  
Ab stúdio, atque ab labóre, atque arte ab música. 15

Quod sí scriptorem sprévissem in praeséntia,  
 Et in déterrendo vóluissem operam súmere,  
 Vt in ótío esset, pótius quam in negótio;  
 Detérruissem fácite, ne alias scríberet.

- 20 Nunc quíd petám, mea caúsa aequo animo atténdite,  
 Hecyram ad vos refero, quám mihi per siléntium  
 Numquam ágere licitum est; ita eam oppressit cá-  
 lamitas.

Eam cálamitatem véstra intellegéntia  
 Sedábit, si erit adiútrix nostrae indústriae.

- 25 Cum prímum eam agere coépi, pugilum glória,  
 Funámbuli eodem accédens exspectátio,  
 Comitúm conventus, strépitus, clamor múlierum  
 Fecére, ut ante témpus excirém foras.

Vetere in nova coepi úti consuetúdone,

- 30 In éxperiundo ut éssem: refero dénuo.  
 Primo áctu placeo: cum ínterea rumór venit  
 Datum íri gladiatóres: populus cónvolat:  
 Tumúltuantur, clámant, pugnant dé loco:  
 Ego intérea meum non pótui tutarí locum.

- 35 Nunc túrba non est: ótium et siléntium est:  
 Agéndi témpus míhi datum est: vobís datur  
 Potéstas condecorándi ludos scaénicos.

Nolíte sinere pér vos artem músicam

Recídere ad paucos: fácite, ut vestra auctóritas

- 40 Meae auctóritati faútrix adiutríxque sit.  
 Si númquam avare prétium statui artí meae;  
 Et eum esse quaestum in ánimum induxi máximum,  
 Quam máxume servíre vostris cómmodis;  
 Sinite ímpetrare mé, qui in tutelám meam

- 45 Studiúm suum, et se in vóstram commisít fidem,  
 Ne eum circumentum iníque iniqui inrídeant.  
 Mea caúsa causam accípíte, et date siléntium:  
 Vt lúbeat scribere álias, mihi que ut díscere  
 Novás expediat, pósthac pretio emptás meo.
-

## ACTVS I. SCENA I.

*PHILOTIS meretrix. SYRA anus.*

*PH.* Per pól quam paucis réperias meretrícibus  
Fidélis evenísse amatorés, Syra.

Vel hic Pámphilus iurábat quotiens BÁCchidi,  
Quam sáncte, ut quivis fáctile posset crédere,  
Numquam ílla viva uxórem ducturúm domum. 5

Em dúxit. *SY.* ergo própterea te sédulo  
Et móneo et hortor, né te cuiusquam míserreat  
Quinspólies, mutiles, láceres, quemquem náctas ís.

*PH.* Vtín eximium néminem habeam? *SY.* néminem,  
Nam némo quisquam illórum scito ad té venit, 10

Quin íta paret sese, ábs te ut blanditiís suis  
Quam mínimo pretio suám voluptatem éxpleat  
Hiscíne tu amabo nón contra insidiábere?

*PH.* Tamén pol eandem iniúriumst esse ómnibus.

*SY.* Iniúrium autem est úlcisci adversários? 15

Aut quá via captent té illi, eadem ipsós capi?

Eheú me miseram, cúr non aut istaéc mihi  
Aetás et forma est, aút tibi haec senténtia?

## ACTVS I. SCENA II.

*PARMENO. PHILOTIS. SYRA.*

*PA.* Senéx si quaeret mé, modo-ísse dícito  
Ad pórtum, percontátum adventum Pámphili.

Audín quid dicam, Scírte? sí quaerét me, uti  
Tum dícas: si non quaéret, nullus dixeris:

Aliás ut uti póssim causa hac íntegra. 5

Set vídeon ego Philótium? unde haec ádvenit?

Philótis, salve múltum. *PH.* o salve, Pármeno.

*SY.* Salvé mecastor, Pármeno. *PA.* et tu edepól,  
Syra.

Philótis, dic mi ubi te óblectasti tám diu?

*PH.* Minime équidem me oblectávi, quae cum mílite 10

Corínthum hinc sum profécta inhumaníssimo:  
Biénnium ibi perpétuum misera illúm tuli.

*PA.* Edepól te desidérium Athenarum árbitror,  
Philótium, cepísse saepe: et té tuum

15 Consílium còntemísse. *PH.* non dicí potest,  
Quam cúpida eram huc redeúndi, abeundi a mílite,  
Vosque híc videndi, antíqua ut consuetúdine  
Agitárem inter vos libere convívium:

Nam illi haút licebat nísi praefinitó loqui,

20 Quae illí placerent. *PA.* haút opinor cómmode  
Finém statuisse orátioni mílitem.

*PH.* Set quíd hoc negoti est? módo quae narravít  
mihí

Hic íntus Bacchis? quód ego numquam crédidi  
Fore, ut ille hac viva pósset animum indúcere

25 Vxórem habere. *PA.* habére autem? *PH.* eho tu,  
an nón habet?

*PA.* Habét: set firmae haec véreor ut sint núptiae.

*PH.* Ita dí deaeque fáxint: si in rem est Báčchidis.  
Set quí istuc credam ita ésse, dic mihí, Pármeno.

*PA.* Non ést opus proláto: hoc percontárier

30 Desíste. *PH.* nempe ea caúsa, ut ne id fiát palam.  
Ita mé di amabunt, haút propterea té rogo,  
Vt hoc próferam, set ut tácita mecum gaúdeam.

*PA.* Numquám tam dices cómmode, ut tergúm  
meum

Tuam ín fidem còmmittam. *PH.* ah noli, Pármeno:

35 Quasi tú non multo mális narrare hóc mihí,  
Quam ego quae percontor, scíre. *PA.* vera haec  
praédicat:

Et illúd mihí vitiumst máximum. si míhi fidem

Das, té tacituram, dicam. *PH.* ad ingeniúm redis.

Fidém do: loquere. *PA.* auscúlta. *PH.* istic sum.

*PA.* hanc Báčchidem

40 Amábat, ut cum máxume, tum Pámphilus,  
Cum páter, uxorem ut dúcat, orare óccipit:



Et hæc communia ómnium quæ súnť patrũ,  
 Seném sese esse dícere, illum autem esse únicũ  
 Praesídium velle sé senectutí suæ.  
 Ille prímo se negáre. set postquam ácrius 45  
 Pater ínstat, fecit ánimi ut incertús foret,  
 Pudórin anne amóri obsequeretúr magis.  
 Tundéndo atque odio dénique effecít senex:  
 Despóndit ei gnatam huíus vicini próximi.  
 Vsque illud visum est Pámphilo ne utiquám grave; 50  
 Donéc iam in ipsis núptiis, postquám videt  
 Parátas; nec moram úllam, quin ducát, dari:  
 Ibi démum ita aegre túlit, ut ipsam Báčchidem,  
 Si adéret, credo ibi eíus commiserésceret.  
 Vbicúmque datum erat spátium solitúdinis, 55  
 Vt cónloqui mecum úna posset: Pármeno,  
 Perí, quid ego egi? in quód me coniecí malum?  
 Non pótero ferre hoc, Pármeno: perí miser.  
*PH.* At té di deaeque cùm tuo istoc odió, Laches.  
*PA.* Vt ad paúca redeam, uxórem deducít domum. 60  
 Nocte illa prima vírginem non áttigit:  
 Quæ cónsecutast nóx eam, nihiló magis.  
*PH.* Quid ais? cum virgine úna adulescens cúbuerit  
 Plus pótus, sese illa ábstinere ut pótuert?  
 Non vérissimile dícis: neque verum árbitror. 65  
*PA.* Credo ita videri tibi: nam nemo ad té venit  
 Nisi cúpiens tui: ille invítus illam dúxerat.  
*PH.* Quid deíndé fit? *PA.* diébus sane paúculis  
 Post, Pámphilus me sólum seducít foras;  
 Narrátque, ut virgo ab se íntegra etiam túm siet: 70  
 Seque ánte, quam eam uxórem duxissét domum,  
 Sperásse, eas toleráre posse núptias.  
 Set quám decrerim mé non posse díutius  
 Habére, eam ludíbrío haberi, Pármeno,  
 Quin íntegram itidem réddam, ut accepí, suis, 75  
 Neque honéstum mihi, neque útile ipsi vírgini est.  
*PH.* Pium ác pudicum ingénium narras Pámphili.

*PA.* Hoc égo proferre, incómodum mi esse árbitor:

Reddí patri autem, cui tu nil dicás viti,

80 *Supérbum est: set illam spéro, ubi hoc cognóverit  
Non pósse se mecum ésse, abituram dénique.*

*PH.* Quid intérea? íbatne ad BÁCCHIDEM? *PA.* cotidie.  
Set út fit, postquam hunc álienum ab sesé videt,  
Malígna magis et mágis procax facta ílico est.

85 *PH.* Non édepol mirum. *PA.* atque éa res multo  
máxime

Disiúnxit illum ab ílla; postquam et ípse se,  
Et íllam, et hanc quae dómi erat, cognovít satis,  
Ad amússim ambarum móres earum exístumans.  
Haec, íta uti liberáli atque ingenuae decet,

90 *Pudéns, modesta; incómmoda, atque iniúrias  
Viri ómnis ferre; et tégere contumélias.*

*Hic ánimus partim uxóris misericórdia  
Devínctus, partim víctus huius iniúria,  
Paulátim elapsust BÁCCHIDI, atque huc tránstulit*

95 *Amórem, postquam pár ingenium náctus est.  
Intérea in Imbro móritur cognatús senex  
Horúnce. ad hos ea rédiit lege heréditas.  
Eo amántem invitum Pámphilum extrudít pater.  
Relíquit hic cum mátre uxorem: nám senex*

100 *Rus ábdit sese: huc ráro in urbem cómmeat.  
PH.* Quid adhúc habent infírmitatis núptiae?

*PA.* Nunc aúdiés. primo hós dies complúsculos  
Bene cónvenibat sáne inter eas. ínterim  
Mirís modis odísse coepit Sóstratam:

105 *Neque lítes ullae intér eas, postulátio  
Numquám. PH.* quid igitur? *PA.* sí quando ad  
eam accésserat

*Confábulatum, fúgere e conspectu ílico,  
Vidére nolle: dénique ubi non quít pati,  
Simulát se ad matrem accérsi ad rem divínam, abit;*

110 *Vbi illíc dies est complúris, accersí iubet:*

Dixere causam nescio quam. iterum iubet;  
 Nemo remisit. postquam accersit saepius,  
 Aegram esse simulant mulierem. nostra ilico  
 It visere ad eam: admisit nemo. hoc ubi senex  
 Recevit, heri ea causa rure huc advenit, 115  
 Patrem continuo convenit Philumena.  
 Quid egerint inter se, nondum etiam scio:  
 Nisi sane curae est, quorsum eventurum hoc siet.  
 Habes omnem rem: pergam quo coepi hoc iter.  
 PH. Et quidem ego: nam constitui cum quodam 120  
 hospite

Ne esse illum conventuram. PA. di vortant bene  
 Quod agas. PH. vale. PA. et tu bene vale, Philotium.

## ACTVS II. SCENA I.

LACHES. SOSTRATA.

LA. Pro Deum atque hominum fidem, quod hoc ge-  
 nus est, quae haec est coniuratio?

Vtn' omnes mulieres eadem aequestudeant, nolint-  
 que omnia?

Neque declinatam quicquam ab aliarum ingenio  
 ullam reperias?

[Itaque adeo uno animo omnes socrus oderunt  
 nurus.]

Viris adversari aequae studium est, similis pertinacia- 5  
 ciast.

In eodemque omnes mihi videntur ludo doctae ad  
 malitiam.

Ei ludo, si ulla sit magistra, hanc esse satis certo scio.

SO. Me miseram, quae nunc, quamobrem accuser,  
 nescio. LA. hem, tu nescias.

SO. Ita me di bene ament, mi Laches,

Itaque una inter nos agere aetatem liceat. LA. di 10  
 mala prohibeant.

SO. Meque abs te immerito esse accusatam, post-  
 modo rescisces, scio.

*LA.* Te in mérito? an quicquam pro ístis factis dígnum te dici potest?

Quae me ét te et familiám dedecoras, filio luctúm paras.

Tum autem, éx amicis ínimici ut sint nóbis adfús, facis:

15 Qui illúm decrerunt dígnum, suos cui líberos committerent.

Tu sóla exórere, quae perturbes haéc, tua inprudéntia.

*SO.* Egon? *LA.* tu, ínquam, mulier, quae me onnino lápidem, non hominém putas.

An, quía ruri esse crébro soleo, néscire arbitrámíni Quo quisque pacto hic vítam vestrorum éxigat?

20 Múlto melius híc quae fiunt, quam illi ubi sum adsídué, scio:

Ídeo quia, ut vos dómi mihi eritis, proínde ego ero famá foris.

Iámpridem equidem audívi cepisse ódium tu Philúmenam:

Mínimeque adeo mírum; et, ni id fecísset, magis mirúm foret.

Sét non credidi ádeo, ut etiam tótam hanc odissét domum:

25 Quód si scissem, illa híc maneret pótius, tu hinc issés foras.

Át vide, quam inmerito aégritudo haec óritur mi abs te, Sóstrata:

Rús habitatum abíi, concedens vóbis et rei sérvians; Súmptus vestros ótiumque ut nóstra res possét pati, Meó labori haut párcens, praeter aéquom atque aetatém meam.

30 Nón te pro his curásse rebus, né quíd aegre essét mihi?

*SO.* Nón mea opera, néque pol culpa événit. *LA.* immo máxume:

Sóla hic fuisti: in te ómnis haeret cúlpa sola, Só-  
strata.

Quae híc erant curáres; cum ego vos cúris solvi  
céteris.

Cúm puella anúm suscepisse ínimicitias nón pudet?

Íllius dices cúlpa factum? *SO.* haut équidem dico, 35  
mí Laches.

*LA.* Gaúdeo, ita me dí ament, gnati caúsa: nam de  
té quidem,

Sátis scio, peccándo detriménti nil fierí potest.

*SO.* Quí scis, an ea caúsa, mi vir, me ódisse adsi-  
muláverit,

Út cum matre plús una esset? *LA.* quíd ais? non si-  
gni hóc sat est;

Quód heri nemo vóluit visentem ad eam te intro 40  
admittere?

*SO.* Énim lassam oppidó tum esse aibant: eo ad  
eam non admíssa sum.

*LA.* Tuós esse ego illi móres morbum mágis quam  
ullam aliam rem árbitor;

Ét merito adeo: nám vostrarum núllo est, quin  
gnatúm velit

Dúcere uxorem: ét quae vobis plácita est, condició  
datur:

Úbi duxere inpúlsu vestro, véstro impulsu easdem 45  
éxigunt.

## ACTVS II. SCENA II.

*PHIDIPPVS. LACHES. SOSTRATA.*

*PH.* Etsí scio ego, Philúmena; meum iús esse, ut te  
cógam

Quae ego ímperem facere: égotamen patrio ánimo  
victus fáciám,

Út tibi concedam; néque tuae libídini adversábor.

*LA.* Atque éccum Phidippum óptume video: hinc  
iam scibo quíd sit.

5 Phidíppe, et ego meis me ómnibus scio esse ád-  
prime obsequéntem;

Set nón adeo ut mea fácilitas corrúmpat illorum  
ánimos:

Quod tú si idem facerés, magis rem in vóstram et  
nostram id ésset.

Nunc vídeo in illarum ésse te potéstate. *PH.* heia  
véro.

*LA.* Adí te heri de filíá: ut veni, ítidem incertum  
amísti.

10 Haut íta decet, si pérpetem hanc vis ésse adfinitá-  
tem,

Celáre te iras. sí quid est peccátum a nobis, prófer:  
Aut éa refellendó tibi aut purgándo corrigémus,  
Te iúdice ipso. sín east retinéndi causa apút vos,  
Quia aégra est: te mi iniúriam facere árbitror,  
Phidíppe,

15 Si métuis satis ut meae domi curétur diligénter.

At íta me di ament, haút tibi hoc concédo, etsi illi  
páter es,

Vt tu íllam salvam mágis velis; id ádeo gnati cáusa:  
Quem ego íntellexi illam haút minus quam se  
ípsum magni fácere.

Neque ádeo clam te est, quam ésse cum latúrum  
graviter crédam,

20 Hoc sí rescierit: eó domum studeo hánc, prius  
quam ille huc rédeat.

*PH.* Lachés, et diligéntiam vestram ét benignitátem  
Novi: ét quae dicis, ómnia esse, ut dicis, animum  
indúco:

Et te hóc mi cupio crédere: illam ad vós redire  
stúdeo,

Si fácere possim ulló modo. *LA.* quae rés te id fa-  
cere próhibet?

25 Eho, núnquidnam accusát virum? *PH.* minumé  
nam postquam atténdi

Magis, ét vi coepi cógere ut redíret; sancte adiúrat,  
 Non pòsse aput vos Pámphilo se absénte perduráre:  
 Aliúd fortasse aliíviti est: ego sum ánimo leni nátus:  
 Non pòssum advorsarí meis. *LA.* hem, Sóstrata.

*SO.* heu me míseram!

*LA.* Certúmne est istuc? *PH.* núnc quidem ut vi- 30  
 détur: set numquíd vis?

Nam est quód me transire ád forum iam opórtet.

*LA.* eo tecum úna.

## ACTVS II. SCENA III.

*SOSTRATA.*

Édepol ne nos súmus inique aeque ómnes invisae  
 viris,

Própter paucas: quae ómnes faciunt dígnae ut vi-  
 deamúr malo.

Nam íta me di ament, quód me accusat vír nunc,  
 sum extra nóxiam.

Sét non facile est éxpurgatu: ita ánimum induxe-  
 rúnt, socrus

Ómnis esse iníquas: haut pol mé quidem: nam 5  
 numquám secus

Hábui illam, ac si ex mé esset nata: nec, qui hoc  
 mi eveniát, scio:

Nísi pol filiúm multimodis iam éxpeto, ut redeát  
 domum.

## ACTVS III. SCENA I.

*PAMPHILVS. PARMENO. MYRRHINA.*

*PAM.* Némini plura ego acérba credo esse éx  
 amore homini úmquam oblata,

Quám mi. heu me infelícem, hancine ego vítam  
 parsi pérdere?

Hácine causa eram égo tantopere cúpidus rede-  
 undí domum? ah,

Quánto fuerat praestabilius, úbivis gentium ágere  
aetatem,

5 Quam húc redire? atque haéc ita esse míserum me  
resciscere?

Nam ómnibus nobis, quíbus est alicunde áliquis  
obiectús labos,

Ómne quod est intérea tempus priúsqvam id re-  
scitúmst, lucrost.

*P A R.* Át sic citius quí te expedias hís aerumnis,  
réperias.

Sí non rediissés, haec irae fáctae essent multo ámp-  
liores:

10 Sét nunc adventúm tuum ambas, Pámphile, scio ré-  
verituras.

Rém cognosces: íram expedies: rúrsum in gra-  
tiám restitues.

Lévia sunt, quae tú pérgravia esse ín animum ín-  
ductí tuum.

*P A M.* Quid cónsolare me? án quisquam usquam  
géntiumst aequé miser?

Prius quam hanc uxorem dúxi, habebam alibi áni-  
mum amori déditum:

15 Iam in hác re, ut taceam, cuívís facile est scítu,  
quam fuerím miser:

Tamén numquam ausus súm recusare eám, quam  
mi obtrudít pater.

Vix me hínc abstraxi, atque ímpeditum in eo éxpe-  
divi animúm meum;

Vixque húc contuleram: em nóva res ortast, pórró  
ab hac quae me ábstrahat.

Tum aut mátrém ex ea re me aut uxorem in cúlpa  
inventurum árbitor:

20 Quod cum ita esse inveneró, quid restat, nísi porro  
ut fiám miser?

Nam mátris ferre íniúrias me, Párméno, pietás  
iubet:



Tum uxóri obnoxíus sum; ita olim suó me ingenio  
pértulit:

Tot meás iniuriás quae numquam nullo patefecít  
loco.

Set mágnum nescio quíd necesse est évenisse, Pár-  
meno,

Vnde íra inter eas íntercessit, quae tam permansít 25  
diu.

*PAR.* Aut quidem hércle parvom, sí vis veram  
vérba ad rationem éxigi.

Non máxumae, quae máxumae sunt ínterdum irae,  
iniúriae

Faciúnt: nam saepe est, quíbus in rebus álius ne  
iratús quidem est,

Cum de eádem causa est íracundus fáctus inimi-  
císsimus.

Pueri ínter sese quas pro levibus nóxiis irás gerunt? 30  
Quaprópter? quia enim qui eós gubernat ánimus,

infirmúm gerunt.

Ítidem illae mulierés sunt, ferme ut púeri, levi sen-  
téntia:

Fortásse unum aliquod vérbum inter eas íram hanc  
conciuísse, ere.

*PAM.* Abi, Pármeno, intro, ac mé venisse núntia.

*PAR.* hem quid hoc ést? *PAM.* tace.

Trepidári sentio, ét cursari rúrsum prorsum. *PAR.* 35  
agedum, ád fores

Accédo propius. hé m, sensistin? *PAM.* nóli fabulá-  
rier.

Pro Iúppiter, clamórem audivi. *PAR.* túteloqueris,  
mé vetas.

*MY.* Tace óbsecro mea gnáta. *PAM.* matris vóx vi-  
sast Philúmenae.

Nullús sum. *PAR.* qui dum? *PAM.* périi. *PAR.* quam-  
obrem? *PAM.* néscio quod magnúm  
malum

40 Profecto, Parmenó me celas. *PAR.* úxorem Philúmenam

Pavitáre nescio quíd dixerunt: íd si forte est, nescio.

*PAM.* Intérii: cur id míhi non dixti? *PAR.* quía non poteram una ómnia.

*PAM.* Quid mórbi est? *PAR.* nesció. *PAM.* quid? nemon médicum adduxit? *PAR.* nescio.

*PAM.* Cesso hinc ire intro, ut hóc quamprimum, quícquid est, certó sciam?

45 Quonám modo, Philúmena mea, núnc te offendam adféc tam?

Nam sí periculum in te úllum inest, perísse me una haut dúbium est.

*PAR.* Non úsus factó est míhinunc hunc intró sequi: Nam invísos omnis nós esse illis séntio.

Heri némo voluit Sóstratam intro admíttere.

50 Si fórte morbus ámplior factús siet,  
Quod sáne nolim, máxume eri causá mei;  
Servom flico introiísse dicent Sóstratae,  
Aliquíd tulisse cómmiscentúr mali,  
Capiti átque aetati illórum, morbus qui aúctus sit.

55 Era in crímen veniet, égo vero in magnúm malum.

### ACTVS III. SCENA II.

*SOSTRATA. PARMENO. PAMPHILVS.*

*SO.* Nesció quíd iamdudum aúdio hic tumúltuari mísera:

Male métuo, ne Philúmenae magis mórbus adgrávéscat:

Quod te Aésculapi, et té Salus, ne quíd sit huius, óro.  
Nunc ad eam visam. *PAR.* heus, Sóstratâ. *SO.* hem.  
*PAR.* iterum ístinc excludére?

5 *SO.* Ehem Pármeno, tun híc eras? perii, quíd faciam mísera?

Non visam uxorem Pámphili, cum in próxumo hic sit aégra?

*P A R.* Non vísas? ne mittás quidem viséndi causa  
quémquam.

Nam quí amat cui odio ípsus est, bis fácere stulte  
dúco.

Labórem inanem ipsús capit, et illí molestiam ad-  
fert.

Tum fílius tuus íntroíit vidére, ut venit, quíd agat. 10

*S O.* Quid áis? an venit Pámphilus? *P A R.* venit.

*S O.* dis gratiam hábeo.

Hem, istóc verbo animus mí rediit, et cúra ex corde  
excéssit.

*P A R.* Iam eá te causa máxume nunc húc introire  
nólo:

Nam sí remittent quíppiam Philúmenam dolóres,  
Omném rem narrabít, scio, contínuo sola sóli. 15

Quae intérvos intervénérint, unde órtum est ini-  
tium írae.

Atque éccum video ipsum égređi, quam trístis. *S O.*  
o mi gnáte.

*P A M.* Mea máter, salve. *S O.* gaúdeo venísse sal-  
vom, sálvan

Philúmena est? *P A M.* meliúscula est. *S O.* utinam  
ístuc ita di fáxint.

Quid tu ígitur lacrumas? aút quid es tam trístis? 20

*P A M.* recte, máter.

*S O.* Quid fúit tumulti? díe mihi: an dolór repente  
invásit?

*P A M.* Ita fáctumst. *S O.* quid morbi ést? *P A M.* fe-  
bris. *S O.* cotídiana? *P A M.* ita áiunt.

Isódes intro, cónsequar iam té, mea mater. *S O.* fiat.

*P A M.* Tu púeris curre, Pármeno, obviam, átque  
eis onera adiúta.

*P A R.* Quid? nón sciunt ipsí viam, domúm qua re- 25  
deant? *P A M.* céssas?

## ACTVS III. SCENA III.

PAMPHILVS.

Néqueo mearum rerum initium ullum invenire idoneum,

Vnde exordiár narrare, quae nec opinanti accidunt;  
Partim quae perspéxi his oculis, partim quae accepi auribus:

Quá me propter exanimatum citius eduxí foras.

5 Nám modo intro ut mé corripui tímíduS, alio súspicans

Mórbo me visúrum adfectam ac sénsi uxorem esse;  
eí mihi,

Póstquam me aspexére ancillae advénisse, ilico  
omnés simul

Laétae exclamant, Vénit, id quod dérepente aspéxerant.

Sét continuo vóltum earum sénsi inmutari ómni-  
um,

10 Quía tam incommode íllis fors obtúlerat adventúm  
meum.

Vna illarum intérea propere praécucurrit, nuntians  
Mé venisse: ego eíus videndi cúpidus, recta conséquor.

Póstquam intro adveni, éxtemplo eius mórbum cognoví miser:

Nám neque, ut celáre posset, témpus spatium ul-  
lúm dabat:

15 Néque voce alia, ac res monebat ípsa, poterat cón-  
queri.

Póstquam aspexi, o fácinus indignum ínquam: et  
corripui ílico

Me índe lacrumans, íncredibili re átque atroci pér-  
citus:

Máter consequitúr: iam ut limen éxirem, ad genua  
áccidit,

Lácrumans misera: míseritum est. profécto hoc sic  
est, út puto.

Ómnibus nobis út res dant sese, íta magni atque 20  
humilés sumus.

Hánc habere orátionem mécum principio ínstitit:  
Ó mi Pamphile, ábs te quamobrem haec ábierit,  
causám vides:

Nám vitium est oblátum virgini ólim ab nescio quo  
ínprobo.

Núnc huc confugít, te atque alios pártum ut cela-  
rét suum.

Sét cum orata ciús reminiscor, néqueo quin lacru- 25  
mém miser.

Quaéque fors fortúna est, inquit, nóbis quae te ho-  
die óbtulit,

Pér eam te obsecrámus ambae, sí ius, si fas ést, uti  
Ádvorsa eius pér te tecta tácitaque aput omnis  
sient.

Si úmquam te erga animo ésse amico sénsti eam,  
mi Pámphile;

Síne labore hanc grátiam te ut sibi des pro illa, 30  
núnc rogat.

Céterum de rédducenda id fácias, quod in rem sít  
tuam.

Párturire eám, neque gravidam esse éx te, solus  
cónsciús.

Nam áiunt tecum pósť duobus cóncubuisse eam  
ménibus.

Túm, postquam ad te vénit, mensis ágitur hic iam  
séptimus:

Quód te scire, ipsa índicat res. núnc si potis est, 35  
Pámphile,

Máxume voló doque operam, ut clam éveniat par-  
tús patrem,

Átque adeo omnis. sét si id fieri nóñ potest quin  
séntiant,

Dícam abortum essé: scio nemini áliter suspectúm fore,

Quín, quod verisímile est, ex te récte eum natúm putent.

40 Cóntinuo exponétur: hic tibi níhil est quicquam incómodi:

Ét illi miserae indígne factam iniúriam contéxeris. Póllicitus sum; et sérvare in eo cértumst, quod dixí, fidem.

Nám de redducénda, id vero ne útiquam honestum esse árbitror:

Néc faciam; etsi amór me graviter cónsuetudoque eíus tenet.

45 Lácrumo, quae posthác futurast víta cum in mentém venit

Sólitudoque. ó fortuna, ut núnquam perpetua és data.

Sét iam prior amór me ad hanc rem exércitatum réddidit.

Quó ego eum consílio missum féci, eodem huic operám dabo.

Adest Pármeno cum púeris: hunc minimést opus

50 In hác re adesse: nám ólim soli crédidi,

Eá me abstinuísse ín principio, cúm data est:

Vereór, si clamorem eíus hic crebro exaúdiat,

Ne párturire intéllegat. aliquó mihi est

Hinc áblegandus, dúm parit Philúmena.

### ACTVS III. SCENA IV.

*PARMENO. SOSIA. PAMPHILVS.*

*PAR.* Ain tú tibi hoc incómodum evenísse iter?

*SO.* Non hércle verbis, Pármeno, dicí potest

Tantúm, quam re ipsa návigare incómodumst.

*PAR.* Itane ést? *SO.* o fortunáte, nescis quíd mali

5 Praetérieris, qui núnquam es ingressús mare.

Nam aliás ut mittam míserias, unam háne vide:

Diés triginta aut plús eo in naví fui,

Cum intérea semper mórtem exspectabám miser:

Ita úsque advorsa témpestate usí sumus.

*PAR.* Odiósum. *SO.* haut clam me est: dénique her- 10  
cle aufúgerim

Potiús, quam redeam, si eó mi redeundúm sciam.

*PAR.* Olím quidem te caúsae impellebánt leves,

Quod núnc minitare fácere, ut faceres, Sósia.

Set Pámphilum ipsum vídeo stare ante óstium:

Ite íntro: ego hunc adíbo, si quid mé velit. 15

Ere, étiam tu hic stas? *PAM.* ét quidem te exspe-  
ctáns. *PAR.* quid est?

*PAM.* In árcem transcurso ópus est. *PAR.* cui ho-  
miní? *PAM.* tibi.

*PAR.* In árcem? quid eo? *PAM.* Cállidemidem hó-  
spitem

Mycónium, qui mecum úna vectust, cónveni.

*PAR.* Períí. vovisse hunc dícam, si salvós domum 20

Redísset umquam, ut me ámbulando rúmperet.

*PAM.* Quid céssas? *PAR.* quid vis dícam? an con-  
veniám modo?

*PAM.* Immo, quód constitui me hódie conventú-  
rum eum,

Non pósse, ne me frústra illi exspectét. vola.

*PAR.* At nón novi hominis fáciem. *PAM.* at faciam 25  
ut nóveris:

Magnús, rubicundus, críspus, crassus, caésius,

Lentígínoza fácie. *PAR.* di illum pérduint.

Quid, sí non veniet? máneamne usque ad vésperum?

*PAM.* Manéto: curre. *PAR.* nón queo: ita deféssus  
sum.

*PAM.* Ille ábiit. quid agam infélix? prorsus néscio 30

Quo pácto hoc celem, quód me oravit Mýrrhina,

Suae gnátae partum: nám me miseret múlieris.

Quod pótero faciam, támen ut pietatém colam:

Nam mé parenti pótius quam amori óbsequi  
 35 Opórtet. attat éccum Phidippum ét patrem  
 Video: hórsum pergunt. quíd dicam hisce, incértus  
 sum.

## ACTVS III. SCENA V.

*LACHES. PHIDIPPVS. PAMPHILVS.*

*LA.* Díxtin dudum illám dixisse, se éxspectare  
 filium?

*PH.* Fáctum. *LA.* venisse áiunt: redeat. *PA.* cáusae  
 quíd dicám patri,

Quámobrem non reddúcam, nescio. *LA.* quém ego  
 hic audiví loqui?

*PA.* Cértum offirmare ést viam me quám decrevi  
 pérsequi.

5 *LA.* Ípsus est de quo hóc agebam técum. *PA.* salve,  
 mí pater.

*LA.* Gnáte mi, salvé. *PH.* bene factum te ádvenisse,  
 Pámphile:

Ét adeo, quod máximumst, salvum átque validum.  
*PA.* créditur.

*LA.* Ádvenis modo? *PA.* ádmodum. *LA.* cedo, quíd  
 reliquit Phánia

Cónsebrinus nóster? *PA.* sane hercle hómo volup-  
 tati óbsequens

10 Fúit, dum víxit: ét qui sic sunt, haút multum he-  
 redém iuvant.

Síbi vero hanc laudém relinqúont: víxit, dum ví-  
 xít, bene.

*LA.* Túm tu igitur nihil áttulisti huc úna plus sen-  
 téntia?

*PA.* Quícquid est id, quód reliquit, prófuit. *LA.*  
 immo óbfuít:

Nam illum vivum et sálvom vellem. *PH.* inpúne  
 optare istúc licet:



Ille reviviscét iam numquam; et tamen utrum ma- 15  
lís scio.

*EA.* Héri Philumenam ád se adcersi hic iússit: die  
iussísse te.

*PH.* Nólí fodere: iússi. *EA.* set eám iám remittet.  
*PH.* scílicet.

*PA.* Ómnem rem scio, út sit gesta: advéniens au-  
diví modo.

*LA.* Át istos invidós di perdant, qui haéc libenter  
núntiant.

*PA.* Égome scio cavísse, ne ulla mérito contumélia 20  
Fíeri a vobis pósset: idque sí nunc memorare hic  
velim,

Quám fideli animo ét benigno in illam et clementí  
fui,

Vére possum: ní te ex ipsa haec mágis velim rescí-  
scere:

Námque eo pacto máxume aput te méo eritingenió  
fides,

Cum illa, quae in me núnc iniqua est, aéqua de me 25  
díxerit.

Néque mea culpa hóc discidium evénisse, id testór  
deos.

Sét quando esse indignam sese députat, matrí meae  
Quaé concedat, quaéque eius mores tóleret sua mo-  
déstia;

Néque alio compóni pacto pótis inter eas grá-  
tiast;

Ségreganda aut mátera me est, Phídippe, aut Phi- 30  
lúmena:

Núnc me pietas mátris potius cómodum suadet  
sequi.

*LA.* Pámphile, haut invíto ad aures sérmo mi ac-  
cessít tuus,

Cúm res postputásse te omnis praé parente intél-  
lego.

Vérum vide, ne inpúlsus ira práve insistas, Pámphile.

35 *PA.* Quid ego íra impulsus núnc in illam iníquosim?

Quae númquam quicquam ergá me commeritást,  
pater,

Quod nóllem; et saepe méritam quod vellém scio:  
Amóque et laudo et véhementer desidéro:

Nam fuisse erga me míro ingenio expértus sum:

40 Illíque exopto, ut réliqüam vitam éxigat

Cum eó viro, me qui sit fortunátior:

Quandóquidem illam a me dístrahit necéssitas.

*PH.* Tibi id ín manu est, ne fiat. *LA.* si sanús sies,

Iube illám redire. *PA.* nón est consiliúm, pater:

45 Matrís servibo cómmodis. *LA.* quo abís? mane,

Mane, ínquam: quo abís? *PH.* quae haéc est perti-  
nácia?

*LA.* Dixín, Phidippe, hanc rem aégre laturum ésse  
eum?

Quamobrém te orabam, filiam ut remítteres.

*PH.* Non crédidi edepol ádeo inhumanúm fore:

50 Itan ís nunc sibi me súpplicaturúm putat?

Si est, út velit reddúcere uxorem; licet:

Sin álio est animo; rénumeret dotem húc, eat.

*LA.* Ecce autótem tu quoque próterve iracúndus es.

*PH.* Percóntumax redísti huc nobis, Pámphile.

55 *LA.* Decédet ira haec: étsi merito irátus est.

*PH.* Quia paúlum vobis áccessit pecúniae,

Subláti animi sunt. *LA.* étiam mecum lítigas?

*PH.* Delíberet, renúntietque hodié mihi,

Velítne an non: ut álii, si huic non ést, siet.

60 *LA.* Phidippe, ades, audi paúcis. abiit. quíd mea?

Postrémo inter se tránsigant ipsi, út lubet:

Quandó nec gnatus neque híc mi quicquam obtém-  
perant;

Quae díco parvipéndunt. porto hoc iúrgium

Ad uxórem, cuius haec fiunt consilio ómnia:  
Atque ín eam hoc omne, quód mihi aegrest, évomam. 65

## ACTVS IV. SCENA I.

MYRRHINA. PHIDIPPVS.

*MY.* Périi, quid agam? quó me vortam? quíd viro  
meo réspondebo

Mísera? nam audivísse vocem púeri visust vágien-  
tis:

Íta corripuit dérepente táctus sese ad fíliam:

Quód si rescierít peperisse eam; íd qua causa clám  
me habuisse

Dícam, non edepól scio. 5

Sét ostium concrépuit. credo ipsum éxire ad me:  
núlla sum.

*PH.* Vxor, ubi me ad fíliam ire sénsit, se éduxít  
foras:

Átque eccam video. quíd ais, Myrrhina? heús tibi  
dico. *MY.* míhine, mi vir?

*PH.* Vír ego tuus sim? tú virum me, aut hóminem  
deputás adeo esse?

Nám si utrumvis hórum, mulier, úmquam tibi vi- 10  
sús forem,

Nón sic ludibrió tuis factis hábitus essem. *MY.* quí-  
bus? *PH.* at rogitas?

Péperit filia? hém, tacen? ex quo? *MY.* istúc pa-  
trem rogáre est aequom?

Périi: ex quo censés, nisi ex illo, cuí data est nu-  
ptum, óbsecro?

*PH.* Crédo: neque adeo árbitrari pátris est aliter.  
sét demiror,

Quíd sit, quamobrem tántopere omnis nós celari 15  
vólueris

Pártum; praesertim cum et recte et témpore suo  
pépererit.

- Ádeon pervicáci esse animo, ut púerum praeopta-  
 rés perire,  
 Éx quo firmiorem inter nos fóre amicitiam pósthac  
 scires,  
 Pótius quam advorsum ánimi tui libídinem esset  
 cum illo nupta?  
 20 Égo etiam illorum ésse culpam hanc crédidi, quae  
 te ést penes.  
*MY.* Mísera sum. *PH.* utínam scíam ita esse istuc.  
 sét nunc mi in mentém venit,  
 De hác re quod locúta es olim, cum illum generum  
 cépimus:  
 Nám negabas fíliam tuam pósse te nuptám pati.  
 Cúm eo qui meretrícem amaret, qui pernoctarét  
 fóris.  
 25 *MY.* Quámvis causam hunc súspicari, quam ípsam  
 veram, mávolo.  
*PH.* Múlto prius, quam tú, illum scívi habére ami-  
 cam, Mýrrhina:  
 Vérum id vitium núnquam decrevi ésse ego adule-  
 scéntiae:  
 Nam id ómnibus innatum. át pol iam aderit, sé  
 quoque etiam cum óderit.  
 Set, ut ólim te ostendísti, nil cessávisti eadem esse  
 úsque adhuc:  
 30 Vt fíliam ab eo abdúceres; neu, quód ego egissem,  
 essét ratum.  
 Id núnce res indicium haéc facit, quo pácto factum  
 vólueris.  
*MY.* Ádeon me esse pérvicacem cénses, cui matér  
 siem,  
 Vt eo essem animo, si ésset nostro ex úsu hoc ma-  
 trímónium?  
*PH.* Tún prospicere aut iúdicare nóstram in rem  
 quod sít potes?  
 35 Aúdisti ex aliquó fortasse, qui vidísse eum díceret

Éxeuntem aut íntroeuntem ad amícam. quíd tum  
póstea?

Sí modeste ac ráro hoc fecít: nóne dissimuláre  
nos

Mágis humanum est, quám dare operam id scíre,  
qui nos óderit?

Nám si is posset áb ea sese dérepente avéllere,  
Quácum tot consuésset annos; nón eum hominem 40  
dúcerem,

Néc virum satis fírmm gnatae. *MY.* mítte adule-  
scntem óbsecro:

Ét quae me peccásse ais. abi, eum sólum solus cón-  
veni:

Róga, velitne annón uxorem: si ést, ut dicat vélle se,  
Rédde: sin est aútem ut nolít, récte consuluí meae.

*PH.* Sí quidem ille ipse nón volt, et tu sénsti esse 45  
in eo, Mýrrhina,

Péccatum; aderam, cuius consilio fúerat ea par  
próspici.

Quámobrem incendor íra, te ausam fácere haec  
iniussú meo:

Ínterdico ne éxtulisse extra aedis puerum usquám  
velis.

Sét ego stultiór, meis dictis párere hanc qui póstu-  
lem.

Íbo intro, atque edícam servis, né quoquam ecferrí 50  
sinant.

*MY.* Nullám pol credo múlierem me míseriorem  
vívere:

Nam ut híc laturus hóc sit, si ipsam rem, út siet,  
resciverit,

Non édepol clam me est, cum hóc quod leviust,  
tam ánimo iracundó tulit:

Nec, quá via senténtia eius póssit mutarí, scio.

Hoc mi ún timeris miseris réliquum fuerát 55  
malum,

Si púerum ut tollam cógit, cui nos quisit nescimús  
pater:

Nam cúm compressa est gnáta, forma in ténebris  
nosci nón quita est:

Neque détractum ei tum quícquam est, qui post  
pósset nosci qui siet:

Iipse éripuit vi, in dígito quem habuit, vírgini abiens  
ánulum.

60 Simul véreor Pamphilúm, ne orata nóstra nequeat  
díutius

Celáre, cúm sciét alienum púerum tolli pró suo.

## ACTVS IV. SCENA II.

### *SOSTRATA. PAMPHILVS.*

*SO.* Non clám me est, gnate mí, tibi me esse súspectam,  
uxorém tuam

Proptér meos mores hinc abisse: etsi éa dissimulas  
sédulo:

Verum íta me di ament, ítaque obtingant éx te  
quae exoptó mihi,

Vt núnquam sciens commérui, merito ut cáperet  
odium illám mei:

5 Teque ánte quod me amáre rebar, eí rei firmastí  
fidem:

Nam mi íntus tuus patér narravit módo, quo pacto  
me hábueris

Praepósitam amorí tuó: nunc tibi me cértum est  
contra grátiam

Reférre, ut aput me praémium esse pósito pietatí  
scias.

Mi Pámphile, hoc et vóbis et meae cómmodum fa-  
mae árbitror:

10 Ego rús abituram hinc cúm tuo me esse cértó de-  
creví patre;

Ne méa praesentia óbstat, neu causa úlla restet  
 réliq̄ua,

Quin túa Philumena ad te redeat. *PA.* quaeso quid  
 istuc cónsili est?

Illius stultitia vícta, ex urbe tú rus habitatúm mi-  
 gres?

Haut fácies: neque sinam, út qui nobis, máter, ma-  
 ledictúm velit,

Mea pértinacia esse dicat fáctum, haut tua mo- 15  
 destia.

Tum tuás amicas te ét cognatas désere et festós  
 dies

Mea caúsa, nolo. *SO.* níl pol iam istaec míhi res vo-  
 luptatís ferunt:

Dum aetátis tempus túlit, perfuncta sátis sum: sa-  
 tias iám tenet

Studiórum istorum: haec míhi nunc cura est má-  
 xuma, ut ne cuí mea

Longínquitas aetátis obstat; mórtemve exspectét 20  
 meam.

Hic vídeo me esse invísam inmerito: témpus est  
 concédere.

Sic óptume, ut ego opínor, omnis caúsas praecidam  
 ómnibus:

Et me hác suspicióne exsolvam, et illis morem gés-  
 sero.

Sine me óbsecro hoc effúgere, volgus quód male  
 audit múlierum.

*PA.* Quam fórtunatus céteris sim rébus, absque una 25  
 hác foret,

Hanc máterem habens talem, íllam autem uxorem.  
*SO.* óbsecro, mi Pámphile,

Non túte incommodám rem, ut quaeque est, in ani-  
 mum inducés pati?

Si cétera ita sunt út vis, itaque ut esse ego illa ex-  
 stumo;

Mi gnáte, da mi hanc véniam, redduc illam. *PA.*  
vae miseró mihi.

30 *SO.* Et míhi quidem: nam haec rés non minus me  
mále habet quam te, gnáte mi.

## ACTVS IV. SCENA III.

*LACHES. SOSTRATA. PAMPHILVS.*

*LA.* Quém cum istoc sermónem habueris, prócul  
hic astant ácepi, uxor.

Ístuc est sapere, qui úbicunque opus sit ánimum  
possis fléctere;

Quód sit faciundúm fortasse póst, idem hoc nunc  
si féceris.

*SO.* Fórs fuat pol. *LA.* ábi rus ergo hinc: íbi ego te  
et tu mé feres.

5 *SO.* Spéro ecastor. *LA.* í ergo intro, et compóne  
quae tecúm simul

Ferántur. dixi. *SO.* ita út iubes, faciám. *PA.* pater.

*LA.* Quid vis, Pamphile? *PA.* hinc abire mátrem?  
minume. *LA.* quíd ita istuc vis?

*PA.* Quía de uxore incértus sum etiam quíd sim fa-  
ctúrús. *LA.* quid est?

Quíd vis facere, nísi redducere? *PA.* équidem cu-  
pio, et víx contineor:

10 Sét non minuam meúm consilium: ex úsu quod est,  
id pérsequar:

Crédo ea gratiá concordés mágis, si redducám, fore.

*LA.* Néscias. verúm tua refert níhil, utrum illae  
fécerint,

Quándo haec aberit. ódiosa haec est aétas adules-  
céntulis:

É medio aequum excédere est, postrémò nos iam  
fabula

15 Sumús, Pámphile, senex átque anus.

Set vídeo Phidippum égredi per témpus, accedámus.



## ACTVS IV. SCENA IV.

PHIDIPPVS. LACHES. PAMPHILVS.

*PH.* Tibí quoque iratus édepol sum, Philúmena,  
Gravitér quidem. nam hercle ábs te est factum túr-  
piter:

Etsí tibi causa est de hác re: mater te ímpulit:

Huic véro nulla est. *LA.* ópportune té mihi,  
*Phidíppe*, in ipso témpore ostendís. *PH.* quid est? 5

*PA.* Quid réspondebo his? aút quo pacto hoc ópe-  
riam?

*LA.* Dic filiae rus cóncessuram hinc Sóstratam:  
Ne révereatúr, mínus iam quo redeát domum. *PH.*  
ah.

Nullám de his rébus cúlpani commérui tui:

A Mýrrhina haec sunt méa uxore exorta ómnia: 10

*PA.* Mutátio fit. *PH.* éa nos perturbát, Lache.

*PA.* Dum né reducam; túrbet porro, quám velit.

*PH.* Ego, Pámphile, esse intér nos, si fierí potest,  
Adfínitatem hanc sáne perpetuám volo: 15

Sin ést, ut aliter túa siet senténtia,

Accípias puerum. *PA.* sénsit peperisse: óccidi.  
*LA.* Puerúm? quem puerum? *PH.* nátus est nobís  
nepos:

Nam abdúcta a vobis praégnas fuerat filia,

Neque fuisse praegnatem úmquam ante hunc sciví  
diem.

*LA.* Bene, íta me di ament, núnctias: et gaúdeo 20

Natum illum, et illam sálvam: set quid múlieris

Vxórem habes: aut quibus moratam móribus?

Nosne hóc celatos tám diu? nequeó satis,

Quam hoc míhi videtur fáctum prave, próloquí.

*PH.* Non míhi illud factum mínus dolet, quam tibi, 25  
Lache.

*PA.* Etiám si dudum fúerat ambiguum hóc mihi,

Nunc nón est; cum eam séquitur alienús puer.

- LA.* Nullá tibi, Pamphile, híc iam consultátio est.
- PA.* Perii. *LA.* hunc videre saepe optabamús diem,
- 30 Cum ex te ésset aliquis, quí te appellarét patrem:  
 Evénit: habeo grátiam dis. *PA.* nùllus sum.  
*LA.* Redúc uxorem, ac nóli advorsarí mihi.  
*PA.* Patér, si ex me illa liberòs vellét sibi,  
 Aut sé esse mecum núptam; satis certó scio,
- 35 Non clám me haberet, quód celasse intéllego.  
 Nunc, cum éius alienum á me esse animum séntiam,  
 Neque cónventurum intér nos posthac árbitrer;  
 Quamobrém reducam? *LA.* máter quod suasít sua,  
 Aduléscens mulier fécit. mirandúmne id est?
- 40 Censén te posse réperire ullam múlierem,  
 Quae cáreat culpa? an quía non delinquúnt viri?  
*PH.* Vosmét videte iám, Lache et tu Pámphile,  
 Remíssan opus sit vóbis, reductán domum.  
 Vxór quid faciat, ín manu non ést mea.
- 45 Neutra ín re vobis dífficultas á me erit.  
 Set quíd faciemus púero? *LA.* ridiculé rogas:  
 Quicquíd futurumst, huíc suum reddas scílicet;  
 Vt alámus nostrum. *PA.* quem ípse neclexít pater,  
 Ego alám? *LA.* quid dixti? eho an nón alemus,  
 Pámphile?
- 50 Prodemus quaeso pótius? quae haec améntia est?  
 Enimuéro prorsus iám tacere nón queo.  
 Nam cógis, ea quae nólo ut praesente hóc loquar.  
 Ignárum censes tuárum lacrumarum ésse me?  
 Aut quíd sit hoc, quod sóllicitere ad hunc modum?
- 55 Primum hánc ubi dixti caúsam, te proptér tuam  
 Matrém non posse habére hanc uxorem domi;  
 Pollicita est ea se cóncessuram ex aédibus.  
 Nunc, póstquam ademptam hanc quóque tibi cau-  
 sám vides,  
 Puér quíam clam te est nátus, nactus álteram es.
- 60 Errás, tui animi sí me esse ignarúm putas.  
 Aliquándo tandem huc ánimum ut adducás tuum,

Quam longum spatium amandi amicam tibi dedi?  
Sumptus quos fecisti in eam, quam animo aequo  
tuli?

Egi atque oravi tecum, uxorem ut duceres.

Tempus dixi esse: impulsu duxisti meo. 65

Quae tum obsecutus mihi, fecisti ut decuerat.

Nunc animum rursus ad meretricem induxisti tuum:

Cui tu obsecutus, facis huic adeo iniuriam.

Nam in eandem vitam te revolutum denuo

Video esse. *PA.* mene? *LA.* te ipsum: et facis iniuriam. 70

Confingis falsas causas ad discordiam,

Vt cum illa vivas, testem hanc cum abs te amoveris:

Sensitque adeo uxor. nam ei causa alia quae fuit,

Quamobrem abs te abiret? *PH.* plane hic divinatur:

nam id est.

*PA.* Dabo iusiurandum, nihil esse istorum tibi. *LA.* 75  
ah,

Reduc uxorem: aut, quamobrem non opus sit, cedo.

*PA.* Non est nunc tempus. *LA.* puerum accipias:  
nam is quidem

In culpa non est: post de matre videro.

*PA.* Omnibus modis miser sum: nec, quid agam,  
scio:

Tot me nunc rebus miserum concludit pater. 80

Abibo hinc, praesens quando promoveo parum.

Nam puerum iniussu credo non tollent meo;

Praesertim in ea re cum sit mi adiutrix socrus.

*LA.* Fugis? hem, nec quicquam certi respondes mihi?

Num tibi videtur esse aput sese? sine: 85

Puerum, Phidippe, mihi cedo: ego alam. *PH.* má-  
xume.

Non mirum fecit uxor, si hoc aegre tulit:

Amarae mulieres sunt, non facile haec ferunt.

Propterea haec irast: nam ipsa narravit mihi:

Id ego hoc praesente tibi nolueram dicere: 90

Neque illi credebam primo: nunc verum palam est.  
Nam omnino abhorrere animum huic video a nuptiis.

*LA.* Quid ergo agam, Phidippe? quid das consili?

*PH.* Quid agas? meretricem hanc primum adendum censeo.

95 *Orémus:* accusémus: gravius denique  
Minitémur, si cum illo habuerit rem postea.

*LA.* Faciam ut mones. eho curre, puer, ad Bacchidem hanc

Vicinam nostram: huc evoca verbis meis.

At te oro porro in hac re adiutor sis mihi. *PH.* ah,  
100 iamdudum dixi, itidemque nunc dico, Lache:

Manere adfinitatem hanc inter nos volo,  
Si ulló modo est ut possit; quod spero fore.  
Set vin adesse me una, dum istam convenis?

*LA.* Immo vero abi, aliquam puero nutricem para.

## ACTVS V. SCENA I.

*BACCHIS. LACHES.*

*BA.* Non hoc de nihilost, quod Laches me nunc conventam esse expetit:

Nec pol me multum fallit: quin quod suspicor sit quod velit.

*LA.* Videndum est ne minus propter iram hinc impetrem, quam possiem:

Aut ne quid faciam plus, quod post me minus fecisse satius sit.

5 *Adgrédia.* Bacchis, salve.

*BA.* Salvé, Lache. *LA.* edepol credo te non nil mirari, Bacchis,

Quid sit, quapropter te huc foras puerum evocare iussi.

*BA.* Ego pol quoque etiam timida sum, cum venit in mentem quae sim:

Ne nómen quaestimi óbsiet; nam móres facile tútor.

*LA.* Si véra dicis, níl tibi est a mé pericli, múlier: 10  
Nam iam aétate éa sum, ut nónsiet peccáto mi igno-  
sci aéquom:

Quo mágis res omnis caútius, ne témere faciam, ad-  
cúro.

Nam si íd nunc facis factúrave es, bonás quod par  
est fácere:

Inscítum offerre iniúriam tibi ínmerenti, iníquom  
est.

*BA.* Est mágnam ecastor grátiam de istác re quod 15  
tibi hábeam.

Nam quí post factam iniúriam se expúrget, párum  
mi prósit.

Sét quid istuc est? *LA.* meúm receptas filium ad te  
Pámphilum. *BA.* ah.

*LA.* Síne dum: uxorem hanc priús quam duxit, vó-  
strum amorem pértuli.

Máne, nondum etiam díxi id quod te vólui. hic nunc  
uxórem habet:

Quaére alium tibi firmiorem, dúm tibi tempus cón- 20  
sulendi est:

Nám neque ille hoc animo érit aetatem, néque pol  
tu eadem istác aetate.

*BA.* Quís id ait? *LA.* sócrus. *BA.* méne? *LA.* te  
ipsam: et filiam abduxít suam:

Púerumque ob eam rém clam voluit, nátus qui est,  
extínguere.

*BA.* Álid si scirem, quí firmare méam aput vos pos-  
sém fidem,

Sánctius quam iúsiurandum; id póllicerer tíbi, 25  
Lache,

Ségregatum habuísse, uxorem ut dúxit, a me Pám-  
philum.

*LA.* Lépida es. set scin, quíd volo potius sódes fa-  
cias? *BA.* quíd? cedo.

*LA.* Eás ad mulierés huc intro, atque ístue ius-  
iurándum idem

Pólliceare illís. exple animum iis, téque hoc cri-  
mine éxpedi.

30 *BA.* Fáciam. quod pol, si ésset alia ex quaestu hoc,  
haut facerét, scio;

Út de tali caúsa nuptae múlieri se osténderet.

Sét nolo esse fálsa fama gnátum suspectúm tuum;  
Néc leuiorem vóbis, quibus est mínime aequom,  
vidérier

Ínmerito: nam méritus de me est, quód queam, illi  
ut cómmodem.

35 *LA.* Fácilem benivolúmque lingua túa iam tibi me  
réddidit:

Nám non sunt solae árbitratae haec: égo quoque  
etiam hoc crédidi.

Núnc cum ego te esse praéter nostram opínionem  
cómpéri,

Fác eadem ut sis pórrò: nostra utére amicitia, út  
voles:

Álter si: set répprimam me, ne aégre quicquam  
ex me aúdias:

40 Vérum hoc te moneo únum, qualis sim amícus, aut  
quid póssiem,

Pótius quam inimicús, periculum fácias. — —

## ACTVS V. SCENA II

*PHIDIPPVS. LACHES. BACCHIS.*

*PH.* — — Nil aput mé tibi  
Defieri patiar: quín, quód est, benígne praebeátur.  
Set tú cum satura atque ébria es, et púer ut satur  
sit fácito.

*LA.* Nostér socer, videó, venit: nutricem puero ad-  
dúcit.

5 Phidíppe, Bacchis déierat persáncte. *PH.* haecine  
east? *LA.* haec est.

*PH.* Nec pól istae metuunt deós: neque has respí-  
cere deos opínor.

*BA.* Ancíllas dedo: quólubet cruciátu per me ex-  
quíre.

Haec rés hic agitur: Pámphilo me fácere ut redeat  
úxor,

Opórtet: quod si effécero, non poénitet me fámae,  
Solám fecisse id quód aliae meretrices facere fúgi- 10  
tant.

*LA.* Phidíppe, nostras múlieres suspéctas fuisse  
fálsó

Nóbis in re ipsa invénimus: porro hánc nunc expe-  
riámur:

Nam sí compererit crímini tua se úxor credidísse,  
Missam íram faciet: sín item est ob eám rem ira-  
tus gnátus,

Quod péperit uxor clam, íd levest: cito áb eo haec 15  
ira abscédet.

Profécto in hac re níl mali est, quod sít discidio dí-  
gnum.

*PH.* Velím quidem hercle. *LA.* exquíre: adest:  
quod sátis sit, faciet ípsa.

*PH.* Quid mi ístaec narras? quíane non tute ípse  
dudum audísti,

De hac re ánimus meus ut sít, Laches? illís modo  
explete ánimum.

*LA.* Quaeso édepol, Bacchis, quód mihi es pollícita, 20  
tute ut séves.

*BA.* Ob eám rem vin ergo íntroeam? *LA.* í, atque  
éple iis ánimum, ut crédant.

*BA.* Eò; étsi scio pol hís meum fore cónspectum  
invisum hódie:

Nam núpta meretrici hóstis est, a víro ubi segre-  
gáta est.

*LA.* At haéc amicae erúnt, ubi quamobrem advéne-  
ris rescíscent.

25 *PH.* At eásdem amicas fóre tibi promítto, rem ubi  
cognórint:

Nam illás errore et té simul suspícione exsólves.

*BA.* Períí, pudet Philúmenae: vos séquimini intro  
huc ámbae.

*LA.* Quid est míhi quod malim, quám quod huic in-  
téllego eveníre?

Vt grátiam ineam síne meo dispéndio et mihi pró-  
sim.

30 Nam si ést ut haec nunc Pámphilum vere áb se se-  
gregárit,

Scitsé nobilitatem éx ea re náctam et gloriam ésse:

Refert grátiam eii, unáque nos sibi ópera amicos  
iúngit.

## A C T V S V. S C E N A I I I.

*PARMENO. BACCHIS.*

*PA.* Édepol ne meam érus esse operam députat  
parví preti;

Qui ób rem nullam mísit, frustra ubi tótum desedí  
diem:

Mýconium hospitém dum exspecto in árce Callidé-  
midem.

Ítaque ineptus hódie dum illi sédeo, ut quisquam  
vénerat,

5 Áccedebam: aduléscens, dic dum quaéso, tun es  
Mýconius?

Nón sum. at Callidémidés? non. hópitem ecquem  
Pámphilum

Híchabes? omnés negabant: néque eum quemquam  
esse árbitror.

Dénique hercle iám pudebat: ábii. set quid BÁCchi-  
dem

Áb nostro adfíne éxeuntem vídeo? quid huic hic  
ést rei?



*BA.* Pármeno, oportúne te offers, própere curre 10  
ad Pámphilum.

*PA.* Quíd eo? *BA.* dic me oráre, ut veniat. *PA.* ád  
te? *BA.* immo ad Philúmenam.

*PA.* Quíd rei est? *BA.* tua quód nil refert, pércon-  
tari désinas.

*PA.* Níl aliud dicam? *BA.* étiam: cognosse ánulum  
illum Mýrrhinam

Gnátae suae fuisse, quem ipsis ólim mi dederát.  
*PA.* scio.

Tántumne est? *BA.* tantum: áderit continuo, hóc 15  
ubi ex te audíverit.

Sét cessas? *PA.* minime équidem; nam hodie míhi  
potestas háut datast:

Íta cursando atque ámbulando tótum hunc contriví  
diem.

*BA.* Quantam óbtuli adventú meo laetítiam Pam-  
philo hódie?

Quot cómodas res áttuli? quot átem ademi cúras?  
Gnatum eí restituo, paéne qui harum ipsíusque 20  
opera périit:

Vxórem, quam numquam ést ratus posthác se ha-  
biturum, réddo:

Qua ré suspectus suó patri et Phidípโป fuit, exsólvi:  
Hic ádeo his rebus ánulus fuit ínítium inveniún-  
dis.

Nam mémini abhinc mensés decem fere ád me nocte  
príma

Confúgere anhelantém domum, sine cómite, vini 25  
plénum,

Cum hoc ánulo: extimui ílico: mi Pámphile, inquam,  
amábo,

Quid éxanimatu's óbsecro? aut unde ánulum istum  
náctu's?

Dic mi. ille alias res ágere se simuláre. postquam  
vídeo

Nescío quid suspectárier, magis coépi instare ut  
dicat.

50 Homo sé fatetur vi in via nescío quam compressísse:  
Dicitque sese illi ánulum, dum lúctat, detraxísse:  
Eúm cognovit Mýrrhina haec: in dígito modo me  
habénte:

Rogat únde sit: narro ómnia haec: indést cognitio  
fácta,

Philúmenam compréssam esse ab eo, et fílium inde  
hunc nátum.

35 Haec tót propter me gáudia illi cóntigisse laétor:  
Etsi hóc meretrices nón volunt aliaé: neque enim  
in rem est nóstram,

Vt quisquam amator núptiis laetétur. verum ecástor,  
Numquam ánimum quaesti grátia ad malás addu-  
cam pártis.

Ego dum illo licitumst úsa sum benígno et lepidó  
et cómi.

40 Incómmodé mihi núptiis evénit: factum fáteor:  
At pól me fecisse árbitor, ne id mérito mi eveníret.  
Multa éx quo fuerint cómmoda, eius incómmoda  
aequumst férre.

## ACTVS V. SCENA IV.

*PAMPHILVS. PARMENO. BACCHIS.*

*PAM.* Víde, mi Parmeno, étiam sodes, út mi haec  
certa et clára attuleris;

Né me in breve pellícias tempus gáudio hoc falsó  
frui.

*PAM.* Vísium est. *PAM.* certen? *PAM.* cérte. *PAM.*  
deus sum, si hóc itast. *PAM.* verum  
réperies.

*PAM.* Mánedum sodes: tímeo ne aliud crédam; at-  
que aliud núnties.

5 *PAM.* Máneo. *PAM.* sic te díxe opinor, ínvenisse  
Mýrrhinam

Bácchidem suum ánulum habere. *P A R.* fáctum.

*P A M.* eum quem olim éi dedi:

Éaque hoc mihi te núntiare iússit: itane est fáctum?

*P A R.* ita inquam.

*P A M.* Quis me est fortunátior? venustátisque adeo plénior?

Égone pro hoc te núntio quid dónem? quid? quid? néscio.

*P A R.* At égo scio. *P A M.* quid? *P A R.* níhil enim: 10

Nám neque in nuntió neque in me ipso tibi boni quid sít scio.

*P A M.* Egon té, qui ab orco mórtuum me réducem in lucem féceris,

Sinám sine munere á me abire? ah nimium me in-gratúm putas.

Set Bácchidem eccam vídeo stare ante óstium:

Me expéctat, credo: adíbo. *B A.* salve, Pám-phile. 15

*P A M.* O Bácchis, o mea Bácchis, servatríx mea.

*B A.* Bene fáctum; et volupest. *P A M.* fáctis, ut cre-dám facis:

Antíquamque adeo tuám venustatem óbtines,

Vt vóluptati obitus, sérmo, adfatus tuús, quocum-que advéneris,

Sempér sit. *B A.* ac tu ecástor morem antíquom at- 20 que ingenium óbtines,

Vt únus omnium hómo te vivat núsquam quisquam blándior.

*P A M.* Ha, ha, hé, tun mi istuc? *B A.* récte amasti, Pámphile, uxorém tuam:

Nam núnquam ante hunc diém meis oculis eám, quod nossem, víderam:

Perliberalis vísast. *P A M.* dic verum. *B A.* íta me di ament, Pámphile.

*P A M.* Dic mi, hárum rerum nún quid dixti iám pa- 25 tri? *B A.* nil. *P A M.* néque opus est

Adeó muttito. pláacet haut fieri hoc ítidem ut in co-  
moédiis,

Omnia ómnes ubi rescíscunt. hic, quos fúerat par  
rescísccere,

Sciúnt: quos non autem aéquomst scire, néque re-  
sciscent néque scient.

*BA.* Immo etiam, qui hoc óccultum iri fácilius cre-  
dás, dabo.

50 *Mýrrhina* ita *Phidippo* dixit, iúri iurandó meo  
Sé fidem habuisse, ét propterea té sibi purgatum.

*PAM.* óptumest:

Spéroque hanc rem esse éventuram nóbis ex sen-  
téntia.

*PAR.* Ére, licetne scíre ex te hodie, quíd sit quod  
feci boni?

Aút quid istuc est, quód vos agitis? *PAM.* nón li-  
cet. *PAR.* tamen súspicor.

55 Ego hunc ab orco mórtuum? quo pácto? *PAM.*  
nescis, *Pármeno*,

Quantum hódie profuerís mihi, et me exquánta ae-  
runna extráxeris.

*PAR.* Immo véro scio; neque hóc inprudens féci.

*PAM.* ego istuc sátis scio.

*BA.* An témere quicquam *Pármeno* praetéreat quod  
facto úsus sit?

*PAM.* Séquere me intro, *Pármeno*. *PAR.* sequor:  
équidem plus hodié boni

40 Féci inprudens, quám sciens ante hunc diem um-  
quam. Plaúдите.

**PHORMIO TERENTI.**

---

# FABVLAE INTERLOCVTORES.

*PHORMIO* parasitus.

*DEMIPHO* senex.

*ANTIPHO* adulescens.

*GETA* servus.

*DORIO* leno.

*CHREMES* senex.

*PHAEDRIA* adulescens.

*DAVVS* servus.

*SOPHRONA* nutrix.

*NAVSISTRATA* matrona.

*HEGIO*

*CRATINVS* } *advocati.*

*CRITO*

---

*Acta ludis Romanis L. Postumio Albino L. Cornelio Merula Aedilib. Curulib. Egere L. Ambivius Turpio, L. Atilius Praenestinus. Modos fecit Flaccus Claudi tibiis inparib. Tota graeca Apollodoru Epidicazomenos. Acta est III. C. Fannio M. Valerio Coss.*

---

---

## P R O L O G V S.

---

Postquám poëta vétus poëtam nón potest  
Retráhere ab studio, et tránsdere hominem in ótium;  
Maledíctis deterrére, ne scribát, parat:  
Qui ita díctitat, quas ánte hic fecit fábulas, 5  
Tenui ésse oratióne et scripturá levi:  
Quia núsquam insanum fécit adulescéntulum  
Cervám videre fúgere, et sectarí canes:  
Et eám plorare, oráre ut subveniát sibi.  
Quod si íntellegeret, ólim cum stetít nova,  
Actóris opera mágis stetisse quám sua; 10  
Minus múlto audacter, quám nunc laedit, laéderet.  
Nunc síquis est, qui hoc dícat aut sic cógitet,  
Vetus sí poëta nón lacesissét prior,  
Nullum ínvenire prólogum possét novus  
Quem díceret, nisi habéret cui maledíceret: 15  
Is síbi responsum hoc hábeat; in medio ómnibus  
Palmam ésse positam, qui ártem tractant músicam.  
Ille ad famem hunc ab stúdio studuit reícere:  
Hic rêspondere vóluit, non lacesseere.  
Benedíctis si certásset, audissét bene: 20  
Quod ab illo adlatumst, síbi esse id rellatúm putet.  
De illó tum finem fáciam dicundí mihi,  
Peccándi cum ipse dé se finem fécerit.  
Nunc quíd velim animum atténdite. adportó novam  
Epídicazomenen quám vocant comoédiam 25  
Graecé, Latine hic Phórmionem nóminat:

Quia primas partis qui aget, is erit Phormio  
Parasitus, per quem res geretur maxime;  
Voluntas vostra si ad poetam accesserit.

- 30 Date operam, adeste aequo animo per silentium  
Ne simili utamur fortuna, atque usi sumus  
Cum per tumultum noster grex motus locost:  
Quem actoris virtus nobis restituit locum,  
Bonitasque vestra adiutans atque aequanimitas.

## ACTVS I. SCENA I.

DAVVS.

Amicus summus meus et popularis Geta  
Heri ad me venit. erat ei de ratiuncula  
Iampridem apud me reliquum paucillum  
Nummorum: id ut conficerem. confeci: adfero.

- 5 Nam erilem filium eius duxisse audio  
Vxorem: ei credo munus hoc conraditur.  
Quam inique comparatumst: ii qui minus habent,  
Ut semper aliquid addant divitiis?  
Quod ille unciatim vix de demenso suo,  
10 Suum defrudans genium, conpersit miser;  
Id illa univsum abripit: haut existumans  
Quanto labore partum. porro autem Geta  
Feriatur alio munere, ubi era pepererit:  
Porro alio autem, ubi erit puero natalis dies:  
15 Vbi initiabunt: omne hoc mater auferet:  
Puer causa erit mittendi. set videon Getam?

## ACTVS I. SCENA II.

GETA. DAVVS.

GE. Si quis me quaeret rufus. DA. praestost, desine.

GE. oh,

At ego obviam conabar tibi, Dave. DA. accipe, em  
Lectumst; conveniet numerus quantum debui.



*GE.* Amó te: et non necléxisse habeo grátiam.

*DA.* Praesértim ut nunc sunt móres: adeo rés ređit: 5

Si quis quíd ređdit, mágna habendast grátia.

Set quíd tu es tristis? *GE.* égone? nescis quo ín  
metu et

Quanto ín periclo símus. *DA.* quíd istuc ést? *GE.*  
scies,

Modo út tacere póssis. *DA.* abi sis, ínsciens:

Cuius tú fidem in pecúnia perspéxeris, 10

Verére verba ei crédere? ubi quíd míhi lucrí est

Te fállere? *GE.* ergo auscúlta. *DA.* hanc operam  
tíbi dico.

*GE.* Senis nóstri, Dave, frátrem maiorém Chremen-  
Nostíne? *DA.* quídni? *GE.* quíd? eius natum Phaé-  
driam?

*DA.* Tam, quánt te. *GE.* evenit sénibus ambobús 15  
simul,

Iter ílli in Lemnum ut éstet, nostro in Cíliciam

Ad hóspitem antiquom: ís senem per epístolas

Pelléxit, modo non móntis auri póllicens.

*DA.* Cui tánta erat res, ét supererat? *GE.* désinas:

Sic ést ingenium. *DA.* oh, régem me esse opórtuit. 20

*GE.* Abeúntes ambo hinc túm senes me fíliis

Relínquont quasi magístrum. *DA.* o Geta, provín-  
ciam

Cepísti duram. *GE.* mi úsus venit, hóc scio:

Memíní relinqui mé deo irató meo.

Coepi ádversari prímo: quíd verbís opust? 25

Senibús fidelis dúm sum, scapulas pérdidi.

Venére in mentem mi ísthaec: namque inscítiaſt,

Advórsum stimulum cálcés. coepi iis ómnia

Facere, óbsequi quae véllent. *DA.* scísti utí foro.

*GE.* Nostér mali nil quécquam prímo: hic Phaédria 30

Contínuo quandam náctus est puéllulam

Citharístriam: hanc amáre coepit pérdite.

Ea sérviebat lénoni inpuríssimo:

Neque quód daretur quícquam, id curaránt patres.

35 Restábat aliud níl, nisi oculos páscere,  
Sectári, in ludum dúcere, et reddúcere.

Nos ótiosi operám dabamus Phaédriae.

In quo haéc discebat lúdo, exadversum eí loco

Tonstrína erat quaedam. híc solebamús fere

40 Plerúmque eam opperíri, dum inde irét domum.

Intérea dum sedémus illi, intérvenit

Aduléscens quidam lácrumans. nos mirárier.

Rogámus quid sit: núnquam aequé, inquit, ac modo

Paupértas mihi onus vísa est et miserum ét grave.

45 Modo quándam vidí vírginem hic vicíniae

Miserám, suam matrem lámentari mórtuam.

Ea síta erat exadvórsum. neque illi bénevolens

Neque nótus neque cognátus extra unam ániculam

Quisquam áderat, qui adiutáret funus. míseritumst.

50 Virgo ípsa facie egrégia. quid verbís opust?

Commórat omnes nós. ibi continuo Ántipho:

Voltísne eamus vísere? alius; cénseo:

Eámus: duc nos sódes: imus, vénimus:

Vidémus: virgo púlchra: et quo magis díceres,

55 Nihil áderat adiuméti ad pulchritúdinem:

Capíllus passus, núdus pes, ipsa hórrida,

Lacrumaé, vestitus túrpis: ut, ni vís boui

In ípsa inesset fóрма, haec formam extínguerent.

Ille qui íllam amabat fídicinam tantúmmodo,

60 Satis, ínquit, scitast: nóster vero. *DA.* iám scio:

Amáre coepit. *GE.* scín quam? quo evadát, vide.

Postrídie ad anum récta pergit: óbsecrat,

Vt síbi eius faciat cópiam. illa enim sé negat:

Neque eum aéquom facere ait: íllam civem esse *Át-*  
*ticam,*

65 Bonám. bonis prognátam: si uxorem velit,

Lege íd licere fácere: sin alitér, negat.

Nostér, quid ageret néscire: et íllam dúcere

Cupiébat, et metuébat absentém patrem.

*DA.* Non, sí redisset, eí pater veniám daret?

*GE.* Ille índotatam vírginem atque ignóbilem 70

Daret illi? numquam fáceret. *DA.* quid fit dénique?

*GE.* Quid fiat? est parasítus quidam Phórmio,  
Homó confidens: qui illum di omnes pérduint.

*DA.* Quid is fécit? *GE.* hoc consílium quod dicám  
dedit:

Lex ést, ut orbae, qui sunt genere próximi, 75

Iis núbant, et illos dúcere eadem haec léx iubet.

Ego té cognatum dicam, et tibi scribám dicam:

Patérnum amicum me ádsimulabo vírginis:

Ad iúdice veniémus: qui fuerít pater,

Quae máter, qui cognáta tibi sit; ómnia haec 80

Confingam: quod erit míhi bonum atque cómmo-  
dum,

Cum tu hórum nil refélles, vincam scílicet.

Pater áderit. mihi parátæ lites: quíd mea?

Illá quidem nostra erít. *DA.* iocularem audáciam.

*GE.* Persuásumst homini. fáctumst. ventumst; vín- 85  
cimur:

Duxít. *DA.* quid narras? *GE.* hóc quod audis. *DA.*  
ó Geta,

Quid té futurumst? *GE.* néscio hercle: unum hóc  
scio,

Quod fórs feret, ferémus aequo animó. *DA.* places:

Hem istúc virist officium. *GE.* in me omnis spés  
mihi est.

*DA.* Laudo. *GE.* ád precatorem ádeam credo, qui 90  
mihi

Sic órét: nunc amítte quaeso hunc: céterum

Posthác si quicquam, níl precor. tantúmmodo

Non áddit: ubi ego hinc ábiero vel occídito.

*DA.* Quid paédagogus ille qui citharístriam?

Quid reí gerit? *GE.* sic, ténuiter. *DA.* non múltum 95  
habet

Quod dét fortasse. *GE.* immó nihil, nisi spém meram.

*DA.* Pater eius rediit, annon? *GE.* nondum. *DA.*  
quid? senem

Quoad exspectatis vestrum? *GE.* non certum scio:  
Set epistolam ab eo adlatam esse audivi modo:

100 Et ad portitores esse delatam; hanc petam.

*DA.* Numquid, Geta, aliud me vis? *GE.* ut bene sit  
tibi.

Puer heus. nemon huc prodit? cape, da hoc Dorcio.

## ACTVS I. SCENA III.

*ANTIPHO. PHAEDRIA.*

*AN.* Adeon rem redisse, ut qui mi consultum optu-  
me velit esse,

Phaedria, patrem ut extimescam, ubi eius adventi  
venit in mentem?

Quod ni fuisset incogitans, ita eum exspectarem,  
ut par fuit.

*PH.* Quid istuc? *AN.* rogitas? qui tam audacis fa-  
cinoris mi conscius sis?

5 Quod utinam ne Phormioni id suadere in mentem  
incidisset,

Neu me cupidum eo impulisset, quod mi princi-  
piumst mali.

Non potitus essem: fuisset tum illos mi aegre ali-  
quot dies:

At non cotidiana cura haec angeret animum. *PH.*  
audio.

*AN.* Dum exspecto quam mox veniat, qui hanc mihi  
adimat consuetudinem.

10 *PH.* Aliis quia desit quod amant, aegrest: tibi, quia  
superest, dolet.

Amore abundas, Antipho.

Nam tua quidem hercle certo vita haec expetenda  
optandaque est.

Ita me di bene ament, ut mi liceat tamdiu quod  
amó frui,

Jam dépecisci móрте cupio; tú conii cito céterum,  
 Quid ego hác ex inopiá nunc capiam; et quíd tu ex 15  
                   istac cópia:

Vt ne áddam, quod sine súmptu ingenuam líberalem  
                   nactus es:

Quod habés, ita ut voluísti, uxorem sine mala famá  
                   palam:

Beátus, ni unum hoc désit, animus quí modeste  
                   istaéc ferat.

Quod sí tibi res sit cum éo lenone quócum mi est,  
                   tum séntias.

Ita plérique omnes súmus ingenio, nóstri nosmet 20  
                   poénitet.

*AN.* At tú mihi contra núnc videre fortunatus,  
                   Phaédria,

Cui de íntegro est potéstas etiam cónsulendi, quíd  
                   velis:

Retinére, amare, an míttre: ego in eum íncidi in-  
                   felíx locum,

Vt néque mi ius sit ámittendi, néc retinendi cópia.  
 Set quíd hoc est? videon égo Getam curréntem huc 25  
                   adveníre?

Is est ípsus: ei timeó miser, quam hic míhi nunc  
                   nuntiét rem.

## ACTVS I. SCENA IV.

*GETA. ANTIPHO. PHAEDRIA.*

*GE.* Núllu's, Geta, nisi áliquod iam consílium ce-  
                   lere répereris:

Íta nunc inparátum subito tánta in me inpendént  
                   mala:

Quae néque uti devitém scio, neque quómo do me  
                   inde éxtraham:

Nam nó n potest celári nostra díutius iam audácia.

[Quae si non astu providentur, me aut erum pes- 5  
                   sum dabunt.]

*AN.* Quidnam ille commotus venit?

*GE.* Tum temporis mihi punctum ad hanc rem est.  
 érus adest. *AN.* quid istuc malist?

*GE.* Quod cum audierit, quod eius remedium inveniam iracundiae?

Lóquar? incendam: táceam? instigem: púrgem me? laterém lavem.

10 Ehéu me miserum: cún mihi paveo, tum Ántipho me excrúciat animi:

Eíus me miseret: eí nunc timeo: is nunc me retinet: nam ábsque eo esset,

Récte ego mihi vidíssem: et senis essem últus iracúndiam:

Áliquid conrasíssem, atque hinc me prótinam conicerem ín pedes.

*AN.* Quamnam híc fugam aut furtúm parat?

15 *GE.* Set ubi Ántiphonem réperiam? aut qua quaerere insistám via?

*PH.* Te nóminat. *AN.* nescío quod magnum hoc núntio exspectó malum. *PH.* ah.

Sánun es? *GE.* domum íre pergam: ibi plúrimumst. *PH.* revocémus hominem. *AN.* stá ilico. *GE.* hem,

Sátis pro imperio quisquis es. *AN.* Geta. *GE.* ípse est, quem volui óbviám.

*AN.* Cédo quid portas, óbsecro; atque id, sí potes, verbo éxpedi.

20 *GE.* Fáciám. *AN.* eloquere. *GE.* módo aput portum. *AN.* meúmne? *GE.* intellexti. *AN.* óccidi. *PH.* hem.

*AN.* Quid agam? *PH.* quid ais? *GE.* huíus patrem vidísse me, patruúm tuum.

*AN.* Nám quod ego huíc nunc súbito exitio rémediúm inveníám miser?

Quód si eo meae fortúnae redeunt, Phánium, abs te ut dístrahar,

Núllast mihi vita éxpetenda. *GE.* ergo ístaec cum  
ita sint, *Ántipho,*

Tánto magis te advígilare aequomst: fórtis for- 25  
tuna ádiuvat.

*AN.* Nón sum aput me. *GE.* atqui ópus est nunc  
cum máxume ut sis, *Ántipho:*

Nám sisenserít te timidum páter esse, arbitrábitur  
Cónmeruisse cúlpan. *PH.* hoc verumst. *AN.* nón  
possum inmutárier.

*GE.* Quíd faceres, si aliúd quid gravius tíbi nunc  
faciundúm foret?

*AN.* Cum hóc non possum, illúd minus possem. *GE.* 30  
hoc níhil est, *Phaedria:* ílicet.

Quíd hic conterimus óperam frustra? quín abeo?  
*PH.* et quidem ego. *AN.* óbsecro,

Quíd si adsimulo, sátin est? *GE.* garris. *AN.* vól-  
tum contemplámini: em,

Sátin est sic? *GE.* non. *AN.* quíd si sic? *GE.* propé-  
modum. *AN.* quid si síc? *GE.* sat est:

Ém, istuc serva: et vérbum verbo, pár pari ut re-  
spóndeas;

Né te iratus suis saevidicis díctis protelét. *AN.* scio. 35

*GE.* Ví coactum te ésse, invitum, lége, iudició:  
tenes?

Sét quis hic est senéx, quem video in última pla-  
tea? *AN.* ípsus est.

Non póssum adesse. *GE.* ah, quíd agis? quo abis,  
-*Ántipho?*

Mane ínquam. *AN.* egomet me nóvi et peccatúm  
meum:

Vobís commendo Phánium et vitám meam. 40

*PH.* Geta, quíd nunc fiet? *GE.* tú iam lites aúdiés:

Ego pléctar pendens, nísi quid me fefellerit.

Set quód modo hic nos *Ántiphonem* mónuimus,

Id nósmet ipsos fácere oportet, *Phaedria.*

*PH.* Aufér mi oportet: quín tu, quid faciam, ímpera. 45

*GE.* Meminístin, olim ut fúerit vostra orátio  
In re incipiunda ad défendendam nóxiam,  
Iustam illam causam, fácilem, vincibilem, óptu-  
mam?

*PH.* Memini. *GE.* ém, nunc ipsast ópus ea; aut, si  
quíd potest,

50 *Melióre et callidióre. PH.* fiet sédulo.

*GE.* Nunc príor adito tu, égo in subsidiis híc ero  
Succénturiatus, sí quid deficiás. *PH.* age.

## ACTVS II. SCENA I.

*DEMIPHO. GETA. PHAEDRIA.*

*DE.* Ítane tandem uxórem duxit Ántipho iniussú  
meo?

Néc meum imperium: ac mító imperium: nón si-  
multatém meam

Reveréri saltem? nón pudere? o fácinus audax, ó  
Geta

Monitór. *GE.* vix tandem. *DE.* quíd mihi dicent?  
aút quam causam réperient?

5 *Demíror. GE.* atqui réperi iam: aliud cúra. *DE.*  
an hoc dicét mihi?

Invítus feci; léx coegit. aúdio. fateór. *GE.* places.

*DE.* Verúm scientem, tácitum, causam trádere ad-  
versáriis,

Etiám ídne lex coegit? *GE.* illud dúrum. *PH.* ego  
expediám: sine.

*DE.* Incértumst quid agam; quía praeter spem,  
atque increíble hoc mi óbtigit:

10 *Ita sum ínritatus, ánimum ut nequeam ad cógitan-  
dum instítuere.*

Quamobrem ómnes, cum secúndae res sunt má-  
xume, tum máxume

Meditári secum opórtet, quo pacto advorsam aeru-  
mnám ferant.



Pericla, damna, péregre rediens sémper secum có-  
gítet,

Aut fíli peccatum, aút uxoris mórtem aut morbum  
fíliae:

Commúnia esse haec: néquid horum umquam ácci- 15  
dat animó novom.

Quicquíd praeter spem evéniat, omne id députare  
esse ín lucro.

*GE.* O Phaédria, incredibile quantum erum ánteeo  
sapiéntia.

Meditáta mihi sunt ómnia mea incómmoda, erus si  
rédierit:

Moléndumst in pistríno: vapulándum: habendum  
cómpedes:

Opus rúri faciundum: hórum nil quicquam áccidet 20  
animó novom.

Quicquíd praeter spem evéniet, omne id députabo  
esse ín lucro.

Sét quid cessas hóminem adire, et blánde in prin-  
cipio ádloqui?

*DE.* Phaédriam mei frátris video fílium mi ire ób-  
viam.

*PH.* Mi pátrúe, salve. *DE.* sálve: set ubi est Ánti-  
pho?

*PH.* Salvom ádvenire. *DE.* crédo: responde hóc mihi. 25

*PH.* Valet: híc est: set satin ómnia ex senténtia?

*DE.* Vellém quidem. *PH.* quid istúc est? *DE.* ro-  
gitas, Phaédria?

Bonás, me absente, hic cónfecistis núptias.

*PH.* Eho, an íd suscenses núnc illi? *GE.* o artificém  
probum.

*DE.* Egon ílli non suscenseam? ipsum géstio 30

Dari mi ín conspectum, núnc sua culpa út sciat

Leném patrem illum fáctum me esse acérrimum.

*PH.* Atquí nil fecit, pátrúe, quod suscenseas.

*DE.* Ecce áútem similia ómnia: omnes cóngruunt:

- 35 Vnúm cum noris, ómnes noris. *PH.* haút itast.  
*DE.* Cum in nóxia hic est; ille ad defendéndum  
 adest:  
 Cum ille ést, praesto hic est: trádunt operas mútuas.  
*GE.* Probe hórum facta imprúdens depinxít senex.  
*DE.* Nam ni haéc ita essent, cum illo haut stares,  
 Phaédria.
- 40 *PH.* Si est, pátrúe, culpam ut Ántipho in se admí-  
 serit,  
 Ex quá re minùs rei fóret aut famae témperans:  
 Non cáusam dico, quín quod meritus sít, ferat.  
 Set sí quis forte málitia fretús sua  
 Insídias nostrae fécit adulescéntiae,
- 45 Ac vícit; nostran cúlpa ea est? an iúdicum,  
 Qui saépe propter ínvidiam adimunt díviti,  
 Aut própter misericórdiam addunt paúperi?  
*GE.* Ni nóssem causam, créderem vera húnct loquí.  
*DE.* An quisquam iudex ést, qui possit nóscere
- 50 Tua iústa, ubi tute vérbum non respóndear,  
 Ita ut ille fecit? *PH.* fúnctus adulescéntuli est  
 Offícium liberális: postquam ad iúdicés  
 Ventúmst, non potuit cógitata próloqui:  
 Ita eúm tum timidum ibi óbstupéfecít pudor.
- 55 *GE.* Laudo húnct: set cesso adíre quamprimúm se-  
 nem?  
 Ere, sálve: salvom te ádvenisse gaúdeo. *DE.* oh,  
 Bone cústos, salve, cólumen vero fámiliae:  
 Cui cómmendavi filium hic abiéns meum.  
*GE.* Iamdúdum te omnis nós accusare aúdio
- 60 Inmérito: et me horunc ómnium inmeritíssimo:  
 Nam quíd me in hac re fácere voluistí tibi?  
 Servom hóminem causam oráre leges nón sinunt:  
 Neque téstimoni díctio est. *DE.* mitto ómnia.  
 Addo ístuc: imprudens tímuit adulescéns: sino:
- 65 Tu sérvus: verum sí cognata est máxume,  
 Non fúit necesse habére: set id quod léx iubet,

Dotém daretis; quaéretet aliúm virum.

Qua rátióne inopem pótius ducebát domum?

*GE.* Non rátió, verum argéntum deerat. *DE.* súmeret

Alicúnde. *GE.* alicunde? níhil est dictu fácius. 70

*DE.* Postrémo, si nullo álio pacto, faénore.

*GE.* Hui, díxiti pulchre: sí quidem quisquam créderet,

Te vívo. *DE.* non, non síc futurumst: nón potest.

Egon íllam cum illo ut pátiar nuptam unúm diem?

Nil suáve meritast. hóminem conmonstrárier 75

Mi istúm volo: aut ubi hábitet, demonstrárier.

*GE.* Nempe Phórmionem. *DE.* istúnc patronum múlieris.

*GE.* Iam fáxo hic aderit. *DE.* Ántipho ubi nunc ést? *GE.* foris.

*DE.* Abi, Phaédria, eum requíre, atque adduce húc.

*PH.* co:

Rectá via quidem ílluc. *GE.* nempe ad Pámphilam. 80

*DE.* Ego deós penatis hínc salutatúm domum

Devórtar: inde ibo ad forum, atque aliquót mihi

Amícos advócabo, ad hanc rem qui adsient;

Vt ne ínparatus sím, si adveniat Phórmio.

## ACTVS II. SCENA II.

*PHORMIO. GETA.*

*PH.* Ítane patris áis conspectum véritum hinc abisse? *GE.* admodum.

*PH.* Phánium relíctam solam? *GE.* síc. *PH.* et iratúm senem?

*GE.* Óppido. *PH.* ad te súmma solum, Phórmio, rerúm redit:

Túte hoc intristí: tibi omne est éxedendum: accín-gere.

*GE.* Óbsecro te. *PH.* sí rogabit. *GE.* ín te spes est. 5

*PH.* éccere,

Quíd si reddet? *GE.* tu ímpulisti. *PH.* síc opinor.  
*GE.* súbveni.

*PH.* Cédo senem: iam instrúcta mihi sunt córde  
 consilia ómnia.

*GE.* Quíd ages? *PH.* quid vis? nísi uti maneat Phá-  
 nium: atque ex crímine hoc

Ántiphonem erípiam: atque in me omnem íram  
 derivém senis?

10 *GE.* Ó vir fortis átque amicus. vérum hoc saepe,  
 Phórmio,

Véreor, ne istaec fórtitudo ín nérvom erumpat dé-  
 nique. *PH.* ah.

Nón ita est: factum ést periculum, íám pedum vi-  
 sást via.

Quót me censes hómínes iam devérberasse usque  
 ád necem,

Hóspites, tum cívis? quo magis nóvi, tanto saépius.

15 Cédo dum, en unquam iniúriarum audísti mihi scri-  
 ptám dicam?

*GE.* Quí istuc? *PH.* quia non réte accipitri ténditur  
 neque mílío,

Quí male faciunt nóbis: illis quí nil faciunt, téndi-  
 tur:

Quía enim in illis frúctus est, in ístis opera lúditur.

Áliis aliunde ést periculum, unde áliquíd abradí po-  
 test;

20 Míhi sciunt nil ésse. dices, dúcent damnatúm do-  
 mum:

Álere nolunt hómínem edacem: et sápiunt mea  
 senténtia,

pró maleficio sí beneficium súmmum nolunt réd-  
 dere.

*GE.* Nón pote satis pro mérito ab illo tibi referri  
 grátia.

*PH.* Ímmo enim nemo sátis pro merito grátiam  
 regí refert,

Tén asymbolúm venire, unctum átque lautum e bál- 25  
neis,

Ótiosum ab ánimo; cum ille et cúra et sumptu ab-  
súmitur:

Dúm fit, tibi quod pláceat, ille ríngitur: tu rídeas;  
Príor bibas; priór decumbas; céna dubia appónitur.

*GE.* Quíd istuc verbi est? *PH.* úbi tu dubites quíd  
sumas potíssimum.

Haéc cum rationem íneas quam sint suávia, et quam 30  
cára sint;

Éa qui praebet, nón tu hunc habeas pláne praesen-  
tém deum?

*GE.* Sénex adest: vide quíd agas: prima cóitios t  
acérrima:

Si eám sustinuerís, post illa iam, út lubet, ludás  
licet.

## ACTVS II. SCENA III.

DEMIPHO. GETA. PHORMIO.

*DE.* En úmquam cuiquam cóntumeliósius

Audístis factam iniúriam quam haec est mihi?

Adéste quaeso. *GE.* irátus est. *PH.* quin tu hóc age:

Iam ego hunc agitabo. pró deum inmortalium,

Negat Phánium esse hanc sibi cognatam Démipho? 5

Hanc Démipho negat ésse cognatám? *GE.* negat.

*DE.* Ipsum ésse opinor dé quo agebam. séquimini.

*PH.* Neque eíus patrem se scíre qui fuerít? *GE.*  
negat.

*PH.* Nec Stílphonem ipsum scíre qui fuerít? *GE.*  
negat.

*PH.* Quia egéns relicta est mísera, ignoratúr parens: 10

Neclégitur ipsa: víde, avaritia quíd facit.

*GE.* Si erum ínsimulabis málitiae, male aúdiés.

*DE.* O audáciam, etiamne últro accusatum ádvenit?

*PH.* Nam iam ádulescenti níhil est quod suscénseam,

- 25 Si illúm minus norat: quíppe homo iam grándior,  
 Paupér, cui in opere víta erat, rurí fere  
 Se cóntinebat: sibi agrum de nostró patre  
 Coléndum habebat: saépe interea míhi senex  
 Narrábat, se hunc neclégere cognatúm suum:  
 20 At quém virum? quem ego víderim in vita óptu-  
 mum.

*GE.* Videás te atque illum, ut nárras? *PH.* i in ma-  
 lám crúcem.

Nam ni íta cum existimássem, numquam tám gravis  
 Ob hanc ínimiticias cáperem in vostram fámiliam,  
 Quam is áspernatur núnc tam inliberáliter.

- 25 *GE.* Pergín ero absentí mále loqui, impuríssime?

*PH.* Dignum autótem hoc illo est. *GE.* áin tamen,  
 carcér? *DE.* Geta.

*GE.* Bonórum extortor, légum contortór. *DE.* Geta.

*PH.* Respónde. *GE.* quis homo est? ehém. *DE.* tace.

*GE.* absentí tibi

Te indignas atque dignas contumélias

- 30 Numquám cessavit dícere. *DE.* ohe désine.

Aduléscens, primum abs te hóc bona venia éxpeto,  
 Si tibi placere pótis est, mi ut respóndeas:

Quem amícum tuum ais fuisse istum, explaná mihi:  
 Et quí cognatum mé sibi esse díceret.

- 35 *PH.* Proinde éxpiscare quási non nosses. *DE.* nós-  
 sem? *PH.* ita.

*DE.* Ego mé nego: tu quí ais redige in mémoriam.

*PH.* Eho tú sobrinum tuúm non noras? *DE.* énicas.

Dic nómen. *PH.* nomen? *DE.* máxume. quid núnc  
 taces?

*PH.* Perii hércle, nomen pérddi. *DE.* hem, quid  
 ais? *PH.* Geta,

- 40 Si méministi id quod ólim dictumst, súbiice. hem,  
 Non díco: quasi non nóris, temptatum ádvenis.

*DE.* Egone autótem tempto? *GE.* Stílpho. *PH.* atque  
 adeo quíd mea?

Stilphóst. *DE.* quem dixisti? *PH.* Stilphonem inquam nóveras.

*DE.* Neque ego illum noram, néque mi cognátus fuit  
Quisquam ístoc nomine. *PH.* ítane? non te horúm 45  
pudet?

At sí talentum rém reliquissét decem,

*DE.* Di tíbi malefaciant. *PH.* prímus esses mémo-  
riter

Progéníem vostram usque áb avo atque atavo pró-  
ferens.

*DE.* Ita ut dícis. ego tum cum ádvenissem, quí mihi  
Cognáta ea esset, dicerem: itidem tú face: 50

Cedo qui ést cognata? *GE.* eu nóster, recte: heus  
tú, cave.

*PH.* Dilúcide expedívi, quibus me opórtuit  
Iudícibus: tum id si fálsum fuerat, filius  
Cur nón refellit? *DE.* filium narrás mihi?  
Cuius dé stultitia dící, ut dignumst, nón potest. 55

*PH.* At tú qui sapiens és, magistrátus adi;  
Iudícium de eadem caúsa iterum ut reddánt tibi:  
Quandóquidem solus régnas; et solí licet  
Hic de eádem causa bís iudícium apíscier.

*DE.* Etsí mihi facta iniúriast; verúm tamen 60

Potiús quam lites sécter aut quam te aúdiam,  
Itidem út cognata si sit, id quod léx iubet  
Dotém dare, abduce hánc: minas quinque áccipe.

*PH.* Ha, ha, haé, homo suavis. *DE.* quíd? num ini-  
quom póstulo?

An ne hóc quidem ego adipíscar, quod ius públi- 65  
cumst?

*PH.* Itan tándem quaeso, ítem út meretricem ubi  
abúsus sis,

Mercédem dare lex iúbet eii atque amíttere?

An, ut né quid civis túrpe in sese admítteret

Proptér egestatem, próxumo iussást dari:

Vt cum úno aetatem dégeret? quod tú vetas. 70

*DE.* Ita, próxumo quidem: át nos unde? aut quámobrem? *PH.* ohe,

Actum, áiunt, ne agas. *DE.* nón agam? immo haut désinam

Donéc perfecero hóc. *PH.* ineptis. *DE.* síne modo.

*PH.* Postrémo tecum níl rei nobis, Démipho, est:

75 Tuus ést damnatus gnátus, non tu: nám tua Praetérierat iam ad dúcendum aetas. *DE.* ómnia haec

Illúm putato, quae égo nunc dico, dícere:

Aut quídem cum uxore hac ípsum prohibebó domo.

*GE.* Irátus est. *PH.* tute ídem melius féceris.

80 *DE.* Itane és paratus fácere me advorsum ómnia, Infélix? *PH.* metuit híc nos, tametsi sédulo Dissímulat. *GE.* bene habent tibi principia. *PH.* quín quod est

Ferúndum, fers: tuis dígnum factis féceris:

Vt amíci inter nos símus. *DE.* egon tuam éxpetam

85 Amícitiam? aut te vísum aut auditúm velim?

*PH.* Si cóncordabis cum ílla, habebis quae tuam Senectútem oblectet: réspice aetatém tuam.

*DE.* Te oblétet: tibi habe. *PH.* mínue vero iram. *DE.* hóc age.

Satis iám verborumst: nísi tu properas múlierem

90 Abdúcere, ego illam eísciam: dixi, Phórmio.

*PH.* Si tu íllam attigeris sécus quam dígnum est liberam,

Dicám tibi inpingam grándem: dixi, Démipho.

Si quíd opus fuerit, heús domo me. *GE.* intéllego.

## ACTVS II. SCENA IV.

*DEMIPHO. GETA. HEGIO. CRATINVS. CRITO.*

*DE.* Quantá me cura et sóllicitudine ádficit

Gnátus, qui me et se hisce ínpedivit núptiis?

Neque mi ín conspectum pródit; ut saltém sciam,



Quid de hác re dicat, quídve sit senténtiae.  
 Abi, víse redierítne iam an nondúm domum. 5  
*GE.* Eó. *DE.* videtis quo ín loco res haéc siet:  
 Quid ágo? dic, Hegio. *HE.* égo? Cratinus, cénseo:  
 Si tibi videtur. *DE.* díc, Cratine. *CRA.* méne vis?  
 Ego quae ín rem tuam sint, éa velim faciás: mihi  
 Sic hód videtur. quód te absente hic fílius 10  
 Egít, restitui in íntegrum aequom esse ác bonum:  
 Et id ímpetrabis. díxi. *DE.* dic nunc, Hégio.  
*HE.* Ego sédulo hunc dixísse credo: vérum ita est,  
 Quot hómínes tot senténtiae: suus cuíque mos.  
 Míhi nón videtur, quód sit factum légibus, 15  
 Rescíndi posse: et túrpe inceptu est. *DE.* díc, Crito.  
*CRI.* Ego ámplius deliberandum cénseo:  
 Res mágna est. *HE.* nunquid nós vis? *DE.* fecistís  
 probe:  
 Incértior sum múlto quam dudúm. *GE.* negant  
 Redísse. *DE.* frater ést expectandús mihi: 20  
 Is quód mihi de hac re déderit consílium, íd sequar  
 Percóntatum ibo ad pórtum, quoad se récipiat.  
*GE.* At ego Antíphonem quaéram; ut quae acta hic  
 sínt sciat.  
 Set eccum ípsum video in témpore huc se récipere.

## ACTVS III. SCENA I.

## ANTIPHO. GETA.

*AN.* Énimvero, Antiphó, multimodis cum ístoc  
 animo es vítuperandus:  
 Ítane te hinc abísse, et vitam tuám tutandam aliís  
 dedísse?  
 Álios tuam rem crédidisti mágis quam tete animád-  
 versuros?  
 Nam út ut erant alia; ílli certe quae nunc tibi do-  
 míst consuleres,  
 Néquid propter tuám fidem decépta potiretúr mali: 5

Cuius nunc miserae spes opesque sunt in te uno  
omnes sitae.

*GE.* Et quidem, ere, nos iamdudum hic te absentem  
incusamus, qui abieris.

*AN.* Te ipsum quaerebam. *GE.* set ea causa nihilo  
magis defecimus.

*AN.* Loquere obsecro quonam in loco sunt res et  
fortunae meae:

10 *Num patri quid subolet?* *GE.* nil etiam. *AN.* ecquid  
spei porrost? *GE.* nescio. *AN.* ah.

*GE.* Nisi Phaedria haut cessavit pro te eniti. *AN.*  
nil fecit novi.

*GE.* Tum Phormio itidem in hac re, ut aliis, strenuum  
hominem praebuit.

*AN.* Quid is fecit? *GE.* confutavit verbis admodum  
iratum senem.

*AN.* Eu, Phormio. *GE.* ego quod potui porro. *AN.*  
mi Geta, omnis vos amo.

15 *GE.* Sic habent principia sese, ut dico: adhuc tranquilla  
res est:

Mansurusque patrum pater est, dum huc adveniat,  
*AN.* quid eum? *GE.* id aibat

De eius consilio velle sese facere, quod ad hanc rem  
attinet.

*AN.* Quantus metus est mihi, venire huc salvom  
nunc patruum, Geta?

Nam de eius una, ut audio, aut vivam aut moriar  
sententia.

20 *GE.* Phaedria tibi adest. *AN.* ubinamst? *GE.* eccum  
ab sua palaestra exit foras.

### ACTVS III. SCENA II.

*PHAEDRIA. DORIO. ANTIPHO. GETA.*

*PH.* Dorio, audi obsecro. *DO.* non audio. *PH.* pa-  
rumper. *DO.* quin omitte me.

*PH.* Audi quid dicam. *DO.* át enim taedet iam áudire eadem mílies.

*PH.* Át nunc dicam quód lubenter áudias. *DO.* loquere, áudio.

*PH.* Néqueo te exoráre ut maneat tríduum hoc? quo núnc abis?

*DO.* Mirábar si tu míhi quicquam adferrés novi. 5  
*AN.* ei

Metuó lenonem, néquid. *GE.* suo capítí fuat.

*PH.* Nón mihi credis? *DO.* háriolare. *PH.* sín fidem do. *DO.* fábulae.

*PH.* Faéneratum istúc beneficium púlchre tibi dicés. *DO.* logi.

*PH.* Créde mihi, gaudébis facto: vérum hercle hoc est. *DO.* sómnia.

*PH.* Éxperire: nón est longum. *DO.* cántilenam 10 eandém canis.

*PH.* Tú cognatus, tú parens, tu amícus, tu. *DO.* garrí modo.

*PH.* Ádeon ingenio ésse duro te átque inexorábili, Vt neque misericórdia neque précibus mollirí queas?

*DO.* Ádeon te esse incógitantem atque ínprudentem Phaédria,

Vt phaleratis díctis ducas me; ét meam ductes grátiis? 15

*AN.* Míseritumst. *PH.* ei vérís vincor. *GE.* quám uterque est similís sui.

*PH.* Néque, Antipho alia cum óccupatus éssét sollicitúdine,

Tum hóc esse mi obiectúm malum? *AN.* ah, quid istúc autem est, Phaédria?

*PH.* Ó fortunatíssime Antipho. *AN.* égone? *PH.* cui quod amás domist.

Néc cum huiusmodi umquam úsus venit út conflictarés malo. 20

*AN.* Míu domist? immo, íd quod aiunt, aúribus te-  
neó lupum:

[Nam neque quo pacto a me amittam: neque, uti  
retineam, scio.]

*DO.* Ípsu[m] istuc mi in hoc est. *AN.* heia, né parum  
lenó sies.

Númquid hic confécit? *PH.* hicine? quód homo in-  
humaníssimus:

25 *Pámphilam* meam véndidit. *GE.* quid? véndidit?  
*AN.* ain véndidit?

*PH.* Véndidit. *DO.* quam indígnum facinus, áncil-  
lam aere emptám suo.

*PH.* Néqueo exorare út me maneat, ét cum illo ut  
mutét fidem,

Tríduum hoc: dum id, quód est promissum, ab  
amícis argentum aúfero:

Sí non tum dederó, únám praeterea hóram ne op-  
pertús siet.

30 *DO.* Óptume. *AN.* haut longúmst quod orat, Dório:  
exorét sine:

Ídem hic tibi, quod béne promeritus fúeris, condu-  
plicáverit.

*DO.* Vérba istaec sunt. *AN.* *Pámphilamne* hac úrbe  
privarí sines?

Túm praeterea horúnc amorem dístrahi poterín  
pati?

*DO.* Néque ego, neque tu. *GE.* dí tibi omnes íd quod  
es dignús duint.

35 *DO.* Égo te complurís advorsum ingénium meum  
mensés tuli,

Póllicitantem et níl ferentem, fléntem: nunc, con-  
tra ómnia haec,

Répperi qui dét neque lacrumet: dá locum meliór-  
ribus.

*AN.* Cérte hercle, ego si sátis commemini, tíbi qui-  
dem est olím dies,

Quoád dares huic, praéstituta. *PH.* fáctum. *DO.*  
num ego istúc nego?

*AN.* Iam éa praeteriit? *DO.* nón, verum haec ei án- 40  
tecessit. *AN.* nón pudet

Vánitatis? *DO.* mínime, dum ob rem. *GE.* stérculi-  
num. *PH.* Dório,

Ítane tandem fácere oportet? *DO.* síc sum: si pla-  
ceo, útere.

*AN.* Sícine hunc decipis? *DO.* ímmo enimvero hic,  
Ántipho, me decipit:

Nam híc me huiusmodi scíbat esse: ego húncc esse  
aliter crédidi:

Íste me feféllit; ego isti níhilo sum aliter ác fui. 45

Sét ut ut haec sunt, támen hoc faciam: crás mane  
argentúm mihi

Miles dare se díxit: si mihi príor tu attuleris, Phaé-  
dria,

Meá lege utar; út sit potior, príor ad dandum qui  
ést. Vale.

## ACTVS III. SCENA III.

*PHAEDRIA. ANTIPHO. GETA.*

*PH.* Quíd faciam? unde ego núnc tam subito huic  
árgentum inveniám miser,

Cuí minus nihilo est? quód si hinc pote fuísset exo-  
rárier

Tríduum hoc, promíssum fuerat. *AN.* ítane hunc  
patiemúr, Geta,

Fíeri miserum, quí me dudum, ut díxti, adiurit có-  
mitter?

Quín, cum opus est, benefícium rursus ei éxperi- 5  
mur réddere?

*GE.* Scío equidem hoc esse aéquom. *AN.* age ergo,  
sólus servare húncc potes.

*GE.* Quíd faciam? *AN.* inveniás argentum. *GE.* cú-  
pio: set id unde, édoce.

*AN.* Páter adest hic. *GE.* scío: set quid tum? *AN.*  
ah, díctum sapientí sat est.

*GE.* Ítan ais? *AN.* ita. *GE.* sane hércle pulchre suá-  
des: etiam tu hínc abis?

10 *Nón* triumpho, ex núptiis tuis sí nil nanciscór  
mali,

Ni étiam nunc me huius caúsa quaerere ín malo  
iubeás malum?

*AN.* Vérum hic dicit. *PH.* quíd? ego vobis, Géta,  
alienus sum? *GE.* haút puto:

Sét parumne est, quod ómnibus nunc nóbis suscen-  
sét senex,

Ni ínstigemus étiam, ut nullus lócus relinquatúr  
preci?

15 *PH.* Álius ab oculis meis illam in ígotum abdu-  
cét locum? hem:

Quín igitur, dum lícet dumque adsum, lóquimini  
mecum, Ántipho,

Cóntemplamíní me. *AN.* quamobrem? aut quídnam  
facturús, cedo.

*PH.* Quóquo hinc asportábitur terrárum, certum  
est pésequi,

Aút perire. *GE.* dí bene vortant, quód agas: pede-  
temptím tamen.

20 *AN.* Víde opis siquid pótes adferre huic. *GE.* sí-  
quíd? quíd? *AN.* quaere óbsecro:

Néquid plus mínusve faxit, quód nos post pigeát,  
Geta.

*GE.* Quaéro: salvos est, ut opinor: vérum enim me-  
tuó malum.

*AN.* Nóli metuere: úna tecum bóna, mala, tolerá-  
bimus.

*GE.* Quántum est opus argénti, eloquere. *PH.* sólae  
trigintá minae.

25 *GE.* Tríginta? hui percárast, Phaedria. *PH.* ístaec  
vero v́ilis est.

*GE.* Áge, age, inventas réddam. *PH.* o lepidum. *GE.*  
auférte. *PH.* iam opust. *GE.* iám feres:  
Sét opus est mi Phórmionem ad hánc rem adiuto-  
rém dari.

*AN.* Praéstost: audacíssume oneris quídvis impone,  
ét feret:

Sólus est homo amíco amicus. *GE.* eámus ergo ad  
eum ócius.

*AN.* Númquid est quod operá mea vobis ópus sit? 30  
*GE.* nil: verum ábi domum.

Ét illam miseram, quam égo nunc intus scío esse  
exanimatám metu,

Cónsolare. céssas? *AN.* nihil est, aéque quod faciám  
lubens.

*PH.* Quá via istuc fácies? *GE.* dicam in ítere: modo  
te hinc ámove.

## ACTVS IV. SCENA I.

DEMIPHO. CHREMES.

*DE.* Quid? quá profectus caúsa hinc es Lemnúm,  
Chreme,

Addúxtin tecum filiam? *CH.* non. *DE.* quíd ita non?  
*CH.* Postquám videt me eius máter esse hic díutius;  
Simul áutem non manébat aetas vírginis

Meam néclegantiam; ípsam cum omni fámilia 5

Ad mé profectam esse aíbant. *DE.* quid illic tám diu  
Quaeso ígitur commorábare, ubi id audíveras?

*CH.* Pol mé detinuit mórbus. *DE.* unde? aut quí?  
*CH.* rogas?

Senéctus ipsast mórbus. set venísse eas

Salvás audivi ex náuta qui illas véxerat. 10

*DE.* Quid gnáto optigerit me ábsente, audistín,  
Chreme?

*CH.* Quod quídem me factum cónsili incertúm facit.  
Nam hanc cónditionem sí cui tulero extráριο,  
Quo pácto aut unde míhi sit, dicundum órdine est.

- 15 Te mihi fidelem esse aequae atque egometsum mihi  
 Scibam: ille si me alienus adfinem volet,  
 Tacébit, dum intercédet familiáritas:  
 Sin spréverit me, plús quam opus est scitó sciet.  
 Vereórque, ne uxor áliqua hoc resciscát mea:  
 20 Quod sí fit, ut me excútiám atque egrediár domo,  
 Id réstat: nam ego meórum solus súm meus.  
*DE.* Scio ita ésse: et istaec mihi res sollicitúdinist:  
 Neque défetiscar úsque adeo experírier,  
 Donéc tibi id quod póllicitus sum effécero.

## ACTVS IV. SCENA II.

*GETA.*

- Ego hóminem callidiórem vidi néminem,  
 Quam Phórmionem. vénio ad hominem, ut dícerem  
 Argéntum opus esse, et id quo pacto fieret.  
 Vix dúm dimidium díxeram, intelléxerat:  
 5 Gaudébat: me laudábat: quaerebát senem:  
 Dis grátias agébat, tempus síbi dari,  
 Vbi Phaédriaí osténderet nihiló minus  
 Amícum se esse, quam Ántiphoni. hominem ád  
 forum  
 Iussi ópperiri: eo me ésse adducturúm senem.  
 10 Set eccum ípsam. qui est ultérior? attat Phaédriae  
 Pater vénit. set quid pértimui autem bélua?  
 An quía, quos fallam, pro úno duo sunt míhi dati?  
 Commódius esse opínor dúplici spe útier.  
 Petam hínc unde a primo ínstitui: is si dát, sat est:  
 15 Si ab eó nil fiet, tum hínc adoriar hóspitem.

## ACTVS IV. SCENA III.

*ANTIPHO. GETA. CHREMES. DEMIPHO.*

- AN.* Exspécito, quam mox récipiat sesé Geta.  
 Set pátruum video cúm patre adstantem. eí mihi,  
 Quam tímeo, adventus húius quo inpellát patrem.  
*GE.* Adíbo: o salve, nóster Chreme. *CH.* salvé, Geta.



*GE.* Veníre saluum vólupest. *DE.* credo. *GE.* quíd 5  
agitur?

*CH.* Multa ádyenienti, ut fít, nova hic complúria.

*GE.* Ita. de Ántiphone audístin quae facta? *CH.*  
ómnia.

*GE.* Tun díxeras huic? fácinus indignúm, Chreme,  
Sic círcumiri? *DE.* id cum hóc agebam cómmodum.

*GE.* Nam hercle égo quoque id quidem ágitans me- 10  
cum sédulo,

Invéni, opinor, rémedium huicrei. *CH.* quíd, Geta?

*DE.* Quod rémedium? *GE.* ut abii ábs te, fit forte  
óbviam

Mihi Phórmio. *CH.* qui Phórmio? *GE.* is qui istám.  
*CH.* scio.

*GE.* Visum ést mi, ut eius temptárem prius sentén-  
tiam.

Prendo hómíne solum: cú non, inquam, Phórmio, 15

Vidémus, inter nós haec potius cúm bona

Vt cómponantur grátia, quam cúm mala?

Erus líberalis ést et fugitans lítium:

Nam céteri quidem hercle amici omnes modo

Vno óre auctores fuére, ut praecipitem hánc daret. 20

*AN.* Quid hic coéptat, aut quo evádet hodie? *GE.*  
an légibus

Datúrum poenas díces, si illam eiécerit?

Iam id éxploratumst: heía sudabís satis,

Si cum illo inceptas hómíne: ea eloquéntia est.

Verúm pono esse víctum eum: at tandém tamen 25

Non cápitis ei res ágitur, set pecúniae.

Postquam hómíne his verbis séntio mollírier;

Solí sumus nunc, inquam, hic: eho, quid vís dari

Tibi ín manum, erus ut hís desístat lítibus:

Haec hínc facessat, tú molestus né sies. 30

*AN.* Satin illi di sunt própitii? *GE.* nam sát scio,

Si tu áliquam partem aequí bonique díxeris,

Vt est ille bonus vir, tría non commutábitis

Verba hódie inter vos. *DE.* quis te istaeciussít loqui?

- 35 *CH.* Immó non potuit mélius pervenírier  
 Eo quó nos volumus. *AN.* óccidi. *CH.* perge éloquát.  
*GE.* A prímo homo insaníbat. *DE.* cedo, quid pó-  
 stulat?  
*GE.* Quid? nímium quantum. *CH.* cuántum? dic.  
*GE.* siquís daret  
 Taléntum magnum. *DE.* immó malum hercle: ut  
 níl pudet!
- 40 *GE.* Quod díxi adeo eii: quaéso, quid si fíliam  
 Suam únicam locáret? parvi réttulit  
 Non súscépisse: invénta est quae dotém petat.  
 Vt ad paúca redeam, ac míttam illius inéptias:  
 Haec dénique eius fúit postrema orátio:
- 45 Ego, ínquit, iam a princípío amici fíliam,  
 Ita ut aéquom fuerat, vólui uxorem dúcere.  
 Nam míhi veníbat ín mentem eius incómmodi,  
 In sérvitutem paúperem ad ditém dari.  
 Set mi ópus erat, ut apérte tibi nunc fábuler,
- 50 Aliquántulum quae adférret qui dissólverem  
 Quae débeo: et etiám nunc, si volt Démípho  
 Dare cuántum ab hac accípío, quae sponsást míhi;  
 Nullám míhi malim, quam ístanc uxorem dari.  
*AN.* Vtrúm stultitia fácere ego hunc an málitia
- 55 Dicám, scientem an ínprudéntem, incértus sum.  
*DE.* Quid, si ánimam debet? *GE.* áger oppositust  
 pígnori  
 Ob decem mnas, ínquit. *DE.* áge, age, iam ducát:  
 dabo.  
*GE.* Aedículae item sunt ób decem alias. *DE.* oíeí,  
 Nimiúmst. *CH.* ne clama: pétito illasce a mé decem.
- 60 *GE.* Vxóri emunda ancíllast: tum autem plúscula  
 Supelléctile opus est: ópus est sumptu ad núptias:  
 His rébus alias póne sane, ínquit, decem.  
*DE.* Sescéntas proinde scríbíto iam míhi dicas:  
 Níl do: ínpuratus me ille ut etiám inrídeat?
- 65 *CH.* Quaeso, égo dabo, quíesce: tu modo fílius  
 Fac ut íllam ducat, nós quam volumus. *AN.* eí míhi

Geta, occidisti me tuis fallaciis.

*CH.* Mea causa eiicitur: me hoc est aequom amittere.

*GE.* Quantum potest me certiore, inquit, face:

Si illam dant, hanc ut mittam: ne incertus siem: 70

Nam illi mihi dotem iam constituerunt dare.

*CH.* Iam accipiat: illis repudium renuntiet:

Hanc ducat. *DE.* quae quidem illi res vortat male.

*CH.* Opportune adeo argentum nunc mecum attuli,

Fructum, quem Lemni uxoris reddunt praedia: 75

Inde sumam: uxori, tibi opus esse, dixero.

## ACTVS IV. SCENA IV.

*ANTIPHO. GETA.*

*AN.* Geta. *GE.* hem. *AN.* quid egisti? *GE.* emunxi argentó senes.

*AN.* Satin est id? *GE.* nescio hercle, tantum iussus sum.

*AN.* Eho, verbero, aliud mihi respondes ac rogo?

*GE.* Quid ergo narras? *AN.* quid ego narrem? operá tua

Ad restim mi quidem res redit planissime. 5

Vt te quidem omnes, di deae, superi, inferi,

Malis exemplis perdant! em, si quid velis,

Huic mandes, qui te ad scopulum e tranquillo auferat.

Quid minus utibile fuit, quam hoc ulcus tangere

Aut nominare uxorem? iniecta est spes patri 10

Posse illam extrudi. cedo nunc porro, Phormio

Dotem si accipiet, uxor ducenda est domum,

Quid fiet? *GE.* non enim ducet. *AN.* novi. ceterum

Cum argentum repetent, nostra causa scilicet

In nervom potius ibit. *GE.* nihil est, Antipho, 15

Quin male narrando possit depravari.

Tu id quod boni est excerpis: dicis quod mali est.

Audi nunc contra iam: si argentum acceperit,

Ducenda est uxor, ut ais: concedo tibi:

- 20 Spatiúm quidem tandem ápparandis núptiis,  
 Vocánda, sacrificánda dabitur paúlulum.  
 Intérea amici, quód polliciti súnť, dabunt:  
 Inde iste reddet. *AN.* quámobrem? aut quid dicet?  
*GE.* rogas?
- Quot rés post illa mónstra evenerúnť mihi?
- 25 Intróiit in aedis áter alienús canis:  
 Anguís in inpluvium décidit de tégulis:  
 Gallína cecinit: íterdixit háriolus:  
 Arúspex vetuit: ánte brumam autém novi  
 Negóti nihil incípere causa est sóntica.
- 30 Haec fiént. *AN.* ut modo fiánt. *GE.* fiént: mé vide.  
 Pater éxit: abi, dic ésse argentum Phaédriae.

## ACTVS IV. SCENA V.

*DEMIPHO. GETA. CHREMES.*

*DE.* Quiétus esto, inquam: égo curabo né quid verborúm duit.

Hoc témere numquam amíttam ego a me, quín mihi testis ádhibeam:

Cui dém, quamobrem dem, cómmemorabo. *GE.* ut caútus est, ubi níhil opust.

*CH.* Atqui íta opus factó est, ét mature, dúm libido eadem haéc manet:

5 Nam si áltera illaec mágis instabit, fórsitan nos reíciat.

*GE.* Rem ipsám putasti. *DE.* dúc me ad eum ergo.  
*GE.* nón moror. *CH.* ubi hoc égeris,

Transíto ad uxorém meam, ut convéniat hanc prius quam hínc abit.

Dicát eam dare nos Phórmioni núptum, ne suscénseat:

Et mágis esse illum idóneum, ipsi quí sit familiárior:

10 Nos nóstro officio níl degressos: quántum is voluerít dari,

Datum ésse dotis. *DE.* quíd tua, malum, id réfert?  
*CH.* magni, Démipho.

Non sátiſ est tuum te offícium facere, fáma si id  
non ádprobat:

Volo ipsíus quoque voluntáte haec fieri, né se  
eiectam praédicet.

*DE.* Idem égo istuc facere póssum. *CH.* mulier mú-  
lieri magis cóngruet.

*DE.* Rogábo. *CH.* ubi ego illas núnc iam reperíre 15  
possim, cógito.

## ACTVS V. SCENA I.

SOPHRONA. CHREMES.

*SO.* Quíd agam? quem mi amícum misera invéniam,  
quo consília haec referam, atque

Vnde mi auxiliúm petam?

Nám vereor, era ne ób meum suatum indígne in-  
iuria ádficiatur:

Íta patrem adulescéntis facta haec tólerare audió  
violenter.

*CH.* Nám quae haec anus est, éxanimata a frátre 5  
quae egressást meo?

*SO.* Quod ut fácerem egestas me ímpulit; cum scí-  
rem infirmas núptias

Hasce ésse: ut id consúlerem, interea víta ut in-  
tutó foret.

*CH.* Cérte edepol, nisi me ánimus fallit, aút parum  
prospíciunt oculi,

Meaé nutricem gnátae video. *SO.* néque ille inve-  
stigátur. *CH.* quid ago?

*SO.* Qui éius pater est. *CH.* ádeo? an maneo, dum 10  
haec quae loquitur, mágis cognosco?

*SO.* Quód si eum núnc reperíre possim, níhil est  
quod vereár. *CH.* east ipsa.

Cónloquar. *SO.* quis hic lóquitur? *CH.* Sophrona.  
*SO.* ét meum nomen nóminat?

*CH.* Réspice ad me. *SO.* di óbsecro vos, éstne hic  
Stilpho? *CH.* nón. *SO.* negas?

*CH.* Cóncede hinc a fóribus paulum istórsum so-  
des, Sóphrona.

15 *Ne me istoc posthac nómine appellássis. SO.* quid?  
non óbsecro es

Quem sémpet te esse díctitasti? *CH.* ést. *SO.* quid  
has metuís fores?

*CH.* Conclúsam hic habeo uxórem saevam. vérum  
istoc me nómine

Eo pérperam olim díxi, ne vos fórté imprudentés  
foris

Effútiretis; átque id porro aliqua úxor mea rescí-  
sceret.

20 *SO.* Istóc pol nos te hic ínvenire míserae numquam  
pótuimus.

*CH.* Eho díe mihi, quid reí tibi est cum fámilia hac  
unde éxis?

Vbi íllae? *SO.* miseram me. *CH.* héme, quid est? vi-  
vúntne? *SO.* vivit gnáta.

Matrem ípsam ex aegritúdiue miserám mors con-  
secúta est.

*CH.* Male fáctum. *SO.* ego autem quae éssem anus  
desérta, egeus, ignóta,

25 *Vt pótui, nuptum vírginem locávi huic adules-  
cénti,*

Harúm qui est dominus aédium. *CH.* Antiphónine?  
*SO.* isti inquam ípsi.

*CH.* Quid? duásne is uxorés? *SO.* au, obsecro, únám  
ille quidem hanc sólam.

*CH.* Quid íllam álteram quae díctitur cognáta? *SO.*  
haec ergost. *CH.* quíd ais?

*SO.* Compósito factumst, quó modo hanc amáns ha-  
bere pósset

30 *Sine dóte. CH.* di vostrám fidem, quam saépe forte  
témere

Evéniunt quae non aúdeas optáre? offendi advé-  
niens

Quicúm volebam atque út volebam filiam locátam.

Quod nós ambo opere máxumo dabámus operam  
ut fieret.

[Sine nostra cura maxima, sua cura haec sola fecit.]

*SO.* Nunc quíd opus facto sít vide. pater ádulescen- 35  
tis vénit:

Eumque ánimo iniquo hoc óppido ferre áiunt. *CH.*  
nil periclist.

Set pér deos atque hominés, meám esse hanc cáve  
resciscat quísquam.

*SO.* Nemo éx me scibit. *CH.* séquere me: intus có  
tera audiémus.

## ACTVS V. SCENA II.

*DEMIPHO. GETA.*

*DE.* Nostrápte culpa fácimus, ut malís expediat  
ésse:

Dum nímium dici nós bonos studémus et benignos.

Ita fúgias ne praeter casam, quod áiunt. nonne id  
sát erat,

Accípere ab illo iniúriam? etiam argéntumst ultro  
obiéctum:

Vt sít qui vivat, dum áliud aliquid flágití conficiat. 5

*GE.* Planíssime. *DE.* iis nunc praémium est, qui ré-  
cta prava faciunt.

*GE.* Veríssime. *DE.* ut stultíssime quidem illi rem  
gessérimus.

*GE.* Modo ut hoc consilio póssiet discédi, ut istam  
dúcat.

*DE.* Etiam ídne dubiumst? *GE.* haút scio hercle,  
ut homóst, an mutet ánimo.

*DE.* Hem, mútet autem? *GE.* néscio: verúm, si 10  
forte, díco.

*DE.* Ita fáciam, ut frater cénsuit, ut uxórem huc  
eius addúcam:

Cum ista út loquatur. tú, Geta, abi prae: núntia  
hanc ventúram.

*GE.* Argéntum inventumst Phaédriae: de iúrgio sí-  
létur:

Provísum est, ne in praeséntia haec hinc ábeat:  
quid nunc pórró?

15 Quid síet? in eodem haésitas lutó: vorsura sólvís:  
Praeséns quod fuerat, ín diem malum ábiit: plagae  
créscunt,

Nisi próspicís. nunc hinc domum ibo; ac Phánium  
edocébo

Nequíd vereatur Naústratam, neque eíus oratió-  
nem.

### ACTVS V. SCENA III.

*DEMIPHO NAVSISTRATA. CHREMES.*

*DE.* Agedum, út soles, Nausístrata: fac illa út pla-  
cetur nóbis

Vt suá voluntate íd quod est faciúndum faciat.  
*NAV.* fáciam.

*DE.* Paritér nunc opera me ádiuvas, ac ré dudum  
opituláta es.

*NAV.* Factúm volo: ac pol mínus queo viri cúlpa,  
quam me dígnumst.

5 *DE.* Quid áútem? *NAV.* quia pol meí patris bene  
párta indiligénter

Tutátur: nam ex iis praédiis talénta árgenti bína  
Capiébat statim: hem vír viro quid praéstát? *DE.*  
bina quaéso?

*NAV.* Ac rébus vilióribus, tamén duo talénta. *DE.*  
hui.

*NAV.* Quid haéc videntur? *DE.* scílicet. *NAV.* vi-  
rúm me natum véllem:

10 Ego osténdercm. *DE.* certó scio. *NAV.* quo pácto.  
*DE.* parce sódes,

Vt póssis cum illa; né adulescens múlier te fati-  
get.

*NAV.* Faciam, út iubes: set meúm virum abs te  
exíre video. *CH.* ehem, Démipho,



Iam illí datum est argéntum? *DE.* curavi sílico. *CH.*  
nollém datum.

Ei, vídeo uxorem: paéne plus quam sát erat. *DE.*  
cur nollés, Chreme?

*CH.* Iam récte. *DE.* quid tu? ecquíd locutus cum 15  
ísta es, quamobrem hanc dúcimus?

*CH.* Transégi. *DE.* quid ait tándem? *CH.* abduci  
nón potest. *DE.* qui nón potest?

*CH.* Quia utérque utrique est córdi. *DE.* quid istuc  
nóstra? *CH.* magni: praéter haec,

Cognátam comperi ésse nobis. *DE.* quíd? deliras.  
*CH.* síc erit

Non temere dico: rédii mecum in mémoriam. *DE.*  
satin sánus es?

*NAV.* Au óbsecro, cave ne ín cognatam pécces. *DE.* 20  
non est. *CH.* né nega:

Patris nómen aliud díctum est: hoc tu errásti. *DE.*  
non norát patrem?

*CH.* Norát. *DE.* cur aliud díxit? *CH.* numquamne  
hódie concedés mihi,

Neque intélleges? *DE.* si tú nil narras. *CH.* pérgis?  
*NAV.* miror qui hóc siet.

*DE.* Equidem hércle nesció. *CH.* vin scire? at íta  
me servet Iúppiter,

Vt própior illi, quam égo sum ac tu, homo némost. 25  
*DE.* di vostrám fidem:

Eámus ad ipsam: una ómnis nos aut scíre aut ne-  
scire hóc volo. *CH.* ah.

*DE.* Quid ést? *CH.* itan parvam míhi fidem esse  
apút te? *DE.* vin me crédere?

Vin sátis quaesitum mi ístuc esse? age, fiat. quid?  
illa filia

Amíci nostri quíd futurumst? *CH.* récte. *DE.* hanc  
igitur míttimus?

*CH.* Quidni? *DE.* illa maneat? *CH.* síc. *DE.* ire igitur 30  
tíbi licet, Nausístrata.

*NAV.* Sic pól commodius ésse in omnis árbitror,  
quam ut coéperas,  
*Manére hanc; nam perlíberalis vísast, cum vidí,*  
*mihi.*

*DE.* Quid istúc negotist? *CH.* iámne operuit ósti-  
um? *DE.* iam. *CH.* o Iúppiter,  
*Di nós respiciunt: gnátam inveni núptam cum tuo*  
*filio. DE.* hem,

35 *Quo pácto id potuit? CH.* nón satis tutus ést ad  
narrandum híc locus.

*DE.* At tu íntro abi. *CH.* heus, ne filii quidem nó-  
stri hoc resciscánt, volo.

## ACTVS V. SCENA IV.

*ANTIPHO.*

Laetús sum, ut meae res sése habent, fratri ópti-  
gisse quód volt.

Quam scítumst, eiusmodí parare in ánimo cupidi-  
tátes,

Quas, cúm res adversaé sient, pauló mederi póssis?  
Hic símul argentum répperit, curá sese expédívit:

5 *Ego nullo possum rémedio me evólvere ex his túrbis:*  
*Quin si hóc celetur, ín metu; sin pátefit, in probro*  
*sim.*

Neque mé domum nunc réciperem, ni mi ésset spes  
osténta

Huiúsce habendi. sét ubinam Getam ínvenire pós-  
sim?

Rogem, quód conveniundí patris me témpus ca-  
pere iúbeat.

## ACTVS V. SCENA V.

*PHORMIO. ANTIPHO.*

*PH.* Argéntum accepi, trádidi lenóni: abduxi mú-  
lierem:

Curávi, propria ea Phaédria ut poterétur: nam  
emissa ést manu.

Nunc úna mihi res étiam restat, quae ést confici-  
unda; ótium

Ab sénibus ad potándum ut habeam: nam áliquot  
hos sumám dies.

*AN.* Set Phórmios: quid aís? *PH.* quid? *AN.* quid- 5  
nam núnc facturust Phaédria?

Quo pácto satietátem amoris áit se velle absúmere?

*PH.* Vicíssim partis tuás acturust. *AN.* quas? *PH.*  
uti fugitét patrem:

Te suás rogavit rúrsum ut ageres; caúsam ut pro  
se díceres.

Nam pótaturus ést aput me. ego me íre senibus  
Súnium

Dicam ád mercatum, ancíllulam emptum dúdum 10  
quam dixít Geta:

Ne cum híc non videant mé, conficere crédant ar-  
gentúm suum.

Set óstium concrépuit abs te. *AN.* víde qui egredi-  
atúr. *PH.* Getast.

## ACTVS V. SCENA VI.

*GETA. ANTIPHON. PHORMIO.*

*GE.* Ó fortuna, o fórs fortuna, quántis commoditá-  
tibus,

Quám desubito ero Ántiphoni ope véstra hunc  
onerastís diem?

*AN.* Quídnam hic sibi volt? *GE.* nósque amicos eíus  
exonerastís metu?

Sét ego nunc mihi céssó, qui non úmerum hunc  
onero pállio;

Átque hominem propero ínvenire: ut haéc quae 5  
contigerínt sciat.

*AN.* Núm tu intellegís, quid hic narret? *PH.* núm  
tu? *AN.* nil. *PH.* tantúndem ego.

*GE.* Ád lenonem hinc íre pergam: ibi núnc sunt.  
*AN.* heus, Geta. *GE.* ém tibi.

Núm novom aut mirúmst revocari, cúrsum cum in-  
stiterís? *AN.* Geta.

*GE.* Pérgin? hercle númquam hodie odio tú me vin-  
ces. *AN.* nón manes?

10 *GE.* Vápula. *AN.* id quidem tíbi iam fiet, nísi resi-  
stis, vérbero.

*GE.* Fámiliariórem oportet ésse hunc: minitátú.  
malum.

Sét isne est quem quaero, án non? ipsust. cóngre-  
dere actutúm. *AN.* quid est?

*GE.* O ómnium, quantum ést qui vivont, hómínium  
homo ornatíssume:

Nám sine controversia ab dis sólus diligere, *Ánti-*  
*pho.*

15 *AN.* Íta velim: set, quí istuc credam ita ésse, mihi  
dicí velim.

*GE.* Sátin est si te délibutum gaúdio reddo? *AN.*  
énicas.

*PH.* Quín tu hinc pollicitátiones aúfer, et quod férs  
cedo. *GE.* oh,

Tú quoque aderas, *Phórmio?* *PH.* aderam: sét t  
cessas? *GE.* áccipe, em,

Vt modo argentúm tibi dedimus ápod forum, recte  
ád *Chremem*

20 Súmus profecti: intérea mittit érus me ad uxorém  
tuam.

*AN.* Quámobrem? *GE.* omitto próloqui: nam níhil  
ad hanc rem est, *Ántipho:*

Vbi in gynaeceum íre occipio, púer ad me accurrít  
*Mida.*

Póne adprehendit pállio, resupínat: respició: rogo,  
Quámobrem retineát me: ait esse vétitum intro ad  
eram accédere.

25 *Sóphrona* modo frátrem huc, inquit, sénis introdu-  
xít *Chremem:*

Eúmque nunc esse íntus cum illis: hóc ubi ego au-  
divi, ád fores

Suspenseo gradú placide ire pèrrexí: accessi: ástíti:  
Animam compressi: aúrem admovi: ita ánimum  
coepi atténdere,

Hóc modo sermónem captans. *AN.* eú, Geta. *GE.*  
hic pulchérillum

· Fácinus audivi: itaque paene hercle éxclamavi gaú- 30  
dio.

*AN.* Quód? *GE.* quodnam arbitráre? *AN.* nescio.  
*GE.* átqui mirificíssimum:

Pátruus tuus est páter inventus Phánio uxóri tuae.  
*AN.* hem,

Quíd ais? *GE.* cum eíus consuévit olim mátre in  
Lemno clánculum.

*PH.* Sómnum: utn' haec ígnoraret suúm patrem?  
*GE.* aliquid crédito,

· Phórmio, esse caúsae: set me cénsen potuisse óm- 35  
nia

· Intellegere extra óstium, intus quae ínter sese ipsi  
égerint?

· *AN.* Átque hercle ego quoque íllam inaudivi fábu-  
lam. *GE.* immo etiám dabo

· Quó magis credas: pátruus interea índé huc egre-  
ditúr foras:

· Háút multo post cúm patre idem récipit se intro  
dénuo:

· Ait uterque tibi potestatem eíus habendí sé dare: 40  
Dénique ego sum míssus, te ut requírerem atque  
addúcerem. *AN.* em

· Quín ergo rape mé: quid cessas? *GE.* féceró. *AN.*  
o mi Phórmio,

· Vále. *PH.* vale, Antiphó: bene, ita me dí ament,  
factum gaúdeo.

## ACTVS V. SCENA VII.

PHORMIO.

Tantám fortunam de ínproviso esse hís datam.

Summa é ludendi occásiost mi núnc senes,

Et Phaédriae curam ádimere argentáriam;

Ne cuíquam suorum aequálium suppléx siet.

5 Nam idem hóc argentum, ita út datumst, ingrátis

Ei dátum erit: hoc qui cógam, re ipsa répperi.

Nunc géstus mihi voltúsque est capiundús novos.

Set hínc concedam in ángiportum hoc próximum

Inde hísce ostendam me, úbi erunt egressí foras.

10 Quo me ádsimularam ire ád mercatum, nón eo

## ACTVS V. SCENA VIII.

DEMIPHO. PHORMIO. CHREMES.

DE. Dis mágnas merito grátias habeo átque ago,

Quando évenere haec nóbis, frater, prospere.

Quantúm potest, nunc cónveniendus Phórmio est,

Priusquám dilapidat nóstras trigintá minas,

5 Vt aúferamus. PH. Démiphonem, sí domi est

Visam: út quod. DE. at nos ád te ibamus, Phórmio.

PH. De eadem hác fortasse caúsa. ita hercle crédidi.

Quid ád me ibatis? rídiculum: an verémini

Ne nón id facerem quód recepissém semel:

10 Heus, quánta quanta haec méa paupertas ést, tamen

Adhúc curavi unum hóc quidem, ut mi essét fides.

CH. Estne ita uti dixi liberalis? DE. óppido.

PH. Idque ádeo advenio núnctiatum, Démipho,

Parátum me esse: ubi vóltis, uxorem date.

15 Nam omnis posthabui míhi res, ita uti pár fuit,

Postquám tantopere id vós velle animadvérteram.

DE. At híc dehortatus ést me, ne illam tibi darem:

Nam quí erit rumor pópuli, inquit, si id féceris?

Olím cum honeste pótuít, tum non ést data:

20 Nunc víduam extrudi túrpest: ferme eadem ómnia

Quae túte dudum córam me incusáveras.

*PH.* Satis pól superbe inlúditis me. *DE.* qui? *PH.* rogas?

Quia ne álteram quidem íllam potero dúcere:

Nam quó redibo ore ád eam quam contémpserim?

*CH.* Tum autem Ántiphonem vídeo at sese amíttere 25

Invítum eam: inque. *DE.* tum aútem video filium

Invítum sane múlierem ab se amíttere.

Set tránsi sodes ád forum, atque illúd mihi

Argéntum rursus iúbe rescribi, Phórmio.

*PH.* Quodne égo discripsi pórró illis quibus débui? 30

*DE.* Quid ígitur fiet? *PH.* sí vis mi uxorem dare,

Quam déspondisti, dúcam: sin est út velis

Manére illam aput te, dós hic maneat, Démipho.

Nam nón est aequom mé propter vos décipi:

Cum ego véstri honoris caúsa repudium álterae 35

Remíserim, quae dótis tantundém dabat.

*DE.* In' hínc malam rem cum ístac magnificéntia,

Fugítive? Etiamnum crédis te ignorárier,

Aut túa facta adeo? *PH.* inrítor. *DE.* tune hanc

dúceres,

Si tíbi data esset? *PH.* fác periculum. *DE.* ut filius 40

Cum illa hábitet aput te, hoc véstrum consiliúm fuit.

*PH.* Quaeso quid narras? *DE.* quín tu mi argen-

túm cedo.

*PH.* Immo véro uxorem tú cedo. *DE.* in ius ámbula.

*PH.* Enimvéro si porro ésse odiosi pérgitis,

*DE.* Quid fácies? *PH.* egone? vós me indotatis modo 45

Patrócinari fórtasse arbitrámmini:

Etiám dotatis sóleo. *CH.* quid id nostrá? *PH.* nihil.

Hic quándam noram, cuius vir uxorem, *CH.* hém.

*DE.* quid est?

*PH.* Lemni hábuit aliam: *CH.* núllus sum. *PH.* ex

qua filiam

Suscépit: et eam clam éducat. *CH.* sepúltus sum. 50

*PH.* Haec ádeo ego illiám denarrabo. *CH.* óbsecro,

Ne fácias. *PH.* oh, tune ís eras? *DE.* ut ludós facit.

*CH.* Missúm te facimus. *PH.* fábulae. *CH.* quid vís tibi?

Argéntum quod habes cóndonamus te. *PH.* aúdio.  
55 Quid vós, malum, ergo mé sic ludificámini,  
Inépti vestra púerili senténtia?

Noló, volo: volo nólo rursum: cápe, cedo:

Quod díctum, indictumst: quód modo ratum erat,  
ínritumst.

*CH.* Quo pácto aut unde haec híc rescivit? *DE.* néscio,  
60 Nisi mé dixisse némini, id certó scio.

*CH.* Monstri, íta me di ament, símile. *PH.* inieci scrúpulum. *DE.* hem,

Hicíne ut a nobis tántum hoc argenti aúferat,  
Tam apérte inridens? émori hercle sátius est:  
Animó virili praésentique ut síis, para.

65 Vidés peccatum tuum hóc esse elatúm foras:  
Neque íam celare id pósse te uxorém tuam:  
Nunc quód ipsa ex aliis aúditura síit, Chreme,  
Id nósmet indicáre placabílius est.

Tum hunc ímpuratum póterimus nostró modo  
70 Vlscisci. *PH.* atattat, nísi mi prospicio, haéreo.  
Hi gládiatorio ánimo ad me adfectánt viam.

*CH.* At véreor ut placári possit. *DE.* bóno animo es  
Ego rédigam vos in grátiam; hoc fretús, Chreme,  
Cum e médio excessit únde haec susceptást tibi.

75 *PH.* Itane ágitis mecum? sátis astute. adgrédimini.  
Non hercle ex re istius me ínstigasti, Démipho.  
Ain tu? úbi quae lubitum fúerit, peregre féceris,  
Neque huús sis veritus faéminae primáriae,  
Quín nóvo modo eii fáceres contuméliam;

80 Veniás mihi precibus laútum peccatúm tuum?  
Hisce égo illam dictis íta tibi incensám dabo,  
Vt né restinguas, lácrumis si extilláveris.

*DE.* Malúm, quod isti dí deaeque omnés duint.



Tantáne adfectum quémquam esse hominem audácia?

Non hóc publicitus scélus hinc deportárier 85

In sólas terras? *CH.* ín id redactus súm loci,

Vt quíd agam ex illo prórsus nesciam. *DE.* égo scio:

In iús eamus. *PH.* ín ius? huc, si quíd lubet.

*DE.* Adséquere ac retine, dúm ego huc servos évoco.

*CH.* Enim sólus nequeo: accúrre huc. *PH.* una 90  
iniúriast

Tecúm. *CH.* lege agito ergo. *PH.* áltera est  
tecúm, Chreme.

*DE.* Rape húnc. *PH.* itan agitis? énimvero vocést  
opus:

Nausístrata, exi. *CH.* os ópprime. *DE.* impurúm vide,

Quantúm valet. *PH.* Nausístrata, inquam. *CH.* nón  
taces?

*PH.* Taceám? *DE.* nisi sequitur, púgnos in ventrem 95  
íngere.

*PH.* Vel óculum exculpe: est úbi vos ulciscár probe.

## ACTVS V. SCENA IX.

*NAVSISTRATA. CHREHES. PHORMIO. DEMIPHO.*

*NAV.* Qui nóminat me? *CH.* hem. *NAV.* quíd  
istuc turbaest óbsecro,

Mi vír? *PH.* ehem, quid nunc óbstituisti? *NAV.*  
qui híc homost?

Non míhi respondes? *PH.* hícine ut tibi respóndeat?

Qui hercle, úbi sit, nescit. *CH.* cáve isti quicquam  
créduas.

*PH.* Abi, tánge: si non tótus friget, me énica. 5

*CH.* Nihil ést. *NAV.* quid ergo est quód istic nar-  
rat? *PH.* iám scies:

Auscúlta. *CH.* pergin crédere? *NAV.* quid ego ób-  
secro

Huic crédam, qui nil díxit? *PH.* delirát miser

Timóre. *NAV.* non pol témerest, quod tu tám times.

- 10 *CH.* Egon tímeo? *PH.* recte sáne: quando níl times,  
Et hoc níhil est ego quod díco, tu narrá. *DE.* scelus.  
Tibi nárret? *PH.* eho tu, fáctumst abs te sédulo  
Pro frátre. *NAV.* mi vir, nón mihi dicis? *CH.* át  
*NAV.* quid at?  
*CH.* Non ópus est dicto. *PH.* tibi quidem: at scito  
huíc opust.
- 15 In Lémno. *CH.* hem, quid agis? *DE.* nón taces?  
*PH.* clam te. *CH.* eí mihi.  
*PH.* Vxórem duxit. *NAV.* mí homo, di meliús duint.  
*PH.* Sic fáctumst. *NAV.* perii mísera. *PH.* et inde  
filiam  
Suscépit iam unam, dúm tu dormis. *CH.* quíd agi-  
mus?  
*NAV.* Pro di ínmortales, fácinus indignum ét ma-  
lum.
- 20 *DE.* Hoc áctumst. *PH.* an quicquam hódie est fa-  
ctum indígnus?  
Qui mi, úbi ad uxores vénitumst, tum fiúnt senes.  
*NAV.* Démiphó, te appélló; nam me cum ísto di-  
staedét loqui.  
Haéc illae erant itiónes crebrae et mánsiones díu-  
tinae  
Lémni? haecine erat éa quae nostros mínuit fru-  
ctus vílitas?
- 25 *DE.* Égo, Nausistrata, ésse in hac re cúlpan meri-  
tum nón nego;  
Sét ea quin sit ígnoscenda. *PH.* vérba fiunt mórtuo.  
*DE.* Nám neque neclegéntia tua néque odio id fe-  
cít tuo.  
Vínolentus fére abhinc annos quíndecim muliércu-  
lam  
Eám compressit, únde haec natást: néque postilla  
unquam áttigit.
- 30 Éa mortem obiit, é medio abiit: quí fuit in re hac  
scrúpulus.

Quámobrem te oro, ut ália tua sunt fácta, aequo  
animo et hóc feras.

*NAV.* Quid ego aequo animo? cúpio misera in hác  
re iam defúngier;

Sét qui sperem? aetáte porro mínus peccaturúm  
putem?

Nón iam tum erat sénex, senectus sí verecundós  
facit?

Án mea forma atque aétas magis nunc éxpeten- 35  
dast, Démipho?

Quíd mi hic adfers, quámobrem exspectem aut  
spérem porro nón fore?

*PH.* Éxsequias Chreméti quibus est cómmodum  
ire, em témpus est.

Síc dabo: age nunc, Phórmionem qui volet lacéssito:  
Fáxo eum talí mactatum atque híc est infortúnio.

Rédeat sane in grátiam: iam súplici satis ést mihi. 40  
Hábet haec eii quód, dum vivat, úsque ad aurem  
ogániat.

*NAV.* Át meo merito crédo: quid ego núnc com-  
memorem, Démipho,

Síngulatim, quális ego in hunc fúerim? *DE.* novi  
aeque ómnia

Técum. *NAV.* merito hoc meó videtur fáctum? *DE.*  
minime géntium:

Vérum quando iam áccusando fieri infectum nón 45  
potest,

Ígnosce: orat; cónfitetur; púrgat: quid vis ámplius?

*PH.* Énimvero prius quam haéc dat veniam, míhi  
prospiciam et Phaédriae.

Heús Nausistratá, priusquam huic respóndes te-  
mere, audí. *NAV.* quid est?

*PH.* Égo minas trigínta per fallácias ab isto ábstuli.  
Eás dedi tuo gnáto. is pro sua amíca lenoní dedit. 50

*CH.* Hém, quid ais? *NAV.* adeón indignum hoc tibi  
videtur, fílius

Hómo adulescens sí habet unam amícam, tu uxores  
duas?

Níl pudere? quo óre illum obiurgábis? responde  
mihi.

*DE.* Fáciet ut volés. *NAV.* immo ut meam iám  
scias senténtiam:

55 Néque ego ignosco, néque promitto quícquam, né-  
que respódeo,

Príus quam gnatum vídero: eius iudício permitto  
omnia.

Quód is iubebit, fáciam. *DE.* mulier sápiens es,  
Nausístrata.

*NA.* Sátin tibi est, Chreme? *CH.* ímmo vero púl-  
chre discedo ét probe,

Ét praeter spem. *NAV.* tú tibi nomen díc quod est?  
*PH.* min? Phórmio:

60 Véstrae familiae hércle amicus, ét tuo summus  
Phaédriae.

*NAV.* Phórmio, at ego ecástor posthac tíbi quod  
potero et quaé voles

Fáciamque et dicám. *PH.* benigne dícis. *NAV.* pol  
merítumst tuum.

*PH.* Vín primum hodie fácere, quod ego gaúdeam,  
Nausístrata,

Ét quod tuo viro óculi doleant? *NAV.* cúpio. *PH.*  
me ad cenám voca.

65 *CH.* Pól vero voco. *DE.* eámus intro hinc. *CH.* fiat?  
set ubi est Phaédia

Iúdex noster? *PH.* iam híc faxo aderit. Vós valete  
et plaúдите.







Deacidified using the Bookkeeper process.  
Neutralizing agent: Magnesium Oxide  
Treatment Date: August 2006

## **PreservationTechnologies**

**A WORLD LEADER IN PAPER PRESERVATION**

111 Thomson Park Drive  
Cranberry Township, PA 16066  
(724) 779-2111





LIBRARY OF CONGRESS



0 003 047 797 2